


996/4.



ՀԱՄԱՅՆՈՒ
ՅՈՆԱՌԱՄԱՆՅԱՆ

ՀԱՄԱՅՆՈՒ

№ 2 (22)

119/4

62

1926

პრეტლუცარებთ ყველა ეყრდნობა, შერტდით!



ქართველთა
წიგლისწერთა
კავშირის კავშირი



9473.

№ 2 (22)

წელიწადი მესამე.



ყოველთვიური სამხატვრო, სალიტერატურო
და სამეცნიერო ჟურნალი

თ ბ ე რ ვ ა ლ ი

თბილისი. 1926 წელი



ქართული
ბიბლიოთეკა

გამომცემელი: | საქართველოს კულტურა-განათ-
ლების მთავარ-მართველობა.

ს. მ. უ. ს. პოლიგრაფიულ ტრესტის მე-3 სტამბა.
შეკვეთა № 958 მთავლიტი 351. ტირაჟი 3.000.



ქართული
ბიბლიოთეკა

მხატვრული ლიტერატურა

საქართველო
რუსეთი
დასავლეთი

ნახსოვი გულიდან

ძარღვები ფრჩხილებს ველარ გადურჩა:
მე ეხლა მკერდში გული ჩავკალი!—
გადამაშორე ამ ტკივილს ლურჯავ,
რომ გადავკარგო სივრცეში თვალი!

შემოტრიალდი ტორზე უეცრად,
ტან მოშვილდული ლაგამს მოჰყევი,—
და შორი გზების გადმოსაკეცათ
ჩასკიდე მანძილს მარჯვე ფლოქეები!....

ვხედავ რომ მუხლებს ხარბად მოდენი,—
გარბი, გულდები,—და შურდული ხარ!...
სამშობლო მიწავ!—ასე გშორდები,
ქორბუდა მთებო!—ასე მოვდივარ!..

შემოვიმტვრიე ყელზე თითები:
შემოსალტული ალერსი მშობლის!—
საკუთარ თვალში ვერ მოვთავსდები,
და ძველ სურვილებს გულიდან მოვთხრი!

უნდა მოვბრუნდე სიმძაფრით ისევ,
დედის კალთაში ვინ დაბერდება!?!—
—დედაო მიწავ, ფეხს რომ გაბიჯებ,
ვგრძნობ მამა-პაპის ძვლები იმტვრევა!—

და გადმოვიჭერ მძაფრი შურდული,
მთებიდან მთებზე გზა გაძირბოდა,
ცხენი ქარმუხლი; მიწას გაკრული,—
მანძილად მოჭრილ სირბილს ისროდა!!!

ასე მოვდივარ ტფილელი მოსკოვს,
სადაც გული სძევს ახალი ქვეყნის...

წარსულის ხავსით ვინ უნდა მოსპოს,
აზიის მზეში სისხლი ქართველის!?



კლდეების მუხლებს, შემოკვართული
შორდება ნისლი და ქარის ქროლა! —
შორს ბუნაგიდან ყელ გაგუდული
ხევმა მდინარე ამოისროლა!

აპობდა ლოდებს ზვირთები მტრული,
ხარბი ღმუილი ხევში გაგორდა! —
და ნაპირებზე გადმომტვრეული,
პიოგაბასრული თერგი გადმოხტა!..

და თუ დარიასს გადვიარ ცრემლით, —
არაგვის ქალებს გადაკარგული! —
შორს უცხო მთებში მეტის ხალისით
გადვიჩეხები თერგდალეული!!

ლურჯავ, წამოდექ ტორზე ნაპერწკლად; —
ტან მოშვილდული ლაგანს მოჰყევი,
და შორი გზების გადმოსაყეცათ
ჩასქიდე მანძილს მარჯვე ფლოქვები...

ხომ სულ ერთია არ დავბრუნდები,
დე, ნახტომებმა კვალი მოთხარონ! —
გზას გადმოსცვივდეს ცეცხლის ცრემლები,
სადაც კი ნალით დარტყმა დასტოვო!

ვხედავ რომ მუხლებს ხარბათ მოდენი, —
გარბი, გულდები, — და შურდული ხარ!..
სამშობლო მიწავ! — ასე გშორდები,
ქორბუდა მთებო! — ასე მოვდივარ!..

ძარღვები ფრჩხილებს ხომ ვერ გადურჩა, —
და მე ხომ მკერდში გული ჩავკალი! —
გადამაშორე ამ ტკივილს ლურჯავ,
რომ გადავკარგო სიფრცვეში თვალის!

წვიმიან დღეს...

ჩემს ვაჟს—გურამს.

ისე სწვიმს, თითქოს გურამი სტირის...
რა ტკბილი არის დღეს ყალიონი.
„გვეტაძის ბინა“ —ვილაცა ჰყვირის.—
კარებს მოადგა ფოსტალიონი.

ტყვესავით ვფიქრობ: ვის გავახსენდი,
ვილაცა არის, მოსცლია ალბად.
მაგრამ წერილი როცა გაეხსენი
ცრემლების თქემით ქალაღდი დაღბა.

სახლიდან მწერენ: რათ დაგვივიწყე,
შენს მოლოღინში დაგვწყდა გულები...
ბედჩაქოღიღი სინანულს ვიწყებ:
ამხმარა ჩემი ვაშღის რგულები.

ღღიღს ვარჩევ სიტყვებს, ნაღვეღში ნაღბანს,—
თურმე დეღაჩემს წამღობს მკითხავი.
შარშან ბავშიღით სწავღობღა ანღბანს
ჩემი ლექსები რომ წაეკითხა.

ეხღა თვალღებზე ბინღი აკვრღა;
ღა მამა-ჩემი მწერს დანანღებით:
წელს ციებამაც ხელი დაგვრღა.—
მოუწიეღელი გვრჩეღა ყანღები.

მოგვხეღე ბიქო! რას გვემართღები,
ჩვენს მეტმა ყვეღამ სახღი აიგო.
მეტი რა გითხრა, ჰო შვიღო მართღა,
ნათღიამ შენი ქირი წაიღო.

ხალხმა მოთავეთ ამომირჩია,
 მაგრამ შინ ვზივარ, ძროხა გვეყავს მაკეთ...
 თუ დედაშენიც მალე მომირჩა
 იქნება მაშინ გეწვიო მაქეთ.



ეროვნული
 ბიბლიოთეკა

მაგრამ სანამღი ვნახავთ ერთმანეთს
 ნუ გეწყინება, — თუ კი სწერ ვირზე, —
 ჩვენც გვიპასუხე, თორემ ღმერთმანი,
 სხვას მივსცემ მამულს, ან ავსკრი ძირზე.

ისევ სწვიმს, ელვა ბზარავს ცის კიდეს.
 წერილმა გული გამინადგურა.
 ასე მგონია, დავბერდი კიდეც
 და უკვე აღარ ვახსოვარ გურამს.

1925 წ. აგვისტოს 20.

მტკვარისტანი

გახედეთ: მტკვარი დამტვრეული მოდის ხროტინით,
ზაჰეს მზედარო! კვამლის ციდან ტყდება რკინები,
ლამე მუხლებში ილუნება ბეგემოტივით
და იკბინება ვარსკვლავების თეთრი კბილებით.
როს ალიონი გამინათებს გულის ნახევარს;
მზე გადმოდგება ჯაჰვ-გაწყვეტილ ამირანივით
რათ მიხარია ქალღმერთით ბედის დახვევა
და ხარბათ მოესვა პირმარლო მტკვარის ნაპირი?!
მტკვარი მოტირის ატივებულ ტალღების მტვრევით,
გველესაპივით მოგორაო და მოდუღუნე:
რა ვქნა, მე გული დამიხეთქეს ელვის ტივებით,
რა ვქნა, კისერზე მატეხავენ რკინის ურდულებს.
თუ მოგონება მართლაც არის სველი საბანი,
თუ ბავშობაში პეპლებივით დუმილს ვიკრეფდი:
თმების მაგიერ გამეზარდა თავზე ზამბარი
და ზამბარივით დაგრეხილი დამაქვს ფიქრები.
მოგიკვდე ბედო! ღამის ლანდიც თუ დაგიტოვონ,
საუკუნიდან არ მჭირია ღლის ჩამოხვევა,
ზაჰეს! ელვების და ურიცხვი მზის ბარიტონო,
ცა ვარსკვლავური დაიფინე ფეხ-ქვეშ ნოხებათ.
იქ ალბათ ვინმე გუშინდელი ღრუბლებს უმზერდა,
სადაც გორაობს დაგროვილი კვამლის გორები,
პერგამენტივით დაკეცილი დღე უმზედარო
ქუჩის ხმაურში დაიხაზა ქვის სტრიქონებით.
ვის უხარია მოლოდინი მწვანე ვარდებათ,
ჩაკვდი იმედო! ნუ დადიხარ გულში ქოშებით,
გაჰხედე ზაჰეს: წაიკითხე მზის დაბადება
და ვარსკვლავებით დაწერილი კვამლის დროშები.
სადაც ბლაოდა ბარაბანი ღრენით, ჩხავილით,



ქართული
საქმიანობა

სადაც ღრუბლების აქლემებმა შემოიარეს:
 აგდია ქუჩის მტვერიანი სუნთქვა ჩვარივით
 და საინივით დამტვრეული ხმა როიალის,
 წინეთ ამ გზაზე ყურანს წერდა წვიმა-ცისდარდი,
 აზიის ქარი ცივ-ღრუბლებით შლიდა კარაფებს,
 აქ ბინადრობდა სააკაძე—ქართლელი დათვი
 და ველურ ქშენით აჩერებდა ველზე ქარაფნებს.
 მტკვარზე დაჰკიდეს მზის მაგიერ ზაპესის გული
 და მტკვარისტანი ვარსკვლავებით გადაშლილია:
 ზეცა-ბუხარი ელვარედო იწვის გუგუნით,
 ყოველი ღამე მზით დამწვარი დღის ნახშირია.
 და ასე მოდის ღამეების გადაშენება,
 ეხ, ვინ რა იცის უბინაო ბინას სად ჰპოებს,
 მშობელო დედა! თუ ასეა, რა ეშველება
 სამეგრელოდან გამოპარულ უბედურ პოეტს!
 ჩქარია სუნთქვა და ღვედივით დღენი გარბიან,
 იფეთქებს გული ვულკანივით ამობერილი,
 გული გაქვს ხარბი და თვალებიც უფრო ხარბია,
 თუ ხარ ქალაქის ცხოვრებიდან ამორბენილი.
 დღესაც ქალაქის სართულიდან მთის ქიშკრებს ვხედავ,
 ყურში ჩამძახის მავთულივით სოფლის ურმული:
 —დარჩი სოფელში—გარინდებით მეტყობდა დედა—
 მტვერში სიცოცხლე ხანმოკლეა და გამურული!
 რა ვქნა, რომ გულმა გაგორება ისევ მინდაო,
 ჩამაცვეს ფიქფრი და ფიქრებში ყოფნა მარბუებს,
 ახალგაზრდობავე, სიხარულის ბურთო ფრინდაო,
 ბედის ლელოზე გაგორებულს ვინ დაგაბრუნებს?!

ტფილისი
 იანვარი
 1926

უახვედრა

ჩემს წინ იშლება ნისლი და თოვლი,
ქარი ჩვარივით ბინდებს მოათრევს:
ვიცი, ამაღამ ცა სულ ჩამოვა
და მოხუცივით ხელს ჩამოგვართმევს.

მიუალერსებს დიდიხნის ნაცნობს,
აკაკის ძეგლთან მუხლებს მოიდრეკს:
მე შემთხვევითი ვიქნები მოწმე,
თუ სიხარული ვით გადმოინგრეს.

და შემომხედავს აკაკის სახე,
მე თითქოს თვალებს ვერ გაუსწორებ,
მეტყვის:— შორს დგომით აბა რას გეეხარ,
მოდი, ამ ზეცას ძუძუ მოწოვე.

თორემ რა არის შენი სიმღერა,
თითქოს მავთულზე გარბოდეს ქარი;
ხმა გაგიხმება ჩალის ღერებათ
და სამშობლოში ვერ გაიხარებ.

დიდო აკაკი, რატომ მაყვედრით,
თქვენს თვალში სხვა ცა გადახსნილია;
სცადეთ გრიგალში თქვენც დაიყვირეთ
და ხმის სინაზეს თუ გამოიხსნით.

თქვენს გულს ათასი ვინმე უვლიდა,
შემოღამებას შლიდით ბალებთან;
ჩვენ კი გვდიოდა სისხლი გულიდან,
როცა სარდაფთა კარებს ვაღებდით.



დიდო მოხუცო, მიხვდებით ვიცო, რა მოხუცობაა
 თუ ჩვენი ხმები რატომ დაშორდა; შინა-შინაობა
 ჩვენ ერთნაირათ ვით გავიცინოთ, შინა-შინაობა
 როცა ეს გული ქუჩებმა შობა.

ნუ მემღურები: ეხლა სამშობლოს
 თუ ცა-ფირუზი ვერ დავახურე,
 გავიდეს წლები... მეც გავიშალო...
 თითონ ვით ზეცა მოგინახლდებ.

თებერვალი

ალექსანდრე ქუთათელი.



ქუთაისი

(ნოემბერში).

ლეღვის ღეროდან
გაიმღეროდენ
ფრთა-მოქარგული ძალაღურები
და გაფურებდი
აივნებიდან
მე, ადევნებულ რიონზე ველებს.
რიონი მწვანე ჭალებს ასველებს.

ჩემს წინ იშლება წინაველი ღვართა სარბევი,
კალთებზე ვაზი და სოფლების ბუდე-კარვები,
ფერად-ფერადი სიმშვენენი: ფერსათი, დიმი...
ცისკენ შუბივით ამართულან მთები — შუბანი,
უკან — უშბაა: დიდ ორბების ფართო ნადიმით
და მოაქვს რიონს სვანეთიდან ხნიერი ბანი...

ეხლა ყვითელი, უიმედო, შენელებული
იდგა სხივების ზღვა და ხაზირი;
ხეებზე ვაზის
ფოთოლი არ ზის
და მტკივა გული.

ვით სამსხვერპლოდან ბოლი აბელის..
ოდინდან აღის ანაბოლი ცით ამაღლება,
მირბის ღრუბელი ღუნღლიანი ვით სირაქლება,
გულს მიჩრდილავდა მათი ფარდა, და კრეტსაბმელი.
ჩამონგრეულა მთაზე მარადის
ნაშენი ქვითა ქუთაისი ძველი, მაგარი..
გულს გარინდული ფიქრთა ხმაურით
ნოემბრის ციდან ეცემა ურო

და იცინოდა, როგორც პირიმზე
ქარვის ფოთლებზე, ფოთოლზე მცირე
ძმა—ცირეკიძე

.



ლელვის ღეროდან
ქარი მღეროდა;
გამოლეოდა მალაღურები
და გავყურებდი
აივნებიდან
მე, აღევნებულ რიონზე ველებს.
რალაც უცნაურ სიმღერას ველი!

თეთრო ქალაქო, თმა-ხუჭუჭავ პატარა ბავშო,
რაი გიმღერო თეთრ ლოდებით გარემოცული?
ბარემ ვაცალო მე რიონის ტალღებს თამაში,
რომ სიმღერებით მან დასცალოს მღელვარე გული!

ო, მეგობრებო, მებრალება მე ქუთაისი
თეთრ აკაკივით მოლიმარი და სამაისო..
მაგრამ სამისოდ არ იმღერის ამაღამ ქარი:
ბუ და ქოტები, აჯამეთში გაჰკივის ტურა,
მისტურ ლაქით გაღვარული მიცქერის მთვარე,
ტყე ავადმყოფი, ლანურებით სავსე ფუტურო...
აჰა, მოვიდა ნოემბერის ცივი ბორია,
ჰბორგავს გუგუნებს ქუთაისთან ტყე—საღორია!

ქ. ქუთაისი.

1925 წ. ნოემბერი.

„წმინდანიანი,“ „შავი ვარსკვლავი,“ „გარდაცვალება.“ — ეს ერთი მთლიანი გზაა პროეტის და ადამიანის. ამ გზაზე არ იყო არც დრო და არც ადგილი დასვენების და, რაც ჩემთვის მთავარია, — არ იყო სიყალბე და კომპრომისი. პროეტიაში მე მივყვები მხოლოდ საკუთარ გულს და, ალბად, ესაა მიზეზი, რომ მე როგორც პროეტი, ჩამოვრჩი დღევანდელი ამბოხებული დროის აქტუალობას. როგორც პროეტი, მე შესაძლებელია, დავრჩე წარსულში.

მაგრამ მოქმედების, გამბედაობის და სიცოცხლის ლოდიკამ მე გამათანასწორა თანამედროობასთან, როგორც ადამიანი.

შეიძლება მომავალში ეს ორი პარალელი შეერთდეს. მე არ ვიცი. ვიცი, რომ ამ წინააღმდეგობაში ჩავარდნილია მთელი ჩემი დრო. და პროეტისთვის ეს წინააღმდეგობა ხშირად თავდება კატასტროფით.

ვეფიქრობ — დასასრული ჯერ შორსაა და თუ პროეტია და მოქმედება მაინც ვერ შეერთდა, — ეს ორი ცნება ერთ სიმალღემდე მაინც უნდა იქნას აყვანილი. ეს კი მოითხოვს უკულმა შეფასებას: პროეტისას — დღეს, ადამიანისას — მომავალში, რაც, ბოლოს და ბოლოს, სულ ერთია, თუ ადამიანის ამბავი გაყვა საუკუნეს, როგორც პროეტა.

ნიკოლო მიწიშვილი.

1926 წელი. იანვარი.
ტფილისი.



გარდასვალა.

— პოემა —

სტამბოლი

1.

უცხოეთი. სტამბოლი. შავ ზღვას გაღმა—საქართველო.

ადგილი, სადაც სტიროდენ ქართველები ისტორიულად და გაპყურებდნენ პონტოს: დიოსკურიამდე. ამხელა მანძილი და ამდენი ხანი. ეს კმარა იმისათვის, რომ ითქვას ყველაფერი. იწყება ახალი და უჩვეულო. ამ ჩვენების წინაშე უნდა აღიმართოს წარსული. გადიფეროს სახეები. დალაგდეს დღეები დაცვენილი.

* * *

მეორე რომი—გადაჭრილი ნამგალათი. ნათგალა—მოხრილი ცხენის ნალად და გზა ნალზე გადარებული. ცოცხლდება ყველაფერი, როგორც სიზმარი სინდბადის. გადმოდის მალლიდან ლოცვა და—ანგელოსი გაშლილის წიგნით. ეს წიგნი, ჯერ წაუკითხავი და აუხსნელი—ჰბინდავს მზეს და, ამ ბინდში მუხლმოყრილი, ვიმეორებ ნე ძველ ფიცს და აღთქმას შორეულს. მას ეხატავ აქ, როგორც პირობას—დასტურდაცემულს. დადგინებულს ჩემით—ჩემზე. ესაა ყივილი. გათენება ეკითხოს ღმერთს.

ამიტომ იწყება ლაპარაკი საკუთარ თავთან. იწერება დასაწყისი მისა, რაც იყო. დასასრული ბნელია და სქელი, როგორც ღამე ტროპიკებზე. როგორი იქნება იმის ბოლო, რაც აქ იწერება დასაწყისად. შეხვდება ეს თავი და ბოლო მსგავსებასა და ერთნაირობაში, თუ შევსდლებ შეცვლას, შებრუნებას—ესაა ნება ღვთის.

* * *

ავტობიოგრაფია არ ეპატიება არავის. და მე არასოდეს არ დავწერ მას. აქ იწერება მხოლოდ ქირურგია სულის და სახე—მორგში. ამბავი ფიზიკური ყოფნისა არის ანეგდოტი. უხეირო და მჩატე ეპიზოდი, რომლისათვის სივრცე პოლიციის პროტოკოლის საკმარისია ყოველთვის. არის სხვა, რისთვისაც სცხოვრობ და რაც გაცხოვრებს.

«კურთხეულ არს სახელი შენი.»

და ეს სახელი არის ჩემთან. ყველაფერი მისგანაა და მის მიერ, ის დამი-
ფარავს მე და სახე მისი იქნება ჩემთან.



ქართული
ბიზნესის

4

მეოცე წელი საუკუნის. ლექსი — დასტანბული. ქორონიკონი. აქედან იწ-
ყება ყველაფერი და ჩნდება სიტყვა, მონაბერი ღამისაგან. ფესვი ამ სიბნელის.
დაფარულია ყველასთვის. არც ეხლა გაეახელებ მე ამ საშინელებას, რომელმაც
მისროლა ნაპირზე, როგორც იონა — ვეშაპში. არცაა ეს სავალდებულო. პოეტი-
სთვის სავალდებულოა ამბავი ღვთისა და პოეზიის. ეს ამბავი დაიწყო აქედან.
გაჩნდა მეხსიერება და ის, რაც არ დაიკარგება არასოდეს.

ტფილისი პირველად. გზა პოეზიისაკენ, როგორც გზა — დამასკომდე და
ფერისცვალება ძელების. აქედან გაიშალა წლები, როგორც გარდამოხსნა, კრი-
ლობა ძმარგადასხმული. ყოველთვის მდუმარე. არასოდეს გახარებული. უკმაყო-
ფილო ყველაფრით და იქვიანი, როგორც ურია, — ვიდექი მე ასე: ღრუბელი გა-
ფიტული. ღრუბელი სველდებოდა სხვისი ცვარით. სხვისი ალტაცებით. სხვისი
სიხარულით: მე არასოდეს არ ვყოფილვარ ბავში და გამსრისა მან, რაც იყო
პირველ ლექსამდე.

* * *

პოეზია გახდა იორდანედ. სურვილები მოგრეხილ დღეების ანთო სახედ
მეშვიდე ანგელოსის.

პოეზია გახდა შინაარსი. უკანასკნელი და პირველი ხშიადი. ცოცხია —
ნუგეში. სურვილი. სიყვარული და სიმწარე საზღვარეული.

* * *

უხმო. უსიტყვო. უსიხარულო — ვიმალებოდი მე ამოგლეჯილის ენით და
ვმაღავდი: — უბედურებას — ჩასრესილ გულში. არ იყო კედელი და მიკედლება.
არ იყო ტოლი. ძმა. არ იყო არავინ.

* * *

სხვასთან მისვლა ნიშნავს — მიტანას. მიჭხარებას. მიტანა სიხარულის გა-
მართლებულია ცამდე. მისვლა უბედურებით — არის იგივე უბედურება. და გამო-
ჩენა მისი ძნელია და მძიმე იმდენათვე, რამდენად საშინელია ტარება მისი.
ამიტომ ვიდექი მე მარტო და ვიხრებოდი აქლემის კუზად — მიწამდე.

* * *

მეშჩანობა. გენიალობა. ფილისტერობა. პოეზია — მიმატებული ერთი მეო-
რეს და გამრავლებული სიცოცხლეზედ იძლევა მაინც სიხარულს. სიხარული
იღვრებოდა ჩემს გარშემო, მაგრამ ის არ იყო ჩემთან. მე აყრილი მქონდა
უფლება მივკარებოდი იმ ოსანნას, რომელიც ჭერამდე ავსებს ყველაფერს მზის
ქვემოდ. მე ვგრძნობდი, რომ დაბადებითვე მოიწამლა ჩემი არსება საშინელი

ხრჩოლვით. დამემთხვა თავს ჩვენება: დასერილი—თვალების და ამოძირული სიხარულის. გაუმთბარის და უსინათლოსი. ვხედავდი — მაკლდა გრძნობა უმთავრესი. გრძნობა დიდი და მთავარი, რომელშიაც სცურავს ალამბანს, როგორც ჰაერში.

* *

საშინელია დარწმუნება, რომ ვერასოდეს ვერ იგრძნობ სიხარულს. და მთელი სიცოცხლე იქნები ერთნაირი. უფრო განმანადგურებელია შეგნება, რომ ეგ უსინათლობა და ერთნაირობა იქნება უმწარესი და განაწამები. ადამიანს სჩვევია მასკა. ჩაცმა ახალი სამოსელის არაა მართო კარნახი ჰიგიენის. აქ არის სურვილი მიუღწევლის და მუდამ განუხორციელებელი ცვალების და ილუზია განახლების. მე წარმოდგენილი მაქვს განცდა ადამიანის, რომელიც ყოველწლივ იცვლის სახელსა და გვარს, როგორც გველი—პერანგს. ეს ფანტაზია, რომ დაკანონდეს, შეიძლება ახალ პასპორტთან ერთად ყოველწლიურად განახლდეს თვით ბუნება მისი პატრონისა და, ვინ იცის, შეიძლება კაცობრიობამ დაგვანახოს სულ სხვა გვარი სახე. ჩემგან ოცნება მოწყვეტილი იყო. მე ვიცოდი მხოლოდ ერთი, — რომ ცხოვრება მოწაძლული სისხლით შეუძლებელია, და სიარული ასეთის ბედით—უსაშველო. სხვა ბედი კი არ მეწერა და განვიძრახე საქმე უხერხული:

დაბადება ხელმეორედ.

შეცვლა ფიზიოლოგიური.

* *

ეს რომ იყვეს ლიტერატურა—აქ ითქმებოდა ბევრი სიტყვა და არც ერთი ნიშანი გრამატიკის არ დარჩებოდა უსაქმოდ. ამ სიტყვების თქმას მე შევძლებდი და ამ სიტყვებს მე ვნახავდი. შეიძლება მაშინ ჩემი აზრი, — ამ უამად მიახლოებული შეშლილის დიალოგთან, — უფრო გასაგები დარჩებოდა გონიერ ხალხისათვის. საბედნიეროდ, მე აღარა ვარ პედაგოგი და გაუმბრალოება გაუგებარის ჩემთვის სავალდებულო აღარაა. შეიძლება ლაპარაკი ამის შესახებ იყოს აბსურდი. მაგრამ ჩემთვის საკმარისია თუნდაც ის, რომ ეს აბსურდი იწყება ბიბლიიდან და ავსებს ეგვიპტეს ასსირიამდე.

* *

ჯერჯერობით ლოლიკურია მხოლოდ ცოხნა. პირდაპირი ხაზი კი მოსედან ლაპლასამდე არის ასეთივე აბსურდი, მოკლებული ლოლიკას. მაგრამ ის ანათებს, როგორც მიღწევა უკანასკნელი და როგორც უკვდავება. ჭეშმარიტება და ამბავი სიკვდილ-სიცოცხლისა იწერება ლოლიკისა და გონიერების იქითა მხარეს. და თუ ქვეყანაზე არსებობს მშვენიერება, — ამის მიზეზია გადარეულები.

* *

გონიერება ადამიანის ბუნებაში ახალი სტუმარია. ადამიანი, როგორც

ენერგია, როგორც სტიქია და ბუნტი, არის კატეგორია გადაადრძნის და შე-
ძლილობის. წუთები უმაღლესი გამძაფრების მოკლებულია გონიერებას. მე ვი-
დები გონიერების საზღვარს გადაღმა და თანდათან ვშორდები მის.

გადადნობა სისხლის.

დარღვევა უჯრედების იერარქიის.

ეს იყო ფაქტი და ეს იყო მიზანი. თუ მინდოდა სიცოცხლე—ეს უნდა
ქმნილიყო. სიცოცხლე მინდოდა, როგორც არავის და მოკვდინება ასეთგვარი
უნდა მომხდარიყო. აქ სდუმდა გონიერება და არგუმენტი. ასე გადავისროლე
თავი საკირეში. ასე გავთხარე კუბო საკუთარ ძარღვებში.

* * *

შეიძლება ეს იყო მოვლინება ეშმაკეულის. მე არ მჯერა ეს დღემდე, რა-
დგან ვიცი—ჩემთანაა ღმერთი. ყოველი დღე ღამდებოდა ლოცვით და ჯვართ
ღმერთი იყო ჩემი ფუძე და ძალა ურყეველი. ჩაკიდებული ღვთის კალთას,—მე
ვიყავი დამკვდარი მის ნატერფალზე. მას შემდეგ ჩამოთოვა წლებმა და ამ
წლებში გრძობა კმაყოფილების იყო მხოლოდ ერთხელ: „ეს სახე თანდათან
ემსგავსება პოეტის სახეს.“ ფრაზა თქმული უფრო კონკრეტულად, ვინემ აწ
იწერება. აქ იყო ჩემთვის ნიშანი.—გარდაცვალება ხდებოდა. გარდაცვალება
მთლიანად,—ეს იყო საზღვარი. და ეს ფიცი ვესროლე ღამეში მე ჯერ დაუბადე-
ბელ ჩემ თავს—შორიდან მომავალს.

* * *

გარდაცვალება არ ნიშნავს სიკვდილს. შეიძლება მარტო ამ—ასტრალური
სიტყვის შესახებ დაიწეროს ყველაზე ფანტასტიური წიგნი ქვეყნად და ამ წიგნს
დაერქვას სახელად „საქართველო“. ქვეყანა, დამდგინებელი ამ შეგნების და შემ-
ქნელი მისი—ანათებს, როგორც თანაბარი ღვთისა. გასაღები უკანასკნელი სა-
სწაულის და თილისმა უკვდავების ჰკიდია მას წელზე, როგორც სატევარი
მხედარს.

* * *

საქართველო წარმოუდგენელია სიკვდილში. ის მხოლოდ იცვლება და ამ
გარდაცვალებაში ბრუნავს, როგორც ასტრალური პოტენცია, როგორც პირვე-
ლი ენერგია, ლეონარდოს რო აბრმავებდა. ეს პოტენცია ავსებს აზიას ისტო-
რიამდე და ებჯინება პამირიდან პირინეებს, როგორც ჩვენება იოანესი. ამ გარ-
დაცვალებაში მე ვგრძნობდი თავს შეილად ქართულის უკვდავების. ვყრიდი
ჩემს ხორცს. ვცვლიდი სისხლს და ვცვლიდი ჩემს თავს, როგორც გატენილ ზამ-
ბულაკს.

* * *

ასე ვირყეოდი ყოველდღე და ყოველი დღე იშლებოდა ჩემს წინ სხვანაირად.
ვასწორება სიარულის. მისგლა გულით გულთან,—ეს იყო დაფარული ჩემთვის. და

ვიყავი დაშთენილი მღუმარებად არ თქმულა ერთი სიტყვა, ერთი სადღევრ-
ძელო: მეშინოდა უბედურების, ჩენს სისხლში ჩაკირულის და ჩასრესილის. ვგრძნობ-
დი—ამოვარდებოდა ის, როგორც ტირილი კედელში ჩაკირულმა ხეობის. დაუ-
მკვიდრებელი ყოველთვის. ფერნაცვალი ყოველდღეს და გაწილბუღი ყოვე-
ლის ღამით—მე ვიყავი უნდობელი ყველასათვის; ჩემი მეგობრობა ყველასთან—
აშლილი და მოგოეხილი, როგორც ღვლეტი. მაგრამ ჩვენება ჩემთვის მარტო აქ
იყო. მხოლოდ აქედან ვხედავდი თრთოლვას ჩემი დაცვენილი სახეებისას. ბრუ-
ნვა განახლებისა და გარდაცვალების მოსჩანდა მხოლოდ აქედან.

* *

მე ვწონიდი ქვეყნიერებას ყოველდღე და ვზომავდი ყოველდღე განვლილ
ზღვათა სივრცეებს. ალბად ამიტომია. რომ ჩემს მაგიდაზე ყოველთვის სძევს
მეტრი. ვხედავდი პოეზიას და უფრო ახლო ჩემს მეგობრებს პოეზიაში. მათში
იყო სიცოცხლე. მზე. ბედნიერება. მათში იყო ხილვა სიხარულის და, ალბად,—
გამართლებული და ნაკურთხი პოეზია—იყო მათთან. ჩემში იჯდა სიკვდილი.
ღამე. უბედურება. უსიხარულობა და უსაშველო „უ“ აქედან-მიუღებელი და
ღვთისაგან უკურთხებელი პოეზია ჩემი. პოეზია—ამძაფრებდა ამ გრძნობას. ეს
ახურებდა ტვინს. იდრიკებოდა ურდულები გონებისა და, როგორც სახედარი,
მივეთრევოდი აღსასრულისაკენ. მკვლელი. ჯალათი. ყასაბი საკუთარის თავის.
აღქიმიკოსი და ტყვია-გადამდნარი საოცნებო ლითონად—ეს უნდა მომხდა-
რიყო და ეს უნდა მოხდეს.

* *

ჩემი გვარი იყო მკედელი შვიდასი წლის მანძილზე დღემდე. ამ საუკუ-
ნეთა ძირში კი ზურგს მიმაგრებენ ჩემი წინაპრები შუამდინარედან: პირველი
მკედლები და მწერლები მწერლობამდე. ჩემს მოდგმაში არის უცნაურობა გა-
დადნობის. და თუ აქ არაა განხორციელება აღქიმიის ოცნებისა,—აქ არის
დასაწყისი ცვალების და გარდაცვალების. ჩვენს გვარს მოსდგამს ძველთაგან
დამწვარი, გადამდნარი სპილენძის სახე. ჩვენ გვესმოდა ამღერება ცეცხლის.
მეწამულობა ცეცხლის და ჩვენ დღემდის ვაღბერთებთ ცეცხლს. მე მახსოვს
ბავშვობა და ახალი წელი სოფლად. მახსოვს რიტუალი სამკედლოში—როცა მამა
ჩემი დაანთებდა სანთელს რქიანი გრდემლის მაგარ შუბლზე. მეტალურგია და
შინშხალი ცეცხლის მოდის შორიდან და ამ ცეცხლს მივეცი მე საკუთარი თავი.

* *

ასე ვკვდებოდი აღდგომის გულისათვის. და მიმყვებოდა იმედი ღვთისა.
მრწამს—ღმერთი დაბიფარავს მე. ისაა სასწორ-სამართალი. სიბძნე და სიცოცხ-
ლე უშრეტელი. სიმართლე ჩემია და ღმერთიც მიმყვება მე.

რამეთუ შენი არს სუფევა ძალი და დიდება.

რითი გათავდება ეს ამბავი. რა სიტყვით მივალ იმის ბოლომდე ეხლა

რომ ვსწერ დასაწყისად—მე არ ვიცი. და იქნება ვერასოდეს ვერ გავიგებ
ამას. ვიცი მხოლოდ, რომ მე მწამდა ქვეყანა და მწამს, როგორც ჩემი თავი.

* *

ბიზლიოსევა

მიდიოდა წლები და ჩემი ცხოვრების „უ“ გადაიქცა წმინდანიანად. ეხ-
ლა მივსჩერებდით ჩემს წიგნს. თეთრ წიგნს. სისხლით რომ დაეასტამბე სათაუ-
რი. მე მაშინებს ეს წიგნი ეხლაც. აქ ყოველივე სტრიქონი არის ლახვარი,
დანასობი გულზე. სამართებელი—გამომძარღველი ჩემი სხეულის. ყოველი ბწყარი
ამ წიგნის—სიბზე დანარცხებაა ჩემი თავის და აშივლება გადმონთხეული ტვი-
ნის. ამ გახეთქილ თავიდან უნდა გამოიდენოს დაუწყნარებელი წივილი საში-
ნელი ბედის. ჩემი უბედობის. ჩემი ცხოვრება—გაცხრილული და გადარჩეული,
სავსებით მოკლებულია მოქმედებას. თეატრს. ფაბულას. თითქოს დაუჯერებე-
ლია ასეთი გრძნობა უბედურების. ხშირია კატასტროფა ადამიანის ბუნებისა,—
ადამიანს ანადგურებს ეს ქარტეხილი. ხდება ხშირად დატეხვა და აფეთქება
მარადიულისა ადამიანში და ეს ანახშირებს სულს. ასეთი ტეხილებით ღარიბი
ვარ მე. მაგრამ არის სხვა რამ. თითქოს ჩემი სისხლი და ყოველი უჯრედი
ჩემი სხეულისა თავისთავად იმუშავეს ამ ტკივილს. თითქოს დაბადებითვე
დამკბინა მე მითიურმა გველებმა და ეს შხამი ჩაირეცხა ჩემი სისხლი დენაში
საუკუნოდ. გველის პერანგი, გადაცმული ჩემზე, მაკივლებს მე უბედურებით. მე
არ ვიცი რაა ეს. მხოლოდ ვიცი—ეს არაა მიზეზი დამარცხებული ნივთიერე-
ბის. მე ვარ ჯანსაღი და მამაკაცი სრულიად. არის სხვა. ყოველ შემთხვევაში
უფრო რეალური, ვინემ მეტაფიზიკა, უფრო ნივთიერი მეტაფიზიკაზე, დამა-
ჯერებელი იმდენად, რამდენადაც დამაჯერებელია ფრანკფურტელი განდგეი-
ლის მეტაფიზიკური ფიზიოლოგია და ფერის ცვალება ნივთების. ამაზე დამ-
ყარდა განჩინება:—ეს სისხლი უნდა გაშრეს. ეს ხორცი უნდა შეიცვალოს. თუ
ეს არ მოხდა—მოხდება სხვა. საშინელი და უარესი, რაიც გადააჭარბებს სა-
კუთარ თავს. საქმეა მოსწრებაზე.

* *

ასე ჰკივის უბედურება ამ წიგნში. არის შიგ ატირება, მაგრამ არაა
ცრემლი. შეიძლება ცრემლი ბანალობაა. ალბად. მაგრამ საჭიროა სიხარული.
სიხარულმა იცის გადმოტეხა ცრემლის. ადამიანი ამ დროს ჰკავს მსუყე მიწას,
წვიმისაგან ასურნელებულს. მიწას დემეტრას. მიწას შეილიანს. ეს წიგი კი
არის ხრიოკი. მაზე არ ჩერდება სისველე ცხოველი და ჩამოდის ძირს აჩქარე-
ბულ ღვარად. შეიძლება ის ჰკავდეს უდაბნოს, როცა მას უნდა მიაგებოს დამწ-
ვარი სახე წვიმას, ცაში რომ იღვრება, მაგრამ ქვიშამდე, რომ ვერ უწევს.

ასე ვწივი მე და ვითხოვ—წყალს. ნეშოს. ჩრდილს და სოველ მიწას.

* *

მაგრამ ეს წიგნი, ყველაფრის გარდა, არა ვარ მე. ეს წიგნია ის, რასაც
მე ვკლავ. რაც მე არ მინდა, რომ ვიყვე. „წმინდანიანი, როგორც ლიტერა-

ტურული ამბავი რომ მე არ შემეხება. აქ კი განსაკუთრებით ზედმეტია სიტყვა მაზე. ყოველ შემთხვევაში, ვიცი რომ მე დაერჩები. და რომ ეს ფაქტი დავუხატე ჩემ წინ— მე შემწევს ძალა დაფამტკიცო პოეტი ნიკოლოზ მიწიშვილი, რომელიც ამჟამად პოეზიაში. დღეს კი ეს წიგნი ჩემთვის დოკუმენტია. ესაა კომპრომისი მისადმი, ვისაც ვკლავ და ვებრძოლები. ეს წიგნია ის სიტყვა და სიტყვები, რომელსაც მე ვიტყვოდი, ლაპარაკი რომ დამეწყო. ამ სიტყვებით ლაპარაკი მე არ მინდოდა. ამ სიტყვებს მე ვახჩობდი სხვა ამეტყველებსა და შემოქმედების გულისათვის. ეს წიგნი ჩემთვის ზღვარია—თუ გავიძარჯვე ჩემს თავზე, ის იქნება მოგონება უბედური პირველისა და თუ ეს არ მოხდა—დეე ნახონ სხვებმა, თუ რამ გაანახშირა სული ნიკოლოზ მიწიშვილის. მაშინ ეს წიგნი იყოს ხელნაწერი, ნახული ბოთლში.

ამ წლებმა შესცვალეს ბევრი. თითქოს გაიმართა გზები. მაგრამ არ მოხდა უმთავრესი. ამიტომ ყოველგვარი მიღწევა მოსჩანდა, როგორც სიზმარი. მხოლოდ ერთი კაცი—პოეტი—ხედავდა ჩემში მაზე მეტს, რაც უნდა სკოდნოდა სხვას. მხოლოდ მან იგრძნო საშინელება ჩემში. ჩემი უბედურება და უსიხარულო „უ“. მაგრამ ჩემთვის ეს იყო მხოლოდ ნიშანი სამწუხარო. ნიშანი, რომ შორსაა გამარჯვება.

* * *

მადლო ლამეების, გათენებულების ლოცვებში,—ნუ დამტოვებ შენ. ვიკრებდი ღონეს უკანასკნელს. როგორც დანაყული, ცოცხალმკვდარი—ვიდექი მე. იყო წუთები უკანასკნელი გამოთხოვების. და ვგრძნობდი—დავარდებოდა გველის პერანგი. სისხლი ჩემი დაიქცეოდა სიტკბოებად, როგორც ბროწეულის წყარო. წმინდანნიანი კისერმოგრებილი ბარბაცობდა სიკვდილით. მაგრამ დაეცა არა ის. სიყვარული, როგორც სატევარი მოხვდა გულს და წავიქეცი მე შეცდომილი.

* * *

სიყვარული არის მიღწევა. სიყვარულია რწმენა და რწმენა, თუნდაც მისხალი—შესძრავს მთებს. ესაა ღვთაებრივობა სიყვარულის, მუდამ მართალის და გამართლებულის თუნდაც იმით, რომ ის ყოველთვის აღწევს მიზანს. შეიყვარეთ რაც გინდათ. შეიყვარეთ ვინც გინდათ და როგორც გინდათ—ოლონდ შეიყვარეთ და სიკეთე დაგადგება თქვენ. ესაა სიმართლე ცოცხალთა. და ეს სიმართლე დამადგა მე როგორც გრაალი და როგორც რუსთაველი. დამაძინა მან და გააღო სხული დაბეჭდილი: ვნახე—ღია გულს დააცხრა აყვილებული ყორანი. ჩამოდგა უბედურება დამძიმებული და ნათელი—შავი მზის. წმინდანნიანი ბორკილდანადები დამეუფლა მე განმეორებით. ასე აღსდგა მკვდრეთით განწირული უბედურება. ასე აიშვა მან, როგორც გელათის წყაროსთან აღმაშენებელის რქიანმა ჯორმა.

* * *

მზე—შაბიამანი. მოწამლული ფორთოხალი ლეონარდოსი. სიყვარული, როგორც გრძნობა სიზმარში მოვარდნილი კბილის.

უნდოდა შველა თავს დალუპვის წინ და შებრძოლება კიდევ დალუპვის კარზე. „უშველე თავსა შენსა და ღმერთი შეგეწევა შენ“.

და აენტო განმეორებით ცეცხლი საკირესი. შეიძლება, რომელიმე ხელსრულდება განზრახული—ყველაფერი დადგეს, როგორც დაუჯერებელი, როგორც სიზმარი მოგონილი. მაგრამ სიმართლე ამისა დამტკიცდება გამოძიებით. თავის შველა—და მე გავისტუმრე ჩემი თავი ზღვისაკენ. დატვირთული უბედურებით.

* *

გავმტეცი ჩემს თავს თუ უშველე მას. გაიხარებს იგი, თუ ამოშრება გამშრალ ჩალათ. მე ველი ნიშანს და ვიცდი.

* *

ამით მოველ აქამდე და ვიარ—ამით. ვხედავ: მომიტაცა განგებამ. გადაამცვა აღვირი და წამიყვანა შორს. ხდება ამბები ჩემს გარშემო. ნათდება გზები და შუშდება გამოხრული ქუსლები—შორი გზისათვის.

„და მოსჩანს გზები—სონეტებით გადაქარგული“.

* *

მესმის შრიალი სასწაულის და მწამს: აღთქმა, დადებული ძველად, ეხლა იწერება მხოლოდ. მაგრამ დღეს სიმართლე მისი მჯერა უფეტეს და ვსწერ ასე. მინდა გავიგო დასასრული. და მიმეჩქარება ძალზე. განმეორდება ამბავი ლახარესი, თუ გათავდება იობით. ან როდის.

მინდა ვნახო, როცა მე დავაჩერდები უბედურებით გატენილ საკუთარ ლეშს. მაშინ ვიქნები ბედნიერი. და გავიხარებ მაშინ. მაშინ დაიბადება პოეტი, რომლის სახელი ჯერ არ ვიცი. და ვნახავ საქართველოს—მაშინ.

პარიზი.

2.

ყველაზე სავალდებულო პოეტისთვის, შეიძლება, ბიოგრაფია იყოს,—რომელიც არასოდეს არ დაიწერება და არ ითქმება. ყოველ შემთხვევაში, გაკეთება ბიოგრაფიის ისეთივე ძნელია, როგორც აშენება პირამიდის. პოეზია იწყება იქ, სადაც პოეტი სძლევს ბიოგრაფიას და ბიოგრაფია ამის შემდეგ ხდება ისეთივე წარბმადალი, როგორც თვით პოეზია. ვინ დაამტკიცოს—რომელია უფრო განათებული: ის, რაც დასწერა რუსთაველმა, თუ ის, რაც მან ქნა და, რასაც კომენტატორთა ბატალიონები ვერასოდეს ვერ გაიგებენ.

* *

რა დამრჩება მე—პოეზია, თუ ბიოგრაფია. დარჩება ორივე, თუ არც ერთი არ იქნება გამართლებული.

* *

მივსჩერებივარ ჩემ თავს და ვფიქრობ სიმწარით. ვსწერ, რადგან ტირილი არ შემძლია. ტირილი და ლოცვა ყოველთვის ხელწერილობას უძღვრულებს, მაგრამ—მინართული მფარველისადმი—ის ხდება ძლიერებად. ვის შევაბრალო ჩემს თავი და ვის მივატირო სამძიმარი: მფარველი ჩემი დაიკარგა სამუდამოდ.

* *

აქამდე ვიყავი, როგორც შესაძლებლობა, როგორც მოლოდინი. მე უნდა მოვსულიყავი. ნე შემეძლო. ველოდი აღდგომას, შობას—ღვთის იმედით. ეს ყველაფერი გაჰქრა და შემრჩა ძალზე შეძლებული საკუთარი თავი. მე ვთვლი წიგნებს—ჩემგან დაუწერელს. ვკითხულობ ცხოვრების ჩემ მიერ გაუკეთებელს. „წაგებული ბიოგრაფია“ ხდება ჩემს ბედისწერად, ცხოვრება ჩემი—„წაგებულ ბიოგრაფიად“ და პოეზია დგება, როგორც „ძახთაპირი“. იკეტება ყველა კარები ერთის გარდა, რომელიც მაშინებს, ასე—წაგებული, ვაპირებ თამაშს, მაგრამ ვინ შენდობა მე, როცა თვით აღარ ვენდობი საკუთარ თავს.

* *

დაიკარგა ყველა იმედი და იმედიც გამარჯვების. წინედ ღმერთი იყო ჩემთან, როგორც ლოდი—გულზე. კათოლიციზმი და მონასტერი,—ამაზე მე ვფიქრობდი და ეს მეხატებოდა, როგორც რეალობა. მე არ ვიცი, რამ ჰქნა ეს და რისთვის დატრიალდა უბედურება კიდევ ერთხელ. ვიცი მხოლოდ, რომ გამოშინებული ვაგდივარ სენაზე და მაგონდება შემოდგომა იმერეთში, როცა მამა ჩემი ხის ჯვარზე გაჰკიდებდა ძველ ჩოხას,—ჩიტების საფრთხობელად. ასეთი ვარ მე დღეს. და აწი, როგორადაც არ უნდა ჩამოდგეს ცხოვრება—სახელი ჩემი დარჩება გაუმართლებელი, რადგან ღმერთი ჩემთან აღარაა.

„და როცა ღმერთიც პოეტებში ჩასათვალია—

ვინ გაიფიქროს ღვთის გულიდან ამოძირვაზე“.

ღმერთი და პოეზია. კურთხევა ღვთის და კურთხევა პოეზიის. ჰქრება—ორივე ერთად. უკურთხი სიტყვა. წმინდანია და ჩემი გამოქლიბული გული—მრჩება მხოლოდ.

* *

პარიზი თავისთავად მოცემულია, როგორც სიხარული. წერა პარიზის შესახებ გაუმართლებელია ყოველთვის. პარიზში დაიწერება მრავალი წიგნი, პარიზზე კი—არც ერთი. პარიზი ჰგავს ბიბლიურ სიზმარს—ცამდე აყუდებულ კიბისა და ანგელოზების შესახებ. ქვევიდან ხედავ ყველაფერს: კიბეს, ანგელოზებს და საბაოთს, მაგრამ ზევიდან არ გადმოუხედნია არავის და არავინ იცის—რას შეხედავდა კაცი, ზევიდან რომ გადმოუხედა. პარიზი ასეთი სიზმარია იაკობის. კიბე—ცამდე აფრენილი, რომელზედაც არავინ ასულია, მაგრამ, რომელიც ამართულია მაინც, როგორც მარადიული შესაძლებლობა ცისა და ქვეყნის შეერ-

თების. დაწყებული მზით უკანასკნელ ქვამდე—პარიზია სიხარულს ჩემთვის კი ეს განათება გადაიქცა ბოსხის ჩაშავებულ ზრესკად.

* *

სიხარული
სიხარული

ერთხელ ბელგიელებმა გამართეს ძველი ბრაბანტის და ფლანდრიის მხატვრების გამოფენა პარიზში. იყო სურათი—ტრიპტიხი, უცნობი ჰენტელი მხატვარის. დედო ნაწილი მისი—“ხარება“ მოთავსებულია პროვანსის ერთ მუზეუმში, მეორე კარი—ბრიუსელში და მესამე ეკუთნის კერძო პირს ლონდონიდან. სამი ჩარჩო, განცალკევებული და ერთი მეორეს დამტირალი, მოიტანეს აქ, სხვადასხვა ქვეყნიდან. მრავალ საუკუნეთა შემდეგ პირველად შეერთდნენ ისინი ტიულერიში, კონკორდის წინ, სადაც ერთხელ მოხდა ყველაზე უფრო დრამატული გამოთხოვება: მარიამ ანტუანეტასი და გილიოტინაზე დავარდნილი მისი უბრწყინვალესი თავის. ორი თვის შემდეგ ეს ტრიპტიხი კვლავ დაიშალა—იქნება სამუდამოდ. შეიძლება უკანასკნელად დაანათა მას უკედავი ჰენტელი მხატვარის სულმა. ესაა ბედისწერა. ამბავი სიკვდილ-სიკვდილისა, რომელსაც მიხვდები მხოლოდ მაშინ, როცა აღსრულდება.

* *

ასე დავშორდი ჩემს თავს. ასე დავსტოვეთ ჩვენ ერთმანეთი. და მაკბეტმა ასე მოჰკლა ძილი. შეიძლება ამ დროს მოგვედი მეც. და ამ წიგნს ვსწერ საიქიოდან. თუ ცოცხალი ვარ, მაშ რა ვარ. ნიკოლოზ, უბედური ძმაო, — რა გვეშველება. ბრუნდება „გამოთხოვება“ ხელმეორედ. და „მკვდარი, ფეხშიშველი“ გკიდევარ მე ჯვარედინზე. რჩება პოეზია უღვთო და სიკვდილი. სიკვდილი და უღვთო პოეზია. ეხლა ეს ნიშნავს ერთს.

* *

რა უნდა ვსთქვა მე ამის შემდეგ და ამის მეტი რა უნდა დავსწერო. თუ რა დავკარგე მე—ამას ვერ გაიგებს ვერავინ და ვერავინ ვერ იგრძნობს მას. შეიძლება ასევე გაუგებარი დარჩეს პოეტი ნიკოლოზ მიწიშვილი, რომელმაც დაკარგა საკუთარი თავი, უარყო ბედისწერა, მოჰკლა ყველაფერი და ვერაფერი ვერ დაამტკიცა.

* *

დოგმა, არგუმენტი, ისტორია და საუკუნეები, დადგინებული აბრაამიდან როზანოვამდე მე არაფერს მეუბნება და არაფერში მაჯერებს, გარდა ერთის: რომ დაწმენდილი ჭკუა და გაწმენდა ჭკუისაგან არის არა მარტო კალამბური. აქ ისპობა ყოელგვარი საზღვარი, ეს ორი ცნება გადადის ხშირად ერთი მეორეში და ხშირად ეცილებიან ერთმანეთს უძღურებაში. ძნელია აქ დადგმა საზღვარის, განსაკუთრებით, როცა ფიქრობ ვარსკვლავებით გატენილ ცის სრულყოფილობაზე. აქ რჩება მხოლოდ რწმენა და აღტაცება. აქ ერთდებიან კანტი და ჩანდალა ჰინდო, გალილეი და ინკვიზიცია, ფოთლის შრიალი და

ბრაჰმას სიბრძნე. ხილვა სასწაულის და აღდგინება მისი ხდება იმ უბრალოებაში, რომელიც მოსდევს მიწას და ბუნებას ბავშისას. ეს მჯერა. მით უმეტეს, რომ ამ ყოფაში ჩაეარდნის, დაქინებით მევლინება მამაჩემის გამიწული სახე იმერეთის სოფლიდან. მე დანასავეით მადგია ფიქრი, რომ ჩემი მოძავეალი პოეტის, თუნდაც აგზავნილი ცამდე, ვერ აიწონის მამაჩემის ერთი დღის წუხილსაც კი თავის დაკარგულ შვილზე. ესაა ძახილი შორიდან. ტირილი გაუქმებულ რწმენაზე და სინანული. იქვე ყველაფრისადმი, პოეზიასთან ერთად, ამ გრძნობით ბრუნდებოდენ რომიდან და სტოვებდენ კაპიტოლის. ამ გრძნობით აღიან, ალბად, ეშაფოტზე. მე არ ვიცი რაა ეს, მაგრამ დღეს ეგ ძახილი სოფლიდან, ძახილი მიწის, მალეიძებს მე და ლეტარგიიდან გამოვყავარ მხოლოდ ამ ხმებს. აქ იწყება ინერცია განახლებული მოქმედების და მივდივარ წინ.

* *

და თუ ეხლა კიდევ ვსწერ, თუ საბედისწერო წისქვილი კიდევ ფქვავს ჩემი ფიქრების ყავასავეით შავ მარცვლებს,—ამის მიზეზია ეს მოვონება და ეს ძახილი პარიზში—იმერეთიდან. ინერცია იშლება მოქმედებად. მეხატება ახალი, სხვა ცხოვრება და ვეძებ ახალ გამართლებას.

* *

დღეები სამოთხეში ადამის მარტო ყოფნისა, ალბად, ყველაზე საშინელი, დამამცირებელი დღეები იყო. ეს წუთები თავის შემოქმედებით, სიმწარით და ბუნტით უდრის ყველაფერს, რაც შეიქმნა ამის შემდეგ და, ვინ იცის, როგორ დაიწერებოდა სახე და სახელი უფლისა, რომ დროზე არ მომხდარიყო კომპრომისული შექმნა მეორე არსების. ქრისტე უდაბნოში და მარტოობა უდაბნოების—არის წუხილი უძღურების და ძებნა ახალი შიფრის ღმერთსა და ქვეყანასთან სალაპარაკოდ. მდუმარებაში ნახულია ყველა რელიგიები, მარტოობაში ნაწრთობია ყოველი განათება და განაჩენი, მაგრამ უდაბნო და მდუმარება თავისთავად არის სიკვდილი საცოდავი. ვერც ერთი წინასწარმეტყველი ვერ აანეტყველებს ქვიშას. შესვლა მარტოობაში გამართლებულია მხოლოდ ამეტყველების, მხოლოდ დაბრუნების იმედით. ამიტომაა, რომ უდაბნოზე ყოველთვის გადაბმულია ფიქრი წყაროს შესახებ.

* *

ჩემი გამომწრალი სული ეძებს ამ წყაროს, ამ სახელს, ჩვენებას. მე ვიცი, რომ ქრისტესთან ერთად დავასაფლავეთ უკანასკნელი ღმერთი ქვეყანაზე. ოლიმპი, ასკილით მოშამბული, ვნახე ჩემის თვალით. ღმერთების მაგიერ იქ დაჩოჩავს ამერიკელი ტურისტები და აკმევენ ჰავანის სურნელებას. პანი მოკვდა დიდი ხნის წინეთ, ხოლო ადამინი, როგორც კულტი შეუძლებელია, თუნდაც იმიტომ, რომ ჩვენ მოწამენი ვართ უკანასკნელი მონარქების. უკანასკნელი საიდუმლოება წაიღეს თან ღმერთებმა და სიცივე უმეტყველო საფლავების უკანასკნელად დაიტირეს პოეტებმა აქ, პარიზში. შეკრულია ყველა გზები

ერთის გარდა, მაგრამ მის ბოლოში სდგას დაისრული სახე ახალი სებასტიანესი, როგორც წითელი სიგნალი უბედურების. მეტი გზა არ ნახულა.

* *

უკონუსული
გინგამიქოქა

ენერგია სიცოცხლეს მოითხოვს განაღდებას არა მარტო სქესში. სიცოცხლე თვალწამოვარდნილი არის მაინც სიცოცხლე, თუნდაც იმიტომ, რომ უარყოფა მისი იქნებოდა დაწყება ახალის. მე ვღებულობ სიცოცხლეს ძირიანად. მე ვიხივები სიცოცხლის წყურვილით და, ყველაფერში მოტყუებული, მზადა ვარ გავდგე უდაბნოში და გავყიდო საკუთარი ჩრდილი. სიცოცხლე ამდაგვარი იქნება გამართლებული იმდენადვე, რამდენად გამართლებულია ცხოვრება ნაბუქოდონოსორის და ლავრენტი მშვენიერის. ესაა სიმართლე, მაგრამ სიმართლე უნდა იწამო. აქ საჭიროა ის, რითაც შეერთებულია ლექსები პიუგორის და პიუგორის გეომეტრია. ეს არა მაქვს მე დღეს და არ მქონია ღვთის დროსაც. ამას ვეძებდი მე ღმერთში, ამას ვეძებ ღვთის გარეშეც და ვრეკავ, როგორც განწირული „S.O.S.“ არქტიულ ზღვებში ჩავარდნილი გემის.

* *

დღეს კვირაა. პარიზი გამთბარია შემოდგომის მზით და პარიზი მაგონებს დღეს ქართულ გაზაფხულს. ჩუჩიდან მოისმის ძველი არია, ამოდის ზევით, როგორც სურნელება ფერადი ხმების და იშლება კარნავალი კალეიდოსკოპად. თბება სული უცნობი მშვენიერებით და ცხოვრება ჩემი ქრება, როგორც შორეული ვარსკვლავი. კვდება გრძნობა, ქრება სახეები და სახელები, ხმანი და სიტყვანი და ყველაფერი იღვრება უსაზღვროების წინაშე.

* *

მაგრამ ძირს, მუხსიერების ბსკერში, იგრიხება უცხო სახე, აყივებული სიტყვა: „ევოე“. მოარღვევს ტვინს, შედის გულში, როგორც მახვილი აგზნებული, როგორც ქვა, ნასროლი დაძინებული წყალის პირზე:

* *

„ელოდი სასწაულს და სასწაული ნოხდა. ელოდი აღდგომას და აღდგომა არ დაიჯერე. შენ გამოგებარა სიკვდილი შენი და შენივე აღდგინება. ღმერთმა, ძლიერმა შენის უბედურებით, ნიგატოვა შენ და წარიღო ბედისწერა შენი. წმინდანიანი გადაჰყვა საუკუნეებს და ჰა, იხილე ცხოვრება და სიხარული. გააღე კარი სამყოფელისა შენისა და მიიღე სტუმარი შორეული. ღმერთი ცხოველი კი მოიპოე თვით“.

* *

ეს ძახილი ეკვეთა გულს, როგორც შურდული და მოწყვეტილი დავებყარ ძირს. ჩამოდგა ღამე თვალდაბურვილი და რვაღავედა მას ეღვარება ანგელოზი



გაშლილის წიგნით: მე ალფა და ომეგა, დასაბამი და აღსასრული და არა არს
რა, გარეშე ჩემდა... გააღე ქარი სამყოფელისა წენისა და მთელი სტუმარი შო-
რეული.

* * *

დობილოები ელევზის და საიდუმლოებანი ელევზისა. ცოცხალი შტოთი
ნასხურევი ბედნიერება და ვაზი, თბილი სისხლით შეღებილი ქართულ მიწაზე.
სისხლი და ღვინო. ვაზი და რკინა. ევოყ. სიხარული და მზე.

* * *

ქარი სამყოფელისა ჩემისა რჩება დაკეტილ და უკანასკნელად ვიშორებ
ქრისტეს ხელს - გამშრალი თვალების დასახურავად გამოწვდენილს.

* * *

ვიფელზე რეკავს T. S. F. და უხმობს ნაზარეველს უოლლ-სტრიტზე. ლუქ-
სორში იშმუშნება ტუტანკჰამონი და ირღვევა სარკოფაგი დაბეჭდილი. შეკრუ-
ლია გზები იქითა მხარისკენ და თეთრო სპილოებად ბრუნდებიან უკან — ფარაო-
ნები. ახლოვდება უბედურება მწვანე სირიუსად. სქდება მოკანგული ძარღვები
და გადაზნექილი ზანგის ქალი შლის ალისფერა ტუჩებს. წმინდანიანი ჰყივის
ნოტრ-დამიდან და ავხორცა ქიმერები ლოშნიან უმანკო ენევიევას თეთრ
სხეულს ნოტრდამზე.

* * *

მშვიდობით ევროპა. და მშვიდობით ახალგაზოდება. მშვიდობით, ძმაო
ნიკოლოზ, რომ გეძებდი და ვერ გნახე. დაინგრა ყველაფერი, რაც გაწვალე-
და შენ. მოკვდი, თუ კოცხალი ხარ. ეწამები კვლავ, თუ ჩაპქრება შავი ვარს-
კვლავი შენი.

* * *

ახალი გზით. სხვა ფიქრით — ისევ უკან. შინისკენ. ბედეკერი ცისათვის არ
შედგენილა ჯერ. ბედეკერი საკუთარი სულისა ფურცლობით გავიხმარე მე მსო-
ფლიოს დაუკეცავ შარა გზებზე. შინ. შინ. სახლისაკენ. მიწისაკენ. ჩემო მიწა
და ჩემო თავსაფრიანო ღედა. ხარებმა შესწყვიტეს, თურმე, რეკვა ჩვენ სოფელ-
ში. მაგრამ ხარები ისევ ბლავიან ჩვენსას, ჰკოცნიან მწვანე მიწას და ელიან
დაკარგულ პატრონს.

1922—1923 წელი.

სტამბოლი — პარიზი.

გრიგოლ რობაქიძე.



გველის პერანგი

რომანი

გაგრძელება*)

ნორდოსტ

თავი მათსამეცხე.

Летит-летит степная кобылица
И мнет ковыль..

ალექსანდრ ბლოკ.

გული მარტოა ყოველთვის.

თუ სიყვარულით არის გამოთბარი?! მაშინ გული შიშია მარტო: არ გას-
ქდეს მეორე გული. თუ დაშორებულია ამ გულს?! მაშინ გული სევდაა მარტო
—(ეგების წინაგზნობს: რომ ოდესმე სამუდამოდ დაცილდება).

გული სიკვდილის ბარომეტრია.

(მარადი ხაზი მარადი მელანქოლიის): ლირიკა.

არჩიბალდ მეკეში ყაზვინის ბაზრის ფარდულებშია. გული კი—შორს.

ფარდულებში ათი ათასი გულია: ათი ათასი სურვილით.

ეს გული მათ არ ეკარება.

გულში არჩიბალდ ოლგას წერილს კითხულობს. ძმა მორჩენის პირზეა.
თვითონ მალე დაბრუნდება. ამოდენა მანძილის ატანა არც მის გულს შეუძლია.
გული გაილახება მიტოვებულ ბარტყივით. გული გაირღვევა. პეტერბურგი იშ-
მუშნება: იქ რაღაც ხდება. პეტერბურგიც რომ გაირღვეს?! მაშინ გულსა და
გულს შუა უფკსრული გაითხრება.

პეტერბურგს—ჯანდაბა: თუ გინდ სულ დაიქცეს,

ოღონდ გულმა გული ნახოს—(ეს მეკეშის ფიქრია?!).

რა „ცოტა“ უნდა ადამიანს.

არჩიბალდ მეკეში ფარდულებში დადის გული კი შორსაა.

*) იხ. „მნათობი“ № 1 (21)

არა. უცნაური ქალაქია პეტერბურგი. პეტრე დიდის სიფილიტურმა გახელებამ ფინის ჭაობებიდან გიგანტი ამოაგდო. გიგანტი გრანიტშია დაკვეთილი. უფლის მხედრი გაქანებულ ცხენზე ზის. მხედარს სადავე სასტიკად მოუწევია: ცხენი ყალყზე დგას. ისიც გაქვავებულა გრანიტივით. რომ დასწყვიტოს ლაგამი?! რომ გავარდეს ცხენი?! რომ მხედარიც გადაჰყვეს თვითონ?! ფინის ჭაობები ლამობით ფოსფორს ისვრიან. ფოსფორის სინათლე ორად ყოფს ყველა ფერს. პეტერბურგის გრანიტს თავს ესბმიან ლანდები: ქიმერები სხვადასხვა რასის, გრანიტს აცდუნებენ. გაუძლებს გრანიტი?! ფოსფორიულ ჩვენებაში დოსტოევსკის თვალები ანათებენ: ეპილეპსია მოვარდება და დუქით გადმოიღვრება. დუქგაუმშრალი პირი „ქვეყნის ბოლოს“ დაიძახებს და იოანეს საყვირით სამყაროს მოედება—ძახილი. ეპილეპსია ხახას დააღებს აპოკალიპსის გახელებით. ცხენი ლაგამს გახრავს: აიწყვეტს და გავარდება. თუჯის მხედარი თან გადაჰყვება. გრანიტის ქალაქი?! ისიც შთაინთქება—(თუ პატმოსის კუნძულად გაიხსნება?!).

პეტერბურგს—ჯანდაბა: დაიქცეს.

ოლონდ—(არჩიბალდის გული ბევრს არას ითხოვს).

— არჩიბალდ!

— ტაბაჯ ხან!

ფარდულის პირას ტაბა ტაბაჯს წააწყდება. ჰაშიშს ეწევა.

— ყავას მიირთმევთ თუ ჰაშიშს?!

— ყავა დაუკვეთეთ..

არჩიბალდის ტვინში ისედაც ჰაშიშია.

— როდის?!

— ხუთი დღეა.. თქვენ?!

— მე დღეს მოველ.. ამბები?!

— პეტერბურგის?!

— დიაბ..

— გამოსვლას აპირებენ..

— გამოვლენ..

სპარსი თუ ჰინდუ თუ ეგვიპტელი იღიმება.

პატარა ბიჭს ყავა მოაქვს.

ფარდულებში რუსი ჯარისკაცები დადიან. უხშირეს ბოლო დროს. რა აქვთ საყიდელი?! ტაბა და არჩიბალდ ჯარისკაცს მოჰკრავენ თვალს. ჯარისკაცს ხელში მაზარა უჭირავს. მაგრამ რად არ იკეცება მაზარა?! მაზარა ჯოხივითაა გაწვდილი. ჯარისკაცი მაზარას სპარს ვაჭარს გადასცემს ჩუმად. სპარსი სინჯავს მალულად: თოფია. ვაჭარი მაზარას უკან გადაინახავს. რუსი ჯარისკაცი სპარსულ „თუმნებს“ ითვლის.



- ხედავთ?!
- ვხედავ..
- ომი აღარ უნდათ..
- ან რად უნდა უნდოდეთ?!

ტაბა და არჩიბალდ დგებიან.

წინ შემოუფეთებთ ვებერთელა ქიმერა: აქლემი. ულაზათო ცხოველი ვიწრო გზებში უხარმახარ მაჯლაჯუნას მიაგავს. მაგრამ თვალები: თვალები—რომელთაც უდაბურება უნახავთ! „ბეხან?!“ არა. ბეხან აღარაა. მაგრამ ამის ხვედრიც ხომ იგივეა?? დანალვლიანებული თვალები: წინასწარ თუ ხედვენ მიგდებას და მიტოვებას.

არჩიბალდ ამ თვალებში ადამიანის ლანდს ხედავს:

ეგების ეს ლანდი იგია თვითონ. †

კიდევ ჯარისკაცები. რკინა. ტყავი. საცმელი. ყველაფერი მოაქვთ: ავტომობილის ნაწილები თუ ცხენის მოსართავი. ჰყიდიან ყველაფერს. იგივე ჩურჩული და იგივე ფულისთვლა.

არჩიბალდ ადასტურებს:

- აი კიდევ..
- ხვალ კიდევ მეტი იქნება..
- ფრონტი დაირღვევა?!
- უთუოდ..

აქლემი აღარ სჩანს. ფარდულებში ფარჩასა და აბრეშუმს ჰყიდიან. ისმის სპარსული ბაასი. სპარსული ენით გველი ხვრელიდან ამოჰყავთ: ისე ტკბილია. მაგრამ როცა სპარსი ქალი ლაპარაკობს?! მაშინ გველი ალბად შინაურდება.

სპარსი ქალი ფარჩეულს ყიდულობს. ირაჰშანდას ტანი აქვს. საწყალი ირაჰშანდა. ხმაც თითქო მისია. არჩიბალდ აკვირდება.

— ირაჰშანდა!

უნებურ იძახის არჩიბალდ.

ქალი მოიხედავს. შეირხევა. პირს იბრუნებს. იმალება.

— ირაჰშანდა იყო.. უთუოდ..

— ალბად..

არჩიბალდ ნაბიჯს უმატებს. მაგრამ ლანდი შთანთქმულია.

— ირაჰშანდა.. ირანის მთვარე..

— და მთვარის სევდა..

(რად არის „ველარ ნახვა“ ასეთი მწარე?)

არჩიბალდ „გულსა“ გზნობს ისევ.

მიდიან. გასავეალი ახლოა. უკანასკნელ ფარდულთან ქალი დგას. თავი თეთრი თავსაფარით აქვს წაკრული. ამასაც მომწვანო თვალები აქვს. აჰ: ოლგა! ოლგა! სადა ხარ ამ წამს?!

ოლგას სიტყვები გულს სერავენ—(წერილიდან). გული ფართქალობს როგორც ძუძუმწოვარი ბავში: რომელსაც როფში ბანვენ. „პეტერბურგში“ რაღაც

ხდება“. თუ მოხდა?! მაშინ ხომ გაიხსნა უფსკრული ორ გულთა შორის. ჰო: ახლა ესმის ირაპშანდას გატრიალება.

მაგრამ უფსკრული მისთვის ითხრება: რომ გულები ~~ქაბილვაში~~ ერთიმეორეს—(მარადი ხაზი მარადი მელანქოლიის).

ისევ ჯარისკაცები. დაყილობენ. ოხუნჯობენ. თუთუნს ეწევიან. აზმორებენ. იზლაზნებიან. „სემიჩკებს“ კბილავენ. ჰოო: ეს „სემიჩკები“. რუსეთის პირწავარდნილი „მეტაფიზიკა“. ამ კბილვაში იხსნება პირმოშვებული რასსა: ველური და ძარღვმაგარი. ეუბნებიან: „უფსკრულია“. „იყოს“—უპასუხებს და „სემიჩკის“ ქერქს გადმოაპურქყებს. „კანონი ასეთია“—ეტყვიან კიდევ. „ჩემთვის არ სწერია“—ისერიან „სემიჩკიანი“ ტუჩები და თვალებს უცხო ალი გადაურბენთ. „ასე არ შეიძლება“—არ ეშვებიან. „ფეხებზე მკიდია“—და პირი ისევ „სემიჩკას“ კბილავს. უცხო ალი თვალებში ჭარბალის ფერს მიიღებს. არის ამ კბილვაში მზის სიბრტყე თუ მზის უდარდებლობა: ეს მან არ იცის. იცის მხოლოდ: რომ „სემიჩკი“ მზესუმზირას მარცვლებია. ან რა საჭიროა ცოდნა: როცა მზეს უმზერ?!

— ხედავთ: როგორ დაგროვილან?!

— ვხედავ..

— ერთ კვირაში ეს კუთხე სულ აივსება..

— მჯერა..

არჩიბალდ ისევ „სემიჩკიანი“ ტუჩებს უმზერს. რას არ გაკიცხვენ ეს ტუჩები?! რას არ „გააბითურებენ“?!

ტაბა ტაბაჲ ერთ მათგანს უახლოვდება:

— რისთვის ომობთ?!

— რა ვიცი..

— როგორ არ იცი?!

— წამოგვასხეს და ვომობთ..

— ვის ეომებით?!

— თათრებს და „გირმანელებს“.

— გინახავს ისინი?!

— დაჭრილი მინახავს.. მკვდარი..

— გინდა სახლში დაბრუნება?!

— იქ მიწაა.. მინდა—ჰო..

ტუჩები ისევ „სემიჩკის“ ქერქებს აპურქყებენ. განზე მამალი „დედის გინება“ ისმის. ჯარისკაცს არჩიბალდიც უახლოვდება. თვალები ამღვრული აქვს. არ იცი: იცინიან თუ დაგცინიან. უახლოვდები. თითქო ალერსს გიპირებს კაცი. მაგრამ თვალები ელამურ აკიაფდებიან—და გეშინია: კაცმა სილა არ გა-

გარტყას. სკვითის თავი და მონლოლის თვალები. რა დაუდგება ამ რასას და რა დააკავებს მას?! წალეკავს ყველაფერს. გადალიბავს. წარღვნი.

არჩიბალდ ტაბა ტაბაასკენ მობრუნდება:

— ეხლა მჯერა..

— რა?!

— რომ ზვავად მოსქდებიან..

— ვინ?!

— ესენი.. ეს ტუჩები.. ეს თვალები.. ეს თავები..

— ჰოოო..

სპარსი თუ ჰინდუ თუ ეგვიპტელი ილიმება.

...

„იზეესტია“. „იზეესტია“! „აღმასრულებელი კომიტეტი“. „მუშები—ჯარისკაცები—გლეხები—მატროსები“. „კერენსკი“. „ლვოვი“. „ჩხეიძე“. „წერეთელი“. „პლენხანოვი“. „ლენინი“. „ტროცკი“.

სიტყვები ეფინებიან მთელს ქვეყანას.

სახელები ეფინებიან ირანის პლატოსაც.

ყაზვინშიცაა აღმასრულებელი კომიტეტი. აქაცაა: ესერები—მენშევიკები—ბოლშევიკები—კადეტები (ორი სამი კაცი)—მაქსიმალისტები—ინტერნაციონალისტები.

იქ: საცა სპარსები მზის ამოსვლას მუსიკით ხვდებიან.

იქ: საცა სპარსები მზის ჩასვლას მუსიკით ესალმებიან.

იქ ახლა ესტრადიაა. ესტრადიდან ვილაც გაჰკივის ბოხი ხანით.

წინ ფართო ქუჩაა. იქითაქეთ ქუჩაზე: უზარმაზარი ქადრები. ქადრებს ხშირათ ყორნების გუნდები ეხვევიან. არასოდეს ყორნებს ასეთი ხმა არ გაუგონიათ. უსმენენ გაოცებულნი და ჩხავილით სხვა კუთხისაკენ მიფრინავენ. სპარსებს ეშინიათ: სულ არ მოსცილდენ ამ არეს.

ესტრადიდან გაისმის: „ძირს კაპიტალიზმი!“ „ძირს ომი!“ „ომი ბურჟუაზიის მოგონილია“. „მიწა—მშრომელთ:“ „მიწა—ყველას“. „ქარბნები—მუშებს:“

ქუჩა სავსეა ჯარისკაცთა ხვავებით. აზმორებენ. ხანტად იზლაზნებიან. ამოქნარებენ. „სემიჩკები“ აქაც ბევრია. ტუჩებზე: „ჰმმმ“ და „ოო“. როცა სიტყვა „მიწა“ გადმოვარდება ხვავებში—„სემიჩკის“ კბილვა ჩერდება: თვალები ფართოვდებიან. ტუჩებიდან „სემიჩკის“ ქერქთან ერთად გადმოვარდება: „მიწა“—„მიწა“—„ჰოო: მიწა“.

ხანდახან სპარსი ჩაივლის.

რომელიმე „ზემგუსარი“ აჩერებს:

— ჰუსეინ: იცი რაა პეტერბურგი?!

— პითებაჟურჭი..

სპარსი თვალს ნიბავს.

— რევოლუციია?!

— რივალისია..

სპარსი დნება ღიმილით.

— პროლეტარიატი ხომ გაგიგონია?!

— პროლითაჲრი..

სპარსი თავს იკატუნებს. კალათს ხელში იმარჯვებს. ურყენი უნდა გაჰყიდოს. შემდეგ ჰაშიშს მოსწევს და გადავა „სტანციების“ ხილვაში.

„ზემგუსარი“ კი ისევ ესტრადას გახედავს—(ირონიით?!).

ესტრადიდან ისევ ის დიდი ხმა გრიალებს.

ვინმე ავტომობილით გაირბენს. ავტომობილი არღვევს მასსათა ხვავებს. შოფერი საყვირს მიმართავს. ორატორი ხმას უმატებს. ფიქრობს ჩუმად: ეს კონტრრევოლუციონერია—(ავტომობილში „ზემგუსარი“ ზის). საყვირი და ბოხი ხმა ერთმანეთს ეჯობრებიან. ავტომობილი გადის ხვავებიდან. ბოხი ხმა ოდნავ ნელდება.

ბოხ ხმას სხვა ხმა ცვლის. ეს ხმა უფრო წვრილია. ისიც იმავე სიტყვებს ისვრის. მაგრამ გეგმა მისი სხვაა: უფრო მიკიბულ-მოკიბული. „ქარხნები—მუშებს: რასაკვირველია“. „მიწები—გლეხებს: ესეც რასაკვირველია“. „მაგრამ: ეხლავე?!“ „ეს ნაადრევია“. „ვინაიდან“. „რადგან“. „ობიექტიური პირობები“. „ამ მომენტში“. „ჯერ“. „მერე“. იხლართება უსაშველო პერიოდი. ხმა სულ წვრილდება და წვრილდება. მთქნარება მატულობს. „სემიჩკის“ კბილვა—კიდევ უფრო. მაგრამ უეცრად უსაშველო პერიოდში ისევ სიტყვა „მიწა“ გავარდება. ხვავები ატორტმანდებიან: თითქო გადაყლაპვა სურთ—„მიწის“. თვალები ანათებენ.

გვერდით ქუჩის პირას ათაშანგით დაწყებული—მზეს ეფიცება. დაჯერებულია: რომ მზის ტუჩები ამოსწოვენ თუ ამოაშრობენ სნეულებას. ხმა ესმის ესტრადიდან. მაგრამ სიტყვების არა გაეგება რა. არც სურს—გაიგოს. იქვე მასსათან დაგლეჯილი კაცი დგას. ლაყე ტვინს ხანდახან ხილვა ეწვევა ღეთიური—(ეს სწამს აღმოსავლეთს): ალბად მსოფლიო წონასწორობისთვის. კაცის თვალები შტერად იცქირებიან: ამ ხილვას ხომ არ განიცდიან?! ან თუ ეძებენ თავის მზერას დაკარგულს?! კაცს პირი დაუღია: თითქო პირით იჭერს გაუგებარ სიტყვებს ესტრადიდან. ბოხი ხმა დასძახებს ერთს—(წვრილი ხმა ისევ ბოხმა შესცვალა). დერვიშს შეეშინდება: მიწას დაასკდება—ტუჩებზე დუჰმორეული. შემდეგ წამოვარდება. დაალებს პირს—(ბოხი ხმა გრგვინავს): თითქო ისაია წინასწარმეტყველის ნაკვერჩხალი გადაჰყლაპა. ისიც იწყებს ყვირილს. მის ყვირილს სპარსიც ვერ გაიგებს. მასსების ხვავები იშმუშნებიან როგორც ლებიათანის დაკეპილი ასოები. ესტრადიდან ხმა უფრო მატულობს. ხვავები „მიწას“ ელიან. ქუჩის ბოლოში სპარსი წევს და თვლემს. თავი—ხოტორი. სახე—ამთქნარებული მუმია. თვალები—

განზე და შორეთს გადასული. „ზემგუსარი“ არ ეშვე-
ბა არც ამას:



საქართველოს
ბიზნეს-ცენტრი

— იცი რაა პეტერბურგი?!

სპარსი თვლემს.

— იცი რაა რეეოლდუცია?!

სპარსი ამოქნარებს.

— ამას რა გააღვიძებს?!

გაისმის ხმა მიმავალის.

ჰამადანსა და ყაზვინს შუა მოძრაობა მატულობს. კიდევ უფრო: ყაზვინსა და ენზელის შორის. დაჰქრიან ავტომობილები: „ქალაქთა კავშირის“ — „წითელი ჯვარის“ — „საერთო კავშირის“ — სამხედრო ნაწილების.

კუთხეებში — გროვანი და საიდუმლო ჩურჩული.

სპარსი გაიარს გვერდით და ფიქრობს: „რაღაც ხდება“.

საავადმყოფოებში ფუსფუსია. ავადმყოფებს სმენა გამახვილებიათ.

საერთო საცხოვრებელთა კედლებში: გაზეთების კითხვა და კამათი.

ირანის პლატოზე ახალი გზების ზმორებაა.

სატელეგრაფო სინებზე შიფრები სრიალობენ. სინიდან რომ შიფრი ჩამოვარდეს: გავარდება როგორც მეხი. რამდენი ზრახვა და რამდენი ნდომა გადაუტეხს მაშინ თავს ტელეგრაფის სვეტებს.

— რაღაც ხდება..

ამბობს მეკეში — თითქო თავისთვის.

— ხდება დიდი რამ..

ადასტურებს ტაბა ტაბაა..

— თქვენ გგონიათ?!

— როცა შორს რამე ხდება პირველად მიწა გაიგებს..

— რა ნაირად?!

— მგზავრი მიწის გულს ყურს დაადებს — რომ გაიგოს: მოისმის თუ არა ცხენების თქარათქური შორიდან..

— მერე?!

— სტიქიონის გზნებისათვის სტიქიური ორგანოა საჭირო..

— მჯერა..

— ცხენი თავს ამართავს ხოლმე და სხვანაირად გაიკლაკნება — როცა მიწის ძვრას გრძნობს..

— გამიგონია..

— ცხენი წინაგზნობს: მისი ინსტინქტი უტყუარია..

— უთუოდ..

— დააკვირდით ამ ჯარისკაცებს: თვითონაც არ იციან — რა ინსტინქტებს ატარებენ.. მაგრამ ყოველი რხევა მათი ინსტინქტია..

— მესმის..

— კიდევ უფრო: ყოველი მათი გამოხედვა..



— უეჭველია..

— არ ატყობთ: რომ თვითონ არც იცვლება და ატმოსფეროში
მეშ.

— რაღაც სუნი სდის.. მომავალს—უნოსავენ პირველად..

— მართალია..

პაუზა. ტაბა ტაბაა რაღაცას ყურს უგდებს.

— ეს რა ხმაურია?!

არჩიბალდ ტერასიდან იხედება.

მეორე ეზოში ხმაური მატულობს. „ქალაქის კავშირის“ მოსამსახურენი
მსოფლიო პოლიტიკაზე დავობენ.

ვიღაც ხმას უმაღლებს, ორატორია უთუოდ.

— ძირს! ძირს! ძირს!

— აცალეთ! აცალეთ!

მაღალი ხმა გასძახის:

— ყველას ინგლისური მონარქია სჯობს..

— არ გვინდა მონარქია.. ძირს!

— ინგლისური მონარქია სხვაა..

— სულ ერთია.. ძირს! ძირს..

ორატორი ბრვე კაცია პირგაპარსული. ჩასხმულობით მოჭიდავეს ჰგავს—
(თუ კარუზოს?!). სახის მეტყველება ფაკირის აქვს.

— ინგლისური მონარქია..

— ძირს კაჭკაჭოვ!. ძირს!. ძირს..

— დაჩუმდი მაგაზინერ: თორემ...

მაგრამ მაგაზინერს რა დააჩუმებს?! ან უკეთ: მის ხელებს ან მის თვალებს?!
ცხვირიდან პენსნე წამდაუწუმ ვარდება. მარჯვენა ხელი ისევ თავის ალაგზე
აყენებს ურჩ სათვალეს. რა უფრო ურჩია: ხელი თუ პენსნე თუ ცხვირი?! ღო-
ბეზე ჩამოგძელებულ ხაპს—(ეს თავის ქალაა) ცხვირი ჩატეხილი აქვს. აკაპასე-
ბულ თვალებს მზერა ჩამოსახჩობ კაცისა აქვს. ხაპის ბზარი—(ეს სახის ათამა-
შებული ნერვია) კირვეულობს აკვიატებულის უსვენარობით.

— არ ძალმიძს გაჩუმება..

— მამა გიცხონდა: ლევ ტოლსტოი ხარ— გაჩუმება არ შეგეძლოს..

ხუმრობს ვიღაც ქართველი.

მაგაზინერ უფრო კაპასობს:

— ძირს კაჭკაჭოვ!. ძირს!. ძირს!

ვიღაც სხვანაირად აგძელებს:

— ინგლისის კონსტიტუციას ამერიკის შტატები სჯობიან..

— არც მაგ მინდა..

— ვინ გკითხავს: რომ არ გინდა..

ხუმრობს ისევ ქართველი.

ორატორი არ უთმობს:

— ინგლისური მონარქია...



- ძირს!. ძირს!. ძირს..
 არ ეშვება მაგაზინერ.
 — რა ჩააცივდა ამ ინგლისს!
 ილიმება მეორე ქართველი.
 მაგაზინერ ხედავს: კრება მის მხარეზეა. ყვირის.
 — მაგ ჩატეხილ ცხვირს გასწორება უნდა..
 ბრაზდება ხმა ესტრადიდან.
 — აბა სცადეთ!. სცადეთ..
 ქვევიდან ხაპი კაპასით ხვდება.
 გროვა სდუმს. რალაცას ელის. თითქო კიდევ სურს: მოხდეს რაიმე ამ-
 რევი.
 — მე შენ გიჩვენებ...
 და ესტრადიდან მოჭიდავის (თუ კარუზოსი?) ტანი გადმოვარდება. ჰაერში
 გაკლავნილი მკლავი—ალბად საშინელი მოჭენვისაგან—და მაგაზინერ მიწას
 ლოკავს. მასსა იმღვრევა. ტორტმანობს. უეცრად ხმა გავარდება ერთის:
 —ჰკა მაგას..
 და კაჭკაჭოვს მიაწვება აგორებული ხევი სხეულების.
 გასრესენ უთუოდ. მაგრამ ამ დროს მჭექარი ხმა:
 — აღმასრულებელი კომიტეტის სახელით..
 ვინაა?! ჰოო: ეს ხმა ისაა: დიდ მიტინგებზე რომ გრიალებს ხოლმე.
 — აღმასრულებელი კომიტეტის სახელით მე ვაპატიმრებ მოქალაქე კაჭ-
 კაჭოვს..
 გროვა სახტად რჩება. კაჭკაჭოვი გადარჩენილია.
 არჩიბალდ აკვირდება დამჭერს. სქელი კაცი. მაგარი. ბრგე. თავის ქალა
 ქოჩრიდან უკან ოდნავ ჩათლილი—(ნიშანი სიფიცხის თუ თავშეუკავლობის?!).
 სახე?! მოოდობებული წვერი. ლბილი უღვაში: ხვეული ცოტად. ლბილი ცხვი-
 რი. კიდევ უფრო ლბილი თვალები—(ფერად მოშავო: ოდნავ თაფლნარევი)-
 შუბლი ღია.
 არჩიბალდ აკვირდება დამჭერს. ეს კაცი ისრვის იქ მიტინგზე რისხვას?!
 ამ კაცის თვალებია: იქ რომ ნაკვერჩხლებს აფრქვევენ?! ამ კაცის ხმაა ის ხმა
 —მეორედ მოსვლის საყვირს რომ მიაგავს?! ხელი კათედრას იქ უროსავით ერ-
 ტყმევა. პირს იქ სიტყვები მოხსნიან: თითქო განკითხვის დღის ცეცხლები.
 მთელი ფიგურა იქ დამსხვრევას უქადის ქვეყანას—(უყვარს სიტყვა: „გავს-
 რესთ“).
 ეხლა კი: რბილი. არჩიბალდს უკვირს.
 ჩურჩული ერთიმეორეში:
 — ვინ არის?! ვინ არის?!
 — აღმასრულებელი კომიტეტის თავმჯდომარე ბ. მ.
 — ქართველია?!
 — ქართველი..

არჩიბალდ მეკეშს ელიმება. ეხლა აღარ უკვირს. კაპკაქოვს აღარ უნდა ეშინოდეს.

არჩიბალდ ტაბა ტაბაძსკენ ბრუნდება. უკანასკნელი ^{ერისკენ} ~~სიგანძრეულა.~~ ხმაური შეწყდა. გროვა იშლება.

არჩიბალდ ჩურჩულობს:

— მიწის გულს ყური უნდა დაადო: რომ გაიგონო შორი გუგუნი.

— ეს ურყევია როგორც მიწა.

ქუჩაში ჯარისკაცთა ჯგუფი მიდის. არა: არ მიდის. მიზოზავს. ისმის „გარმონის“ ხმა. მხიარულება და სიმღერა. მხიარულებაში — უდიერობა და სიმღერაში გადაღახვა.

— ჩრდილოეთის გუგუნის ანარეკლი თუა..

— შესაძლოა..

ამოწმებს ნაყვავილენი პროფილი.

„გარმონის“ ხმა იკარგება ხრიალში.

მაგრამ „გარმონი“ სტოვებს რაღაცას. ველი. ველი. ველი. თაური ყველგან და ბოლო არსად. შეხვდები ვისმე — დასცილდები სამუდამოთ. არავითარი კიდური: რომ თვალი მიასვენო. არავითარი ზღუდე: რომ თავი დააკავო. არავითარი ჯებირი: რომ მიეკედლო. მიწა გლუვი და ცის თალი. სხვა არაფერი. სევდა თვითონ არეში. ნალვლი სივრცეში. აქ მოყვასს კია არა — თავის თავს დაჰკარგავ. ვვლარც ნახავ. ყოველი შეხვედრა — სიკვდილი იმ თავითვე. ყოველი გაჩერება: უსვენარობის გამღებებელი. არსად კირა. ყველგან თარეში. გავარდნა და გადაღახვა. გახუნებულ ველებს უდაბნოს ცხელი ფაშატები მოედებიან. მათი თვალები სიგიჟეა და მათი ფლოჭები რისხვა. მათ ჭიხვინს მოაქვს უცხო ქარი — რომლის შესუნთქვით მიწას პირი ეცვლება და ძუ ლომივით იგრიხება. ურა კვიცების ჭიხვინით მოედვენ ქვეყანას ატილლა და ჩინგის-ყაენ. მათი ნალების დაღები იეროგლიფებად ამოიკრენ ევროპის ზურგზე. დაღები დაეანგულან: მაგრამ სიგიჟის მური არ დაუკარგავთ. მოდიან მხედრები. რა უნდათ?! მიწა?! არა. დამონება ვინმესი?! არა. ისინი მთვრალეებია მხოლოდ: მათ გავარდნა უნდათ ხივილით. სივრცე რამდენი შორია — მით უკეთესი: თრობა მეტი იქნება. მათ უნდათ გადაღახვა ყიჟინით. უფსკრული რაც უფრო ღრმაა — მით უმჯობესი: გახელება მეტი იქნება და ნახტომი კიდევ მეტი. დაამარცხებენ ვინმეს!? ალბად ეს „ხვედრია“ დამარცხებულთა. დამარცხებულთა თავების ხაპებისგან აზარფეშებს გამოსკრიან. სისხლით აავსებენ და დასცლიან: რომ კიდევ უფრო დათვრენ —

რომ კიდევ უფრო გადაირონ. უფსკრულს თავს გადაეჩეხებიან?! გადაეჩეხონ!. მათაც ეს წყურიათ. ცხენთა თქართქური და მეომართა ძივილი ერთიმეორეს გაეკვრიან ურავანად და ურავანი უფსკრულებიდან გადავარდება ყველა კიდურებზე. იქნება კიდევ მეტი თრობა და კიდევ მეტი გახელება. ახალი სფინქსი?! სკვითის თავის ქალა და მონღოლის ვიწრო თვალები. რის ხილვა უნდათ ამ ვიწრო თვალებს ამ თავის ქალადან?!

Пусть ночь. Домчимся. Озарим кострами
 Степную даль.
 В степном дыму блеснет святое знамя
 И ханской сабли сталь...
 И вечный бой! Покой нам только снится
 Сквозь кровь и пыль.
 Летит, летит степная кабылица
 И мнет ковыль...

მოდრაობა იზრდება.

ავტომობილები დაჰქრიან იქითაქეთ. ავტომობილებს უსვენრობა ემჩნევათ—(მათი რიტმი ვერ დამალავს ვერაფერს).

რაღაც ხდება. შორს. ჩრდილოეთში.

კუთხეებში: გროვა და გროვა. ჩურჩული.

საავადმყოფოებში—ფუსფუსი.

ავადმყოფებს სმენა უმახვილდებათ.

გაზეთები. დეპეშები. ტელეგრაფის სინებზე—შიფრები.

შეკითხვა და კამათი ერთიმეორის—ერთიმეორეში.

ირანის პლატოზე რაღაც ხდება—(თუ უსმენს მხოლოდ შორით მომხდარს ან შორით მოსახდენს?!).

ისევ გაზეთები. ისევ დეპეშები. ისევ შიფრები.

სინებს რომ მოსწყდენ—სვეტებს დაამსხვრევენ.

სახელები. სახელები. სახელები.

სახელებში: ერთი სახელი.

ყველა იმეორებს. ყველას აწვალებს. ყველას იზიდავს: მომხრეს და არა-მომხრეს.

სახელი: თითქო ტოტები მეომარი კლასის.

სახელი რომელშიაც ფატუმია დაგროვილი.

ჯარისკაცთა გროვა მიიმართება. იმავე ქუჩაზე. ძახილი:

ლენინ! ლენინ! ლენინ!

არჩიბალდ წამოვარდება.

ტაბა ტაბაა ყურებს ცქვეტს.

— ლენინ..

— ლენინ..

ორ ხსოვნაში ერთი ფიგურა იქრება.



1908 წელი. მაისი. კათედრაზე დაბრუნდა და დაამორგვილი. მაგარი თავი. ტრეველი გრანტი. მაღალი შუბლი და უტეხი კორძები შუბლის. თავის ქალაოდნავ ჩაწეული ქოჩორთან — (ნიშანი სიფიცხის?!). მაგრამ კეფა მტკიცედ ამოკორძილი — (ნიშანი თავშეკავების?!). თვალები მონგოლის: წვრილი. ერთი — მოხუტული ოდნავ: უნდობი და გამხვრეტი. მეორე — განზე მოცქირალი თითქო. თვალები თვალეში გეჭრებიან და თვალებს „იქით“ იხედებიან. მთელი ფიგურა — უგლიმითითქო ყველაფერს ხვდება წინასწარ როგორც მორკინალი. ლაპარაკობს. ხმა ერთფეროვანი: არც პაუზა და არც ინტონაცია. ფრაზა: დაგრაგრილი და დახერგილი. არავითარი პლასტიურობა. არავითარი „მჭერმეტყველება“. ფრაზა: უფრო „მოქმედება“. სიტყვა — უფრო „ნება“. მარცხენა ხელის ცერით იჭერს ფილეტის ჯიბეს — (თუ „იგდებს“ მაყურებელს). ხანდახან მარცხენა ხელი შარვლის ჯიბეს წვდება — (თუ დასცინის მოკამათეს). მარჯვენა გრაფიულ ხაზებს კვეთავს ახრის ლოგიურ დენისას. დროდადრო მარჯვენას მარცხენა ეხმარება. ხელის თათი ფართო: თითები მოკლე სჩანან. ასეთი ხელები აქვთ გლეხებს: მთაში უხარმახარ ხეებს რომ კოჭავენ და ტიფებისთვის მთის თხემიდან ხევში ჩაუშვებენ. ლაპარაკობს. არა: წალდით ხის მაგარ ტოტს სჭრის. ნაჯახით ნამორს აპობს. ტუჩებზე ირონია არ სცილდება. ირონიას ბაბრი წვერულვაში არბილებს. მაგრამ ჰაა: თითქო ლასსო გაისროლა და ველური ურა ცხენი დაიჭირა — (ეს საგანი თუა კამათის) — და ირონია ტუჩებს სცილდება. ფიგურაში არის ძლევა და გამარჯვება. მთელი სხეული დაძაბული ყველა კუნთებით. კაზინოში „ზერო“ რომ ირჩიოს — მოიგებს უთუოდ. უტეხი. უდრეკი. შემეშრებელი. არავითარი იჭვი. არავითარი გაორება. ერთი გეზი მთავარი. ერთი ხერხემალი მაგარი. დანარჩენი: მხოლოდ გაზომილობა ამ გეზით. ირგვლივ: ყველაფერი ამ გეზისთვის გამოსაყენებელად. არა: არ ლაპარაკობს: ნებას სჭედავს ქმედებისათვის. თითქო გიხმობს ხანძარის ასანთებათ და ჩასაქრობათ. მთელი პიროვნება: თითქო ქვეყნის სილლოგიზმია რკინის რგოლებით — რომელიც ეს არის გაიშლება და საშინელი ხმაურით გავარდება. არავითარი სისველე და არავითარი სილბილე. მაგრამ ხმე-

ლი და ცხელი სული ყველაზე უკეთესია“—(პერაკლე-
ტოსის სიტყვით). შეიძლება „ხანდაზმან“ შემეშინებოთ და რ-
ბილება—(ამისთვის საჭიროა ბავშვის მშენებლის გქრმდეს).

ორ ხსოვნაში ერთი ფიგურა იქრება.

— გაბსოვთ?!

— მახსოვს..

— იცით არჩიბალდ: რა გამახსენდა მაშინ?!

— ?!. ?!. ?!.

— რასაც ლაპარაკობდა არ მესმოდა. არა მარტო იმის გამო: რომ რუ-
სული სუსტად ვიცი. ჩემს პიროვნებას იპყრობდა თვითონ პიროვნება—გარეშე
იმისა: თუ რას ამბობდა ან თუ რას ფიქრობდა. პიროვნება უშუალოდ: მის
შუაგულში აღებული.

— რა გაგახსენდათ?!

— პაპა ალექსანდრე მეექვსე და მისი ვაჟი ცეზარ ბორჯია წმ. პეტრეს
ვენახში კარდინალებს უმასპინძლებიან: უნდათ—მოსწამლონ. კარისკაცმა იცის
მხოლოდ—რომელ ბოთლშია საწამლაეი. მაგრამ კარისკაცი ატმების მოსატანად
მიდის. მერიქიფე ავსებს თასებს ხიოსის ღვინოთი. შესვა ალექსანდრემ. წამსვე
გათავდა: თითქო ცეცხლი მოეკიდა. შესვა ბორჯიამ. იგრძნო საწამლაეი. მაგ-
რამ ცეზარს სირაქლემას კუჭი აქვს: რკინას ინელებს. ხოლო არც „cantarella“
არის სუსტი: იგი გესლავს მაგარ ვაჟკაცს. მაშინ ბორჯია გასცემს ბრძანებას:
მოჰკლან მის წინ ყველაზე უფრო დიდი ხარი. ხარს დაჰკლავენ და მის გაფატ-
რულ მუცელში ცეზარი ჩაეშვება. ხურვალე მუცელს ხარისას გაკერვენ. რამო-
დენიმე საათი ბორჯია ხარის მუცელშია გაკუდული. შემდეგ გამოდის იგი
მუცლიდან განკურნებული სრულიად: გადახალისებული და ტანდახვეწილი.

— ეს გაგახსენდათ...

— დიახ..

— რა სიმაგრე.. რა ენერგია.. რა გამძლეობა..

— თითქო მთელი მოდგმის სიცოცხლე ერთ კაცშია თავმოყრილი..

— და კაცი: თითქო ამ მოდგმის მორგვია კუნთებაყრილი..

— ფატუმის მორგვი..

— თქვენ გგონიათ...

— მე იმ კაცში მაშინ ფატუმის მორგვი დავინახე..

— მოხდება რაღაც..

— პირს გაუხსნის მომდგარ ზუაფს...

შორიდან ისმის კიდევ:

ლენინ, ლენინ, ლენინ.

პაერში დაჰქრის პაროლი:

„ძირს ომი ხალხთა მელეტაეი!“

„ქარხნები—მუშებს!“

„მიწა—გლებებს!“



კიდევ „გარმონი“ და კიდევ „სემიჩკა.“ ხეტიალი გროვერის ფუნქციონების. ჯარისკაცებში მოწყალების დებიცაა — (ეს როდის?!). ხუმრობაა სიტყვა. ხით-ხითი, ორკოფი სიტყვა.

ზოგი ბარძაყებს უყურებს ქალისას.

ზოგი — თეძოებს.

ზოგი — მუხლებს.

ზოგი — მკერდს.

სახეს — არავენ.

„იივჰჰჰჰ“ ხეიხეინობენ: — „საასტრიიიიცი“...

მეკეში მარტოა.

შემოვარდება ვამეხ.

— ხვალ მივალ..

— სად მიხვალთ?!

— საქართველოში..

— ასე მალე!?

— რალაც ხდება.. ხომ ხედავთ..

— დაიცადეთ ცოტა..

— შემდეგ გვიან იქნება..

— საიდან იცი?!

— ვიცი.. გული მეუბნება..

ვამეხ მაგიდასთან მიდის, მაგიდაზე სურათია. აიღებს. ხედავს. ილესება. მეკეშს შემოხედავს.

— ეს თქვენი მამის...

— დიახ: მამის მეგობრის სურათია..

არჩიბალდ გამტყდარია.

— მამის.. მეგობრის...

ჩურჩულობს თავისთვის იქვენეული ვამეხ.

არჩიბალდ გამოსავალს ეძებს:

— მაშ არ იშლით წასვლას?!

ვამეხ სურათს სდებს მაგიდაზე.

— საქართველოში უნდა ვიყო ეხლა..

— ეხლა?!

— აუცილებელია..

— ენზელამდე გამოგყვებით..

— შეუძლებელია..

— რათა?!

— გილიანში უკვე დაუწყია გამოსვლა მირზა ქუჩუკ-ხანს..

— მერე?!

— თავს რომ დაგვეცეს!?

- თქვენ რომ მიხვალთ..
- მე არა მიშავს რა.. თქვენ რომ გამოგიცნოს..
- როგორც ინგლისელი??
- დიახ..



ეს რომ არ ეთქვა—ვინ იცის—შესაძლოა არჩიბალდს უარი ეთქვა გაყოლაზე. მაგრამ ეხლა დაბრკოლებას ხედავს.

- მაინც წამოვალ..
- არ გირჩევთ..
- ვერაფერი დამაკაფებს..
- თქვენი ნებაა..
- ვამეხ რბილდება..
- ხვალ წავალთ მაშ..
- „აღლანს“ წამოიყვანთ?!
- უთუოდ..

„აღლანს“ თითქო ესმის. წამოდგება და მხნელ იმართება. ვამეხ ისევ სურათს მიმართავს. აკვირდება. თავისთვის:

- ვინ უნდა იყოს ეს „მეგობარი“..
 - მეც არ ვიცი..
- არჩიბალდ ტერრასაზე გადის.

იხამ ზალა ჰაშია

თავი მიათოთხმობა

ქვეყანა ქარვასლაი—
ჩვენ კი ქარავანი.
შაჰ-აბბას.

სტეპკო მარჯვე ბიჭია.

„ოპპელ“ პლახავს ირანის ზეგანს.

შოფერის გვერდით ზის ვამეხ. ავტომობილში სხედან: არჩიბალდ და სვანი ციოხ-კაცი დაკორძილი და მაგარი. ეს უკანა საჯდომზე. წინაზე—ოდესელი ჰებრაელი მეეროვ და ჯიმშუტ. უკანასკნელი სომეხია ყარაბახიდან. ესეც მაგარი და უდრეკი ვაჟკაცი. სახე არ უცინის. გეგონებათ ყაჩაღი. მაგრამ ქართული თქმა მას „ყოჩაღად“ მონათლავს.

მათ შორის „აღლან“ განაბულა.

„ოპპელ“ მიჰქრის. გზაზე—თითქმის ყოველ მილზე—ლეში: ცხენის თუ ვირის თუ აქლეშის. შიგადაშიგ: მხოლოდ ხერხემალი. ზოგან თავი ავდია. ზოგან ფეხი. ფლოქი ყველგან მაგრად შენახულა. ხანდახან კაციც ჩნდება დაყუნცული: ნალს აძრობს ფლოქს.

აქაიქ: ჯარისკაცთა მწკრივი. ყველა თოფიანი. ზურგზე მაზარა და მაზარასთან გახუნებული ფუთა. ავტომობილის ხმაურზე ჩერდებიან. თველებში მწკრივი და ბოღმა. ჩრდლოეთში მათ უცდით: მიწა—სახლი—ცოლი—~~შეგბლი~~ნსტესავი.

გაიძახიან: ლაზეტ! ლაზეტ!

ვამეხ იღებს „იზვესტიას“ და გადაუყრის.

გაზეთები ქარს მიაქვს. ქვითნი გაზეთებს ეხვევიან.

ზოგ ალაგს კაცის ცხედარიცაა თხრილში გადაგდებული. ყოველთვის — ჯარისკაცი. სპარსეთის მალარიისაგან თუ პარატიფისაგან შაშხივით დამკნარი და ყვითლად გადაქსუებული. ალბად შორი გზა ვერ აიტანა. ასე კვდება ნაციები ქათამი ფრთებაბურძგვნილი და თვალეზიან ფშუტული სადმე ნალიის კუთხესთან. მკვდარ ჯარისკაცს კიდევ აჩნევია ნალელი მშობელ მიწის ხილვის. მხოლოდ ტუჩებზე სიკვდილს რალაც ირონიული ფრთა გადაუსვამს. გულზე მიკრებული აქვს პატარა ბოღმა. ბოღმაში ფული აღარ არის — (გამვლელს ფული უნდა: სხვა არაფერი). დარჩენილან მხოლოდ წვირიანი ნაგლეჯები წერილების. აქ ხშირადაა სიტყვა „დედა“. ხანდახან — „ცოლიც“. უფრო ხშირად „ხენა“ და „სივკა“.

არჩიბალდ ერთი კლდის ქიმთან წამოიწევს.

გადახედავს ხევის პირს. აქ მოკვდა ბეხან. ბებერი აქლემი ბეხან. ხედავს ორად გაპობილ ხერხემალს. იქვე თავის ხაპი აგდია. მაგრამ სადღაა თვალეზი: ასეთი საცოდაობით რომ იმზირებოდენ უკანასკნელ წამს?!

არჩიბალდ გაგულდულია. უეცრად მის წინ უმწეო თვალეზი განათლებიან. ნათლებიან და ჰქრებიან. ავტომობილი გაირბენს. უკანიდგან სმენას სერავს „ის“ ღმუილი: დაგდებულის და მიტოვებულის.

ნუ თუ ყოველის ხვედრი ეს არის?!

კიდევ ერთი მანძილი და კიდევ ჯარისკაცი მკვდარი. ისიც დაგდებული. არც ნუგეში. არც შენდობა. სიმარტოვე და არაობა.

— გუშინწინ ამ ხევში დაეცენ თავს?!

ეკითხება ვამეხ ჯიმშუტს.

— ამ ხევში დაეცენ...

ყარაბახელის სახეზე ფლეგმა ირღვევა.

მეეროვ იქითაქეთ იხედება: ციოხს ეკვრის.

— ნუგეშინიან მეეროვ!.

ხუმრობს ვანეხ.

მეეროვის თვალეზი წინ იხედებიან. მოსჩანს ჯგუფი ჯარისკაცების. მეეროვი უფრო თოფებს უცქერს. ჩურჩულობს:

— აქაც..

— დასწყევლოს ღმერთმა: ამ უდაბნოში ჩიტსაც ვერ ნახავ..

შეეჭრება ხუმრობით ვამეხ. ჯიბიდან ვაშლს იღებს.

ავტომობილი ჯარისკაცებს უახლოვდება.

ვამეხ ვაშლს აისვრის მარცხენა ხელით. მარჯვენათი ნაგანს იღებს და ასროლილ ვაშლს შუაზე გააპობს.



სახეებს ბოლომდე სცილდე-
ბიზლიქსიქსიქსი

- უბ: სტრელმაეტ კაკ ჩორტ..
ბურდლუნობენ ჯარისკაცები. აბორგილ სახეებს ბოლომდე სცილდე-
ბათ—(ერთი წამით?!).
- რაა ეს სროლა!? სულ სროლა!?
ამას შეეროვი ამობს.
- არაფერი! ხელის ვარჯიშია..
უკანიდან კი ისევ: ლაზეტ! ლაზეტ!
ვამეხ იღებს „იზვესტიას“--(სად შეაგროვა ამდენი?!) და გადაუყრის.
- მოსჩანს მენჯილი. სადგური მაღალ გორაზე.
სანავარდო ჩრდილო ქარის. ეხლა შემოდგომაა და სანავარდოზე მყუ-
დროება—(ერთი დღით?!).
- მაშინას წყალი უნდა..
სტეპკო აჩერებს „ოპპელს“. წყალს ალევინებს. შემდეგ საკვებ პუნ-
ქტში შეიბენს. დანარჩენნი ტიტველ მთებს გასცქერენ აფერადებულს.
- სტეპკო! სტეპკო!
ყვირის ვამეხ.
საკვებ პუნქტიდან გამოხტება შოფერი:
- ეხლავ.. ეხლავ..
პირი საშინლად ელუკმება.
„ოპპელ“ ახრიალდება და გაეშვება დაღმართზე.
დაღმართი ერთ მილნახევარზე. დაღმართის ბოლოში: მენჯილის დი-
დი ხიდი მდინარე სეფიდრუდზე. ხიდი: ნაკეთი ქვისაგან და რკინისაგან.
ხიდს გაივლი და წინ კედლების კუთხე გეჩრება—(ლათინური T-ს
მსგავსი). გზა მიდის მდინარის მარცხნით: გარს უხვევს წამომუცლოულ ნაპრა-
ლებს და აუხვევს ჩრდილო მხრით.
- მენჯილის ხიდთან ხევი ვიწროა მეტად. აქ კარია გილიანსა და მენ-
ჯილის შუა. გზატკეცილი ალაგალაგ პირდაპირ კლდეშია გაჭრილი. მარც-
ხნით—პიტალო ნაპრალები. მარჯვნივ: ღრეები სეფიდრუდის. ვისაც ეს გასავა-
ლი უჭირავს—სტრატეგიული კლიტე მის ხელშია.
- ნაპრალები—უფროდაუფრო მორჩილები—ავტომობილის გვერდით
იმართებიან. აქაიქ—გორაკები, შიგადაშიგ—ხეებიც.
- ხეების დანახვაზე ვამეხს თვალები ელესება: თითქო ლაევარდი გადა-
სერა მერცხალმა.
- გაივლიან დაბა რუდბარს. იგი მდაბლობშია. შუაგულში მთის რუპ
ჩამოუდის. ავტომობილი შუვილით გადასჭრის რუპს და აირბენს მეტის ხალი-
სით—(თითქო იამა: ცხელი მუცელი ცივს ტალღებში რომ ამოავლო).
- იხსნება ხეობა თითქო პალესტინის.
- ხეობა მოცულია ზეთიხილის ტყეებით. ტყე არ არის ხშირი. ზეთის-
ხილის ხეები გუნდაგუნდათ შეყრილან. გუნდებ შორის ცალიერი მინდორი იშ-
ლება. მინდორზე: ძროხა—ხარი—ცხენი—ვირი.

ზეთიხილის ხევნარი ჰქმნის უცხო გუნებას: თითქო ეს კუთხე ნატებია იმ მხარის საცა ძველებს „სამოთხე“ ეგულებოდათ. ჰაერში სინელები და სიმსუბუქე-მყუდროებაში: თითქო გვიმრის სურნელი. არყ: ნატვრის თვალი. მაგრამ გული მაინც ვერ ისვენებს: აქ ყველაფერი მოწყვეტილია თითქო და მიტოვებული.

მეეროვ კარგ გუნებაზეა:

- აი ნამდვილი სილამაზე..
- შენი ძველი სამშობლოს ნატები თუა.
ოხუნჯობს ვამეხ.
ჯიმშუტ ილიმება.

კიდევ ჯარისკაცები. კიდევ ძახილი: ლაზეტ! ლაზეტ!
ვამეხს მათთვისაც აქვს „იზვესტიას“ ნომრები.

ჯარისკაცებს სადღაც ფურგონი უშოვიათ. თოფები ორ-სამს თუ აქვს: ალბად გზაში დაჰყიდეს.

სადგური რუსტამაბად. აქაც პატარა რუჰ.

- შევისვენოთ?!
- არაა საჭირო..

ლამდება. რამოდენიმე მილი. ხეობა განიერდება.

გზაზე აგდია გიგანტი ლოდი. ვინ მოაგდო?! ვინ მოიტანა?! ნუ თუ სეფიდრუდ ისე აღიღდა ოდესმე—რომ ამ სიშორეს გამოისროლა ვებერთელა ქვის მასსივი!? გაქვავებული ლანდი საზღაპრო მოგზაურის. პირუტყვია და რაღაც უნდა სთქვას. გამვლელს ეხვეწება თითქო: უთხრას რამე. მაგრამ მუნჯია გამვლელიც.

არსად ხრამი და არსად ღრე. მაგრამ ავტომობილი სწორედ იქ კირვეულობს საცა ნაკლებ გგონია. ღრრრ... შრრ... შშ... ჩერდება.

„აღლან“ ყუფით გადმოხტება.

ვამეხ ხუმრობს:

— ერთი ურია ერთი ბერძენი ერთი სომეხი.. ამ სამებაში უბედურება გეწვევა—მა რა იქნება!?

- ჰა-ჰა-ჰა..

მეეროვი განაბული დგას.

- რას დაშტერებიხარ?!

ეკითხება ვამეხ.

- აი ამ ქვის ნატებს.. ეგებ სურს მას სხვა ადგილს იყოს..

- ალბად ამდენ ხანს შენს გავლას ელოდა!?

- ვინ იცის!? შეუძლებელი არაფერია..

მეეროვი სწვდება ქვის ნატებს. იღებს და ისვრის.

- მადლობა არ უთქვამს!?

- იტყვის..

- როდის?!

- როცა დანებსნები..



მეეროვის ჰუმორში წყენაც მოსჩანს.
სტეპკო მაშინას ათვალერებს.
ვამეხ უახლოვდება.

- ხომ არაფერი გატეხილა?!
- არაფერი იმდენი.. მალე შევაკეთებ..
- რამდენი საათი დასჭირდება?!
- სამი თუ ოთხი..

მეეროვს შეწუხებაც ემჩნევა:

- მაშ ოთხი საათი ამ ტიალ მინდორში უნდა ვიცადოთ!?
- ერთ ვერსზე აქედან სამიკიტნოა „ნომრებით“.. იქ წავიდეთ.. ამშვიდებს ვამეხ.

— წავიდეთ! წავიდეთ!

მიდიან. მიაქვთ ხელისბარგი.

- სტეპკო! არ შეგეშინდეს! როგორც შეაკეთო—გამოექანე..
- რის მეშინია!?

გზის შეტრიალებულ ასახვევის თავში მოსჩანს პატარა ღუქანი: როგორც აივანის სვეტზე წამოსკვინჩული გალია.

— „აღლან“ შუქს ხედავს სანთლისას: ყეფს.
ვამეხ იძახის:

— ნუგზარ! ნუგზარ!

კიბის თავს თორმეტი წლის ბიჭი მოადგება.

— ჰააა! ვამეჰ!

— ვაი შენ თავს ნუგზარა! „ვაიმე“ კი არა—ვამეხ!

— ვამეჰ!.. ვამეჰ!..

დარცხვენით იმეორებს ბიჭი და თან იღიმება. „აღლანს“ უნდოთ უცქერს. „აღლანიც“ იღრინება. არჩიბალდ დოგს საყელურში წვდება. ხუგზარა მაინც იბუძვება. უცქერს დოგს. თვალეები წყალით ევსება.

— რა ძაღლია!.

— ძაღლი კი არა—ვეფხია!.

ხუმრობს ვამეხ.

ნუგზარა განზე გაიწევს.

შეაქვთ „ნომერში“ ნივთები.

შემოდის შუახნის სპარსი. ტანზე რალაცას ისწორებს ახალოხის მსგავსს.

— იუზბაშ: როგორა ხარ?!

— სფასიბა!.. სფასიბა!..

(სპარსებმა ომის დროს რუსული ისწავლეს)

— კარგად იყავი..

— თუ აღლაჰმა ინება..

— აბა კარგი მწვადი და კარგი „ლულა-ქებაბ“..

(ვამეხ აქ შინა კაცია)



საქართველოს
საბჭოთაო გამომცემლობა

მეგროვი გაოცებულია:

— საკვირველია: რომ შენ ყველა გიცნობს..

ჯიმშუტიც იღიმება:

— თუ ღმერთი გწამს: რამდენი მეგობარი გყავს სპარსეთში?!

— ვინ მოსთვლის!?

ხალისობს ვამეხ. გვერდით ნუგზარა მოხვდება. აიყვანს ხელში. შეაგდებს

შალლა და შეათამაშებს.

— ესეც ჩემი მეგობარია..

— კაი ვაამეჭ?

ნუგზარას თვალები უგანიერდება.

არჩიბალდ ვამეხს უცქერს: ისევე „ის“ — პირველად რომ ნახა — რამდენი

ხალისი და რამდენი გულახსნა.

მოაქვთ შენაკვეთი.

— მწვადი ჩინებულია..

— ლულა ქებაბ კიდევ უკეთესი..

— ასეთს ვერც ყაზვინში ამზადებენ..

იუზბაშის ღიმილი სიამით იღვენთება.

— ყველაფერი კარგია.. მაგრამ ღვინო?!

პირველად ხსნის პირს მღუმარე ციოხ.

— ღვინოც იქნება...

იძახის ვამეხ. ხსნის აბგას ბოთლებით საფსეს.

— აი ღვინო! კახური:

ვამეხ ბოთლს ხსნის. აფსებს ჭიქას.

— სინჯე იუზბაშ!

სპარსი იპუწკება როგორც ახლად დანიშნული.

— შესვი! ნუ გეშინია! მაჰმადს შენთვის არ სცალია!

იუზბაშ მოსვამს ცოტას. წრუპავს: თითქო სინჯავს.

— გაჯრჯის ღვინო ქარიგია..

იუზბაშმა ორიოდ სიტყვა ქართულიც იცის)

ვახშაში ჩაღდება. ნუგზარ იქითაქეთ დარბის. ხმელი და მაღალი. წარბე-

ბი: წურბლები — (ერთმანეთს ხომ არ კოცნიან!?). წამწამები — „სპარსული“:

(ძნელია სხვა სიტყვა). თვალები — ორი ქვა: ნალველივით შავი (რიყეზე რომ

ნახულობენ). ხელები — სუფთა და ფერად პერგამენტი. თითები: დაქნილი მას-

რები — (ესეც „სპარსული“).

— ნუგზარ! შაირი!. შაირი!.

ნუგზარა შაირობს. ზეპირ იცის მთელი „გაულისტან“.

შაირი ტკბილია შერბეთივით. მღერის თითქო.

— ნუგზარ: რა უფრო გიყვარს?!

— მთვარე.. გავსილი..

— კიდევ?!



— ბაულებულ..

— კიდევ?!

— ვარდი..

— რომელი?!

— შირაზის..

— კიდევ?!

ვამეხ არ ეშვება. ნუგზარ დარცხვენილია.

— კიდევ? ნუშის თვალები—არა!?

ნუგზარ თავს დახრის და ილიმება.

გაისმის ავტომობილის ქშენა, ვამეხ გაეარდება.

— სტეპკო?!

— მე ვარ..

შემოდის სტეპკო. შაგიდას უჯდება.

— ნიირთვი.. შესვი..

სტეპკოც მიირთმევს—(პო რა მადიანია შოფერის ლუკმვა!).

იუზბაშ განხე დგას.

— იუზბაშ ქუჩუკ-ხანი როგორაა?!

ეკითხება ვამეხ.

— ვინ?!

თითქო ეს სახელი პირველად ესმის.

— კარგი ერთი!. რამდენჯერ ყოფილა შენტან?!

— ?!. ?!. ?!.

— ინგლისელები უნდა გავაძევოთ იუზბაშ.. რუსებიც..

იუზბაშს თვალები უწვრილდება.

— არ გჯერა?! აქ: ერთი ებრაელია. მეორე სომეხი. მესამე ბერძენი. სვანიც ჩემი თანამემამულეა. მე გაურჯი ვარ. ეს ჩემი მეგობარი შვედია.

— !?. !?. !?.

ვამეხ გადახედავს არჩიბალდს. არჩიბალდ ილიმება. დანარჩენებიც ილიმებიან. იუზბაშის წვრილი თვალები სინჯავენ არჩიბალდის ღიმილს.

ვამეხ განაგრძობს:

— ჩვენ რა დარდი გვაქვს რუსეთის ან ინგლისის!?

— იახში! იახში!

— გაუმარჯოს სპარსეთს!

— გაუმარჯოს! ლა ილაპ ილლა ალალაპ!.

სპარსის დაწვრილებული თვალები აციალდებიან. თუმცა იკვნეულობა მოსჩანს მაინც სიღრმეში.

ვახშიამი გძელდება: „კახური“ მაგარია.

იუზბაშ ხშირად გადის და შემოდის.

„ეს ღმერთმა აღლევძელოს“...

...

— სტეპკო რომელი საათია?!



— ორს გადასცილდა..

— იმამ ზადე ჰაშიმ აქედან შორს არაა..

— ორ საათში მივალთ..

შოფერი შეღვინიანებულია.

მეეროვს არ მოსწონს დიალოგი:

— აქ გაეათიოთ ღამე..

— გეშინია განა?!

ახელებს ვამეხ.

— რის მეშინია!?

მეეროვი მხრებში იმართება.

— მაშ?!

— სახიფათოა ეხლა..

— რა სახიფათო?! რას ამბობ?!

— ნავლობერს იქით ქუჩუკ-ხანის რაზმი მოქმედობს.

— მერე?!

— თავს ესხმის მგზავრებს..

— დაგვეხხას.. დაეხვდებით..

შეღვინება ვამეხსაც ეტყობა.

— დაეხვდებით..

ნადირივით იხედება ჯიმშუტ. წელზე—ფართო საპატრონე: ტყვიის მას-
რებით ამწყვრივებული. „სმიტ-ვესსონს“ დახედავს.

— ვინ რას გვიზამს?!

ბლავის სვანი ციოხ. ბერდანას ათვალეირებს.

— დაეხვდებით!

გაიძახის ვამეხ. სინჯავს დიდ ნაგანს—(ქარქაში ხისაა).

— რა გვიშავს!?

თამამდება სტეპკო—(მასაც ჰქონია იარაღი).

იუზბაშ გაოცებულია და გაცეცეებული. იარაღის ეშინია. ხან ერთს უც-
ქერს—ხან მეორეს. ეხლა არჩიბალდისკენ იხედება: „ხაკის“ ქარქაშიდან იღებს
ორს „კოლტს“ მრავალთვალისანს. იუზბაშ უკან გახტება.

ვამეხ აშინებს იუზბაშს:

— თავს დაგესხენ თულები..

იუზბაშ კანკალებს.

— ნუ გეშინია იუზბაშ!. ეს სამზადისია მგზავრების!.

იუზბაშ მშვიდდება. ვამეხ მოიხედავს და სიცილი აუფარდება.

— ეს რაღაა?! ჰა-ჰა-ჰა-ჰა-ჰა..

მეეროვს ჩემოდანი გაუხსნია და პაწა რევოლვერს იღებს.

— ერთი ამას უყურეთ!. იუზბაშ: თქვენი გარდაქეშანია რაღა!. არა: და-
ხეთ—ამ სათამაშოსი.

და პაწა რევოლვერს გამოართმევს და აათამაშებს.

მეეროვი დარცხვენილია:



ქართული
საბავშვო ლიტერატურის
საქართველოს
საბავშვო ლიტერატურის

— ნუ იცი ყველაფრის მასხრად აგდება.
— მაშინა მზადაა!
მოისმის სტეპკოს ხმა.
გაღიან აივანზე. ვამეხ ილებს ნაგანს და გაისვრის. „აღღან“ დაიყუფს.
„იუზბაშ რიკულზე მიეკეცება—(შიშით?!.) „აღღანის“ ყუფა გადასერავს განიერ
ხევის ფაშვს.

დაღესიღია ყვეღა—(კარგია ნაღვინებზე გრიღი ჰაეღა ღამის).

საფრხე მათრობელია—(მაგარია მკღავები მორკინაღების).

— მშიღღობით იუზბაში.

— მშიღღობით ნუგზარ!

— ყარღაში. ყარღაში.

— იახში.. იახში.. გზა...

„ოპპელიც“ ატეხიღია. ღვინო მასაც თუ გადაეღვა.

მაგრამ სტეპკოს თვაღი მჭრელია და ხელი ნაგარი.

გაიარეს მოსახვევი. შეღიან ტყეში. ტყის პირას ხანღახან გარეული კატა
გაირბენს წითური. გამონათებს აღის თვაღებით და წამსავე გაჰჭრება. შორით
გზაზე მგელიც მოსჩანს მოყიაღე. ავტომობიღი დაიღრიაღებს. მგელი ხრამის-
კენ გადაეშეება. „აღღან“ დაიყუფს ყელამართული და ყუფა მგელს ხევეში გაე-
კიღება.

საღგური—ნაღღობერ. ერთი ვერსი. ორი.

„აღღან“ ყუფს. იხეღებღიან: არავინაა.

„აღღან“ ყუფს გახეღებით. გაიხეღავენ: არათერი.

„აღღან“ ავარღება. ვეღარ აკავებენ. ყუფა და ყუფა.

ყვეღანი წაიწევენ. ავტომობიღის თვაღები აღამიანის ღანღს კვეთავენ.

— ვიღაც მიიმაღა..

იამის სტეპკოს გაგუღული ხმა.

ვამეხ წამობტება;

— შეაჩერე!

და უეცრად მოსახვევთან გავარღება თოფი.

— ისინი არიან..

— ვინ?!

(ეს კანკაღია მეეროვის)

— ქუჩუკ-ხანის რაზმეღები..

არჩიბაღღმა მხოლოღ ეხღა იგრძნო საფრხე. ისიც გაღმობტება. მას
ჯიღმუტიც გაღმოჰყუება. მეეროვი გაღმომბტარია და ავტომობიღს ეფარება.
სვანი ციობ გაღმოდის დათვივით. სტეპკო წინ ჩამძვრაღა თითქო: უცღღის ვა-
მეხის ბრძანებას.

— თხრიღთან მიაყენე!

მაშინა გაიწეღს დაქრიღი მხეცივით.

მეგროვი თან მიჰყვება. „აღლან“ არ ცხრება. არჩიბალდ მეგროვს მიმართავს:

— დაიკავეთ საყელურით..

მეგროვი ფთხილად ჰკიდებს ხელს საყელურს. თან: უკან იხევს. ძნელი გამოსაცნობია: დოგისაც. ისე ეშინია როგორც წინ ამართული საფრხის?!

ჯიმშუტ სიბ ქვას ეფარება გამოფერდილს. ციოხ მის ახლოა. ერთი „სმიტ-ვესსონს“ იმარჯვებს. მეორე ბერდანას. ვამეხ და არჩიბალდ ხეს ეფარებიან ხრამის პირას. ერთი „ნაგანს“ მართავს. მეორე „კოლტს“.

პაუზა. გავარდა კიდევ: ერთი—ორი—სამი—ოთხი.

გასცეს პასუხი. ხევში სროლა გაიკლაკნება.

— მაგრად არიან..

ამბობს ვამეხ. სტეპკო წამოხტება:

— მე ეს ადგილი კარგად ვიცი.. ავალ ტყეში.. მოვუარ საცალფებო ბილიკით.. დავზვერაგ..

— ფთხილად სტეპკო.. არ გაიგონ..

— ჯავრი ნუ გაქვს..

სტეპკო მიხობავს. შედის ტყეში.

გავარდა კიდევ. გასცეს პასუხი. არჩიბალდ იცდის: თითქო რალაცას ზომავს. „აღლანს“ ძლიერ აკავენს მეგროვი.

კიდევ გავარდა. მოხვდა ავტომობილს.

აქედანაც გავარდა. (იქაც მოხვდა?! მაშ რა ხრიალია?!).

ვამეხ არხეინად დადის. ტყვიის არ ეშინია. მაგრამ მის მაგიერ არჩიბალდს ეშინია.

— ვამეხ: აქეთ! ფრთხილად!

— ფიქრი ნუ გაქვთ..

გავარდა კიდევ: ზედიზედ. მეგროვი ყვირის: „აღლანს“ ველარ აკავენს. „აღლან“ გავარდება. ვამეხ გაეკიდება—(ფიქრი: ვაი თუ დოგი დასკრან). არჩიბალდ მოდუნებულია—(რა ემართება?!). ვამეხ „აღლანს“ ეცემა და დააკავენს. დოგი ყვეს გახელეებული. გავარდება კიდევ—და ვამეხ წაიქცევა.

ისმის მხოლოდ გაგუდული სიტყვა: „დედა“.

ერთი წამი—და ამ წამში: ნინო დანისლული თვალებით—მატასი ნიამორივით აშოლტილი—ბაბუა სარიდან. ეს: ვამეხის ფიქრებში. იმავ წამში—ეს ყველა: არჩიბალდის ფიქრებშიც. მაგრამ ამ ფიქრებში კიდევ სხვა: ირაჰშანდა—სარგის—ბეხან—მამა. მამაში: მამის სისხლი თუ კივილი.

ფიქრები წამია თვითონ.

არჩიბალდ მოსწყდება. ერთ ხელს „აღლანს“ სტაცებს. მეორეთი მოათრევს ვამეხს. მიიყვანს ავტომობილთან. გრიალი ისმის—(ნეტავ რად არ ხვდება?!). დააწვენს ავტომობილის უკან. კიდევ სროლა—(ნეტავ ხომ არავის მოხვდა?!). ციოხ და ჯიმშუტ ვამეხს თავს ეხვევიან. არჩიბალდ პერანგს იგლეჯს. „შეუხვიეთ“: ეუბნება მეგროვს. „თქვენი ალაგები დაიჭირეთ“: მიმართავს ციოხს და ჯიმშუტს. მეგროვი ეხლა მარჯვედაა: კრილობას უხვევს.

არჩიბალდ გახელდება მარტო: ცეცხლის თუ რკინის.

გაუშვებს „კოლოტს“ ერთიანად ზედიზედ.

გრიალი ხევში გაწვება როგორც თავწაკვეთილი გველვეშაპი.

(საკვირველია: „აღლან“ აღარ სცილდება)

მტრის ბანაკში ჩოჩქოლია—(იქაც დაიჭრა?!).

ზევიდან სტეპკო გადმოხტება:

— ხუთმეტამდეა.. ცხენები არ ჰყავთ.. შეიარაღებული კარგად არიან..

მაგრამ ძარღვი შეშინებული აქვთ.. ეს რაა?! ვამებ დასჭრეს?!

სტეპკო ავტომობილში ხტება. გაწვება სამართავთან კატასავით. ისმის გაგუდული ხმა:

— მე გავსჭრი მათ რკალს.. ადგილი ვიცი.. მათ იქით მოსახვევია..

მოსახვევამდე ჩაწოლილი გავეიგდებ მაშინას: დაღმართია.. ტყვია არ მომხვდება..

შემდეგ—ვილა დამეწევა?! იმამხადეში ოც წამში ჩავალ.. მიცადეთ.. იქ ჯარისკაცებია..

-- მაშინის აძერა?!

ეკითხება ჯიმშუტ. აა: ეს კი დაავიწყდა სტეპკოს, აძერა წინიდან შეიძლება. წინ-გასვლა კი სახიფათოა.

სტეპკო დალონებულია:

— უკანიდან მოაწევით.. აქ დაღმართია.. მაშინა თავისით გახურდება..

— მაგრამ მაშინა თბრილშია გადახენეჭილი.. ამოლება უნდა..

სტეპკო უფრო დალონებულია.

— მაცალეთ!.

იძახის ციოხ: და ვებერთელა კაცი უკანიდან ძვრება ავტომობილის ქვეშ. ხელებს იმაგრებს. მუხლებს იმაგრებს. ზურგით აწვება.

— ჯიმშუტ! უკან დაიკავეთ მაგრათ..

ჯიმშუტ ამაგრებს.

სროლა სროლას მოსდევს. არჩიბალდ არ სტოვებს სროლას უპასუხოდ. „აღლან“ კბილებს იღესავს.

„ჰააა“: იძახის ციოხ ქვეშიდან. მაშინის წინა პირი თბრილიდან მოგორავს: ვაკეზე იმართება. წინ: დაღმართი.

— მოაწევი უკნიდან!.

— იძახის სტეპკო.

ჯიმშუტ მიაწვება. მეეროვს ვამებ თბრილში გადაჰყავს. მაშინა ხურდება. გავარდება. ციოხ წაიწევს განზე. ისევ იარაღს იმარჯვებს. მაშინა მიჰჭრის.

ყურს უგდებენ. სიჩუმეა. შეაჩერებს?! ვერა. ესროლეს?! ესროლეს. ავტომობილი?! მისი ხმა ისმის. მაშ ვერ დასჭრეს სტეპკო. კიდევ სროლა. ავტომობილის გრიალი თითქო გადატყდა. მოახვედრეს?! ყურს უგდებენ. ვერა: აღბად

მოსახვევს გაუარა. აა: საყვირიც გაისმის მაშინის. კიდევ სროლა. მაგრამ სტეპკო მიიშალა აღბად.

მაგარი ამოსუნთქვა. „აღლან“ ყეფს.



ეხლა მტრის ბანაკს უგდებენ ყურს. იქ რაღაც ჩოჩქოლია. ავტომობილში არაფერს იჯდა. შოფერი ალბად გაწოლილი იყო. რად გაიქცა?! დასტოვა დაქრილები ან მკვდრები?! ძალლიც მისთვის ჰყევს?! თავს უშველა?! თუ მოსაშველებლად გავარდა?! ამ ფიქრებს „ესენი“ ფიქრობენ — (მტრის ბანაკის ფიქრებს). ბანაკში ჩოჩქოლია.

ყურს უგდებენ განაბულნი.

ეს რა ლანდებია!? ერთი. ორი. სამი. ოთხი. ხუთი.

ალბად „დამარცხებულთა“ სანახავად მოდიან.

— არ გაინძრეთ!.

ჩურჩულობს არჩიბალდ.

„აღლან“ ჰყევს. ვერაფერი აჩერებს: ვერც თხოვნა—ვერც ბძანება.

ლანდები ახლოვდებიან. ხუთი საყენი. სამი. ორი. და ვილაცამ თხრილიდან გაისროლა. ნუ თუ ვამეხმა ამოჰყო თავი?! ერთი „მათგანი“ დაეცა. მაგრამ სხვები გადმოიქრებიან. არჩიბალდ თხრილისაკენ გადახტება: ვამეხს იფარავს. ვილაც ხანჯალს მოუქნევს. არჩიბალდ იცდენს. „აღლან“ მოსწყდება და ერთი ნახტომით შემოსეულს მიწაზე გაშხლართავს. მეორე დოგს თოფს უმიზნებს. ჯიმშუტ მზადაა: გადაიჩეხება—თოფს ხელს აჰკრავს. არ მოხვდა. ციოხ ხელჩართული იბრძვის. ჯიმშუტ ციოხს ეხმარება. მეეროვი მარჯვედაა: თხრილიდან ისვრის. აცილებს. არჩიბალდ ხედავს: ოთხი—ორის პირისპირ. ციოხ დევკაცია. ჯიმშუტ არა ნაკლები. მაგრამ მტრებიც არ დაუვარდებიან. ბრძოლა, ხელჩართულია. არჩიბალდ მოსწყდება: ეხლა ნამდვილი გაგიყებით—(სიგივე ძალას აათკეცებს). მორკინალი არტისტი უნდა იყოს: არჩიბალდ ბოკსერიც არის. ერთი დაკვრა. მეორე. მესამე. მეოთხე. „აღლან“ კიდევ უფრო საშინელია.

მტრები მოგერებულა. ზოგი ძირს აგდია დაქრილი. ზოგიც განზე გავარდა. მაგრამ ეხლა სხვები მოდიან. უფრო მეტი: ეხლა მოშვება აღარ შეიძლება. რაზმელები ისვრიან. გავარდება ჯიმშუტის ტყვია. გავარდება ციოხის ტყვია. მას მიჰყვება საშინელი გრიალი „კოლტის“ — (უკვე მოასწრო გატენა). ხუთი ერთად. მტრები უკან იხევენ. კიდევ ხუთი ზედიზედ. მტრები აღარ სჩანან—(მიმალენ?!).

აიფანტენ?! ვინ იცის.

მეეროვი ვამეხს ეჩურჩულება:

— კრილობა არ უნდა იყოს დიდი..

— წვივში..

არჩიბალდს ესმის მეეროვის სიტყვები. თითქო ეხლა გამოერკვაო—მოსწყდება და ვამეხს თავთან დაუვარდება.

— ვამეხს!.

— არჩი.. ნუ გეშინია.. ცოცხალი ვარ..

— არა უშავს..

(ეს ჯიმშუტის ხმაა)

— დოგს რომ არ გაჰკიდებოდა..

(ხმა მალლა ფიქრობს მეეროვი)



ქართული
საქმიანობა

— „აღლანს“ როგორ მოვაკვლევინებდი..
ვამეხის ხმა არჩიბაღდს ესმის როგორც სისხლი.
თვითონ—ეხლა სისხლია მარტო.

„აღლან“ ჰყეფს. ყეფაში ისმის გამარჯვება.

ვამეხ ამოჰყავთ თხრილიდან. ხრამის პირას მინდორია პატარა. იქ და-
სვენებენ. არჩიბაღდ მაღამოზე ფიჭრობს. მაგრამ მაღამო ჩემოდანშია. ჩემოდა-
ნი კი... მხოლოდ ეხლა გაახსენდა სტეპკო. რა ჰქნა?!

„აღლან“ ყეფას უმატებს—(სროლა ხომ არაა?!). არა. ვიღაც სტვენს. ჰაა:
ეს სტეპკოა. ხევში მოქშინავს ავტომობილი.

ლოდინი მხიარული: რამოდენიმე წამს.

სტეპკო ავტომობილს მოაგდებს.

უკან—„საბარგოა.“ იქ ჯარისკაცები სხედან.

— ჰაა: სტეპკო!. სტეპკო!.

— გაიფანტენ?!

— გაიფანტენ..

— ძალიან არ გაუძვეერი იმ წყეულებს?!

— ყოჩაღ სტეპკო!. ყოჩაღ..

ნახევარ საათში—სადგური „იმამ ზადე ჰაშიმ.“

ძველი შენობა ქვის. თითქმის მინგრეული. კედელი: ორი ალაბი სივანით.
შენობა—შაჰაბაზის დროის. ასეთი შენობა მთელ სპარსეთში: 999. ამას სპარსი
გეტყვით. სპარსი იმასაც დაუმატებს: რომ ეს 999—(მაგიური რიცხვი?!)—შაჰა-
ბაზმა ააშენა. სპარსი წარწერასაც გიჩვენებს კედელზე: „ქვეყანა ქარვასლაა და
ჩვენ ქარავანი ვართ.“ სპარსი იმასაც დაუმატებს: რომ ეს სიტყვებიც შაჰაბა-
ზისაა.

სადგურზე ექიმი: გასინჯავს ფეხს. ტყვია წვივში მოხვედრია: ძვალსა და
ძვალს შუა. ძვალი რომ იყოს დაზიანებული?! „არ იქნება“—(იმედი სიტყვას
ეძებს).

განზე ჯიმშუტ მკლავს ათვალღერებს. მკლავი სისხლშია. მხოლოდ ეხლა
ცნობს: რომ ისიც დაუჭრიათ. ჭრილობა პატარაა.

კუთხეში სვანი ციოხ ბარძაყს აშიშვლებს. მასაც მოხვედრია. შარვალის
ნახევებისაგან შეუხვევია. ჭრილობა—„რბილშია.“ ტკივილს არ გრძნობს. „გამკა-
წრეს:“ ბურღლუნობს.

არჩიბაღდს ვამეხის ფეხი აწუხებს: რომ დასახიჩრდეს?! კოჭლი ვამეხ?! ეს
ხომ „აღლან“ იქნება ფეხმოჭრილი! არა. არას გზით. ძვალი თუ გაიკაწრა?!
არჩიბაღდ ვერ ისვენებს:

— სტეპკო! ეხლავე ენზელისაკენ!

უკვე გათენდა.

ენზელშიც საკვები პუნქტია. მისი გამგე მოროზოვია. კაცი სქელი. პირ-
გაპარსული. აფუებული ლოყები და წვრილი ჭროლა თვალები. პენსნე ვერ მა-

ლავს ეშმაკურ ღიმილს. მაგრამ „ეშმაკობას“ ვინ არ აპატიებს?! ხალისიანი მუდამ. მომცინარი მუდამ. მისი ხითხითი ხუთმეტ საყენზე გაისმის. ანეკდოტის-ტი შეუღარებელი—(თუმცა ურია არაა). დარდიმანდი კაცის ხუთმეტს ოპერე-ტები. მღერის კუპლეტებს—(ხმაზე მწყრალადაა). იგონებს ვენის კოკოტებს. მოგონებას ათაგებს ნერწყვით და თითების ტკაცუნით. პირის გემო?! მასთან რომ მზარეულია—მთელი სპარსეთის ხაზზე არ არის ასეთი. რა სასმელები არ აქვს მაროზოვს?! (ენზელი საპორტო ქალაქია).

სტეპკო შეაგდება ავტომობილს ეზოში.

მაროზოვი გამოვარდება. პენსზე მაგიდაზე დარჩენია.

— ვოვა!. დამჭრეს!.

— ააა: ვამეხ..

ხმაზე იცნობს ვამეხს და აივანიდან გადმოხტება.

დამჭრეს ვოვა.. ხომ გეუბნებოდი: სპარსეთიდან რალაც ჭირი წამყვება-თქო!?

— ჭირს რა უნდა შენთან.

გადმოხტებიან. ვოვა გარბის.

ოც წამში მოჰყავს ექიმი: მოლუშული და ცივი.

— შენს ბედზე ჭირურგიც აქ არის..

სინჯვა. არჩიბალდ უცდის განაჩენს.

— ძვალსა და ძვალს შუა გასულა ტყვია..

— ძვალი ხომ არ დაზიანებულა?!

— არა მგონია..

(ეს „მგონია“ აფუჭებს ნუგეშს. მაგრამ ექიმი ცივია.)

ქეიფი.

ბერძენი სტეპკო—(თვითონ ამბობს). სვანი ციოხ. ყარაბაზელი სომეხი-ჯიმშუტ. ქართველი ვამეხ—(მიწოლილია გვერდით). როსტოველი რუსი მარო-ზოვი. ოდესელი პებრაელი მეეროვი. არჩიბალდ მეკეში. „აღლან.“

მკლავი. სმა. ხმა. ხმალი. ირონია.

ქეიფი ქაფივით ადის ცისფერ ტალღებს.

ქეიფი—სპარსეთის ერთ ყელთან.

— ვამეხ ტფილისამდე გაგაცილებ..

— არჩიბალდ!. არჩილ!.

ტფილისი

თავი მეთხუთმეტი



ქართული
წიგნიწიგნისა

ირყევა ტფილისი—
ქალაქი წყეული და უტკბილესი.
„ტფილისის ხერხემალი“

მცხეთაში მეფემ ქორი ააფრინა. ქორი ხოხობს გაედევნა. მეფე უცდის: აღარც ქორია და აღარც ხოხობი, მიდის საძებრად, მიაღგება ხევს. ხევში ღვარია გოგირდის ფერის, ღვარში ხოხობი დახჩვალა. ქორიც თან გადაჰყოლია. მეფე ფუჭეს დებს ქალაქისას.

ასეთია ქალაქის მითოლოგია.

ტფილისი გოგირდის აბანოთი იწყება და გოგირდის აბანოთი თავდება— (მეტაფიზიკოსი ამ ამბავში „მეტაფიზიკას“ ამოიკითხავს).

პატარა სახლები და ვიწრო ქუჩები. ერთ ყელში შესაძლოა ერთი აივნოდან მეორე აივანში გადახტომა. აქა იქ: ყავახანა. ინით შეღებილი წვერები. დაქნილი ფჩხილები—(ესეც ინით შეღებილი). ხელში კრიალოსანი: ქარვის თუ გიშერის. მუსაიფი: ნელი და ჩუმი. თვალები არავის ეძებენ—(თავის თავს თუ ეძებენ შორეთში).

აბანოს შესავალში მექისე დგას. სხეული—გამოხარშული: თითქო ქათმის შაშხი სხვენზე ჩამოკიდებული—(თანაც შემქვარტლული). სხეულის კანი: საქალამნე ჯღანა თხელი. სახე: მაქიკი. თვალები: გადაქსუებული ნირვანა. ირანის ზმანებაში თუა.

სამი საუკუნის წინად შაჰაბაზის ლაშქარმა ტფილისი აიღო. სისხლით გაიღეშა მძლეველი და დამძიმდა. მძლევარმა გოგირდას აბანო მიიღო. მექისემ ტანი დაუზილა გაღეშილი. ეს ხომ არ ახსოვს მაშადის—მითოლოგიური მექისის ნაშიერს?!

ეგებ სხვა ამბავსაც იგონებს მაშადი:

გოგირდის აბანო ალექსანდრ პუშკინმაც იგემა. აფრიკის სიცხემ გახელება იცის. აფრიკის სისხლი (პუშკინი თავის პოეტად გამოაცხადეს ზანგებმა ნაუჯორკში). სლაფურმა არემ ვერ დააცხრო. პუშკინმა ტფილისში იგზნო შენელება. მის შავ ტანზე მექისემ საპონი ფეერიულ ბუშტებად გაშალა. ქისა გადაუსვა—სული შეუბერა: პოეტის სხეულმა ლამაზი ცოლის ალფრისი იგრძნო რომელიც ბედისწერად გადაიქცა მისთვის.

შეიძლება ამას იგონებს მაშადი.

მაშადი არაფერს იგონებს. იგი გათქვეფილია ცხელ გოგირდიან ღვარში. მხოლოდ ხანდახან ზარატუსტრას პოზას იღებს—(ზოროასტრ ხომ მისი სამშობლოდანაა)—და იტყვის: „ქარგი აბანო ქარგი ლაულაქებაბ ქარგია“.

მართლაც ქარგია გოგირდის აბანო.



იქ ქეიფია ყოველთვის, აი ახლაც.

ფეხები—მოკლე. შარვალი განიერი: თითქო გაბერილი და უკუდასრული ვეცხლის ღვედი წელზე. ხედი: ბაღდათის თავსაფარი ჩამოშვებული და საორშიმე კვახი თუ ქვასანაყი. კეფაზე ქუდი: თითქო შავი სოკო. მთელი ფიგურა: მამალი პილპილა. პათოსი—გუდაფშუტის. სახელი: ფიჩხულ.

განზე: დოლი და ზურნა. ლოყები მეზურნეების იბუშტებიან—(ბაყბაყ დევი თუ ილუკმება). ფიჩხულ დავლურს უვლის და გადადის ბუქნას—(ამ დროს შარვალი პათოსია).

მწვანე მოლზე თავსაფარია გაფენილი. თავსაფარზე: მწვანილი და „მოთალი“. კინტოები ქეიფობენ: ჭიქა ჭიქას ეთამაშება.

ფიჩხულ ბუქნას ათავენს.

ერთის ხელი ჭიქას ამართავს. აბუწკული ტუჩები გაიძახიან: „ეს ღმერთმაც აღდგომდელს ის ანგელოზი რომელი ანგელოზიც“... გაპრებილი ხმა უსაშველო პერიოდს ეპოტინება. ეხლა სიტყვა „რომელი და რომელიც“ თვითონ იწყებს ბუქნას.

მაგრამ სიტყვის ბუქნას მეორე გადასჭრის. იგი ნაყვავილევია. ამომშრალი თვალები—(კაცი ნახევრად ბრმაა)—ბუტავენ როგორც ნაკვერჩხლები ჩაქრობას რომ აპირებენ. ნაყვავილევს ყურთან დაირა მიუყუდებია: „ყბაყურა“ თუ აქვს. უსაშველო თავი გაჭკივის უსაშველოდ: შაკიკი თუ აუვარდა თავში. „შეწყეულო მარტის თვეო“. „აღსდევ თამარ დედოფალო შენტვის სტირის საქართველო“.

მერე: ისევ განიერი შარვალის ბუქნა.

მერე ისევ: „რომელის“ აკვიატება.

„რომელი—რომელიც“: ეგებ ვილაცას ეძებენ. თავის თავი თუ დაჰკარგეს. სიტყვა ქართული. ბაიათი სპარსული. ხმა „ყარაჩოღელის“.

რასის დომხალი?! აქ თუა წვალება.

...

ტფილისში სახლში არავინ ბრუნდება. აქ ყველგან „შენი“ სახლია.

ტფილისში ხეტიალს რა სჯობს?!

სამიკიტნოები გაკიდულან როგორც არღნები კარუსელზე. სამიკიტნო სავსეა ყოველთვის—(რომელიც გინდა). დახლთან მიკიტანი დგას და „ნისიებს“ ითვლის საკუთარი ბუბჰალტერიით. ლაქიები გარბიან იქითაქეთ. ვინ გინდა აქ რომ არ იყოს?! მაგრამ ყველაზე უფრო ფეროვანი მაგიდა ჩოხოსნებისაა. ზოგი ასხეპილი. ზოგი აცქვეტილი. ზოგი აწკებილი. ზოგი წამახული.

ერთი მათგანი შუახნისაა. „ჩაბაკვერა“: როგორც დაბალი სიმინდი ულვაშაყრილი და ტაროებით დოინჯატდილი. სიდარბაისლე ფარაოსი. ნეკზე: წაზდილი ფიჩხილი მამლის დეზივით. ჭიქას ამართავს ნარჯვენა ხელით. გძელი დაქნილი ფიჩხილი ქარვას აელვარებს წაბზეკილი. გაპრებილი ხმა იწყებს:

— ინგლისელი მეცნიერი სიეისი ამბობს...

— კაი თუ ღმერთი გწამს...

— თავი მოგვაძულე მაგ სიეისით ღმერთმანი...

— ნათლი მამაა მაგის: ღმერთი მაგას უშველის...



ქართული
ბიბლიოთეკა

უკანასკნელი ჩუმად იცინის.

„ჩაბაკვერა“ ყურს იტყუებს:

— შენგან არ მიკვირს: მანაველ ჩემო...

— რას ამბობს სიესი სამოველ?!
ახლა სხვა ეკითხება ირონიით.

— სიესი ამბობს: რომ საქართველო...

— კაი კაი..

— ვიცით: რასაც ამბობს..

ერთი იცინის. მეორე ანჩხლობს.

— თუ არ მაცლით..

— სხვა დროსი ვის გედიანახე..

„მრავალ ეამიერ“: და მალალი ტონი კვინიხში აღის. მაგრამ „მრავალ ეამიერ“ უსიამოვნობის ჩასაქრობად მისწრებაა. „ჩაბაკვერა“ სიესის ციტატას „ჯიბეში იღებს“ და ჯდება ფარაოს სინელით დამძიმებული ფიქრით: „წახთა ბატონო ქვეყანა“..

— ეს ღმერთმა აღდიძელოს...

— მოიცა კაცო.. თამადას აცალე..

— არ შემიძლია ბატონო ამდენი ცდა..

— თუ არ შეგიძლია...

— მერე რაო?!

— იქაც გიკრავს თავი: ხომ იცი..

— ხა ხა ხა ხი ხი ხი..

— გვიმეორე კიდევ..

— გვეიმეორო თუ არა.. შენმა...

— გამიშვით მა წუბაკთან..

— წუბაკიც ხარ და...

— დაანებე თავი თუ კაცი ხარ..

— სილბისტრო არა გცხვენია?!

— რა დაგემართა ბოშო?!

— „მრავალ ეამიერ“ ერთი შენი ჭირიმე.. „ცედური“..

„მრავალ ეამიერ“..

კვინიხი ეხლა გახვთქას აპირებს. მაგრამ კვინიხში აკივებულ ხმას ვილაცას ბოხი ხმა ჰფარავს თითქო დარეგვილი.

ჩოჩქოლი წყნარდება. ხოლო გუნება სუფრაზე აღრენილია მაინც. უგუნებობა ქართულ სუფრაზე „წაწყმედის“ ნიშანია. ამას ყველაზე უფრო თამადა გრძნობს.

— ეს შესვი ჯერ და მერე იჩხუბე რამდენიც გენებოს..

— ვისი სადღინძელოა?!

— კვატატის..

— კვატატი: იცოცხლე..

— გამოცლამდეა..



- ვილაც კარებში იტუხება.
 — სილოვან!. სილოვან!.
 — გვეწვიე სილოვან!.
 — ერთი ქიქა..
 სილოვან მოდის. ქართულ სუფრაზე ახალი სტუმარიც „მისწრებაა“. თამა-
 დას აღარ ეშინია „წაწყმედის“.
 — აბა შემოსასწრები!.
 — ეს ღმერთმა გაუმარჯოს...
 „მრავალჯერაა ჟამიიერა“..
 გუნება დაბრუნდა — (მადლობა ღმერთს).
 კარებში ეხლა სხვა დგას.
 ქვეიდან პატარა ბიჭი შესცქერის ყურებ აცქვეტილი.
 კარებში გაჩერებული მაგიდებს ათვალეერებს.
 დახლიდარი ბიჭს უძახის:
 — შემოუშვი ბიჭო..
 ბიჭიც მზადაა:
 — მობძანდი ბატონო!. სტოლს გიშოვით..
 კარებში აყუდული ისევ მაგიდებს ათვალეერებს. ეხლა მაგიდებიც ათვა-
 ლეერებენ მას. კარებში აყუდებული უხერხულობას მალავს (ბიჭს მიმართნეს):
 — ცოცორია ხომ არ ყოფილა აქ?!
 — არ ყოფილა ბატონო..
 — ბუილლიშვილი?!
 — რომელი?! ბესარიონი?!
 — არა.. კიმოთე..
 — არ ყოფილა ბატონო..
 — წვიმიტიძე?!
 — არც ის ყოფილა ბატონო..
 — სიკინჭილაძე?!
 — რომელი?! კოწიი?!
 — ჰო: კოწიე..
 — არც ის ყოფილა ბატონო..
 „მრავალჯერაა ჟამი“..
 მაგრამ ამ დროს უცხო სახელი ისმის:
 — ლოიდ ჯორჯი?!
 (ლაქიას თუ შერცხვა ამდენი „არასი“):
 — ქე იყო ეგერ წეხან...
 — შენს პატრონს...
 მაგიდებზე ხითხითებენ:
 — ბიჭო! ლოიდ ჯორჯს რა უნდა სიკოიას დუქანში?!
 გაწითლებული ლაქია სიტყვას ასწორებს:

— ასე მოუხთება.. რომ არ მოგეშვება კაცს: ეს იყო? ის რყო? ჯანდაბას იყოს მისი თავი.. რა ვიცი: ვინ იყო..

„მრავალ“: ლაქიას სხაპასხუბი ინთქება.

ყველაფერს შეგიძლია გაექცე. მტერს. მხეცს. შავჭირს. ურთულეს ზღბედურებას. ვერ გაექცევი მხოლოდ „მრავალ ჟამიერს“. ქართველი აღაპშიაც გასძახებს ხოლმე „მრავალ ჟამიერს“. ქეიფში— ვინ დააკავებს?! მღერის ქართველი „მრავალ ჟამიერს“ რაღაც წვალებით. კვინიხი მომღერალს უსკდება და ყურები მსმენელს. აწვალებს რამე?! „ფროიდი“ თუა მისი. ეშინია მოკლე ჟამის და მისთვის უყვივის მრავალ ჟამს თუ მრავალი ჟამი გაუვლია და ეძახის გადასულ ჟამს?! შესაძლოა პირველი იყოს მართალი. შესაძლოა მეორე. შესაძლოა ორივე. უდავო ის არის მხოლოდ: რომ „მრავალ ჟამიერს“ ვერ გაექცევი. უკან დაგეწევა და კალთებს ჩამოგახვეს. ისევ გაპარვა სჯობია. იქითაქეთ მოიხედავს. ვერ გნახავს სათვალავში. იფუსფუსდება. მერე ისევ „მრავალ“ და დაგივიწყებს.

რა კარგია ტფილისის სამიკიტნოს კარებთან—(როცა სამიკიტნოდან გამოდიხარ). ჰაერი—ხალასი და სუნთქვა—მაგარი. მაგრამ ესენი ვინლა არიან?!

ჩულებით ებრძვიან ერთმანეთს: ქურთები.

დაკოჭრილი სხეული: დამწვარი: ტყემლის ტყლაპისფერი. დაკუნძული კუნთები. ოფლის სუნი ისეთი: თითქო ჰებრაელთა „მიკვას“ გვერდით მიდიოდე. ნუ თუ ყველაფერს ჯიში ეკარგება ტფილისში?! ესენი არიან ნატეხები იმ ქურთებისა ვეფხებად რომ ითვლებიან ქურთისტანისა?! მაგრამ ამ საწყლებსაც აქვთ ხალისი.

ეს მათი ბიჭებია და მათი გოგონები.

ზოგი ასანთს ყიდის. ზოგი თუთუნს. ზოგი ირისს. ზოგი მათხოვრობს. ყველას კარგი გული აქვს. მეგობრობა იციან. ათას კაცში გამოგიცნობენ. მოვარდებიან და ფეხებზე მოგეხვევიან. რაა ერთი შაური შენ მიერ გადაგდებულ იმ ხელებისათვის?!

ქურთის პატარა გოგონები მარჩიელობასაც ეწევიან. შავი თვალებით—რომელიც ქურთისტანის შავი გველის წიწილებია უფრო—მომავალს გიკითხავენ ხელის გულზე. სტყუიან?! პოეტები რაღას შვებიან?! ამ გოგონების თვალების აღერსს კიდევ სად იხილავ?!

ზოგი ლეში თორმეტი წლის გოგონას შეიტყუებს სადღაც და აორსულებს. მაშინ იწყება ტრაგედია და ხშირად სიგიჟეც. ტფილისის ქუჩებში დაძონძილი ქალი გაივლის ხოლმე მუცელ გამობერილი. რა საშინელია მისი ხითხითიანი სიტყვა?! ტფილისის ქუჩებში დედა გაივლის ხოლმე ძუძუსთან ატატებული პატარა ბავშვით. რა შხამიანია მაშინ მისი უეცარი კივილი კისკისიანი?!

გაშორება სჯობს. აგესლილ მზერას ქაშვეთი მოგიჩინს. ყოველი ქვა ტაძარის ქალწულია თვითონ: ნელი—ლბილი—ნაზი—თვინიერი. ტაძარი თვითონაც ქალწულია: წარმართი ქალწული სასხვერპლოდ დასაკლავი. არა: აქ თვალები სევდას ნახულობენ.

აუარ ქაშვეთს. უეცრად თვალები გ-მოანათებენ: ათასში—ერთხელ. ათას ქალებში ათას თვალებში გამოიცნობ ამ თვალებს. ^{ჩვეულების} ქალწულის თვალები. რასსა შეურეველი და ხალასი, სიაშაყე და ^{და} დარცხვენა—ერთად. ჩაივლის ქალწული მიიმალება გროვაში. რომელი თვალი დაივიწყებს?!

ქაშვეთის თვალები თუ იყო თვითონ..

მოჩვენება თუ სინამდვილე?! სულ ერთი არაა: თუ კი კარგია!? თეატრის კარებთან დგას მოხუცი. ეს არის ის: ვინც ორმოცი წლის განმავლობაში აფიშებს აკრავდა როგორც მეფის ასულის მანდილებს. ეხლა ბრმაა. ველარ ხედავს. ძველად კი ფფერიულ სანახავეებს ჰფენდა. ვინ არ ახსოვს მას?! არტისტი: ქალი თუ ვაჟი?! რა არ იცის კულისების მესაიდუმლოემ?! რომელი კაპრიზი არ ახსოვს და რომელი ტემპერამენტი?! რამდენ არტისტულ გამარჯვების მონაწილე ყოფილა!.. რამდენი ცეცხლი და რამდენი წვა და რამდენი ლხინი. ეხლა—მარტო ფერული და უდაბნო.

არა: მოხუცი „საწყალი“ არაა. არც მხდალი.

— მიირთვი..

ვილაც ფულს გაუწოდებს.

მოხუცი დაბეჭეილი ხმით ეკითხება:

— არტისტი ხარ?!

— არა..

— რეჟისორი ხარ?!

— არა..

— სცენარიუსი თუ ხარ?!

— არა..

— ან თეატრის მოსამსახურე?!

— არა..

— მი სხვისგან ფულს არ ვღებულობ.

გამვლელი დარცხვენით მიდის.

მოხუცი თვალებს აშტერებს: ეს რა ხმაურია?!

ტრამვაჲ მიხრიალებს.

რუსთაველის პროსპექტი მზეშია გაშხვართული.

პროსპექტზე კაცი მიდის—(შუაგულ ქუჩაში: ქვაფენილს გაურბის). აცვია რუსული „სერთუკი“ მოხელის ფოლაქებით: უკვე გაცვეთილი, ფეხებზე—გეტრები: ესეც გაცვეთილი. საყელურზე—ფართო ყელსახვევი ძირს გაწლილი. კაცი მაღალი ტანისაა. თავზე—კაკარდიანი ქუდი. მაგრამ მიდის როგორც ოსკარ უაილდ. ადამიანთა ძალა იხედება. შემოგზედავს—(არა: თვალს მოგკრავს)—და უეცრად აიღეწება: ტანი იგრიხება და მალღდება. კაცი ოდნავ გაიღიმებს. შემდეგ ისევ შორს იწყებს ცქერას. თვალს ცალი ხელით ისწორებს: თითქო ჩაქენილია—(თუ მონოკლს არის ხელი ჩვეული?!). მზე ხელღება. ტრამვაჲ მიხრიალებს. კაცს მზე აწვალებს თითქო. გავარღება მზიან ქუჩაში. სხეული თითქო დაკუტებული აქვს—ეხლა კი მზით მორჩენილი თუ აღეწილი. სხეული მირბის:

ხელი—ფეხი—ყელი—თავი: თითქო მანქანაა აძრული. სხეული კუთხურ იტებე-
და და კუთხურ გარბის. მოძქრის ტრამვაა. სხეული შეჩერდება. დაკრუნჩხება:
თითქო „ქარები“ აქვს ათასი. შემდეგ შესდგება ცალფეხზე, აიღეწება და შეტ-
რიალდება. ტანი საყენის სიმაღლეს აღწევს. ვატმანი ტრამვაას აჩერებს. უცხო
კაცი განზე გახტება. ჰგონია: მისდევენ. შიშობს. ფეხებს მართავს. ტანს მარ-
თავს. თითქო მანქანის დაშლის ეშინია. ბრბოში ინთქება.

აპოკალიპსური ჩვენება თუ იყო.

ტრამვაა ახრიალდება.

• • •

იზმაილოვის—(ვინ არის იზმაილოვი?)—მეეზოვე დგას: აისორი. სპლინი
შორეგია და ვარსკვლავებს ითვლის. თან ღიღინობს. სიმღერაში სლოკინია უფ-
რო. ხმაში—სევდა: არა სიყვარულის, სევდა დაკარგულის?! შესაძლოა. იზმაი-
ლოვის აღმართზე მეეზოვე აისორი მღერის გაბუტული: შაულ ზაია კურდაი—
თემიდან „ბირვერ“. სპლინშორეული მეეზოვე ვარსკვლავებს ითვლის.

— რომელი საათია?!

ეკითხება გამვლელს.

— თორმეტი სრულდება..

გამვლელი ფიქრობს: რად უნდა „რომელი საათია“ დროდაკარგულს.

აისორი მეეზოვე ისევ ღიღინს იწყებს და ცას გასცქერის—(შეკითხვა
„რომელი საათია“ მეეზოვის მოვალეობის ასრულებად მიაჩნია). ვარსკვლა-
ვებს ითვლის. „ირმის ნახტომს“ თუ ეძებს. ხომ უწყველია მის შორეულ წინა-
პარს ფური ირემი?! ან: შესაძლოა ვარსკვლავთ—მრიცხველია!? ასსირიელებს
ჰქონდათ ვარსკვლავთა ცოდნა. მეეზოვეც ხომ ასსირიელია.

რა უნდა აქ: ტფილისში?!

ერთი ბიჭი ჰყავს: ფეხსაცმელის მწმენდელია. ეგებ მისი წინაპარი აშურ-
ბანიპალი იყო ან სალმანასარი. ვინ იცის.

მეეზოვეს კუთხე აქვს სახლის კიბის ქვეშ. იქ ცხოვრობს მისი ოჯახი—
(ცოლი და ქალიშვილები). კუპრივით შავ თმებს ამძიმებენ ვეცხლის ფულები
და სადაფის ფოლაქები. დამორგვილ ფეხებზე—სქელი წინდები ქრელი. ქალე-
ბი ტანსაცმელში ჩაგოდრილან: თითქო ერთბაშად ჩაუცვამთ ყველა საცმელი—
(საცმელი ნაჭრებია უფრო). შეგეფეთებიან—ოფლის ცხარე სუნი გეცემათ პირ-
ველად. ესენი არიან აშტაროტის შთამომავალნი?! ეს მონგრეული ბარძაყი ნუ
თუ აშტაროტის ავხორცი აშავერის მოდგმაა?! ასე გადაგვარდა ეს წარმართი
ქალღმერთი!? დაეკარგა ტანი და ჯიში!? მაგრამ—თვალეები: ორი დიდი ნაკვერ-
ჩხალი—საცა შავი გველები ბანაობენ. არა: აშტაროტ ცოცხალია კიდევ. იგი
ტფილისის ქუჩებში დადის.

მეეზოვე აისორი სლოკინობს—(მღერის)—და ვარსკვლავებს ითვლის. ეგებ
იქ ხედავს ასურეთის გადასულ ბედს. სამთავრო მძღავრი ეფრატისა და ტიგრო-
სის შორის. ბაბილონი: ქალაქი ავხორცი კოშმარამდე. მეფენი: ასსარგადონ—
სალმანასარ—აშურბანიპალ. სახელები: როგორც ცხელი დაღები და ცხელი შურ-
ღულები. ნინევის ერთ ერთ ბარელიეფზე გამოხატულია ნემროდ მეფე: დევკაცი

მაგრად ჩასკვნილია. კორძიანი ხელებით იგი ლომს ახრჩობს. ასსურეთი ახრჩობს ირანის ლომს.

მისი ნაშიერი მეფეზოვია ტფილისში.

მისი მოდგმა ფეხსაცმელის მწმენდელია.

ეგებ ამას ნაღვლობს მეფეზოვის სლოკინი.

ტფილისი ყუ-ს უკდებს გასუდრული. თავის ხვედრს თუ ხედავს ქალაქი?! იგიც ხომ ბაბილონია!? ათასი ხალხი. ათასი თემი. ათასი მოდგმა. არევა. მრუ-შობა. განცხრომა.

ტფილისი ყურს უკდებს აისორის ასლოკინებულ სიმღერას.

ქალაქი ქანაობს. ტფილისი მთვრალია.

ერთა მალლობიდან პოეტები შაირობენ: სახლს უკვირან. წარმოთქმულ ლექსის ნატებს ვილაც სახლიდან იმეორებს. ექოა თუ ორეული?! იმ სახლში ადამიანი ძვირად უნახავს ვინმეს. უთუოდ ორეულია. ტფილისიც ხომ ორეულია?! პოეტი ლექსით მისდევს ორეულს. პოეტს ეშინია: არ მობრუნდეს უკან ორეული და არ დაჰკლას დანით. მეორე პოეტი შოვარეს უყვებს როგორც ლაფორგი. ამოყავს ფშანიდან გონებშო და მას აყაყინებს—(ტფილისში ძნელია სიცოცხლე).

მთვარე მალარიის სიმკრავედ ენთხევა ტფილისს: მწვანეყვითურად—როგორც ბაყაყი. შაირობს კიდევ პოეტი. ის სხვაა. ტფილისს შეაგდებს რემბოს „მაგრად ხომალდზე“—(ტფილისიც ხომალდია: ტფილისიც მთვრალია). ვილაც განზე დგას. მის სახეზე რისხვა და ნათელი ერთი და იგივეა. ისურის დიონისოთი გატენილ შაირს აურვებელი ხმით. შაირი თითქო ხმალია სააკაძის: მოხედება ტფილისს ხერხემალში და ქალაქი იკლავება როგორც წელკავიანი ცხენი. სდის სისხლი ხერხემალს. პოეტი თვალეხზე ხელს იფარებს და გადაქანდება როგორც წაქცეული ბავში—(რისხვა არ ეყო თუ გულის სიჩვილემ სძლია?!). ტორტმანობს ქალაქი. რემბოს მომღერალს ეშინია მისი დაღუპვის და დედას უხმობს შორიდან: სთხოვს ძუძუებს და რძეს.

შემდეგ: ნებუთე—მეექვსე—მეშვიდე.

სახლი ღამურასავით არის მიმალული. ლექსებს იჭერს პოეტებისას. სახლიდან ვილაც ლექსებს იმეორებს. ორეულია?! თუ ტფილისია თვითონ?! ტფილისიც ხომ ორეულია.

პოეტები უსმენენ ექოთი მომსკდარ სიტყვას: ფითრდებიან.

გამვლელი ჩერდება ქუჩაში და იბღვირება:

— აღარ არის მოსვენება ბატონო ამათგან..

— გიყვება..

უპასუხებს მეორე გამვლელი.

მაგრამ პოეტები მაინც განაგრძობენ—(შიშით თუ დათვრენ).

ვილაც მეზობელ სახლში ფანჯარას აღებს. გამოდის აივანზე—(ფანჯარა კარია): ნიფხავპერანგის ამარა. გაგულისკბული: აღბად ხენეშა დაუფთხებს „წყვილის“.

— ძილი აღარაა ღმერთმანი ამ გიყვებისაგან..

- ბაზელში წადი: იქ დაიძინებ..
- რა ბაზელი?! რის ბაზელი?!
- ამბობენ იქ ჩიყვიანი კრეტინებიაო Tête—carré..
- კარებს გიჩვენებთ მე თქვენ..
- ჰა. ჰა. კიშმარიტოვი იცი?!
- ვინ კიშმარიტოვი?!
- ბაზელში გაიგებ..
- დაილუპეთ აქედან.. თქვენი..



მილიციონერები მოდიან. „მშვიდი მცხოვრები“ მათ დანახვაზე სიამეს გრძნობს—(რა იქნებოდა ქვეყანა მილიციონერი რომ არ ყოფილიყო).

— წამოდით უბანში.. ოქმის შესაყენებლად..

პოეტები ეხლა ერკვევიან: ოქმი ყველაზე უფრო საფხიზლებელი წამალია. შიდიან.

ქალაქი მაინც ქანაობს.

დასავლის ქარმა მიაგდო იგი აღმოსავლისაკენ თუ აღმოსავლის ქარმა დასავლისაკენ—ტფილისმა არ იცის. იცის მხოლოდ: შეყენებულა იგი ერთს ალაგას. წინ გაიწევს—რაღაც უკან აეკიდება და აჩერებს. ბრუნდება უკან—რაღაც წინ მიათრევს და აყენებს. არ აქვს საძრავი შორი. ვინ გადააგდო ლუზა?! ათასი ქარი ეხეთქება: თითქო ქვეყნის გზა ჯვარედინია. აღმოსავლეთს მოსცილდა და დასავლეთს ვერ მიაღწია: შუაზე გარჩა.

ტორტმანობს ქალაქი ხომალდი.

დედოფალია სასურვი?! საქმარო მრავალი ჰყოლია. ბიზანტიელნი, რომაელნი, თურქები, სპარსები, ხორეზმელნი, სარაციანები, არაბები, ყივჩაყნი, მონღოლნი, რუსნი, არავის დანებებია. დარჩა გაუთხოვარი?! არა: აუყვანიათ საქორწილოდ—მაგრამ ქალის მკერდი არ განუცდიათ. იყო მხოლოდ ძალიობა—(მაგრამ ქალს ვინ მისწვდება თუ მისი მკერდი არ იხსნება?!). დარჩა ქალობა—გაუშლელი: პერგამენტის ფერი მოუკვლელ ჟინს ჰფარავს. არ ჰქონია განცხრომა და არ იცის დაცხრომა.

ნეტავ ვის ელოდება?!

ცრუ საქმარო ბევრი ახსოვს.

უძლეველი ხორეზმელი ჯელალ-ედდინ ძლეულ იქმნა მონღოლეთის გაბრაზებულ მარტორქის მიერ. სახელი მარტორქის „ჩინგის-ყაენ“: სამუშის ძაბრი. ლტოლვილი ხორეზმელ ტფილისს მოადგა. ციხის საიდუმლო გასცეს ტფილელ სპარსებმა. ჯელალ-ედდინ შემოიჭრა მახვილით ტფილისში. აიღო იგი და სიონის გუმბათზე საბძანებელი ტახტი დაიდგა. სიონის კაეისფერ ტანს ეხლაც ახსოვს ლორწიანი ხვევნა მტარვალის. სიონის ხსოვნას უფრო სწვავს ტირილი ვაზის—მის კედლებში ჯვარად დასვენებულის.

ცრუ საქმარო სხვაც ახსოვს ტფილის.

ჩალატარ: ძე ჩინგის-ყაენის. იოსერ და ბიჩუი: მეომარნი იმავ ყაენის. მანგუ ყაენ და ულლუჰ-ყაენ. თიმურ-ლენგ: რომელმაც იცოდა ქართული ტემპერა-

მენტის საიდუმლო— („უნყოფა ქართველთა ომის სიფიცხდეს და ადრე სიმაშვრალე“). შეიღვზის მოცეცხლა დიდმა მეომარმა ტფილისი და სოფლიად ამერი. მძვინვარე შაჰაბაზ: რომლის გახელება იყო ირანის და კოდლილო ლომის. შაჰ-ისმაილ. შაჰ-თამაზ. საქურისი აღამამედხან: რომელმაც თმებით ათრია ურჩი სარძლო. გაიხსენა მაშინ უკანასკნელად თავისი სიმღერა დიდმა აშულმა ბერად შემდგარმა საჯათ-ნოვამ— მაგრამ წარკვეთილ თავმა შაირი— სიმღერა სისხლად გადმოანთხია.

რომელი საქმარო კიდევ?! ყველა ყალბი?! ყველა ცრუ?! ეგებ თვითონ არის ყალბი?! ეგებ თვითონ არის ცრუ?! ვის უცდის ამდენ ხანს?! თავის ვაჟებში ვერ ნახა საქმარო?!

ქანაობს ქალაქი ხომალდი ტფილის ბოდაეს.

ხომალდზე ლანდები ჩნდებიან. თავისმკვლელები თუ არიან. ხომალდიდან გადაცვენილებმა და წყალში გაგულულებმა ხშირად იციან დაბრუნება. თვითონ ხომალდსაც თუ უქადიან თავისმკვლელობას.

ლანდები მუნჯების ენით საუბრობენ:

პირველი: არსის ხვედრი არსშია თვითონ.

მეორე: არა არს სიმართლე უმაღლეს ამისა.

მესამე: თვითონ გაუწირავს თავი.

(ვის?! ხომალდს?! ტფილისს?!)

პირველი: რამდენი იყო შური?!

მეორე: რამდენი იყო გება შურის?!

მესამე: რამდენი იყო დათრობა შურით?!

(ვის?! ვის არ განუცდია შური?!)

პირველი: მოსთვალე უნდობა ერთიმეორის.

მეორე: არიცხე გაუტანლობა ერთიმეორის.

მესამე: იანგარიშე ლალატი ერთიმეორის.

(ბევრი იყო „მაგრამ“ მაინც“)

პირველი: მე თვითონ დავგმე საშო.

მეორე: მე თვითონ დავგესლე თესლი.

მესამე: მე თვითონ დავდაგე ნათესლი.

(ეს თქვენ ჩაიდინეთ.. ის რა შუაშია?!)

პირველი: ჩვენ სხეული ვართ მისი.

მეორე: ჩვენ ზრახვა ვართ მისი.

მესამე: ჩვენ ნდობა ვართ მისი.

(სხები?! სხვები?! სვხები?!)

პირველი: არ არის „სხვა“.

მეორე: ერთია ყველა.

მესამე: იგივეა.

(მაგრამ: მე-შენ-ის?!)

პირველი: ზედაპირია.



მეორე: მოთმინებაა.
 მესამე: სხივოსანი მააა.
 (თქვენც მოჩვენებანი ხართ)
 პირველი: არსის ხვედრი არსშია თვითონ.
 მეორე: არ არს სიმართლე უმაღლეს ამისა.
 მესამე: თვითონ გაუწირავს თავი.
 (ვის?! ხომალდს?! ტფილისს?!)
 ხომალდი ქანაობს—(უკხო ქარია?!).
 ლანდები გადაცვივდებიან!
 ბაქანის მოაჯირს სხვა ლანდები მოადგებიან.
 ისინიც მუნჯურ ჩურჩულობენ:
 პირველი: არ წახვიდე ამ მხრით.
 მეორე: გვერდით მარაბდაა!
 მესამე: მარაბდა ნაძრაბი ადგილია.
 (როგორ?! ვისგან?!)
 პირველი: იქ დახვდა ქართველთა ჯარი მონღოლთა ჯარს.
 მეორე: ოთხმოცი ათასი თორმეტ ათასს.
 მესამე: ოთხმოცი ათასი უკუიქცა.
 (შეუძლებელია!)
 პირველი: ქართველს არ გაუმარჯვია იქ.
 მეორე: გამოცდილები აფთხილებდენ.
 მესამე: სააკაძეს სულ მაგას უთითებდენ.
 (დამარცხდა სააკაძეც?!)
 ლანდები გადაცვივდებიან.
 ეხლა სხვები ადგებიან მოაჯირს.
 (დამარცხდა სააკაძე?!)
 პირველი: ვინ იცის?!
 მეორე: გინახავს მისი სახე?!
 მესამე: ორბი მზერა-გაუხრელი?!
 (?!. ?!. ?!.)
 პირველი: შევარდენი დაინახავს ჩიტების გროვას. ააფრენს
 ჩიტებს. აფრენილთა ქვეშ მოექცევა. გაშლის კამარას.
 მეორე: შევარდენი ავიწროვებს კამარას. გროვა კამარის თავზე გუნდ-
 დება. ჩიტები ერთიმეორეს ეკვრიან. გუნდი ბურთად იქცევა.
 მესამე: შევარდენი ავარდება ისარივით მალლა. ბურთს ქვეშ მოიჭკვეს.
 მოეშვება ზევიდან. მხარს გაჰკრავს. გუნდს აპობს.
 (?!. ?!. ?!.)
 პირველი: აი საკაძის კამარა.
 მეორე: აი მისი დარტყმევა.
 მესამე: აი მისი დალი.
 (საკაძეც დამარცხდა?!)



ღონდები გადაცვივდებიან.

ხომალდს სხვა ღონდები ეხეთქებიან.

(დამარცხდა სააკაძე?)

პირველი: მან გაჰყიდა საქართველო.

მეორე: არ გაუყიდა.

პირველი: ხომ მიატოვა იგი?

მეორე: საქართველო იოვანნე ბერმაც მიატოვა.

პირველი: მერე?

მეორე: მიატოვა და ესპანიაში გაიქცა.

პირველი: რისთვის?

მეორე: იქ ქართველები ეგულვებოდა.

პირველი: ქართველებს გაექცა—ქართველებისკენ გაემართა.

მეორე: სწორედ.

პირველი: არ მესმის.

მეორე: უყვარდა მეტად.. საქართველო..

პირველი: სააკაძესაც უყვარდა?

მეორე: შეშლილივით.. გახელებით..

პირველი: სპარსებს რომ მიემხრო?

მეორე: გული რომ მოეგო მათი.

პირველი: მიზანი?

მეორე: რომ შემდეგ მარცხი ექმია.

პირველი: საქართველოს რომ მოადგა სპარსების ჯარით?

მეორე: შემოიბრუნა მხოლოდ.. შემდეგ გაანადგურა..

პირველი: ეს მაშინ გადასწყვიტა როცა შიკრიკი დაიჭრა.

მეორე: რომელს შიკრიკი?

პირველი: შაჰაბაზ არ ენდობოდა მოურავს.

მეორე: მერე?

პირველი: იქვი მიიტანა.

მეორე: მერე?

პირველი: ბარათი გაუგზავნა სარდალს.

მეორე: რა ბარათი?

პირველი: სწერდა—რომ მოეკლა სააკაძე.

მეორე: სააკაძემ წაიკითხა?

პირველი: მაშინ გადასწყვიტა ღალატი.

მეორე: შეილი რომ დაუტოვა მძევლად?

პირველი: მერე?

მეორე: შაჰაბასმა ხურჯინი გამოუგზავნა.

პირველი: რა იყო შიგ?

მეორე: სააკაძის ვაჟის წარკვეთილი თავი.

პირველი: გამცემია მაინც.

მეორე: გმირია ნამდვილი.



პირველი: არ მესმის.

მეორე: ვერც გაიგებ.

(დამარცხდა სააკაძე?)

ლანდები გადაცვივდებიან.

(დამარცხდა სააკაძე?)

ხომალდის მოაჯირს ლანდი ეყუდება.

(დამარცხდა სააკაძე?)

ლანდი: ხედავ იმ სერს?!

გემი: ვხედავ.

ლანდი: იქ ჩაასო ხმალი სააკაძემ.

გემი: მერე?!

ლანდი: და მიწის გულში გადაამტვრია.

გემი: რისთვის?!

ლანდი: ორგულად იცნო მისი გული.

გემი: გაიმეტა?!

ლანდი: სიყვარულის გამეტებით.

გემი: თვითონ?!

ლანდი: თვითონ გადავარდა.

გემი: დამარცხდა სააკაძე?!

ლანდი: ვინ იცის?!

გემი: დამარცხდა ივერია?!

ლანდი: გაიმარჯვებს თუ ის ხმალი გამთელდა.

გემი: გამთელდება?!

ლანდი არას ამბობს.

გემი: გამთელდება?!

ლანდი აღარ სჩანს.

ქანაობს ხომალდი. ტორტმანობს ტფილისი.

ბაქანის მოაჯირს პირველი ლანდი მოადგება;

— არსის ხვედრი არაშია თვითონ..

უეცრად პატარა თავი გამოჩნდება. თავი ყვითელი ხაპია. ხაპიდან იჭყიტებიან წვრილი ქროლა თვალები. ხაპის სახე ქოსაა. ტანი არ უჩანს—(კინკა თუ არის). ხაპი იკრიჭება.

— ხი. ხი. ხი.

ლანდი იმეორებს:

— არსის ხვედრი არაშია თვითონ..

ხაპი ხითხითს ვერ იკავებს:

— ხი. ხი. ხი.. რაც მოგივა დავითაო ყველა შენი თავითაო.. ასეა—არა?!

ხი. ხი. ხი

ლანდი ჰქრება.

ხაპი ხელებს იშმუშნის: ხი. ხი. ხი. ისიც ჰქრება.

ტორტმანი ჩერდება: ზმანებას ქეძაფი ჩაესხა.

ქალაქი ხომალდი ამრეზილია და აღრენილი. ჩერდება: ზმორებით გამო-
დის ჰაშიშით მოგვრილ ზმანებისაგან. ნერწყვი წუთხეა. პირში სიმლაში. თვა-
ლებში—გახუნება: თვითონაც ხედვენ ნხოლოდ გახუნებულს. ყურებში გარჩენი-
ლია უემურის: „ხი-ხი-ხი“. მზე არსად არის. სხეულები იხსნებიან და იხრწნე-
იან. გუნებაში „არ ყოფნაა“. ყოფა უგემურია. ხომალდი წყალქვეშა კლდის
ახლოა. უნდა—მიერთყას: დაიმსხვრეს. ვილაც კიდევ უძახის. სმენაში:
„ხი-ხი-ხი“..

ხომალდი უკან მოიხედავს უეცრად —

ტფილისი ხედავს: ათას თვალეში—თვალეზს—ივერიის ქალწულის თვა-
ლებს, ხალასს და რასსაშეურეველ. თვალეზს: საცა შედიდურობა და დარ-
ცხვენა ერთი და იგივეა. თვალეზს: რომლებშიაც დაინახავ გაჩენის პირველ
დღეებს.

ხომალდი მაგრად შეჩერდება—

ტფილისი უყურებს ივერიის ქალწულის თვალეზს.

საცაა—მზეც ამოვა.

(მეათხუთმეტე თავის ბოლო. გაგრძელება იქნება).

ს ა მ ნ ი

რომანი სამ ნაწილად.

ნაწილი პირველი

გაგრძელება*)

XVI.

აბასობაში სოფელშიაც გაიგეს, რომ მათი მოქადაგე „მიხაკო სუდენტი“ — ას ეძახდნენ სოფელში შალვას, — თურმე თავად ბეჟანის სახლში ცხოვრობს და ჭქიდინ დაიარება კრებებზე. ეს ამბავი ერთობ არა სასიამოვნოთ და საეჭვო-თაც კი დაუჩაბათ. დავითის შთამამაულობა და იქედან გამომდინარე რაიმე სიკეთე! ეს შეუძლებელი რამე იყო გლეხების თვალში.

— კაცო, არ ვაყვილდებოდეთ და რაიმე ხაფანგს არ გვიგებდენ ის წყუ-ული დავითი და მისი შვილი ბეჟანი, — ამბობდენ ისინი, — მათი სტუმარი მუდამ ქურდი და ყაჩაღი ყოფილა, მუდამ ჩვენი ამაწიოკებელი იქნებოდა და განა დღეს ვინმე სახეირო ესტუმრებოდა მათ?

— მართალია, მართალია... თუ ჩვენზე გული შეტკივა იმ მიხაკო სუდენტს შოვიდეს და ჩვენთან იცხოვროს. ბეჟანისთანა სახლკარი არა გვაქს, მაგრამ ვი-საც ჩვენთვის კაი უნდა, ის ჩვენთვის გაჭირვებასაც უნდა ნახულობდეს.

— ჩვენ თუ ვცხოვრობთ ჩვენს სახლებში, იმას რა უჭირს, ისიც ჩვენისთა-ნა აღამიანი არ არის? აკი გვეუბნებოდა — ყველა კაცი ერთნაირიაო! ან ეგება ენას ალაპარაკებს, თვარა ისე.

ამ მითქმა-მოთქმამ ნესტორა ნაბადაძის ყურამდეც მიაღწია.

— თქვე, კაი კაცებო, როგორ შეიძლება მაგრე ლაპარაკი, — ეუბნებოდა იგი თავისიანებს, — განა მე, თქვენი შვილი, თქვენ გილალატებთ და თავადებს შივემხრობი? ჩვენს მტანჯველებს, ჩვენი სისხლის მსმელებს? მაშინ მე ხომ ჩემი ძმების, ჩემი მშობლების და მეზობლების მოლალატე ვიქნებოდი!

— მართალია, მართალია, — გუგუნებდა იგივე გლეხოზა, — ნესტორა ჩვენი სისხლი და ხორცია, ჩვენ არ გვილალატებს, ჩვენ არ გავვწირავს...

*) იხ. ჟურნალი „მნათობი“ № 2 (22).

— მართალია, მართალი!.. ვინ სთქვა პირველად ჩვენი მიზაკო/ სუდენტი საეჭვო კაციაო? ვინა სთქვა უწინ? გაისმოდა ირგვლივ. *მართალია*

— მე არ მითქვამს, მე არ მითქვამს, — იმართლებდნენ *მართალია*

— გაუნათლებელი ხალხი ვართ, რას ვამბობთ თვითონ არ ვიცით, — ხსნიდნენ ზოგიერთები.

— გული გვაქვს, ძმაო, იმ თაეადებზე გატეხილი და ამიტომაა რომ თუ რამე სიკეთე იქნება მათ შორის არ გვგონია!.. აკი ბეჟანის შვილის, ევას, სულ ჩვენთან არის და ყველა კრებებზე ესწრება...

— მართალია, მართალი!..

აშკარა იყო, რომ შალვას იმ ოჯახში დარჩენა არ შეიძლებოდა. ანიტომ ნესტორამ გადასწყვიტა გლეხისას ჩაესახლებია იგი. მაგრამ რა მიზეზი მოეყვანა შალვასათვის, ეთქვა თუ არა რაში იყო საქმე?

ცოტა ყოყმანის შემდეგ გადაწყვიტა, რომ შალვასათვის სიმართლე არ გაემქლავნებია: ახალგაზდა კაცია, გამოუცდელი და ვინ იცის როგორ იმოქმედებს ეს არა სასიამოვნო ამბავიო.

მაგრამ ამ დროს ნესტორას სრულიად მოულოდნელმა გარემოებამაც შეუწყო ხელი: მახლობელ საზოგადოებაში პროპაგანდისტს თხოულობდნენ, შალვა ღრუბელიანი კომიტეტის მოწერილობის თანახმად დროებით იქ უნდა წასულიყო.

XVII.

ამ განკარგულებას შალვა ხმის ამოუღებლივ დაემორჩილა, კომიტეტის გადაწყვეტილება მისთვის შეურყეველი კანონი იყო.

— სულ ორიოდე კვირით მოგიხდება იქ წასვლა, ამხანაგო, — უთხრა ნესტორამ, — ასე უითვლებინებთან: ცოტას წაიმუშავებ, პარტიულ ორგანიზაციას შეჭკრავ და მერე მიტინგს გამართავ... ამის შემდეგ ისევ აქ მოხვალ.

ნესტორა დარწმუნებული იყო, რომ შალვასა და ევას შუა რალაც გაინასკვა. ხშირი მუსაიფი, ტკბილი მეგობრობა და შესაფერი პასაკი — ყველა ამას, ნესტორას აზრით, თავისი უნდა ექნა, ანუ როგორც ის იტყოდა ხოლმე, „მოხდებოდა ის, რაც უნდა მომხდარიყო“. ანიტომ ნესტორა ოსტატურად აკვირდებოდა შალვას: აბა, როგორ იმოქმედებს გათიშვის ამბავიო: მაგრამ ვერაფერი ვერ შეამჩნია, პირიქით, შალვას კიდევც ეიმა ეს გარემოება. „ხომ არ ვტყუვდები?“ — ფიქრობდა ნესტორა.

ნესტორა საკმაოდ გამოცდილი კაცი იყო, რაც მისს წლოვანებას იმდენად არ შეეფერებოდა. ის 25 წლისაც არ იქნებოდა, მაგრამ კკუითა და გამოცდილებით, დაკვირვებითა და ცოდნით მოხუცებს არ ჩამოუვარდებოდა.

იგი არ იყო დიდი ცოდნით შეიარაღებული. პირიქით, ცხოვრების ასპარეზზე ხელ-ცარიელი გამოვიდა: წერა-კითხვა ძლივს იცოდა, როცა მამამ ერთ მეზალეს ბიჭად მიამარა: გახარდე, კაცი გახადე, დროზე მომესწრება და ცხოვრების ჭაპნის ზიდვას გამიადვილებსო. ეს მეზალე ნესტორას სოფლელი იყო და ბათუმში რამდენიმე ქცევა ბოსტნეულს სთესავდა. სთესავდა ისე, როგორც ყვე-

ლა სოფელს შეეძლო დაეთესა—არაფერი ცოდნა მას არ ებადა, მაგრამ მაინც მებაღეს ეძახდნენ და სოფელში ერთგვარი დაფასებაც ჰქონდა.

ნესტორა თვალცრემლიანი გამოეთხოვა სოფლის სკოლას, მანამ წიგნის კითხვისათვის თავი მაინც არ დაუნებებია: როგორც კი შემოვიდა სკოლაში, დროს, მაშინვე სოფლიდან წაღებულ „დედა-ენას“ კითხულობდა. შემდეგ „ბუნების კარს“ შეუდგა; მერე საიდგანლაც ხელში ჩაიგდო „ქალ-ვაჟიანი“, „არსენას ლექსი“, „ალექსიანი“. „არსენას ლექსი“ სულ ზეპირად ისწავლა: მთელი ღამეები ოცნებობდა ამ სახალხო გმირის გარშემო. სხვებსაც რამდენჯერმე წაუკითხა და თავისებურადაც აუხსნა. შეუდგა აგრეთვე „ვეფხისტყაოსანსაც“, მაგრამ დიდი ვერაფერი გამოიტანა; თუმც ბუნდოვნად კი გრძნობდა, რომ რაღაც სასიამოვნო უნდა წერებულყო ამ წიგნში.

ამასობაში სამშა-ოთხშა წელმაც განვლო; ნესტორა კარგად წამოიზარდა, ქირაც გვარიანი ჰქონდა, მაგრამ მას სრულებით არ მოსწონდა ქაობიან ბაღებში ცხოვრება. მოსწყინდა მუდამ მწვანილების რეცხვა და ქალაქში გასასყიდად თრევა. თავისი მდგომარეობა მან გააცნო მათ სოფლიდან ჩამოსულ ორ მუშას, რომელნიც ნავთის ქორანაში მუშაობდნენ.

ნესტორამ ბაღს თავი დაანება და ნავთის ქარხანაში დაიწყო მუშაობა. აქ მან მალე მიიტკია ყველას უკრადღება; ყველას თექვსმეტ-ჩვიდმეტის წლის ნესტორა წერა-კითხვაში ჰკუთია და განვითარებითა ყველას უსწრებდა ზეპირად იცოდა აუარებელი ლექსი და ხშირად თავის ლექსებსაც კი ანბობდა; მას შეეძლო უცოდინარო მუშებისათვის შინ გასაგზავნი წერილები დაეწერა და შინიდან მიღებულაც წაეკითხა. ამის გამო ნესტორამ საერთო პატივისცემა დაიმსახურა.

მას ყურადღება მიაქცია ქარხნის ადმინისტრაციამაც და ორი წლის შემდეგ შესაფერად დააწინაურა.

ამავე დროს მისი ცოდნის მოყვარეობა ვერ ისვენებდა და მისი გონებაც ყოველ წუთს საზრდას თხოულობდა. ის გაფაციცებით აღევნებდა თვალს ყოველივეს და ცდილობდა გაეგო, თუ რა ხდებოდა გარშემო. მისი სულისათვის ქარხანა და მუშებში ტრიალი ერთობ ვიწრო ასპარეზი გამოდგა. ეს წრე ხშირად მას გალიად ეჩვენებოდა და მუდამ სხვა ქვეყნების ამბებზე ფიქრობდა: რომელ სახელმწიფოში მიდიოდნენ ნავთით დატვირთული გემები? როგორია იქ ცხოვრება? ჩვენზე უკეთესია, თუ ცუდი? კიდევ რა ხალხი ცხოვრობს ქვეყანაზე? მან კარგად იცოდა, რომ ყოველივე ამას წიგნის საშუალებით გაიგებდა და დღე და ღამე გართული იყო თავის საყვარელ საქმეში. თუ სადმე ქართულ წიგნს დააწყობდა, აუცილებლივ უნდა წაეკითხა.

მის ოთახში სამი სხვა მუშა სცხოვრობდა, ისინი მუდმივი ლაპარაკით წიგნის კითხვას უშლიდნენ, ზოგიერთები კიდევც დასცინოდნენ:

— ყურსონიკობა თუ გინდობდა, ზავოდში რას მოდიოდნო?—ღრუჭით ეტყოდნენ.

ნესტორას, კრიჭინა ტახტის ქვეშ, მუდამ ერთი ყუთი ჰქონდა შენახული და თავის ბიბლიოთეკასაც აქ ინახავდა. ხშირად უცდია მას სხვა მუ-

შეგიც დაეინერესებინა წიგნის კითხვით, ბევრ მათგანზე, კიდევ მოუხდენია გავლენა, მაგრამ ამ ხრივ ჯერ კიდევ ბევრი მუშაობა იყო შესრულებული მუშები ამაზე დროს როდი დაჰკარგავდნენ.

როცა ნესტორას ახალი თანამდებობა მისცეს და ამნაირად შესამჩნევად დააწინაურეს, ყველას ეგონა, გამედიდურდება და არ გვიკადრებსო. თითქმის ყოველთვის ამ ადგილზე წამოსკუბებული მუშა სრულიად იფიწყებდა გუშინდელ ამხანაგებს, ცხვირს აიშვერდა და ერთის მხრივ რომ მოძმე მუშებს შევიწროებას დაუწყებდა, მეორე მხრივ ქარხნის ადმინისტრაციას ფეხებს ულოკავდა.

ასეთი ვაჭბატონები მუშებს ჭირივით ეზარებოდათ და უნდობლათაც უყურებდნენ.

მაგრამ ნესტორაზე ამის მგზავსაც კი მისი მოსისხლე მტერიც ვერ იტყოდა: ის ისეთივე ძმა და ამხანაგი დარჩა მუშებისთვის, როგორც მანამდე იყო.

იმ დროს, როდესაც საქართველოში პირველად გაისმა ხმა მშრომელთა ხალხის განთავისუფლების შესახებ, ნესტორა გულმოდგინედ განაგრძობდა თავის კულტურულ მუშაობას მუშათა შორის. ეს ხმა, უპირველეს ყოვლისა, მუშათა წრეებიდან გამოისმოდა და, რასაკვირველია, არც ნესტორას აცდებოდა იგი. ის მაშინვე პირველ რიგებში მოექცა და მთელ მუშებს ბრწყინვალე მომავალზე უქადაგებდა.

განმათავისუფლებელი მოძრაობის ტალღა ქალაქებიდან სოფლებსაც მოედო და ნესტორაც შეუმჩნევლად გადიტანა სოფლად: მას დაევალა ერთ მისთვის ნაცნობ მხარეში მუშაობის წარმოება.

და აი, აქ მოუხდა მას შალვა ღრუბელიანთან ერთად მუშაობა: შალვა ზეპირ აგიტაცია-პროპაგანდას ეწეოდა, ხოლო ნესტორა უმეტესად საერთო საორგანიზაციო მუშაობას აწარმოებდა.

მემამულეთა საწინააღმდეგოდ მოთხოვნილებათა ამომუშავება და მათი ცხოვრებაში გატარება, ადმინისტრაციისა და სასამართლოს წინააღმდეგ მიმართული ბოიკოტის განმტკიცება-გაფართოვება, გლეხების შეკავშირება და დარაზმა, — აი რას აკეთებდა ნესტორა შალვასთან ერთად.

ნესტორა შალვასთან შედარებით გაცილებით უფრო გამოცდილი იყო. მას გავლილი ჰქონდა პრაქტიკული ცხოვრების ერთგვარი სკოლა და ბევრი ისეთი, რამ იცოდა, რაც შალვას არ შეეძლო სცოდნოდა. სამაგიეროთ შალვა თეორეტიულ მომხადების მხრივ ნესტორაზე გაცილებით მაღლა იდგა, მაგრამ ნესტორას მაინც დიდ პატივს სცემდა. ყოველ მის სიტყვას და შენიშვნას ისე უგდებდა და ყურს, როგორც მცოდნე და გამოცდილი ამხანაგისას. შალვა გრძნობდა, რომ ნესტორა იყო პრაქტიკული ცხოვრების სრული სახე და მთლიანი განხორცილება.

ნესტორა და შალვა გატაცებით მუშაობდნენ სოფელში და დიდ შედეგებსაც შიალწიეს: მთელი მშრომელი გლეხობა მათ მხარეზე დადგა, პირად საქმისათვის არც ერთ მათგანს არ ეცალა და არც უნდოდათ მოეცალათ. მაგრამ დროგამოშვებით მომხიბლავ ყმაწივლების — ევასა და შალვას — შეხვედრა თავისთავად აფიქრებინებდა ნესტორას მათ შორის სასიყვარულო ძაფის გაბმის შე-

სახებ. მისი შეხედულებით აქ სრულიად ბუნებრივ მოვლენას უნდა ჰქონოდეს ადგილი, მაგრამ თავისი აზრი შალვას არ უთხრა, უფრო კი იმით მოერიდა, რომ შალვა საამისოდ არ იწვევდა.

ეროვნული
ბიზნიუსი

XVIII

ევას თავზარი დასცა შალვას წასვლის ამბავმა. შალვასთან მუსაიფს, მასთან ერთად კრებაზე სიარულს და ცოდნის შეძენას ისე შეეჩვია, რომ უამისობა ყოველად შეუძლებელ რამედ ეჩვენებოდა. ევას აზრით, შალვა ვანოსა და ანდრიას გაცილებით სჯობდა.

„ისინი ხომ კარგები და მიმზიდველები იყვნენ, მაგრამ შალვა მათთან შედარებით პირდაპირ მომხიბლავი და მომჯადოებელია. ასეთი მასწავლებელი მართო ოცნებაში თუ შეიძლება წარმოიდგინო“—ფიქრობდა იგი.

— იმედია მალე დაბრუნდებით, —რამდენჯერმე უთხრა ევამ ნაძალადევის ღიმილით შალვას, როცა ის არიგებდა ევას, თუ რა უნდა გაეკეთებინა მისი აქ არ ყოფნის დროს.

ევას თანდათან აკვირვებდა შალვას სიმშრალე და აუღელვებლობა. შალვას ერთი წარბიც კი არ გაჰხრია, სიმწუხარე კი არა, გახარებულიც კი იყო და ერთის სიტყვითაც კი არ გამოუხატავს რაიმე უკმაყოფილება ევას დაშორების გამო.

ევა შეეცადა ოდნავ თბილი სიტყვები ეხმარა.—უთქვენობა ძალიან დაეტყობა აქაურობას; თავს მოუარეთ, მთავრობას არ ჩაუვარდეთ ხელში; სხვაფრივაც, ვინ იცის, რა პირობებში ჩავარდებით.... ვინ იქნება თქვენი სასმელ-საქმელის მომზდებულ და მომვლელიო.

ამ დროს ნესტორა შეუმჩნეველად აკვირდებოდა ახალგაზდებს და ცდილობდა ლაპარაკში არ ჩარეულიყო. თანაც გრძნობდა, რომ მისი იქ ყოფნა უხერხული იყო და მოშორება უნდოდა. ევას კი სწყინდა მისი იქ ყოფნა: „ეგების უკანასკნელ წამს მაინც წამოსცდეს რაიმე შალვასო!“

„ეს ყმაწვილი ან დიდი ეშმაკია, ან და მართლაც ყურადღებას არ აქცევს ევასო, —გაიფიქრა ნესტორმა.—ან კი რა მაგისი საქმეა თავადიშვილის ქალი? სად გლეხი და სად თავადი? მათი შეთანხმება შეუძლებელია“.

შალვას წასვლის ამბავი ელვის სისწრაფით მოედო ბეჟანის ოჯახობას და ყველა აამოძრავა, განსაკუთრებით კი ბაბუა დავითი.

— ახლობამდისაც ვინ აკავებდა, —იძახდა იგი,—ვინ დააგლიჯა ჩოხის კალთა? ან ვინ ეხვეწებოდა, რომ მოეთარია! მაგრამ ჩემი ლაქლაქა შვილი რას არ შეგვძენს? კაი სასიძო მან მოიყვანა, ღმერთი მას უშველის! ამას ჰქვია წაგსვი, წაგქამე და წაველიო! იმ გოგოსაც კაი ხანს ეკურკურა! გლეხებიც აგვიბუნტა!“

დავითი გააფრთხილებული სცემდა ბოლთას. მოხუცი ისე გაპილპილებულიყო, რომ აივანში სიარულის დროს ორჯერ კინალამ იატაკი ჩაამტვრია: გულმოსულობაში დაავიწყდა და ფეხი დაადგა იმ ფიცარს, რომელიც წვიმისაგან ჩამპალა და სულს დათავდა.

შალვა გატაცებით შეუდგა ახალ პირობებში მუშაობს. სახალხო მოძრაობის თანდათან გაღრმავება და გაფართოვება განუზომელ შთაბეჭდილებას ახდენდა მის სულიერ განწყობილებაზე.

წარმოიდგინეთ გაზაფხულის ნიაველვარი, როცა კოკისპირული წვიმის შემდეგ მთებიდან მოსკდენ გაშმაგებულ ნაკადულთა აურაცხელი გველები, რომელნიც ელვის სისწრაფით იზრდებიან, ფართოვდებიან და აქაფებულ-აზათქებულნი, ხუილით მოაგორებენ ქვას, ხეს, ბალახ-ბულახს, მიწას.

დგებარ ამ ნამქერში და გრძნობ, რომ ყოველი წუთის განმავლობაში უფრო მალლა-მალლა გცემს ტალღა, აგორებული ქვა და ხრეში წივებზე გებეთქებიან, ამღვრეული წყალი ფეხის გულიდან მიწას გაცლას...

და შენც გსიამოვნებს და იცინი: გაღელვებს ახველებული სტიქიონი. წამი კიდევ და... აჰა, ეს არის, შენც ასცურდები!.. ლამის გავიტაცოს აზათქებულმა თქემშია. ცახცახებ... ფეხის გულებში რაღაც ცოცხალი არსება გაიძრა: სილა გეცლებათ...

ასეთი იყო შალვას შეგრძნებაში სახალხო მოძრაობის ტალღათა თანდათან აწევის პროცესი და აზვირთება.

შალვას გადავიწყებული ჰქონდა ყოველივე პირადი, არ ახსოვდა საკუთარი თავის მოთხოვნილებანი და ყმაწვილურის გატაცებით ემსახურებოდა წმინდა საქმეს: სმა, ჰმა, მოსვენება, ჩაცმა-დახურვა—ამაზე ფიქრი არც კი არსებობდა მისთვის. ახალ საზოგადოებაში მუშაობის დროს შალვა ვერ იყო ისეთ პირობებში, როგორც ევას სოფელში. ბინა ერთობ უვარგისი ჰქონდა: ლარიბი გლეხის ოჯახი, მიწის იატაკი, ჭერათ—გაშაფებული „სხვენი.“

რამდენიმე ღამე ისე გაატარა, რომ არც კი სცალოდა დასაფიქრებლად; მუშაობით დაღლილ-დაქანცული, მოსვლისთანავე ძილს მისცემდა თავს. ხოლო როცა ცოტათი გაიადვილა სამუშაო და თავისუფალი დროც მეტი მოიპოვა, ფიქრებს მიეცა და... ჰოი, საკვარველებავ... რაღაც მოწყენილობა იგრძნო, მარტობის სევდა ეწვია და ევაც მოაგონდა. ჯერ უცნობმა და განუცდელმა სიტკბოებამ აავსო მისი სული და გული... რა ტკბილად მუსაითობდნენ ისა და ევა! რა საინტერესო საკითხებს ეხებოდნენ! მერე რავდენი ნიქს და დაკვირვებას უნარს იჩენდა ევა! რამდენი გრძნობა და ცეცხლი იყო ამ დროს იმის თვალებში!

—ევა ნამდვილი რევოლუციონერი იქნებო—ხშირად უოქვამს გულში შალვას.

ნეტავი ახლაც ამ გლეხის ოჯახში იყოს ევა! საყვარელ საქმეზე ილაპარაკებდენ! რამდენი ახალი საკითხი წამოეჭრა შალვას ახალ პირობებში მუშაობის დროს!

დიდხანს ოცნებობდა შალვა და გულით მოელოდა იმ დროს, როცა ისევ დაბრუნდებოდა ევას სოფელში. მეორე დღეს გულდასმით ჩაიწერა უბის

წიგნში ყველა პრაქტიკული კითხვები, რომელთა შესახებ ევასთან ბრასი უნდა გაემართა.

ევა შალვას წასვლის შემდეგ მოწყენილობის საწყაულად გადაიქცა. იმ დღიდან მისი გაცინება არავის უნახავს, უცებ ჩაკვდა მასზე სიძარულად და აღმადრენა. ფრთხილა ჩიტმა ფრთები შეიკეცა და ძირს დაეშვა.

ნუ თუ წამიერი იყო ევას აღფრთოვანება და დღეიდან ვეღარ შეხვდება შალვას? ნუ თუ თან გაჰყვა მისი სული და გული იმ მომჯადოებელ ყმაწვილს, რომელიც ასე მშვენივრად ლაპარაკობს, ასე ნარნარად, ასე მომზიბლავად!

და კიდევ... რომელსაც ასეთი მომზიბლავი თვალები აქვს, ბროლივით ჩამოსხმული თითები, ახლად აყრილი წვერ-ულვაში, მადიანად მოკუმული ტუჩები... ევა სრულებით ვერ აკეთებს იმას, რაც შალვამ დაუბარა. განა უშალვიად შეიძლება ან კითხვა, ან კრებებზე წასვლა, ან რაიმე აზრის გაგება?

ევა ხორცშესხმული ფიქრია, წიგნით ხელში რეტიანივით დაბეტიანლებს ეზო-გარემოში. მხოლოდ ხორციელად არის მამის კარმიდამოში, ფიქრითა და გრძნობით კი ისევ შალვასთანაა: მასთან ერთად წარმოსთქვამს აღფრთოვანებულ სიტყვას, წითელის დროშით ხელში წინ გაუძღვის მოზღვავებულს ხალხს და შურის ძიების ცეცხლით გააღმურებული, მხად არის კბილით ეკვეთოს მტარვალთა ხროვას...

რა ლამაზია ამ დროს შალვა, რა ამაყია! როგორ შეენის ხალხის წინამძღოლობა! როგორ ჰქუხს და რანაირ ცეცხლს აფრქვევს ხანდისხან! ევასაც გადმოხედავს, მძლავრად ჩაუკიდია მისთვის ხელი და მზიარულად მიაქანებს სულ წინ, სულ წინ!.. ხალხი აღტაცებულია გმირი ქალ-ვაჟის გამბედაობით, სილამაზით!.. და... „ვაშა, ვაშა, ჩვენს ბელადებს“—გაჰკივის აღტაცებით. ტკბილად ოცნებობს ევა, ნარნარად ევლება თავს სხვაგან წასულ მეგობრის ძვირფას სახელს.

ეჰ, ნეტავი სრულებითაც არ იყოს ეგ მწვავე სინამდვილე!


ვთუ თუ ევა შალვას წასვლით იძულებული იქნეს ისევ თავჩაქინდრული იდგეს სულისა და გულის მომწამელელ სინამდვილის მორევში და ისევ თავისი ძიძის ოჯახში უნდა მიეცეს განუსახლვრელ სევდას. ნუ თუ ბნელეთში მხოლოდ ერთხელ გაიელვებს?

ნახევრად უიშედო ევა მშარედ ქვითინებს. შალვას გარეშე მისთვის არც იდეა არსებობს და არც ცხოვრებას აქვს აზრი, მხოლოდ მის გვერდით არის იგი მებრძოლი და სიცოცხლის მოტრფიალე..

XIX.

ერთ საღამოს, როდესაც შალვა ადგილობრივი რევოლიუციონური ორგანიზაციის სხდომის შემდეგ დაღლილ-დაქანცული შინ ბრუნდებოდა, გზაში ნესტორა ნაბადაძე შემოეყარა.

— დაგაგვიანდათ, ამხანაგო, დიდხანს გელოდეთ,—მეგობრულის ტონით უსაყვედურა შალვამ.

— ბოდიშს ვიხდი, იმედია მაპატიებთ, ცუდი ცხენი მყავდა,  უპასუხა ნესტორმა და ჰკითხა, კრებამ რა გააკეთაო.

— თქვენი დაუსწრებლობის გამო, ყველაზე ძნელი მსაჯობის დაწესებულებათა ბოიკოტის მოწყობის შესახებ—ხვალისთვის განდგომი. შენს გარდა კიდევ ორი საზოგადოების წარმომადგენელი არ დაგვსწრებია, ხვალ მოვალთო. ამიტომ უმჯობესად ვსცანით ხვალისთვის გადაგველო ეს საკითხი.

— ძალიან კარგი ვიქნიათ, ბარემ მთელი რაიონი გამოვა შეთანხმებულად, ისე არეულ-დარეულად დარჩენა კი, როგორც აქნობამდის იყო, არ შეიძლება.

შალვამ გამოჰკითხა, როგორ მიდიოდა საქმეები ნესტორის საზოგადოებაში, როგორი იყო ხალხის სულიერი განწყობილება შალვას წამოსვლის შემდეგ.

ნესტორას სიტყვით, ხალხი ძლიერ იყო დაინტერესებული იმით, თუ რა ხდებოდა სხვა სოფლებში და საზოგადოდ ჩვენი სამშობლოს სხვადასხვა კუთხეებში. ამის გამო საჭირო გამხდარიყო გაზეთის კითხვის ფართოდ დაყენება. ეს საქმე ნესტორას კარგათაც მოეწყო: დანიშნული პირი ყოველ კვირა დილით ამოჩემებულ ადგილას გაზეთს კითხულობდა, გლეხები კი უსმენდნენ. მკითხველის მოვალეობას შეადგენდა თვალყური ედევნებია მთელი კვირის განმავლობაში გაზეთებისათვის და ამოერჩია გლეხებისათვის გასაგები და საინტერესო მასალა, რომელსაც დანიშნულ დროზე ახსნა-განმარტებით წაიკითხავდა. ეს ზერხი ძალიან მოეწონა შალვას.

— როცა გელაპარაკები, ან შენს ნამოქმედარს ვუკვირდები, ყოველთვის რაიმე ახალს შევიძენ ხოლმე უთხრა ნესტორას.

— დიახ, დიახ, მე ყოველთვის ახალი და სასიამოვნო ამბები მომაქვს შენთვის—ლიმილითვე უთხრა ნესტორამ—აბა, ახლა ყური დამიგდე, კიდევ რა სასიამოვნო ამბავი გითხრა: გაზეთის მკითხველად არის შენი მეგობარი—ევა.

— რისთვის არის მარტო ჩემი... მეგობარი, და არა შენიც,—დაბნეულის გამომეტყველებით და სიცილით შენიშნა შალვამ, რომელსაც ძალიან ეამა ევას ხსენება.

— მართალია, ორთავეს მეგობარია, მაგრამ უფრო კი შენი.

— ნესტორამ ისეთის კილოთი სთქვა სიტყვა „შენი“, რომ შალვა ყურებამდის გაწითლდა.

— მაგისტანები არ იყოს, ამხანაგო!—უცებ მოუჭრა მან ნესტორას.

ამ დროს ნესტორამ აუჩქარებლივ წაიღო ხელი გულჯიბისკენ და შალვას წერილი გადასცა, თანაც დაატანა:—ევასაგან არისო. შალვა ის იყო კიდევ უნდა გაწითლებულიყო და სირცხვილით დამწვარიყო, რომ ნესტორას სახეზე შეამჩნია სრული სიდინჯე და სერიოზულობა, წელანდელი ორქოფი ღიმილის ნასახიცი კი აღარ ეტყობოდა.

წერილმა ღრმა შთაბეჭდილება მოახდინა ყმაწვილ კაცზე. თითქმის მთელი ღამე ოცნებობდა ამ წერილის გამო. ბოლოს და ბოლოს, ეს სრულებითაც არ ყოფილა ჩვეულებრივი წერილი. იგი იყო ნამდვილი მოთხრობა, წრფელის გრძნო-



ბებით აღსავსე პოეტური ჰომეა. რამდენი გრძნობა იყო შიგ ჩაქსოვილი! რამ-
დენი აზრი და, რაც თავი და თავია, რამდენი მომხიბლავი ქერქაღაღატი...

შალვას ევა პოეტად გარდაუქმნია და ყველა ის საყურადღებო საუბრები,
რომელთა გარშემო ოცნებობდა იგი შალვას წასვლის შემდეგ, შესანიშნავის
საღებავებით ჩაუტანია ამ მომხიბლავ ბარათში. მოძმეთათვის თავგანწირვა,
მტარვალთა განსაგმირად მიმართული ალტყინება, საოცნებო მომავლისთვის
შეუღრვეკელი ბრძოლა...

დიდ ხანს, დიდ ხანს ოცნებობდა შალვა ამ წერილზე, მეორეთაც წაიკით-
ხა, შესამეთაც.....

და ყოველთვის ახალ ახალ სურათებს ნახულობდა შიგ.

— ქეშმარიტად, რევოლუციონერი ქალი იქნება ევა, — ფიქრობდა იგი
დაუსრულებრივ.

XX.

ნესტორამ წერილის სიდიდის მიხედვით დაასკვნა, რომ ევას ბარათს ნაკ-
ლებათ ჰქონდა „საქმიანი ხასიათი“. როგორც ნესტორა იტყოდა ხოლმე, „ხდება
ის, რაც უნდა მომხდარიყო“-ო, გაიმეორა მან თავისი ფორმულა.

მეორე დღეს, როცა შალვამ თითონ ჩამოაგდო ნესტორასთან ლაპარაკი
ევას მიერ გლეხებში გაზეთის კითხვის შესახებ, ნესტორამ რაღაც ექვიანის
ღიმღიმით დაიწყო:

— ამხანაგო შალვა, შენ ჯერ ახალგაზრდა ხარ; მართალია, სწავლა ბევრი
მიგიღია, წიგნი ბევრი წაგიკითხავს, მაგრამ ამხანაგურად გეტყვი, რომ ცხოვ-
რების სინამდვილეს, ალბათ, ჩენსავით ვერ იცნობ. მე შენზე მეტი მიცხოვრია
და ამიტომ...

— რაშია საქმე, ნესტორ?, რაღაც ძალიან შორიდან იწყებ, — ღიმღიმით
შენიშნა შალვამ.

— მოიცა თუ ძმობა გწამდეს, ნუ აჩქარდები! ჩვენ ყველანი ადამიანები
ვართ, გვაქვს ცუდიცა და კარგიც, ერთი სიტყვით—კაცნი ვართ, ადამის ძენი,
ბერივით ცხოვრება არ შეგვიძლია... ევა ადამიანია, შენც ადამიანი ხარ...

შალვა მიხვდა, გაწითლდა და შეურა ცუდი კილოთი უთხრა:

— ნესტორ, შენ კარგათ იცი რომ მე შენ დიდ პატივს გცემ და ამხანა-
გურად გთხოვ, მაგ საგანზე ლაპარაკს ნუ ჩამომიგდება. შენ არ იცი ჩემი აზრი
მაგ რთული საქმის შესახებ და ამიტომ გეხვეწები, მაგ საკითხს ნუ შეეხები.
ევა და შენ — ის ქალია და შენ მამაკაცი — ჩემს თვალში ერთნაირი არსებანი
ხართ, არც ერთს თქვენთაგანს მე არაფერში უპირატესობას არ მივსცემ...

შალვას ლაპარაკის კილო ისეთი გულწრფელი და დამარწმუნებელი იყო,
რომ ნესტორამ მაშინვე ბოდიში მოიხადა და სიტყვა მისცა, დღეის იქით
ამ საკითხს არ შეეხებოდა.

არ გასულა რამოდენიმე წამი ამ მუსაიფის შემდეგ და... მათ წინაშე ევა
იდგა... დარცხვენილი ლოყებ ალექსილი, ცრემლებ მორეული... ბავშიით თრთო-
და, აქეთ-იქით იხედებოდა, რაღაცას ჩიფჩიფებდა...

— რა ანბავია, ამხანაგო, რაშია საქმე? თითქმის ერთხმად შეეკითხენ შალვა და ნესტორა.

— ისეთი... არაფერი, — დარცხვენილის ღიმილით სთქვა ევამ.

— მთავრობას ხომ... არაფერი?... შეეკითხა გაკვირვებული ნესტორა.

— არა, არაფერი ყოფილა... მხოლოდ... მხოლოდ... საქმე იმაშია რომ... რომ... და ევას ტირილმა უსწრო და, ხმა აკანკალებულმა, თვალებზე ხელი მიიფარა.

— სთქვი, ევა, შენ რაღაც ცუდი ამბავი მოგაქვს, — მიაძახა მოუთმენლად შალვამ.

— მე... მე... ჩემი სახლიდან გამოვიქეცი... სამუდამოთ დავტოვე მამაჩემის სახლი. წყეული იყოს იქაურობა! მე... მე... თქვენთან ერთად მინდა მუშაობა და სახალხო საქმისათვის თავ-დადება! მე.. დღეიდან იქაურობას არ დავუბრუნდები!... არა!..

ევა შესაბრალისად აქვითინდა, დიდი ხნის ნამტირალევ ბავშვით ამოუჯდა გული და თავ-ჩაქინდრული სლოკინებდა. შალვა და ნესტორა უხერხულ მდგომარეობაში ჩავარდნენ, არ იცოდნენ როგორ მოტყუულიყვნენ: რა ეთქვათ და ენუგეშებინათ ევა.

— ევა, თქვენ .. ჩაიღუღლულა მორცხვად შალვამ.

— ვერაფერი გამიგია, რაშია საქმე, — სთქვა ნესტორამ.

— ამხანახო ნესტორ, შენ კარგათ იცი, თუ რას წარმოადგენს მამაჩემის ოჯახი! ჩვენი სოფლელი ხარ, ისიც გლეხი, და ჩემზედ ასწილად უკეთ გეცოდინება ჩვენთანების სისაძაგლე.

ევა ისევ აცრემლდა და ხმა აუკანკალდა, მან ოდნავ დაჰხარა თავი და უფრო ნელის ხმით განაგრძო:

— ნესტორმა ყველა ეს კარგათ იცის... მე... მე არ ძალმიძს იქ ცხოვრება, ვერ ავიტან იქაურობას. დიდი ხანია, რაც მამაჩემის სახლი შემძულდა.. დღეიდან კი მე სანუდამოთ ვწყევლი იქაურობას... იქ აშშოვებული ტბა დგას, გველ-ბაყაყებით სავსე. მე მინდა თქვენთან ერთად მუშაობა, თქვენთან ერთად სიკვდილი და სიცოცხლე! თქვენი წამოსვლის შემდეგ ჩენი სიცოცხლე ჯოჯოხეთად გადაიქცა წყეულ იყოს იქაურობა! იქ სიკვდილი და გახრწნილება მეფობს, აქ კი სიცოცხლე და აღორძინება. იქ მზე ჩადის, აქ კი ამოდის. არ მინდა ჩამავალ მხეს ჩემი ვარსკვლავი თან ჩაჰყვეს, არ მინდა ჩავიღრჩო იმ გარყვნილების მორევში! მე გამოვიქეცი თქვენთან და მინდა თქვენის სიცოცხლით ვიცხოვრო... სილამაზე, თავდადება, გმირობა, ალტაცება, — აი რა სწყურია ჩემს სულს... ჩემ გულს... არაფერი წმიდა, არაფერი შეუბღალავი მათთვის არ არსებობს, — განაგრძობდა ევა, — ყველა თავის სიამოვნებაზე ფიქრობს: დედას შვილი არა სწამს, ძმას — და... პირადი ბედნიერება, საკუთარი კეთილდღეობა, — აი რას ემსახურება იქ დიდი, თუ პატარა.

შალვას სახეზე ეტყობოდა, რომ ძალიან მოსწონდა ევას გამოქცევა და მისი ნალაპარაკევი. „ეს კემშაოიტად რევოლიუციონური ნაბიჯიაო“, ფიქრობდა იგი.

— თქვენი გადაწყვეტილება, ამხანაგო, ძლიერ მოსაწონია. უკხრა ბოლოს ნესტორამ, ჩვენთვის დიდად სასიხარულო იქნება ეს შეწყვეტილება ამხანაგის შეძენა.

ს ი ზ ლ ი მ ი მ ე ნ ე

შალვა კი დარცხვენილი იღვა და ხმას ვერ იღებდა.

XXI.

და აი, ყოველივე ეს, დიდი ხნის ამბავი, თუთხმეტ-თექვსმეტის წლის შემდეგ ისე ცხოველად მოაგონდა უკვე ხანში შესულ ევას, როგორც გუშინდელი შემთხვევა...

რამდენმა ხანმა განვლო იმ ბედნიერი დღეების აქეთ!

რა არ გამოსცადა მას აქეთ ევამ! აზრთა ცვლა, ახალი წრე, ახალი ადამიანები...

ერთი დასამარდა, მეორე დაეფუძნა, ერთი მოკვდა, მეორე აღდგა... მაგრამ დღესაც, ამოდენ წელთა გადაქვლვის შემდეგაც, ევას გული ისევ ძველებურად აძგერდა. ისევ ათრთოლდა ახალგაზრდობის ცეცხლით.

გადიშალა ნეტარების წიგნი, კვლავ იკითხება ბედნიერების ასოებით აღბეჭდილი ამბები! მაგრამ... მაგრამ ვაი, რომ შხამი ეწვეთება ამ ნეტარებაში! ევა ხომ, ძველი ევა არ არის!... მაშ რად ეწვია ისევ ძველი გრძნობები? ამოდ ცდილა გონების ნიჩბებით დავიწყების საულაეში ჩაეფლა ის დრო...

ტყუილად ჩაუვლია ამდენ ცდას, ამდენ წვალქბას! გულის მეხსიერებამ მაინც თავისი გაიტანა: პირველმა სიყვარულმა თავისი წაიღო და მრავალ წელთა შემდეგაც ერთიანად დაიშინა უმახკოების ჟამის ნეტარებამ, იმ წმიდა დროის მოგონებამ, როცა მისი შეუბღალავი გრძნობა ანკარა მდინარესავეთ მისჩქეფდა, როცა ჩვილი გული პირველად ათრთოლდა ციურის ცეცხლით, როცა კდუმამოსულ ქალწულებას პირველად გაუწითლდა სიყვარულის ალით დაუსუნთქავი ლაწვები... რა ბედნიერი იყო ის დრო! შეუბღალავი გრძნობა, უმანკო ღიმილი, გაურკვეველის სიყვარულით აღსავსე გული. რწმენა ექვმიუტანელი, ვარდ-ყვავილებით მოქარგული სინამდვილე, სიცოცხლის შეუჩერებელი ფეთქა!..

დღეს კი, თუთხმეტი წლის შემდეგ, რა არის ამის მაგიერ, რა შერჩა ევას? რამდენჯერმე განაცადი ერთი და იგივე გრძნობა, დაცვეთილი ნერვები, დაცვეთილი სხეული... ქმარი... კიდევ ქმარი... შვილები... პირველის ქმრისაგან, მეორე ქმრისაგან... ერთ დროს სხვა ცხოვრება, დღეს სულ სხვა!.. ის, ძველი დრო, მხოლოდ სიზმარია, მშვენიერად მოსაგონი სიზმარი...

მაგრამ რავდენი 'შხამი იყო ამ ტკბილ მოგონებაში ჩაწვეთებული, რავდენი სევდა, რავდენი დარდი!

ევას არსება გაორებულია: არ იცის რომელ დროს მიანიჭოს უპირატესობა, რომელს ეალერსოს, რომლის გადაშლით დასტკბეს?

ის, — შალვასთან გატაცებული დრო, თუ რეზოლთან ცხოვრება? პირველ ქმარ-შვილში ნეტარება, თუ მეორე ოჯახი? როდის იყო ევა ბედნიერი — მაშინ, თუ ეხლა? ეხე!.. ხე!.. ხე!..

იმ დროს ევა მთელ ქვეყანას პირისპირ უყურებდა, შეპაპროდა ყველაფერს,

ყოველ ქმნილებას... მისი გული მთელი ხალხის გულთან ერთად ერთჯერად, მისი მაჯა მთელი ქვეყნის მაჯასთან ერთად სცემდა... ყველას შეტრფოდა ევა, ყველა შეტრფოდა ევას!.. დღეს კი...? დღეს?... რამდენიმე საათის უკან აბობოქრებული ხალხის ყიჟინას მისი ხმა სრულებითაც არ შეწყობია, ხალხის სიბარულში მისი აღფრთოვანება არ გარეულა... მაშინ, შალვას დროს ევა სახალხო სიბარულის სული და გული იყო. დღეს კი შორიდან მაყურებელი შეიქმნა, თითქმის დაუპატიჟებელ სტუმრად გადაიქცა... მიტინგი, ორატორები, დროშები, უამრავი ხალხი, ვაშას გრიალი — ყოველივე ეს ევასათვის უცხო და თანაც დაობებული და დაფრთხილი რაღაცა იყო, დავიწყებული, უკუგდებული. მოიგონე ძველი წიგნი, როძლის შინაარსს ერთ დროს აღტაცებით აპყოლიხარ, შერე კი უცებ შეგძულებია იგი, და შენი თავი ამ წიგნის შინაარსზე მალა გიგრძენია. შორს, შორს ეს უფერული უსტარი!.. კიდევ გრცხვენი უკვე გონება-მომწიფებულს. რომ ერთ დროს ასე თავდავიწყებით გყვარებია ეს უმნიშვნელო და საბავშო წიგნი. წითლდები, რომ ამ სულელურ საქმეზე ერთ დროს თავი გიტენია, სერიოზული რაღაც გგონებია.

მაგრამ, ჰო, საშინელება! უცებ ტყობილობ, რომ ეს წიგნი შენ უსამართლოდ გაგიგდია ხელიდან, დასაგნობი შიგ არაფერია, ტყვილა მოგლანდებია, რომ შენი ღირსი არ არის იგი, ტყვილა განგიდიდებია შენი თავი! შემკრთალი ხარ, გაოცებული... სირცხვილით იწვი, გინდა მიწა განიპოს და შიგ ჩაგიტანოს, იკუმშვი, პატარავ—დები სირცხვილად ქცეული...

ასეთმა განცდამ შეიპყრო ევა იმ ამბის გაგების გამო, რომელსაც ეწოდება რუსეთის მეორე რევოლუცია...

ევა სრულებით არ მოელოდა ამ ვულკანის ამოხეთქას და პირველ წამებში ვერც გაერკვა, ვერ მოისახრა, როგორ დაეფასებინა იგი.

რისთვის მოხდა ეს? რეზომ ამბათ მოიტანა: აღმასრულებელი კომიტეტის წევრად ერთი ქალიც აირჩიესო. ვინ უნდა იყოს ის ქალი? ან რატომ მოხდა ისე, რომ ევა არ აირჩიეს მის ადგილას? ვისი ბრალია ეს—თითონ ევასი, თუ სხვა ვინმესი?

ევა კარგათ ხედავდა, რომ მისი გარიყვის მიზეზი სრულიად კანონიერი შედეგი იყო იმ გზაზე სიარულის, რომელზედაც იგი შედგა პირველი ქმრის დაკარგვის შემდეგ.

ძველი გზა ევამ სრულის შეგნებით უარყო, დიდი სულიერი ტანჯვის შემდეგ გადაუდგა მას და დღეს განა უნდა ინანოს ეს გადადგომა?

მოშხამულივით ჩაიკეცა ლოგინში და სევდისგან გამოლენჩებულმა, ცრემლებიც კი ვერ იპოვა განგმირული გულის დასაპკურებლად. აწმყო და წარსული, ძველი და ახალი საშინელის დაუნდობლობით იბრძვიან მის არსებაში, გაშმაგებულ გრიგალივით ტრიალებენ მის სულსა და გულში და... ხან ერთია გამარჯვებული, ხან მეორე. ევა უბედური არსებაა: არ დასცალდა პირველი ქმრის ხელში ბედნიერება, უღმობელმა სინამდვილემ შეუბრალებლად გასთიშა ისინი. დაიღუპა ტკბილი ცხოვრება, შესწყდა მომხიბლავი ზღაპარი, მოულოდნელად ჩასწყდა გულის სიღრმის უძვირფასესი სიმები, დასამარდა უმანკო

დროის მოგონებანი, შეიბილწა ქალწულებრივის შარავანდედით მოცული პირველი სიყვარული ტლანქად, ჯალათურად! იმ დროის მოსაგონად ვეძებ კორი შეილი ჰყავს—სოფიო და ვაჟი... მაგრამ... რა ბედნიერი იქნებოდა ევა, რომ ბედს ამ მხრივ მაინც შეეწყო მისთვის ხელი და ბავშვები არ გასჩენოდა! საშინელება დატრიალდა მის გარშემო, გრძნობს, რომ სრულიად მოულოდნელად ენგრევა ვითომდა ბედნიერი ცხოვრების კოშკი, ხელავს, რომ ერთი წამიც და... თითონაც ნანგრევებში მოჰყვება...

რა ქნას, როგორ მოიქცეს?.. ვინ იცის, რას უმზადებს ხვალისდელი დღე? ვაი, თუ კვლავ გაუბდეს გორდიუსის კვანძი განსაკვეთელად! მერე, მეგობარი მაინც ჰყავდეს დამხმარე! რეზოს მაინც შეეძლოს მისი მხარის დამშვენება და მწვავე ბრძოლაში მის გვერდით დგომა! დღემდის მართლაც ასე ეგონა ევას: იგი დარწმუნებული იყო, რომ რეზო ნამიანიძე ისეთივე სასურველი მეგობარი იქნებოდა მისთვის, როგორც იყო შალვა ღრუბელიანი; ეგონა, რომ უკვე მეორეთ იშოვა ცხოვრების გზაზე შესაფერი თანამგზავრი. მაგრამ დღეს, შესაძლებელია ისეთი პირობები შეიქმნეს, რომ რეზო ევასათვის სრულიად გამოუდგარი დარჩეს.

ევა გრძნობს ამ მომავალ მარტოობის საშინელებას, გრძნობს რომ მხარ ჩამოგდებული არსებაა, მოცალე არავინა ჰყავს და...

არის წამი, როცა სასოწარკვეთილებაც კი ეუფლება მის სულსა და გულს...

XXII.

რეზო დიდ პატივს სცემდა ევას: სწამდა მისი ჭკვა, ცოდნა და გონებრივი სისრულე. ის გულწრფელად იყო დარწმუნებული, რომ ევა ბევრ შემთხვევაში მაზე მალლა იდგა.

ახლაც, დღევანდელ ვახშამზედაც, ევამ ერთხელ კიდევ დაანახვა რეზოს თავის უპირატესობა, რაც აგრე მომხიბლავად და გულის წარმტაცად დაავიროვინა მარსელიოზის მომჯადოვები დაკვრით. ამ გარემოებამ აუწერელ აღტაცებაში მოიყვანა რეზო და იქ რომ უცხო პირები არ ყოფილიყვნენ, აუცილებლივ გადაჰკოცნიდა თავის ჭკვიან, მცოდნე და განვითარებულ მეუღლეს.

გავიდა თუ არა ევა თავის ოთახში, რეზომ ჩურჩულით გასცა განკარგულება, რომ ევასათვის ხელი არ შეეშალათ უადგილო ხმაურობით და თითონაც თუხაკრებით მიაშურა თავის კაბინეტს. ის ამაოდ ცდილობდა ეფიქრა თავის საბანკო ოპერაციებზე. დღევანდელმა ამბებმა ერთიანად აუფოოიქეს ნერვები და სანთლის დავსების შემდეგაც დიდ ხანს ფიქრობდა იმის შესახებ, თუ რა მოხდა.

ჯერჯერობით არ შეიძლებოდა გადაჭრით ეთქვა: ახარებდა თუ არა მას ეს ამბები, მაგრამ ის კი აშკარა იყო, რომ დღეს მისი თავმოყვარეობა ერთობ შილახა მისივე ბანკის ერთმა წვრილფეხმა მოსამსახურემ.

ეს ვაჟბატონი გახლავთ შავ ხალითსა და ძველ ბიჯაკში მორთული, ადამის-დროინდელი შლაპა ჩამოფხატული—ქათამაძე, რომელსაც მუდამ უკა-

ლომო და ათას ადგილას დაკრებულნი ფეხსაცმლის მოღრეცილ ქუჩებზე მუდამ ფოჩებად დათამაშებდა შემოცრეცილი შარვლის მატყრიდან გამონარღვევი ძაფები.

რეზოს შეხედულებით, საკვირველი ვინმე ბრძანდებოდა ეს ქათამაძე, რომელსაც, ისევ რეზოს აზრით, სწორეთ რომ შესაფერი გვარი ჰქონდა, ვინაიდან ქათამზე პროზაული აოსება; თუ მისი ხორცის გემოს არ გავიხსენებთ, რეზოს ვერც კი წარმოედგინა.

მართალია, როგორც მუშა ქათამაძე კარგი მუშა იყო: ერთგული, სანდო, საქმის კარგათ მცოდნე, მაგრამ „ნამეტანი აპრუწული ვინმე“ იყო, და ამიტომ არ ეკარებოდა რეზოს გულს.

სხვა მოსამსახურენი მუდამ ღიმილით, ტანის ერთგვარ გაპრებით და თვალების გაფართოვებით ელაპარაკებოდნენ რეზოს; არასოდეს მის საწინააღმდეგო სიტყვას არ იტყოდნენ, სხეში იყვნენ მიჩერებული და მუდამ იმაზე ფიქრობდნენ, რომ რაიმე ნაირად ესიამოვნებინათ: ცერებზე დადიოდნენ, ტუჩებზე ხელის მიღებით ახველებდნენ, პალტოს აცმევდნენ და კალოშებს მიართმევდნენ... ვილაც ქათამაძე კი მარტო მშრალ სალამს აძლევს ბანკის დირექტორს, და ისიც ისე შედიდურად, თითქოს იმადლებათ: ერთი ღიმილიც კი არ გადაურბენს ხოლმე სახეზე. მუდამ ჩაფიქრებულია, წარბებ შეკრული მუშაობს—თითქოს დიდი რამე კი უყრია იმ ცარიელ გოგრაში.

და აი დღეს, ამ ღირს შესანიშნავ და საქვეყნო ამბების დატრიალებისას, ეს ჩია ქათამაძე თავისებურის თავხედობით სტოვებს ბანკის დარბაზს და სადღაც კრებაზე მიდის... და ჰოი, საკვირველება! აღმასრულებელი კომიტეტის წევრიც კი ხდება! ახალ მთავრობად გადაიქცა!

მერე როგორ ამაყად ეჭირა თავი კომიტეტის სხდომაზე! როგორ კატეგორიულად და უყოყმანოდ ლაპარაკობდა! ნამდვილი მამლაყინწა იყო! კომიტეტის წევრებიც რომ ყურადღებით უსმენდნენ! ვითომდა დიდი ჭკვის კოლოფი ვინმე იყოს! ძველის ძველი შავი ხალათი, ნაპირ-შემოგლეჯილი მამბის სარტყელი, მოუპარსავი ნიკაპი... და კადნიერება, კადნიერება...

ბანკში გაჩაღებული მუშაობა იყო: საინგარიშო „ჩოთქები“ ხმა შეწყობით რაკუნობდნენ, კალმები გულმოდგინეთ წრიპინობდნენ, სახაზაეები შავ არშიებს ავლებდნენ, ერთ ადგილას ფულები იფვლებოდა, მეორეს იკეცებოდა; მოლარე ისეთის მოწიწებით ალებდა კასის ვებერთელა ლითონის კარებს, თითქოს აღდგომა დილას მღვდელ-მთავარი ეხება აღსავლის კარებსო. ჩურჩულით გადიოდნენ და შემოდდიოდნენ...

რეზო წარმართული კერპივით იჯდა ძვირფას სავარძელში ძვირფასის მაგიდის წინაშე...

ლამაზად დაეარცხნილი და შეფერილი სახე, აპრეხილი უღვაშები, ასჯერ სარკის წინ შემოწმებული წვერები, ჯიბეებში ჩაწყობილი ფუნთუშა ხელები, გაშლილი გულ-მკერდი და კმაყოფილება, კმაყოფილება...

რეზომ შეამჩნია, რომ ბანკის დარბაზმა ქათამაძე ტელეფონთან მიიწვია.

ცოტა ხნის შემდეგ ქათამაძე „თავისებურის კადნიერებით“ — მიიჭრა რეზოსთან და ცივად უთხრა: საქმის გამო დღეს სამსახურში ვერ დავრჩები.

რეზოს არც უარი უთქვამს და არც პირობა: ის ერთობ გააკვირვა ამ წვრილფეხა მოსამსახურის კადნიერად მიმართვამ: ქათამაძე უფრო უფრო წასჩურჩულა მოსამსახურებს და საჩქაროდ სადღაც წავიდა. შიშ-შიშით

ეს რეზოს ძალიან ეწყინა, მით უმეტეს, რომ დანარჩენმა მოსამსახურებმა ქათამაძის წასვლის შემდეგ სამუშაოზე რაღაც გული აიტრუნეს და უსაქმო ლაპარაკი გააბეს. რეზომ მოიხშო უფროსი მოსამსახურე და უთხრა: გადაეცით ქათამაძეს, რომ იგი სამსახურიდან დათხოვნილი არისო. ამის საპასუხოდ იმ მოსამსახურემ ჩურჩულით უთხრა რეზოს, თუ რა სთქვა ქათამაძემ წასვლის წინ.

— ეს შეუძლებელია! ვის შეეძლო მთავრობის ჩამოგდება? — გააკვირვებით სთქვა რეზომ.

— რა მოგახსენოთ, ხოლო ქათამაძემ კი აგრე სთქვა!.. ებლი მითხრეს ტელეფონითო.

— ჰო და... მეც მაგისტანებისთვის ვითხოვ სამსახურიდან მაგ კადნიერ ყაჭბატონს!

ამ დროს ვილაცამ ბანკში შემოარბენინა ცალკე ფურცლებზე ვებრთელა ასოებით დაბეჭდილი დებეშა, რომელშიც მოკლედ იყო ნათქვამი, რომ პეტროგრადში თვითმპყრობელი მთავრობა დაემხო და მის ადგილს დროებითი მთავრობა შედგაო. ქათამაძე ისევ აჩქარებით შემობრუნდა: საწერ მაგიდის უთაში რაღაც დავიწყებოდა. მაშინვე შემოესივნენ მოსამსახურენი და მოუთმენლად ჰკითხავდნენ, თუ რაში იყო საქმე. ქათამაძემაც წამსვე დაიწყო დებეშის აჩქარებით განმარტება. მის გარშემო უცებ შეიკრიბნენ ყველანი და გაუაცვიცებით უსმენდნენ. პირველად რეზო განხე იდგა და სწულებითაც არ უნდოდა ვილაც ქათამაძის ქათმური განმარტების მოსმენა, მაგრამ როცა შეატყო, რომ ქათამაძის ნათქვამმა ყველას ყურადღება მიიპყრო, ისიც ძალაუნებურად მივიდა და ყური ათხოვა ლაპარაკს. რამდენი დაცინვა და სიამაყე გამოიხატებოდა ამ დროს რეზოს სახეზე! ქათამაძე „თავისებურის მამლაყინობით“ ხ.ნიდა პეტროგრადში მომხდარ ამბებს: — ჩვენ გავიმარჯვებთ! მუშათა კლასი... ბიუროკრატია... პროლეტარიატი...

ამ სცენამ ერთიანად შეაძულა რეზოს ქათამაძე, ზიზლით ავისილი დაბრუნდა კაბინეტში და ხელახლად დაადასტურა ქათამაძის ადგილიდან დათხოვნა თავის გულში.

მაგრამ, — ჰოი საშინელებაჲ! — საღამოზე ისევ ის ქათამაძე გვერდით ამოუჯდა მას საზოგადო მოღვაწეთა კრებაზე და რიზიანად დაიწყო მსჯელობა.

მართალია, ცუდი არაფერი უთქვამს, პირიქით ძალიან ჭკვიანურადაც.

მაინც ილაპარაკა, მაგრამ... მაინც ქათამაძეა... მაინც ქათამაძეა!..

XXIII.

ნეტავი სრულებით არ გასთენებოდა ევას მეორე დღე: სინათლეს თვალებს ვერ უსწორებს, დარცხვენილია, საბნიდან თავი ვერ გამოუყვია, მის ხელთ რომ

იყო, საუკუნოდ დააბნელებდა, მთელ ქვეყანას კუბრის სამოსელში გახვევდა, რათა მასთან ერთად არც სხვას ვაეხილა თვალები. რა ქმარს, რომელიც გაიაროს საზოგადოებაში, როგორ დაიჭიროს თავი?

ეგონა ვითომ მოეწყო. ფეხა მოიმაგრა, ურყევ ნიადაგს დაეყრდნო, ჰპოვა სამუდამოთ ნავთსაყუდარი. და უცებ ყველაფერი თავდაყირა დგება, ინგრევა და უფსკრულში ვარდება. შერე რამდენჯერ მოუვიდა ასე? განა ერთხელ დაეცა ბედნიერების კოშკი? რა უთხრას ორ შეილს, რომელნიც შალვა ღრუბელიანისგან ჰყავს? დაუმალოს თავისი პირადი წარსული, როგორც დღემდის უმაღლავდა, თუ ყოველივე გაუმხილოს? საწყალი სოფო! როგორის აღფრთოვანებითა და ამპარტავნულის გამომეტყველებით უსწინდა დედას, როდესაც ის მარსელიოზას უკრავდა! რამდენი სიამაყე გამოიხატებოდა ამ წუთს ახალგაზრდა ქალის სახეზე, რომელიც ასეთის აღტაცებით შეხვდა რევოლუციის ნიაღვრის მოხეტქას?

რათ არ იცის ვინ არის მისი ღვიძლი ქმამა, ან რა მონაწილეობა მიუღია ხალხის გამომგვიძებაში?

ეს კითხვები შხამიან გველებივით დასისინებენ ევას არსებაში. მაგრამ... მაინც გკითხვებად რჩებიან, პასუხი არ არის...

გუშინ, როცა ევამ მარსელიოზა დაასრულა, აღფრთოვანებული სოფიკო შურდულივით გაექანა დედისკენ, მაგრამ დედამ ცივად ჰკრა ხელი, თითქოს რაღაც სინიდიისის მქენჯნავ მოგონებას იშორებდაო, და ოთახისაკენ მიშავალმა, თავიდან მოიშორა აღფრთოვანებული ქალი, რომელსაც ამ დროს ხელიდან გაუვარდა თავისი საყვარელი პოეტის „კორდელის“ ლექსთა კრებული.

ევას ამ დილით ნათლად მოაგონდა ეს სცენა, თვალწინ წარმოუდგა ამ საშინელი წიგნის ავტორი და... საშინელმა ძრწოლამ მოიცვა მისი არსება...

ოჰ, ეს კორდელი და მისი ლექსები! რომ ვერ მოაშორა თავის ოჯახს, რომ ვერ გადაჰკარგა შორს! რამდენჯერ დაუმალა სოფოს, რამდენჯერ ურჩია არ წაეკითხა ეს წიგნი, მაგრამ არაფერი გაუვიდა.

ამ წიგნის გამოსვლამ თავზარი დასცა ევას და დიდი ხნის განმავლობაში ისე ეშინოდა მისი, როგორც საშინელების. მან არც კი იცოდა ამ შავბედიტი წიგნის შინაარსი, მაგრამ მოჰკრა თუ არა თვალი, წაიკითხა თუ არა ავტორის ფსევდონიმი, მაშინვე თითქოს თავს მეხი დაეცაო, დარეტიანებულივით დაშორდა იქაურობას და მთელი კვირის განმავლობაში გონზე ვეღარ მოსულიყო. ცდილობდა არ ვფიქრა ამ წიგნზე, მაგრამ საუბედუროდ ამ ლექსებმა მალე ნიიქციეს საზოგადოების ყურადღება და ევაც რამდენჯერმე მოხვდა ისეთ წრეში, სადაც ამ კრებულზე იყო ბაასი. სხვა დროს და სხვა პირობებში ასეთი მუსაიფის დამწყები, თუ გამაგრებელი უსათუოდ ევა იქნებოდა, მას ძვირად გამოეპარებოდა ქართულ ენაზე ახალი წიგნი, — რუსულ ლატერატურასაც ძალიან ეტანებოდა — მაგრამ კორდელის წიგნს შავი ჭირივით გაურბოდა, ღვთაებრივის ძრწოლით ერიდებოდა მას.

მაგრამ ერთ საშინელ დღეს ეს საშინელი წიგნი მის ოჯახშიც შემოვიდა. ევამ არ იცოდა, რითი და რა საშვალეებით განედევნა ეს წიგნი სახლიდან.

— ღმერთო ჩემო, ეს რა კარგი პოეტი ყოფილა, — იძახდა იგი წამდაუწემ და რამდენიმე დღის განმავლობაში თითქმის მთელი წიგნი გაიხეხებდა. რავდენი სევდაა, დედა, ამ ლექსებში, რავდენი! თანაც რავდენი ~~ქართული~~ და აღფრთოვანება! — დღეში ასჯერ მაინც ეტყოდა დედას და თან ~~თითქმის~~ ლექსს ხეპირად ჩაარაკრავებდა.

და გუშინაც, როცა ასეთი საშინელი ამბავი დატრიალდა, მისი საყვარელი ქალი სოფო, რომელიც ნათლად აგონებს მას პირველ ქმარს, ამ საშინელის წიგნით აღფრთოვანებული მიექანება დედისკენ და გადაკოცნას უპირებს... მაგრამ მოვონებებით შეპყრობილმა დედამ არ მიიღო უმანკო არსების უმანკო შესაწირავო. როგორ შეკრთა მაშინ სოფიკო, როგორ ეწყინა!

— რომ იცოდე, შვილი, რა ცეცხლი გიხეხებს დედაშენის გულში სოფომ იცის, რომ რეზო მისი მამი ნაცვალია, მაგრამ საკუთარ მამაზე მას ძალიან ბუნდოვანი წარმოდგენა აქვს: გაურკვეველად იცის, რომ რომელღაც სოფელში, ეხლაც ცხოვრობენ მისი ღვიძლი ბებია და ბაბუა, მკონი კიდევ უნახავს ისინი, სიზმარივით ახსოვს.

რამოდენიმე წლის უკან, რეზოზე გათხოვებამდე დედამ წაიყვანა სოფლად ის და მისი პატარა ძამიკო. სოფიკოს აგონდება, რომ ბაბუაც და ბებიაც შვილიშვილების დანახვაზე მწარედ სტიროდენ, გულამოსკვნით ქვითინებდენ და თან ეხვეწებოდენ ევას: აქ დარჩი, ნუ დაგვტოვებო.

ევამ კარგად იცის, რომ ამის მიხეზი არის თითონ ის, ღვიძლი დედა, მან დააშორა შვილიშვილები ბაბუა-ბებიას; ის არის, რომ მუდამ ცდალობს, რათა ბავშვებმა საკუთარი მამა არ მოიგონონ, და მხოლოდ რეზო უყვარდეთ. და ღღეს ევას წინაშე ხელახლა საშინელის სიძლიერით აღიმართა ეს კითხვა: როგორ მოიქცეს-განაგრძოს ძველი გზა და ღრუბელიანის შვილებს მამის მაგიერ მამინაცვლის სული აფიცოს, თუ გადაშალოს თავისი გული მათ წინაშე და დაწვრილებით გააგებინოს ყოველივე?

ის გზა, რომელზედაც იგი დღემდის იდგა, ხომ მოტყვილების გზაა, სიცრუეზე და სიყალბეზე დაყრდნობილი! მერე რა, თუნდაც ასე ყოფილიყო, ვის რა წაუხდებოდა ამით? ევაც ბედნიერი იყო და მისი შვილებიც. ამ გზის გაგრძელება თამამად შეიძლებოდა, მაგრამ ღღეს...

ოოჰ, ეს საშინელი რევოლიუცია!

— ეხე... ხე, ამოიგმინა ევამ, — რას მოფესწარი ამას? მე, ერთ დროს თავგამოდებული მებრძოლი, ღღეს რევოლიუციას ვგმობ!... ღმერთო, ჩემო რა რკალში მოვემწყვდიე! ნუ თუ დალუბული ვარ?

უცებ ხეზე წამოიჭრა და საჩქაროდ შეუდგა ტანთჩაცმას. ყოველი მისი მოძრაობა თამამი და გაბედული იყო, წელანდელი ტანჯვისა და სულიერი მღეღვარების ნასახიც კი არსად იყო, ყოველივე ეს თავიდან მოიშორა...

„შორს სანტიმეტალობა“ — ო და ჩვეულებრივის ნაბიჯით გავიდა სასადილო ოთახში, სადაც მას კარგი ხანია ელოდენ.

ლამაზად გადავარცხნილი და მოხდენილად ჩაცმული რეზო სასწრაფოდ

მიეგება და ხელები დაუკოცნა. ევა თავის მხრივ ჩვეულებრივ მიესალმა ქმარ-შვილს და მაგიდასთან ადგილი მონახა.

გულის სიღრმეში ევას არ ეამა რეზოს ასეთი წესვედრებით ნიჭიერი ცერემონიის მონაა ჩემი ქმარიო“ გაიფიქრა და ელვის სხსწვეფით გატრბინა მის თვალწინ შალვა ღრუბელიანის შორეულმა სახემ.

XXIV.

პეტროგრადის ამბები გრიგალივით დატრიალდა... ნერვებად გადაქცეული ხალხი გაფაციცებით ეძებდა ახალ ამბებს: ასკდებოდნენ რედაქციებს, ირაციებდნენ დებეშებს, იძარბებოდა კრებები, შიტინგები.

ყოველ ახალ წუთს ახალ-ახალი ამბავი მოჰქონდა. სახელმწიფო დუმის აღმასრულებელი კომიტეტი, როძიანკო, კერენსკი, ჩხეიძე სკობელევი, მეფის ტახტიდან გადადგომა, ფრონტის გახსნა, რევოლიუცია გერმანიაში...

— გვეშველება, ომი ვათავედება... ზავი ჩამოვარდება, — იძახდა ერთი.

— გავთავისუფლდით, გავთავისუფლდით!..

— გაუმარჯოს, გაუმარჯოს!.. ყიჟინებს არე-მარე.

— მობლიზაციის მეშინოდა, აწი რა მიჰირს!..

— ახლა კი დაადგებათ სპეკულიანტებს კაი დღე! კიდევ გადამალივენ საქონელს? ნახავ რომ ჩალის ფასად გახდეს ყველაფერი!..

— მაშ, მაშ!.. დღეიდან ჩვენ ბედს ძალლი არ დაჰყუეს!.. დაუსრულებელი ჩოჩქოლი, მითქმა-მოთქმა და სიხარული იყო. ვინ შვილის ან ახლო ნათესავის დაბრუნებას მოელოდა ბრძოლის ველიდან, — ეგონათ ომი ეხლავე შეწყდებოდა, — ვინ საქონლის გაიაფებაზე ოცნებობდა. სიცილი, ალტაცება... კოცნა, მილოცვა... და ამბები, სულ ახალი ამბები... ერთი მეორეზე წარმტაცი, ერთი მეორის დამფარავი.

— ახალი მეფე... მიხეილ ნიკოლოზის ძე... საერთო ამნისტია... შიწები ხალხს უნდა გადაეცეს... გერმანიის მეფეც ჩამოუგდიათ, — გაისმის წამდაუწუმ ქუჩებში.

ხალხი ირვავა, ნერვიულობს ხან აქეთ აწყდება, ხან იქით.

— ტელეგრამ... ტელეგრამ, — გაჰკვივან ქუჩებში მეგახეთეები და თავქუდ მოგლეჯილნი გარბიან.

რევოლიუცია ფრთებს შლის ასაფრენ არწივივით, მის ტალღათა ბრუნვა თანდათან ძლიერდება, ამოვარდნილი გრიგალი ყოველწუთს ძალას იკრებს...

მთელი ქალაქი ქუჩებშია გამოფენილი..

სიცილი, ყრიაშული... ხარხარი...

დღეს დიდი შიტინგია დანიშნული...

დგება მუშათა საბჭო.. სხვადასხვა პოლიტიკურ პარტიები კლუბებს ხსნიან. პარტიულ კრებებს ახდენენ, წევრებს კრებენ. ათასნაირ წარწერიანი დროშები მხიარულად ფრილებენ სახლებიდან...

სოციალდემოკრატები, ფედერალისტები, ესერები, ნაციონალ-დემოკრატე-

ბი,—ყველას პირზე აკეცია ეს სიტყვები. ყველა ცდილობს რომელიმე პარტიას მიეკედლოს, არავის უპარტიობა არ უნდა....

ამაყად დგანან წესიერების ახალი დამცველნი, მკლავებზე წითელი ლენტები აქვთ, უმეტესობა მათგანი მოწაფე ახალგაზრდობაა. მუშაკობისთვის ხელი ვერ მოუჭიდიათ, დაუსრულებელი მსჯელობა, ამბები, ჭორები... კიდევ ამბები, კიდევ ჭორები...

ევა შუშანიკასთან ერთად დასეირნობს. მაგრამ ხორციელად არის აქ, თორემ სულიერად ვინ იცის სად დაფრინავს და რაზედ ფიქრობს!

უპირველეს ყოვლისა მას აინტერესებდა გაეგო ვინ იყო ის ქალი, რომელიც გუშინ საღამოზე აღმასრულებელი კომიტეტის წევრად ამოერჩიათ. თავმოყვარეობა ნებას არ აძლევდა პირდაპირ ეკითხა იმ ქალის ვინაობა, ამიტომ შეუჩინებლად უნდოდა გაეგო ვინ იყო იგი.

ეს შემთხვევა შუა დღის ხანს მართლაც მიეცა ევას და... ჰოი, საკვირველებაჲ!

აღმასრულებელი კომიტეტის წევრად არჩეული ქალი იყო ერთ დროს ევას ყარგი ნაცნობი რევოლიუციონერის, სერგო ცრემლაძის, თანამებრძოლი მეუღლე, რომელსაც ევა ერთ დროს დაახლოვებით იცნობდა. მაგრამ მერე, დროთა ბრუნვაში, ერთიანად მიივიწყა. ან კი რა მისი საკადრისი იყო ღარიბულად ჩაცმული ქალი, რომელიც ხშირად სამრეცხაოშიაც კი მუშაობდა და ჯერ რომ თეთრეულის რეცხვით ჰქონდა ხელები გამოთეთრებული, მერე უთოს გამო ხელის გული სულ დაბებერაგებოდა. აი, ეს ქალი, რომელსაც ალბად, არა ერთხელ გაურეცხავს და გაუუთოვებია ევას თეთრეულიც, დღეს საქვეყნო ადგილზეა წამოსკუპებული... დახეთ, ბედის ცვალებადობას!

ევას დიდიხანია არ ენახა სერგო ცრემლაძე.—ნეტავი სად უნდა იყოს ახლა სერგო? ხომ არ მომკვდარა?

ევას ერთის მხრივ ეამა, რომ მისი ნაცნობი ადამიანები აგრე მოულოდნელად ამოუტივტივდნენ თვალწინ, ხოლო მეორე მხრივ, საშინელი სირცხვილი, დამცირება და მიწასთან გასწორება იგრძნო...

— იმ ქალმა ყოველგვარი ტანჯვა გადაიტანა, ერთგულად შერჩა ერთხელ არჩეულ გზას, და არც დაეკარგა ნაშრომი... მე კი? მე? ფიქრობდა გულდასერილი ევა და წარბებ შეჭმუხნული დახეტილობდა.

რა დღე გაუთენდა? ცხოვრების უმაღლეს საფეხურზე იდგა და უცებ აგრე უმოწყალოდ ძირს ჩამოისროლეს.

სხვაზე ნაკლები მაინც იყოს აზრით, ჭკუით, ნომზადებით!

მაგრამ, მაგრამ... თავი და თავი კიდევ სხვა რამეშია, ევას აზროვნების დედა ბოძს სულ სხვა აზრი შეადგენს: მიიღოს ევამ ეს რევოლიუცია, თუ არა? იწამოს იგი, თუ უარჰყოს?..

განა ასეთი საკითხი კიდევ უნდა არსებობდეს ევასათვის? აკი ის უკვე გადასჭრა მან პირველი რევოლიუციის შემდეგ და გარკვეულ გზაზედაც შედგა? მაშ რად დასჭირდა ისევ ამ საკითხის დაყენება თავის თავის წინაშე? განა მერყეობს ევა? შეშინდა? დაიბნა?

— სალამი მანდილოსნებს, სალამი! მიაძახა მას ვილაცამ.

მათ წინაშე მამლაყინწასავით იდგა პოეტი პიერი, რომელმაც ქუსლების ერთმანეთზე მირახუნებით, წელში გაზნექით და კისრის შესატყეოვ მოღრეცით ღიმილიანი სალამი შესთავაზა მოსეირნეთ.

— რა ამბავია, რომ გიყივიან ყვირი?!
— როგორ თუ რა ამბავია? განა პოეტის გული შეიძლება ამ ღროს არ შეფოთავდეს?

— იმ ღროს, როდესაც ხალხი გრგვინავს!.. ერი იღვიძებს! მტარვალნი დაემხო!..

— ქვეყანა ხარობს: მიწა ყვავდება! ცა ეღვარებს... სამყარო ზარზარებს...
— კმარა, კმარა!..

— რომ იცოდე, შუშა, რა ლექსი დავწერე წუხელის! მთელი ღამე არ დამიძინია. ბუზა არ მომეშვა! მეორე რა ორიგინალური სათაური აქვს: „წითელი მოზვერი“... რა ფორმა! რა სილამაზე! ხა-ხა-ხა.. შუშა, გარწმუნებ, რომ შენც კი მოგეწონება: „შინაარსიანია, შინაარსიანი“.—ხა-ხა-ხა! შენი სამოქალაქო პოეზიის შინაარსი! სალამოს ვაწყობ, წითელ სალამოს და იქ უნდა წავიკითხო, შენც უნდა მიიღო მონაწილეობა. გამოაფინე შენი რითმები: სიხარული-სიყვარული, ლევანი-მტევანი, ხელი-ცხელი, დედა-ბნედა...

პიერი უცებ ჩაყლაპა ხალხის ტალღამ.

— რა ამბებია, დედა, რა ამბები! ჩიტყვივით მიაჭიკჭიკა სოფიკომ და მაშინვე ჩამოეკიდა დედას მკლავზე.

„სულ შალვას თვალეზი აქვს, ენაცვალოს დედაო“, — გაიფიქრა ევამ.

— აა, თქვენც აქა ხართ? შეეკია.ხა მათ რეზო, რომელსაც ილლიაში გაზნეთების მთელი გროვა ამოედო და შინისკენ მილიოდა.

დღეს მის ბანკში ციებ-ცხელაბა იყო: ვის გაჰქონდა ფული, ვის შემოჰქონდა, ყველა ნერვიულობდა, ყველა ჩქარობდა. ეს ნერვიულობა და საერთო აფორიაქება რეზოსაც გადაედო და საშინელ გაურკვეველობაში ჩააგდო. „რა მოჰყვება ამ ამბებს?... რა სახეს მიიღებენ ფინანსური ოპერაციები?“

— საბრალო, — ზიზლით გაიფიქრა ევამ ქმრის შესახებ, — დღემდის მისი საკითხავი მასალა ბირჟის ცნობები იყო, ახლა კი გაზნეთებისთვის მოუკიდნია ხელი... არ გაემტყუვნება, აღმასრულებელ კომიტეტის წევრია, მთავრობაა!..

XXV

სერგო ცრელაძე ღარიბი დიაკვნის შვილი იყო. სერგოს მამის ოჯახს მწიგნობრობის ბეჭედი ესვა: იქ ყველამ წერა კითხვა იცოდა, განსაკუთრებით დახელოვნებული იყო ამაში სერგოს დედა, რომელსაც არა ერთ და ორ უმაწვილ ქალისთვის უსწავლებია კითხვა და ლოცვები.

მოკითხვის წერილის წაკითხვა, თუ დაწერა, მთელ უბანში მისი საქმე იყო. მწიგნობრობას სიყვარულს ოჯახის მორთულობაზე ასეთი გავლენა მოეხდენა: სახლის ერთ კუთხეში, რამდენიმე ხატი ეკიდა, კედლებზე მეფის და დედოფლის უბრალო სურათები იყო მიჭედილი. სამოციქულოს გვერდით — „ქარაბადინი“, „ქალ-

ვაჟიანი“ და „ვეფხისტყაოსანი“ იღო ხისა და ტყავის მაგარ ყდებში ჩაქედ-
ლი. „ვეფხისტყაოსნის“ კითხვა სერგოს მამას ზამთრობით უყვარდა, იგი სრუ-
ლიად დარწმუნებული იყო ავისულებისა და მღვდლების არსებობაში, ქაჯების
ციხის აღების აღწერა ზეპირად იცოდა.

სერგო მისი უფროსი ვაჟი იყო. ექვსი შვიდი წლის შესრულების შემდეგ
ბავში „ძმასავით ამოიყენა გვერდით“ და ამ ნაირად ერთი მუშა ხელი შემატა
დიაკონმა ოჯახს. გზა და გზა წერა-კითხვასაც ასწავლიდა და ბოლოს სასულიერო
სასწავლებელში გააბარა.

— ჩემი სერგო მალე სემლარისტი იქნება, ისეთი მღვდელი იქნება, ის-
ეთი, რომ... სიამოვნებით იტყოდა ხოლმე გლეხებში და თავნომწონედ მიიხედ-
მოიხედავდა.

სერგომ ისე მიაღწია სასულიერო სემინარიის მესამე კლასამდის, რომ სულ
პირველთა რიცხვში იყო. მაგრამ ამ დროს სრულიად მოულოდნელად თავს
დაატყდა დიდი უბედურება: მოსწავლეებმა ერთი უგვახო საქციელის გამო სე-
მინარიის დირექტორს არა ჩვეულებრივი პროტესტი განუცხადეს. პროტეს-
ტის ინიციატორად სერგო იცნეს და „ოცდა ოთხი საათის განმავლობაში“
სასწავლებლიდან გამოაძევეს, თანაც ისეთი მოწმობა მისცეს, რომ ვერც ერთ
სასწავლებელში ფეხს ვერ შეადგამდა.

სერგოს პირველად თავზარი დაეცა, მაგრამ მალე გონს მოვიდა, ცხოვრებ-
ის გზაზე აცურებული ფეხი დროზე შეიწავრა: სამსახური იშოვა.

შვილის უბედურებით სასოწაკრვეთილებამდე მისულმა მამამ მალე
მოიბრუნა პირი სერგოსაკენ.

— ღმერთო, ვმადლობ შენს წყალობას, რომ ჩემი საწყალი ლუკმით გაზრ-
დილ შვილს ხელი მოუშართე და განსაცდელისგან დაიხსენი,—ხელებ აპყრობით
ამბობდა დიაკონი,—ჩემი სიმართლე არ დამიკარგავს მის თავსო.

სერგო ნელ-ნელა დაუახლოვდა მუშათა წრეებს და მალე საპატიო ადგი-
ლიც დაიჭირა მათ შორის. ის ენერგიულად ეწეოდა ფარულ რევოლიუციონურ
მუშაობას და მალე მისმა მუშაობამ ნაყოფიც გამოიღო. როცა მთელი მუშა
ხალხი ამოძრავდა, და თავის უფლებათა დასაცველად ხმალი აიღო ხელში,
სერგოც მათ რიგებში იდგა და მედგრად იცავდა აზვირთებულ ხალხის ინტერ-
სებს.

ამ ხანებში სერგომ ცოლად შეირთო ერთი ღარიბი ქალი, რომელიც მას-
თან ერთად ეწეოდა რევოლიუციონურ მუშაობას. ამ ქალს დაბალი სწავლა
ჰქონდა მიღებული და ერთ სასწავლებელში ხელსაქმეს ასწავლიდა.

კესიკო სერგოს გაცნობამდისაც საკმაოდ იცნობდა იმ ფარულ წრეებს,
სადაც რევოლიუციონური ცეცხლი მზადდებოდა. ის ერთგული მკითხავი იყო
რადიკალური ეჟურნალ-გაზეთების და ამ ნაირად საკმაოდ მომზადებულმა კესიკომ
სულ იოლად შესძლო ქმართან ერთად დაეწყო ნაყოფიერი მუშაობა დაბალი ხალხის
გათვითცნობიერებისა და ამოძრავების საქმეში. კესიკო უმეტესად აკავშირებდა და
ანვითარებდა მუშა ქალებს, რომლებიც პირდაპირ აღმერთებდნენ მას, როგორც გულ-
წრფელ, თავდადებულ და ერთგულ მუშაკს. პირველი რევოლიუციის ტალღებმა და-

ლუმად ამოატივტივა ზევით ცოლ-ქმარი. ისინი უანგაროდ და თავიდავლად ეწეოდნენ სახალხო მუშაობას და აღფრთოვანებულნი მიიწვედნენ თავის საყვარელ იდეალებისაკენ. მაგრამ შეტრიალდა თუ არა უკუღმა ცხარეობის ბორბალი, დამარცხდა თუ არა სახალხო მოძრაობა, ისინი მსწრაფლ განაგრძობდნენ თავიდავლად ერთი დაკვრით ჩააბრუნა ისევ იმ ნაჭუჭში, საიდანაც ამოატივტივებს აქაფებულმა ტალღებმა. სერგოს წინ გადაეშალა არა ლევარული ცხოვრების გზა, ასეთივე იყო კესიკოს ხვედრიც. ცოლ-ქმარი ცუდ პირობებში ჩავარდნენ, თავიანთი თავების გარდა მათ შვილებიც ჰყავდათ, რაც მათ მდგომარეობას ართულებდა.

რეაქციის პირველი ხანების მძვინვარებამ ჩაიარა. სერგომ, როგორც იქნა, თავი დააღწია პირდაპირ საფრთხეს. ამას შემდეგ ნახევრად ლევალურად მაინც შეეძლო ცხოვრება და ლუკმა პურისათვის ბრძოლაც გაუადვილდა. რამდენიმე წლის განმავლობაში ცოლ-ქმარი თავგამოდებით ებრძოდნენ ცხოვრების სიდუხჭირეს იმ იმედით, რომ მაშვრალთა საქმე კიდევ გამოსწორდებოდა და ტანჯულებთან ერთად ისინიც გაიხარებდნენ. უიმედობა ერთი წუთითაც არ დაუფლებია მათ სულსა და გულს, ერთხელაც კი არ უთქვამთ ბედის მიმართ სამდურავი.

სერგო საღ კლდესავით იდგა თავის ძველ გზაზე და ზიზღით იხსნიებდა ზოგიერთ თავის ამხანაგებს, რომელნიც იმ ბედნიერ დღეებში, რევოლუციის დროს მის გვერდით იყვნენ, ხოლო განსაცდლის ეამს სულმოკლენი აღმოჩნდნენ და კანოსში მივიდნენ ქუდ მოხდილნი და ფეხშიშველნი.

სერგო ახალ პირობებში ცოლის დახმარებითა და ხელის შეწყობით ეწეოდა ძველ რევოლუციონურ მუშაობას: მუშათა გათვითცნობიერებას და შეკავშირებას, ბროშურების ბეჭდვას, მუშათა პერიოდულ ოგანოში მუშაობას და სხვა. ამ საქმიანობაში ერთ უბედურ დღეს იგი სხვებთან ერთად არა ლევალურ კრებაზე დაიჭირეს და ერთი წლის განმავლობაში ციხეში ყოფნის შემდეგ, ციმბირში გადაასახლეს სამუდამოდ.

კესიკომ ხმის ამოუღებელი მიიღო ეს უბედურებაც და მოწამებრივის სიმტკიცით შეუდგა ცხოვრებასთან მკაცრი ბრძოლის გაგრძელების საქმეს: ერთის მხრივ ქმარი და მეორეს მხრივ ორი შვილი, აი ვისა და ვის შუა იდგა კესიკო, რომელსაც ერთხელაც არ წამოსცდენია უიმედო სიტყვა. არაფერ შრომას არ ერიდებოდა იგი, ოღონდ შვილებისთვის ეპატრონებია და ქმრისთვის ორიოდე გროში მიეწოდებია. დრო-გამოშვებით ამხანაგებიც ეხმარებოდნენ. მუშათა წრეებს არასოდეს არ დავიწყებიათ სერგო და კესიკო; მამამთილიც — დიაკონი, არ ივიწყებდა და ხშირად ეუბნებოდა: გულს ნუ გაიტეხ, შვილო, ჩემი პატიოსანი ლუკმით გამოზრდილი შვილი უსანართლოდ არ დაიღუპება, სიმართლეს ღმერთი არ დაკარგავს, როცა იქნება გამომჩნდებაო. კესიკო ამ დროს მარტო პირად საქმეზე არ ზოუნავდა: როგორც კი შორჩებოდა ოჯახს, მაშინვე საზოგადო საქმეს შეუდგებოდა.

კესიკო ევასაც იცნობდა და მის პირველ მეუღლეს, შალვა ღრუბელიანსაც. მშვენივრად იცოდა ყოველივე, რაც ამ ორ ადამიანს შორის მოხდა და ევას რომ ზიზღით იხსენიებდა, შალვას წინაშე მოწიწებით ქედს იხრიდა. ევა კესი-

კოს თვალში ერთი იმ სტუმართაგანი იყო მუშათა სუფრაზე, რომელმაც, როცა დრო იყო „წასვა და წაჭამა,“ დღეს კი, უკან გამობრუნებულმა, თბილ ადგილზე მოიკალათა

ხშირად დაუნახავს მას ევა ბრწყინვალე ვტლში ^{ქარქინული} დაბრუნებულმა, თბილ ადგილზე მოიკალათა

— ეხ, შალვა, შალვა! როგორ ამოსვარე შენი სახელი ტალახში! კესიკო გულგაუტეხლად ელოდა და მოლოდინიც გაუმართრდა: დღეს, მეორე რევოლიუციის დროს, მან მსწრაფლ დაიჭირა შესაფერი ადგილი.

XXV

მეორე დღეს დილას, ჩაიხე რეზომ შემთხვევით სთქვა, რომ კესიკო ცრემლადის ქმარი, სერგო ცრემლადე, ციმბირში ყოფილა გადასახლებული და, როგორც მისმა მეუღლემ განაცხადა, ამნისტიას მიიღებს და მალე დაბრუნდება.

ამ სიტყვების გაგონებაზე ევას პირში ლუკმა გაეჩარა და ერთიანად გაშეშდა. უნდოდა დაწვრილებით გამოეკითხნა ეს ამბვი, მაგრამ შეეშინდა, ვგების თავი ვერ შევიკავო და ხმის ამოუღებელი თავის ოთახში გავიდა.

— „მაშ ასე, შეიძლება ყველაფერი დაიღუპოს!.. ჩემი ბედი ბეწვზე ჰკიდია... მდაა... სერგო ცრემლადე ჩამოვა. რასაკვირველია, ჩამოვა... როგორ ვერ მოვიახრე აქამდის, რომ რევოლიუციას ამნისტია მოჰყვებოდა! ეხ-ხე-ხე! როგორ წამერთვა მოფიქრების უნარი! მდაა... ყველაფერი იღუპება,— ჩემი ბედი ბეწვზე ჰკიდია. „ისიც“ შეიძლება მოვიდეს. ყველაფერი იღუპება,— ამბობდა ნერვებ აშლილი და თვალე გაშტერებული ევა, რომელიც კისერზე ჩანოდებულ ძეწკეს უგრძობლად ათამაშებდა.

მისი ყოველი მოძრაობა შეუგნებელი და ანგარიშ მიუცემელი იყო: ენაც თავისთვის მოქმედებდა და ხელიც, არც ერთი პატრონს არ ემორჩილებოდა. გაგანიერებული თვალეები თითქოს გუგებში გაიყინენ და გაქვავდნენ, სიცოცხლის ნიშანწყალი დაჰკარგოდათ, შუშისას დამსგავსებოდნენ. მისი თითები ძეწკეს ათამაშებდნენ, ნერწყვი გაუშრა, თვალეები სულ გაუქვავდნენ, ტუჩები უთრთიან. დრო გაჩერდა, სიცოცხლე არ მოძრაობს, ევა გამოქანდაკებულია. მაღალი მკერდი მარმარილოს ჰგავს, ბროლის ყელი—გაცივებულ ქვას. სისხლი გაყინულია, სუნთქვა მოსპობილი.

— მაშ ყველაფერი დაიღუპება... ყველაფერი, ყველაფერი... შალვა... შალვა... ჩემო შალვა!

დიდხანს, დიდხანს იდგა ევა ასე გაშტერებული და ჩუმად ჩიფჩიფებდა. ამ მდგომარეობიდან შუშანიკამ და სოფომ გამოიყვანეს. ისინი ამ დილით ქუჩაში გავიდნენ ამბებისთვის და ეხლა შინ შემობრუნდნენ.

— იცი, დედა, რა არის ახალი? შემოიფრთხილა ოთახში სოფიკომ, — მთელ რუსეთში ამნისტია გამოუცხადებიათ და ყველა ტუსაღები გამოუშვიათ... პოლიტიკური დამნაშავენი გაუნთავისუფლებიათ...

ევას ხმა არ გაუცია შვილისთვის, მხოლოდ უცებ თითქოს ტყვია ესრო-

ლესო, მთელის თავის ძალით შეკრთა, და რომ შუშანიკას არ დაეცვივები, იატაკზე გაიშხლართებოდა.

— დედა, რა მოგივიდა?..

— არაფერი, ჩემო კარგო. არაფერი...

სოფიო წყლისათვის გავარდა.

— ევა, ნუ გეშინია, მე შენთანა ვარ, — მრავალ მნიშვნელოვანის კილოთი უთხრა შუშანიკამ და გვერდით მოუჯდა. მან კარგათ იცოდა, თუ რაშიც იყო საქმე და მთელი ძალ-ღონე მოიკრიბა დასამშვიდებლად. ევა მიხვდა, თუ რა უნდოდა ეთქვა შუშანიკას და თავმოყვარეობა შეელახა, არ უნდოდა ეჩვინებინა შიში და დამცირება.

— შუშანიკა, მე არაფრის არ მეშინია, მაგრამ... მაგრამ... ნუ თუ ყველაფერი ილუპება? ყველაფერი... შუშანიკა... გენაცვალე... ვიხრჩობი... ვიხრჩობი, გული გამიხსენი. მიშველე... მიშველე!.. შალვა. შალვა მოვა. შალვა მოვა... ჩემი შალვა, ჩემი შალვა!..

ევა უმწიო არსებად იქცა, თავმოყვარეობაზე ის უკვე არ ზრუნავს, ერთიანად გაშიშვლდა და შუშანიკას კალთაში უღონოდ ჩაიკეცა...

— რა ვქნა? შუშა, რა ვქნა?.. რა ვქნა?... მითხარი, მითხარი... მომეხმარე... შალვა... შალვა!..

— ნუ გეშინია ევა, ყველაფერი მოგვარდება, ის არ მოვა, არა. ალბად უკვე გარდაიცვალა, ამდენი ხანია მისი არაფერი მოდის!..

ევამ კარგა ხანია რაც თავისიანები დაარწმუნა, რომ შალვა ციხეში გარდაიცვალაო, მაგრამ შუშანიკას ეს ამბავი არა სჯეროდა; მერე კი, როცა შალვას ლექსთა კრებული გამოვიდა, ამაში აშკარად დარწმუნდა, თუმც ევასთვის არაფერი უთქვამს. ევამ კარგათ იცოდა, რომ შუშანიკასათვის ყველაფერი ნათელი იყო, მაგრამ ამ კითხვაზე არასოდეს მათ ბაასი არ ჰქონებიათ, რამდენიმე წლის განმავლობაში მოხერხებულად გაურბოდენ ამ საკითხს. ევას გარშემო საშინელი კვანძი გაინასკვა: ყველა საკითხები, რომელნიც მან ერთ დროს თითქოს გადასწყვიტა, დღეს მოულოდნელად მშიერ მგლების ხროვისავით გარს შემოეხვივნენ და შთანთქმეს უპირებდენ. ევას პირველი ქმარი, შალვა ღრუბელიანი, აგერ ათ წელიწადზე მეტია, რაც კატორლაშია, მისჯილი ჰქონდა ოცი წელიწადი. ევას არ ჰქონდა მისი ცოცხლად დაბრუნების იმედი და ეს იმედი უსათუოდ გაუმართლდებოდა, რომ რევოლიუცია არ მომხდარიყო. ახლა კი რა ჰქნას, როგორ მოიქცეს! რა პირით შეხედოს შალვას! თითონ მარტო, რომ იყოს, კიდევ ვო, მაგრამ შვილები? რეზო? საზოგადოება?

პირველად, როცა შალვას კატორლაში გაგზავნის შემდეგ ევამ იდეურად უარპყო ძველი გზა და თანაც ამ დროს რეზოს დაუახლოვდა, ჩუმ-ჩუმად ხმებს აერცვლებდა — თითქოს შალვა ციხეში გარდაცვლილიყო; მერე რეზოსთან ერთად საცხოვრებლად შორეულ ქალაქში წავიდა, რამდენიმე წლის განმავლობაში თავისი თავი ერთიანად დაავიწყა საზოგადოებას და მხოლოდ ამის შემდეგ ისევ ჩამობრუნდა სამშობლოში.

რეზო დარწმუნებული იყო, რომ ევას პირველი ქმარი მართლაც გარდაიც-



ქართული
ზნეობის ქვეყანა

ვალა. შალვას მშობლებიც ევას მეოხებით ერთ ხანს ძალიან დაეჭვებულნი იყვნენ დაკარგული შვილის სიცოცხლეში, ამ ეჭვს ევას მეორედ მათხოვება ჰბადებდა, რაც შემთხვევით გაიგეს, ვინაიდან ევამ შალვას მშობლებთან კარგა ხანია გაწყვიტა ყოველივე კავშირი. ყოველ შემთხვევაში შვილის ცეცხლად დაბრუნების იწედი არც მათ ჰქონიათ. თავის მხრივ ევას უკვე რამდენიმე წელიწადია ერთი სიტყვაც კი არ მიუწერია შალვასათვის, არც შვილების შესახებ უცნობებია რამე; დარწმუნდეს, რომ ჩვენ ნისტვის სამუდამოთ დაღუპულნი ვართო, — ფიქრობდა ევა. დიახ. ასე ხელოვნურად დაუძვრა ევა ცხოვრების ხლართს, მაგრამ ეს სხვა პირობებში მოხდა, ამიტომ ყველაფერი იოლად მოგვარდა. დღეს კი, როცა სხვა გვარად დატრიალდა საქმე, აშკარად გამოირკვა, რომ ევას სრულიად მოუფიქრებლად და ბავშურად გადაეწყვიტა თავისი ცხოვრების უდიდესი საკითხები.

რამ გამოაყუყუჩა ასე ეს ჭკვიანი ადამიანი, რომ ასეთ მდგომარეობაში ჩაიგდო თავი? რისთვის გაეხვია ამ საშინელ ქსელში? ვის რა პასუხი გასცეს, რითი იმართლოს თავი? ევა და ასეთი მატყუარა, ასეთი ორპირი! განა ასეთ ადამიანად ეხატებოდა მას თავისი თავი ცხოვრების განთიადისას? აი, იმ დროს, როცა ზიზღით იგონებდა ბაბუას მიერ მისი მამის მოკვლის განზრახვას, მამის საქციელს, დედის ყოფა-ქცევას...

— რა ვქნა?.. რა ვქნა? ჩურჩულებდა იგი ანგარიშ მიუცემლად.

უცებ საშინელის სისწრაფით წამოიჭრა ზეზე, თითქოს ძუ ლომმა მონადირეთა მოახლოვებისას ბუნავი დააგდოო. ვაჟკაცურად გასწორდა წელში და მძლავრად ხელის ჩაქნევით, თავიდან მოიშორა დასახრჩობად შემოწოლილი შავი მოგონებანი.

— ჰმ, სულ მოჰკლევობავ! განა მე არ ვიცოდი რას ჩავდიოდი?! შორს ყოყმანი! შორს ლაჩრობა! აკი დიდი ხანია გადაჭრილი იყო ჩემთვის ეს საკითხები! მაშ რა არის ახლა ეს ქანაობა, ეს რყევა? ჩემში ბაბუა ჩემის სისხლი სჩქევს! ვისაც საკუთარი ბედნიერება უნდა, მას მისტვის ბრძოლაც უნდა შეეძლოს! ბაბუა ჩემმა საკუთარი ბედნიერების შესანარჩუნებლად ღვიძლი შვილიც კი გაიმეტა და განა მე მისი შვილის-შვილი არა ვარ?

ევას მოაგონდა: ძველებური სახლის აივანში დგას თოფის წამლის კვამლში გახვეული ბაბუა მისი, ერთ ხელში ახლად გასროლილი თოფი უჭირავს და არწივისებურის გამომეტყველებით ეძებს — აბა თუ მოვკალი ჩემი გამამწარებელი შვილიო. ამ მოგონებამ ერთიანად გააკაჟა ევა და ცეცხლივით აანთო.

— მე მინდოდა ბედნიერი ვყოფილიყავ და კიდევ ვიყავ ბედნიერი! მე მინდა ბედნიერი ვიყო და კიდევ ვიქნები ბედნიერი! მე ჩავიდინე ის, რაც მე მინდოდა! რას ჰქვია ჩემი დანაშაულობა! მე არავის წინაშე დანაშაულს არ ვგრძნობ! ჩემი სინილისი წმინდაა, ჩემი ნაბუსი შეუბღალავია! შორს იქვები, შორს ყოყმანი!

და კვლავ წარმოუდგა ის სურათი: ძველებური სახლი, ძველებური რიკული. ძველებური ჩუქურთმა, თოფის წამლის კვამლი, ახოვანი მოხუცი, გაბო-

როტებული არწივის გამომეტყველება, ახლად გასროლილი თოფი და მსხვერპლის მაძიებელი გასისხლიანებული თვალები...

— ენახოთ ვინ გაიმარჯვებს, ენახოთ! ჩურჩულებდა იგნატიევიჩის კრაჭუნით და თვალწინ დაუდგა შალვა ღრუბელიანის სახე, როცა შას, ბოროტელებ დადებულს, ცივ რუსეთში გზავნიდენ.

— ევა, რა გემართება, რა მოგდის? — შეშინებული ეკითხებოდა შუშანიკა.

— შუშანიკა, — მიმართა მას წელში გასწორებულმა ევამ, — შენ ყველაფერი იცი, იცი რა დღეში ვარ, იცი რაც მომელის, მე ჩემი ბედი ყოველთვის საკუთარის ძალ-ღონით წარმიმართავს, ჩემი საკუთარი ცხოვრების წინამძღოლი მუდამ მე ვყოფილვარ! ეს მომავალშიც ასე იქნება: მარტო მივლია და მარტო ვივლი. შეგიძლიან ჩემთან იყო, შეგიძლიან წახვიდე, ეგ შენი ნებაა. მაგრამ ეს კი უნდა იცოდეს, რომ ჩემი საიდუმლო აქედან არ გაიტანო. ეს ოთახი და შენ — აი ვინა ხართ ჩემი გულის ნადების მოწმენი. რაც აქ მოხდა, მარტო ჩვენ სამმა უნდა ვიცოდეთ... დანარჩენი შენ იცი!

ამ სიტყვების შემდეგ ევა მამაცურის ნაბიჯით მიადგა თანჯარას და შუა გამპობის გამომეტყველებით დააცქერდა ცის დასავალს. ევა უკვე არ ჰგავდა იმ ევას, რომელიც რამდენიმე ხნის უკან აგრე გაცამტვერებული იყო. მან თავი დააღწია იმ ექვთა გროვას, რომელნიც, ამდენი წელიწადია, ცალ-ცალკე, და ისიც ხანდიხან ეწვეოდენ მას, ხოლო ამ დღეებში ერთად შეჯგუფულნი ეკვეთნენ გააფრთხელების ძალით და მოსპობას უქადდენ. ეს საშინელი დღეები ხელ-ახალი რყევისა და განცდის დღეები იყო ევასათვის, იმ ევასათვის, რომელმაც ეს ექვიანობა და რყევა ნაწილ-ნაწილ განიცად-გადაიფიქრა წელთა მთელი რიგის განმავლობაში და შესაფერი პასუხიც გასცა მათ. ამ დღეებში, მხოლოდ მკვდრეთით აღმდგართა იერიშებს იგერიებდა, და ბოლოს კიდევ მოიგერია, კიდევ გადაჰკარგა მათი სახე უწინდელ უფსკრულში...

და ამ წუთს თამამად და შეუპოვრად დგას საშინელ ბრძოლა მოხდილი... ამ წამს ევა თავისუფალია ყოველ გვარ ყოყმანისა და ექვისაგან. ის შავ გველთა მოსრიალე ხროვა, რომელიც გულის შემზარავის სისინით ეხვეოდა ამ დღეებში მის სულსა და გულსა, უკვე მიიძალა მიბნელებულ სოროებში და გამარჯვებული ევა ამ წუთს კვლავ მათი ბატონი და მბრძანებელია. ფოლადისურის გამომეტყველებით გაჰყურებს იგი თავის მომავალს.

მისი ცეცხლის მკვესი თვალები და ენერგიით მჩქეფი არსება აშკარად ლაპარაკობს, რომ იგი ამ ბრძოლაში უკან არ დაიხევს... ევა ჰგავს აქშინებულ ძულს, რომელმაც იგრძნო, რომ დაუნდობელი მონადირე შორით ეპარება მის საწოლს, მისი სიცოცხლის მოსატაცებლად. იგი სდგას ენერგია შეკუმშული და შურის ძიებით თვალებ გაფართოვებული, თავდასაცავად ემზადება...

თან ბაბუას სურათსაც იგონებს: თვალებ დასისხლიანებულს, კვამლში გახვეულს, თოფით ხელში მსხვერპლის მაძიებელს....

იქვე დგას შუშანიკაც...



მეფე ნახური

რომანი.

წიგნი მეორე

მეფე ნახურის მსახური

გაგრძელება*)

§ 16

მთელი ეს ამბავი სულელურად და პრიმიტიულად მოფიქრებული ოინი იყო, რომლის გამარჯვება სავსებით დამსწრე მუშების უგნურებას ემყარებოდა. ხოლი რომ შემთხვევით ფხიზელი არა ყოფილიყო, მას უნახავდენ ჩუმად მიგდებულ ფულს, და მეორე დღეს მთელ ნორტ-ვალს ეცოდინებოდა, რომ ის მოსყიდული იყო. რა თქმა უნდა, არც მისი პირადი მეგობრები, არც კომიტეტის წევრები ამას არ დაიჯერებდენ; მაგრამ მუშათა მასსებს შეეძლო ამის დაჯერება, და მაშინ დაილუბებოდა ტომ ოლსონის საქმეც, რომლის გულისთვის იგი ნორტ-ვალში იყო მოსული. შემდეგი ამბების განმავლობაში ხოლი ყოველთვის იგონებდა ამ შემთხვევას; ის ძალიან ბევრი მოვლენების სიმბოლო იყო მისთვის. სრულიად ამგვარად, როგორც ეხლა ეს ვაჟბატონები ხოლის გაშავებას ცდილობდენ, ისინი ბოლოს მთელ მუშათა მოძრაობას შავი ფერადებით ხატავდენ და შეცდომაში შეჰყავდათ შეერთებული შტატების ინტელიგენცია.

მაშ ასე, ხოლმა სატუსალოში ამოყო თავი. ის მიაღვა ფანჯარას და გასინჯა რკინის რიკულის სიმაგრე; მაგრამ ის ისე იყო გაკეთებული, რომ როგორი გასინჯვაც გინდათ ისეთს გადაიტანდა. მაშინ ის წყვილიადში ხელების ფათურით შეუდგა თავის სატუსალოს შესწავლას. მან გაიგო, რომ ის შესდგებოდა ოთახში ჩატანებული რკინის გალიისაგან. ერთ კუთხეში გრძელი სკამი იდგა, მეორეში, იმგვარივე სკამი. მხოლოდ უფრო ფართო და ზედნაალი. ხოლს შემთხვევა ჰქონია წაეკითხნა, ოდესღაც სხვადასხვა სატუსალოების აღწერა, ამიტომ მან გადასწყვიტა რაც შეიძლება შორს დაეჭირა თავი ნაალისაგან, დაჯდა შიშველ სკამზე და დაიწყო ფიქრი.

*) იხ. ჟურნალი „მნათობი“ № 11—12 (19—20).

არსებობს ერთგვარი სატუსალოს ფსიქოლოგია—ეს ფაქტია, ამგვარადვე განსაკუთრებული ფსიქოლოგია მუშავეებსა სამთამადნო მუშაში მუშავე მალაროს მდაბალ თაღ ქვეშ მოხრილი მდგომარეობისა და ნახშირბადის მტკარების დროს ხელებზე მუდმივი კრილობების წყალობით; არსებობს კიდევ მესამე ფსიქოლოგია—ფსიქოლოგია, რომელიც სწვევია სამთამადნო მუშის მიძიმე შრომისაგან განთავისუფლებულ ხალხს, როდესაც ისინი თავისდასასიამოვნოდ ატარებენ ცხოვრებას. პირველი გრძნობა სატუსალოში მოხვედრილი კაცისა—ეს არის პირუტყვის გრძნობა და შეგნება; ადამიანის ბუნების პირუტყვეული მხარე იქ განსაკუთრებული სიძლიერით შეღავნდება; პირუტყვეული ვნება, სიძულვილი, შიში აქ გასაგიჟებელ ხომას აღწევს; მხოლოდ დიდი სულიერი, ძარღვების დაჭიმვით შესაძლებელი ხდება მათი ალაგმვა, თუ კაცი მოაზროვნეა, მაშინ ის ციხეში მეტად ბევრს ფიქრობს; დღეები ჭიანურდება, ღამეები კიდევ უფრო,— დრო ყოველგვარი ფიქრებისთვის საკმაოდ დიდია.

სკამი, რომელზედაც ხოლი იწვა, მეტად ხმელი იყო; თითქოს რაც მეტი დრო გადიოდა, მით უფრო ხმელი ხდებოდა იგი; როგორაც არ წვებოდა, რა პოზებსაც არ იღებდა, მაინც ის, სულ ერთია, როდი რბილდებოდა. ხოლი ადგა, გაიარ-გამოიარა ცოტა, შემდეგ ისევ დაწვა, მერმე ისევ დაიწყო კუთხიდან კუთხეში სიარული. სულ მუდამ ძარღვებ დაჭიმული ფიქრობდა, და სულ უფრო და უფრო ღრმად იმსკვალებოდა სატუსალოს ფსიქოლოგიით.

ჯერ მისი ფიქრები ახლობელი მომავალის გარშემო ტრიალებდნენ. რას უზამენ მას? უფრო მოსალოდნელია, რომ მას გააგდებენ მალაროებიდან და ამგვარად სამუდამოდ მოიშორებენ მას თავიდან. მაგრამ დაკმაყოფილდება კი ამით მათი გაცოფება? ხოლს შორიდან მოეკრა ოდესღაც ყური ერთი ამერიკული დაწესებულების არსებობისათვის, რომელსაც ეწოდება სახელად „მესამე განყოფილება“; მაგრამ მას, რა თქმა უნდა, არასოდეს თავში არ მოსვლია ის აზრი, რომ ეს დაწესებულება რაიმე როლს ითამაშებდა მის ცხოვრებაში. ეხლა ის ამას სულ სხვა თვალთ უცქეროდა!

ხოლმა უთხრა ტომ ოლსონს, რომ ის ვერ დაჰპირდება მას მუშათა კავშირის მოწყობას, მაგრამ სამაგიეროდ დაჰპირდა კონტროლიორის საქმის გატანას. ოლსონს გაეცინა მაშინ,—ის არ აშორებდა ერთს მეორესაგან. ეხლა კი მიხვდა ხოლი, რომ ოლსონი მართალი იყო. ხოლის შიში კავშირისა და მისი დელეგატების „ტირანიის“ შესახებ უკვალოდ გაიფანტა, ეს კიდევ ცოტა, მას მთელი თავისი სულითა და გულით სწყუროდა, რომ ნორტ-ვალის მუშებს შეეჭმნათ კავშირი და ემოქმედნათ ისეთი სიმკაცრით, როგორითაც კი შესძლებდნენ! ამ შემთხვევაში ხოლი, სრულიად შეუგნებლად, იზიარებდა მრავალი მოღვაწეების ხვედრს, ფეხით გათელილი სამართლიანობის ისეთი მოსარჩლეების ხვედრს, რომლებიც საპრობილეში ყოფნის გავლენით მზურვალე და თავშეუკავებელ რევოლიუციონერებად ხდებიან ხოლმე.

„თავისუფალი სულის მარადო სულო“,—ამბობს ბაირონი,—„თავისუფლებავ, შენ ყველაზე მეტად ხარ ხუნდებით შეკრული!“

პოეტი უმატებს ამას: „როდესაც შენი შვილები საპრობილეებში ლაფავენ

სულს, ქარს ფრთებით მოაქვს მათთვის ცნობა თავისუფლების შესახებ“. და როგორც შილიონში ერთხელ, ისე იყო ამ ჟამად ნორტ-ვალშიაც.

გათენდა დილა. ხოლი იდგა საკანის სარკმელთან, ისმენდა საყვირს, ხედავდა, როგორ მიდიოდნენ მუშები სამუშაოდ, ხედავდა, თუ დილის მკრთალ სინათლეზე, მაიმუნების ჯოგით, როგორ გაიარეს მუშაობისას მუხრბილმა, ქვესკნელის ფერწასულმა მცხოვრებლებმა. ის უქნევდა მათ თავს, ისინიც ჩერდებოდნენ, უცქეროდნენ მას და უქნევდნენ პასუხად თავებს. მან იცოდა, რომ ყოველი მათგანი დაუფიქრდება იმ კითხვას, თუ რად და რისთვის მოხვდა იგი სატუსალოში,—ამგვარად, სატუსალოს ფსიქოლოგიის ტალღა მათაც მიასკდება. თუ ისინი უნდობლად უცქეროდნენ აქამდე მუშათა კავშირებს საერთოდ, ან არა სწამდათ ასეთი კავშირის საჭიროება აქ, ნორტ-ვალში, მაშინ მათი უნდობლობა და ეჭვები მალე გაიფანტებიან!

მხოლოდ ერთი გარემოება აწუხებდა ხოლს: რისთვის აჩერებენ ზედამხედველები მას აქ, სადაც ყოველ მუშას შეუძლია მისი დანახვა? უფრო არ აჯობებდა, რომ ჩაესვათ იგი ავტომობილში და გაეგზავნათ პედროში? ან ეგებ ამით ისინი მასხარად იგდებდნენ თავიანთ მონებს? ან ეგებ ისინი იმ ანგარიშს ეყრდნობოდნენ, რომ ტუსაღის დანახვა უფრო შიშს გამოიწვევდა მუშებში, ვიდრე გაბრაზებას? შესაძლებელი იყო, რომ მათ უკეთ სცოდნოდათ მუშები, ვიდრე ხოლს. მან გაიხსენა მერი ბორკის პესიმიზმი და ცივმა საწინელებამ შებოჭა მისი სული; თუმცა მან მალე მოახერხა მისი ჩაქრობა. ხოლმა უკიდურესად შეიძულა კომპანია მისი ცინიზმის გამო, მან მოკუმშა მუშტები და გააკრაქუნა კბილები, ისე მხურვალედ მოსწყურდა მას მიეცა ზედამხედველებისთვის გაკვეთილი, დაემტკიცებია მათთვის, რომ იმათი მუშები მონები კი არა, პირიქით, გმირული ხალხია.

§ 17

სადილობის დრო ახლოვდებოდა. კორიდორში გაისმა ფეხის ხმა, რკინის კარი გაიღო, საკანში ვილაც უცნობი კაცი შემოვიდა და დაუდგა ხოლს წინ ერთი ჭიქა წყალი და პურის ნაჭერი კალის თეფშზე. კაცი გატრიალდა გასასვლელად. ხოლმა გააჩერა იგი.

— გთხოვთ ერთი წუთით მოიცადოთ.

მან წარბების შეკვრით შეხედა ხოლს.

— ხომ არ შეგიძლიათ მითხრათ, რამდენი ხანი გამაჩერებენ მე აქ?

— მე არ შემიძლია ვიცოდე ეგ,—უპასუხა კაცმა.

— რა კი მე აქ ჩამსვეს, იმის უფლება მაინცა მაქვს ვიცოდე, თუ რაში მდებენ ბრალს?

— დაიკარგეთ აქედან!—წაიბუზლუნა კაცმა, მიირახუნა კარი და წავიდა.

ხოლი მიადგა ისევ სარკმელს და დროს მოსაკლავად გამვლელებს თვალის დევნება დაუწყო. სარკმლის ქვეშ ჩამოვლეული ბავშვების ხროვა შეგროვდა, ისინი ღიმილით მისჩერებოდნენ მას და ხელებით ნიშნებს აძლევდნენ, ვიდრე მათ არ გარეკავდა ვინმე.

ბოლოს ხოლს მოშივდა. მშრალი პური ბოლოს და ბოლოს ჰბენრდება ადამიანს, ხოლო წყალს კი არ შეუძლია გემო მიუმატოს მას; მიუხედავად ამისა ხოლი მაინც შეუდგა პურის ლეჭვას, დალია წყალი და ნაწიბდა კიდევ, რომ ძალიან ცოტა მისცეს.

დღე ნელა მიდიოდა. შემდეგ შუადღით დარაჯი ისევ მოუტანა მას ახალი კერძი—პური და წყალი.

— ყური მიგდეთ, ერთი წუთით!—მიაძახა ხოლმა, როდესაც ის მოემზადა წასასვლელად.

— მე არაფერი მაქვს თქვენთან სალაპარაკო,—დუდუნებდა დარაჯი.

— მაგრამ მე მაქვს სამაგიეროდ. იცით რა, მე წამიკითხავს ოდესღაც ერთ წიგნში, არ მახსოვს რომელში, ის ექიმმა დასწერა, რომ თეთრი პური ძალიან მცირე საკვებ ნივთიერებებს შეიცავს იმისათვის, რომ კაცი დააკმაყოფილოს.

— დამანებეთ თავი,—წაიბუზღუნა დარაჯმა.—რა გინდათ ბოლოს და ბოლოს თქვენ ჩემგან?

— მე მინდა გითხრათ მხოლოდ ის, რომ არაფრის გულისათვის არ დავთანხმდებოდდი მე მარტო წყალზე და პურზე ყოფნას.

— აბა რაზე დასთანხმდებოდით?

კითხვა წმინდა რეტორიული ხასიათისა იყო, მაგრამ ხოლმა ის პირდაპირი მნიშვნელობით მიიღო და ამიტომ უთხრა.

— მე დავკმაყოფილდებოდი ბიჭშტექსით, ქართოფილიანი წვენიტ...

კარი ლიწინით მიიხურა და მისმა ხმაურმა ჩაყლაპა სატუსალოს ფანტასტიური მენიუს ბოლო.

უკვე გვიან იყო. ხოლმა არ იცოდა რომელი საათი იყო ეხლა, მან შენიშნა მხოლოდ, რომ სოფელში სინათლეები ჩაქრა. ის დარწმუნდა იმაში, რომ მას ამ ღამის გატარებაც სატუსალოში მოუხდება. ის დაწვა იატაკზე, ამოიღო ხელი თავქვეშ და უკვე ჩასთვლიმა, რომ უცებ სარკმელს იქით რაღაც შარი-შური გაისმა. ის წამოდგა და ქალაქის შრიალის ხმა გაარჩია. ხოლი სწრაფად მივარდა სარკმელთან და ვარსკვლავების მკრთალ სინათლეზე რაღაც საგანი შენიშნა; მან სტაცა მას ხელი. ეს იყო გრძელ ჯოხზე მიბმული ჩვეულებრივი საწერი წიგნაკი.

ხოლმა ჩაიხედა ქვევით, მაგრამ ვერაფერ შენიშნა. მან წაავლო ჯოხს ხელი, შეანძრია იგი იმის ნიშნად, რომ წიგნაკი მიიღო, და გაიგონა ჩურჩული, რომელშიაც მან ხელად იცნო რავეტტის ხმა: „ალო! ყური მიგდე! ჩასწერე წიგნაკში შენი გვარი ასჯერ. გესმის?“

ბრძანება გაუგებარი იყო, მაგრამ განმარტებისათვის დრო არ იყო. ხოლმა უთხრა „კარგი“ და ყურადღებით დაუწყო წიგნაკს თვალთვლი. მასზე მიმაგრებული იყო ფანქარი, რომლის წვერს გასანთლული ქალაქი ეხვია გარშემო რომ არ წატეხილიყო ალბად.

ჯოხი გაქრა. ხოლი დაჯდა და დაიწყო წერა, ისე რომ თითო გვერდზე სამჯერ-ოთხჯერ გამოჰყავდა: „ჯო სმიტ, ჯო სმიტ, ჯო სმიტ“. ამ ორი სიტყვის

წერა შეუმცდარად შეიძლებოდა სიბნელეშიც კი. ხოლი სწერდა და სწერდა, და იმ დროს, როდესაც მისი ხელი ქალაღზე დაცურავდა, ის ცდილობდა გამოერკვია, თუ რა აზრი უნდა ჰქონოდა ამას. არ შეიძლებოდა ~~აქტივობის~~ ფიქრი, ვითომც კომიტეტს ხოლის ავტოგრაფების დარიგება სწერდეს ~~მისი~~ მისათვის სახსოვრად; ალბად ეს გარკვეული მიზნისათვის უნდა მას, შეიძლება იმისთვის, რომ გააქარწყლონ ზედამხედველების მხრით რაიმე ახალი ოინი. მალე მან მოუნახა ახსნა ამ ამბავს: ვინაიდან ფული ვერ უნახეს მას, ამიტომ ზედამხედველებმა შეადგინეს ალბად ყალბი წერილი, რომელიც ვითომც იმის ხელიდან გამოდის, და ხოლის მეგობრებს დასჭირდათ მისი ნამდვილი ხელმოწერა, რათა დაემტკიცებიათ წერილის სიყალბე.

ხოლმა მსხვილი, ფართო წერა იცოდა; მან იცოდა, რომ მისი ნაწერი არც ალექსტონის ნაწერს შეედრებოდა და არც, მით უმეტეს, რომელიმე ნახევრად წერა-კითხვის უცოდინარე მუშის ნაჯღაბნს. ფანქარი მიტეხოვდა ქალაღზე—ჯო სმიტ, ჯო სმიტ,—ჯო სმიტ,—ვიდრე ხოლი არ დარწმუნდა, რომ მისი ავტოგრაფები არა თუ ყველა მუშებს, მათ თანაშემწეებსაც კი გახვდება. ვაისმა სტვენა, მან შესწყვიტა წერა და მიაშურა სარკმელს. „ჩამოაგდე!“ წაიჩურჩულა ხმამ, ხოლმა გადააგდო წიგნაკი. მან შენიშნა მიმავალი ფიგურა, შემდეგ ისევ ყველაფერი მიწყნარდა. ხოლმა მიუგდო ყური, ხომ არ გაუღვიძნია. დარაჯს, შემდეგ დაწვა სკამზე და მიეცა ისევ სატუსალოს მძიმე ფიქრებს.

§ 18

ისევ გათენდა, ისევ საყვირი, ისევ სარკმელთან იდგა ხოლი. მან ყურადღება მიაქცია იმას, რომ სატუსალოსთან განვლელი მუშების უმეტეს ნაწილს ხელში რაღაც ფურცლები ეჭირათ, რომლებსაც ისინი აშკარად რაღაც მიზნით იმის სარკმლის წინ აქნევდენ. ბებერ მიკე სიკორიას ეჭირა ასეთი ფურცლების მთელი დასტა და ურიგებდა ყველას, ვისაც კი უნდოდა მისი მიღება. რა თქმა უნდა, მისთვის ნათქვანი ჰქონდათ, რომ მას ეს ფარულად მოეხდინა, მაგრამ ეტყობოდა ის მეტის მეტად იყო აღელვებული: ის დახტოდა, როგორც ახალი ბატკანი გაზაფხულზე, და ყველას თვალის წინ აქნევდა ფურცლებს, რომ მასთან ერთად ხოლის ყურადღებაც მიეზიუნა.

ასეთი გამომწვევი მოქმედებისათვის მან შესაფერი ჯილდო მიიღო. ხოლმა შენიშნა, რომ კუთხიდან ვილაცის მხარ-ბეჭიანი ფიგურა გამოვიდა და გაჩერდა შეზინებული სლოვაკის წინაშე. ეს იყო ბუდ ედამსი, მალაროგების საპოლიციო ზედამხედველი. ის მივიდა შეკუმშული მუშტებით და მზად იყო იქავე გაესწორებია მიკესათვის ანგარიში. მის დანახვაზე მიკე ერთიანად გაქვავდა; ხანგრძლივი მუშაობით მოხრილი მხრები კიდევ უფრო მოეხარა, თითები გაეხსნა; ძვირფასი ფურცლები ფრიალით გაიფანტენ მიწაზე. მიკე უცქეროდა ბუდს, როგორც დაჭერილი კურდღლის ბაჭია, ის თითის განძრევასაც კი ვერა ბედავდა თავის დასაცავად.

ხოლმა მთელი თავისი ძალ-ლონით დაუწყო სარკმელის რიკულს ნჯღრევა. მას უნდოდა გამომხტარიყო და დაეცვა თავისი მეგობარი, მაგრამ პოლისმენი

დაკმაყოფილდა თვალების ველური დაბრიალებით, არ შეეხო მოხუცს და მხოლოდ რაღაც მოკლე ბრძანება წარმოსთქვა. მიკე დაიხარა და დაუწყო ფურცლებს კრეფა; ეს დიდხანს გრძელდებოდა; მიკეს ამაშქტდნაშსარ უნდოდა მიჰფარებოდა პოლისმენის თვალს. როდესაც მან აკრიფა ფურცლები, გაისმა ბუდის ახალი ბრძანება, და მან ჩააბარა იმას ისინი. შემდეგ მიკემ დაიხია უკან რამდენიმე ნაბიჯი, ბუდი გაჰყვა მას თან, ჯერაც კიდევ ხელებ შეკუმშული. მიკე იხევდა სულ უკან, უკან, ბოლოს ისინი მიეფარენ ხოლის თვალს. მუშები, რომლებიც დაესწრენ ამ სცენას გაიბნენ, და ხოლმა არ იცოდა თუ რით გათავდა ეს ამბავი.

რამდენიმე საათის შემდეგ ისევ გამოჩნდა ციხის დარაჯი, ამ შემთხვევაში უბუროდ და უწყლოდ. მან გააღო კარი და უბრძანა ტუსაღს გაჰყოლოდა თან. ხოლი ჩავიდა ჯერ კოტონის კონტორაში.

სამთო ინსპექტორი საწერ მაგიდას უჯდა სიგარით პირში. ის რაღაცას სწერდა და მხოლოდ მაშინ გადასდო კალამი გვერდზე, როდესაც დარაჯი გავიდა. ის მოტრიალდა სკამზე, დაეყრდნო იდაყვით სავარძელის ხელს, დაიდო ფეხი ფეხზე და დაუწყო თვალერი მის წინ მდგომარე ახალგაზდა მალაროს მუშას ქუჩუიან შარვალში, აბურძგვნილი თმებით და გაფითრებული სახით. სამთო ინსპექტორის არისტოკრატიული სახე აღიმებოდა.

— აბა, ყმაწვილო, — სთქვა მან, — უკანასკნელ ხანებში დიდი სიამოვნება გამოსცადეთ თქვენ ამ მალაროში.

— მე სრულიად კმაყოფილი ვარ, გმადლობთ, — უპასუხა ხოლმა.

— თქვენ დაგვამარცხეთ ჩვენ მთელს ჩვენს ხაზზე, ხომ მართალია? — მერმე მცირე პაუზის შემდეგ: — თქვენ ეს მითხარით მხოლოდ: — რა სარგებლობას მოეღიით მთელი ამ ისტორიიდან?

— ალექსტონმა უკვე დამისვა მე ეგ შეკითხვა, — უპასუხა ხოლმა. — მე ვგონებ ზედმეტი იქნება ამის შესახებ სიტყვის გაგრძელება, — თქვენაც ისე არა გწამთ უანგარობა, როგორც სტონს.

ინსპექტორმა გამოიღო სიგარა პირიდან და მოაშორა ფერფლი. მისმა სახემ სერიოზული გამომეტყველება მიიღო. ის ჩუმად უცქეროდა ხოლს. ბოლოს ჰკითხა:

— თქვენ მუშათა კავშირების ორგანიზატორი ხართ?

— არა.

— თქვენ განათლებული კაცი ხართ, თქვენ არა ხართ მუშა, მე ვიცრ ეს. ვინ გაძლევთ ფულს?

— იი ხომ ხედაეთ, არც თქვენა გწამთ უანგარობა.

— კოტონმა რგოლებად გამოუშვა სიგარის კვამლი.

— მაშასადამე თქვენ უბრალოდ უსიამოვნების მოყენება გდომებით კომპანიისათვის? ხომ? აგიტატორი ხართ თუ როგორ.

— მე მალაროს მუშა ვარ და მინდა, რომ კონტროლიორი ვიყო.

— თქვენ სოციალისტი ხართ?

— ეს დამოკიდებული იქნება იმაზე, თუ რა სახეს წილებს შემდეგში ეს ამბები.

— კეთილი, — სთქვა ინსპექტორმა. — მე ვხედავ, რომ თქვენს ინტელიგენტი ახალგაზრდა ხართ. ამიტონ მე გაეხსნი ჩემს ბანქოს თქვენს წინაშე, თქვენ კი დაისწავლეთ იგი. არასოდეს არ გელირსებათ თქვენ კონტროლიორობა არც აქ ნორტ-ვალში, არც სხვა საყოველთაო სათბობი მასალის კომპანიის რომელიმე მაღაროზე. გარდა ამისა, ჩვენ ნებას არ მოგცემთ უსიანოვნება მიაყენოთ კომპანიას. თუმცა არა გცემთ და არ გაწამებთ; ოღონ წინა დამით კი დიდი სურვილი მქონდა თქვენი მობეგვის, მაგრამ დროზე მოველ გონს.

— არ შეგიძლიათ უკანა რიცხვით მოხსნათ სიმსივნე ჩემს ხელზე? — თავაზიანი ტონით ჰკითხა ხოლმა.

ინსპექტორმა არ მიატოვია ყურადღება ამ სარკასტიულ შენიშვნას და განაგრძო.

— ჩვენ წინადადებას გაძლევთ აირჩიოთ: ან მოაწერეთ ხელი დოკუმენტს, რომელშიაც ნათქვამი იქნება, რომ თქვენ ოცდახუთი დოლარი მიიღეთ ალექსტონისაგან (მაშინ ჩვენ გაგიღებთ ალაყაფის კარს და საითაც გენებებათ იქით მიბრძანდით); ან ჩვენ დაგიმტკიცებთ, რომ თქვენ მიიღეთ ნაწილიად ფული, და ამას მოჰყვება თქვენი დაპატიმრება ვადით ხუთიდან ათ წლამდე.

როდესაც ხოლი დათანხმდა კონტროლიორობას, ის მოელოდა, რომ მას მაღაროდან გააგდებდნენ და ისიც შეიძლება დამწვიდებულ წავიდოდა იმ შეგნებით, რომ საკნაოდ შეითვისა მაღაროს მუშის სოციალური მდგომარეობა. მაგრამ ვხლა, როდესაც ის იცქირებოდა ინსპექტორის მრისხანე თვალებში, მან მაშინვე გადასწყვიტა არაფრის გულისთვის ნორტ-ვალი არ დაეტოვებია. მას უნდოდა დარჩენილიყო აქ, რომ კიდევ უფრო დაახლოვებით გასცნობოდა ამ საშინელ ყაჩაღს — საყოველთაო სათბობი მასალის კომპანიას.

— ეს დიდი მუქარა არის, მისტერ კოტტონ, — შენიშნა მან. — თქვენ ხშირად სჩადიხართ ამას?

— ჩვენ ჩავდივართ ამას, როდესაც საჭიროა.

— ეს მე სრულიად ახალ პერსპექტივებს მიშლის წინ; მიაზნებთ უფრო დაწვრილებით: რაში უნდა გამოიხატოს ჩემს წინააღმდეგ ბრალდება?

— ჯერ არ ვიცი, — ეგ ჩვენი იურისკონსულტების საქმეა. შეიძლება ეს შეთქმულება ან ფულის დატყუება იქნეს, ყოველ შემთხვევაში, რალაც ისეთი, რასაც მძიმე სასჯელი მოჰყვება თან.

— ნება მომეცით, ვიდრე მე რაიმე გადაწყვეტილებას დავადგებოდე, დავხედო ვითომც და ჩემს მიერ დაწერილ წერილს.

— ა! თქვენ უკვე მოგიკრავთ ყური წერილის ამბავისათვის? — ინსპექტორმა გაოცებით ასწია წარბები. მან აიღო მაგიდიდან ქალაღის ფურცელი და მიაწოდა ხოლს. მან წაიკითხა: „ძვირფასო მისტერ სტონ, ნუ სწუხდებით კონტროლიორობის გამო. მომეცით ოცდახუთი დოლარი და მე ყველაფერს მოვაწესრიგებ. თქვენი ერთგული ჯო სმიტ“.

წერილი რომ წაიკითხა, ხოლმა დაუწყო თვალღერება ქალაღს, რომელ-

ზედაც ის იყო დაწერილი, და შენიშნა, რომ მტრებს არა თუ წერილის ფაბრიკაციაზე გაუწევიათ შრომა, არამედ მისი ფოტოგრაფიებიც უნდა დაეღწიათ. უმეტესად, წერილის უთვალავი რეპროდუქციები მთელ ნორტ-ვალში იყო მოფენილი. და ყველაფერი ამის გაკეთება მათ სულ რამდენიმე საათში მოასწრეს! მართალი იყო ოლსონი, როდესაც ამბობდა, რომ არსებობს მთელი სისტემა მუშების მოსატყუებლად.

§ 19.

ხოლი ფიქრობდა ერთ ხანს.

— მისტერ კოტონ, — სთქვა მან ბოლოს, — ჩემი ორთოგრაფია ცოტა უკეთესია და ნაწერი უფრო სწორი.

ინსპექტორის მრისხანე ბაგეზე მკრთალი ღიმილი გამოისახა.

— ვიცი, — სთქვა მან. — მე არ გამომიტოვებია შემთხვევა შემედარებია ნაწერი.

— ძიების საქმე თქვენ კარგად გაქვთ დაყენებული.

— თქვენ მალე გაიგებთ, ყმაწვილო, რომ არც იურიდიული ნაწილი გვაქვს დაყენებული ჩვენ ცუდად.

— ეგ ვნახოთ, — სთქვა ხოლმა. — თქვენს იურისტებს კარგა მაგრად მოუბღებათ მუშაობა: მე ვერ წარმომიდგენია, როგორ შამოუვლიან ისინი გვერდს იმ გარემოებას, რომ მე კონტროლიორად არჩეული ვარ კანონის მიხედვით და რომ ჩემს ზურგში სდგას მუშების მთელი ჯგუფი.

— თუ თქვენ მაგის იმედი გაქვთ, ძალიან სცდებით. თქვენს უკან არავითარი მუშების ჯგუფი აღარ არსებობს.

— ა! თქვენ უკვე მოასწარით მათი კისერის მოგრება?

— ჰო, მეთაურებს ჩვენ მოუგრიხეთ კისერი.

— ვის მაინც.

— მაგალითად იმ ბებერ თხას, სიკორიას.

— გააგდეთ?

— დიახ.

— მე ვბედავდი როგორც დაიწყეთ თქვენ ეგ საქმე. სად გააგდეთ?

— ამის გამოჩვენება, — და აქ ინსპექტორმა გაიღიმა, — თქვენი ძიების საქმეა.

— კიდევ ვის მოხვდა?

— ჯონ ესტრომი ცოლის დასამარბავად წავიდა. ამ ბებერმა, მოლუშულმა მოქადაგემ არა ერთხელ და ორჯერ აგვიტეხა დავიღარაბა, მაგრამ ეს კი უკანასკნელად იყო. თქვენ შეგიძლიათ მონახოთ იგი პედროში — ალბად თავშესაფარში.

— ო, არა, — ჩქარა სთქვა ხოლმა ცოტაოდნად საზეიმო კილოთი, — თავშესაფარამდე ჯერ კიდევ არ მიუა მას საქმე: მე, უნდა მოგახსენოთ, რომ ოც დახუთი დოლარი გაუგზავნე მას.

ინსპექტორმა მუბლი შეიკმუხვნა.

— მართალია მერმე.—მცირე პაუზის შემდეგ: — მაშნაღლი მაინც თქვენთან იყო! მე კი ვიფიქრე, რომ იმ წუნკლიანმა ბერძენმა ჩაიჯობა ვითომც.

— არა, თქვენი გაიძვერა ამ შემთხვევაში პატიოსანე, მაგრამ მეც აგრეთვე. მე ვიცოდი, რომ ედსტრომს წლიდან წლამდე მტყულებდნ წონაში, ამიტომ ვფიქრობ, რომ მას სრული უფლება აქვს ისარგებლოს ამ ფულით.

ხოლმა იცრუა, რა თქმა უნდა,—ფული ჯერ ისევ ედსტრომის სახლში იყო დამარხული, მაგრამ ის ფიქრობდა ნამდვილად გაეგზავნა იგი ბებერი მალაროს მუშისათვის და ჯერ მხოლოდ მას კოტონისაგან მისი კვალის დაკარგვა უხდოდა.

— ეკ კარგი ხრიკია, ყმაწყილო!—სთქვა ინსპექტორმა. — მაგრამ თქვენ კიდევ ინანებთ მას, უფრო ადრეც, ვიდრე თქვენი საქმე გათავდება. გარდა ამისა, ეს კიდევ უფრო მარწმუნებს იმაში, რომ აუცილებლად საჭიროა თქვენი სადმე გადახალვა ისეთ ადგილს, საიდანაც თქვენ ველარ შესძლებთ ჩვენს შეწუხებას.

— თქვენ სატუსალოს გულისხმობთ? მაგრამ საქმე ხომ ნაფიცთა სასამართლოთი გაირჩევა; ან ეგებ ნაფიც მსაჯულებსაც ისე ატრიალებთ, როგორც თქვენ გინდათ?

— ამბობენ, პედროში თქვენ დიდი ინტერესი გამოიჩინეთ პოლიტიკური საკითხისადმი; ეგებ თქვენ ჩვენი ნაფიცი მსაჯულობის სისტემაც შეისწავლეთ?

— არა, აქამდე არ მივსულვარ.

ინსპექტორმა ისევ გამოუშვა რგოლებით კვამლი.

— ნაფიც მსაჯულთა სიაში ჩვენ აღნიშნული გვყავს სამას კაცამდე, ჩვენ მათ ყველას კარგად ვიცნობთ. სასამართლოს დარბაზში თქვენ ნახავთ ჯეკ პრედოვიჩს, როგორც ნაფიც მსაჯულთა თავმჯდომარეს, ხოლო დანარჩენებში კი ქარხნის დუქნის სამ მოსამსახურეს, ორ მიკიტანს რეიმონდს, ერთ ფერმერს, რომელსაც თავისი მამული კომპანიისათვის აქვს დაგირავებული, და ხუთ მექსიკანელს, რომლებსაც სრულიად არაფერი არ გაეგებათ საქმის, თუმცა ყოველთვის მზად იქნებიან ერთი კიქა ვისკისათვის დანა ჩაგარქონ ზურგში. ოლქის პროკურორი სიტყვით მუშებს იცავს, საქმით კი ჩვენ, ხოლო მოსამართლე დენტონი—კომპანიის საბჭოს მთავარი წევრის ვეგლმენის კომპანიონია.

— ჰო, — უთხრა ხოლმა — მე უკვე მსმენია ცოტა რამ „რეიმონდის სამეფოს“ შესახებ, ჩემთვის ძალიან საინტერესოა მთელი მექანიზმის გაცნობა. თქვენ ძალიან გულახდილი ხართ.

— მე მინდა, — უპასუხა ინსპექტორმა, ნათელი წარმოდგენა იქონიოთ იმის შესახებ, თუ ვის ებრძვით. ჩვენ არ დაგვიწყია ბრძოლა და მზადაც კი ვართ, რომ მშვიდობიანი გზით მოვრიგდეთ. ჩვენ გვინდა მხოლოდ, რომ თქვენ წარხოცოთ ჩვენთვის მოყენებული უსიამოვნება.

— სიტყვაში „წარხოცოთ“ თქვენ გულისხმობთ, რა თქმა უნდა, რომ მე სამარცხვინო ბოძზე გავეკრა და აშკარად აღვიარო მუშების წინ, — ვითომც მე ვმოქმედებდი ისე, როგორც გამყიდველი!

— ჰო, — სთქვა ინსპექტორმა.

— ამაზე მე დამწვიდებით უნდა ვიფიქრო, — უთხრა ხოლმე.

მან მიიწია სავარძელი თავისკენ, ჩაჯდა შიგ, რაც შეიძლება შეხერხებულად და მოურიდებლად გასწვავდა წინ ფეხები.

— სკამი, იქ ზევით, საშინლად ხმელია — სთქვა მან და დამცინავი ღიმილით შეხვდა ინსპექტორს.

§ 20.

გზლა ლაპარაკი ცოტა უფრო სხვანაირი ტონით გრძელდებოდა.

— კოტონ, — წარმოსთქვა ტუსალმა, — მე ვხედავ, რომ თქვენ განათლებული კაცი ხართ. მე კიდევ ვფიქრობ, რომ ოდესღაც თქვენ იყავით ის, რასაც „ჯენტლმენი“ ეწოდება.

ინსპექტორს სისხლი აუვარდა თავში.

— გაეთრიეთ აქედან.

— მე არ ვაპირებ კითხვების მოცემას, — განაგრძობდა ხოლი, — მგონია, რომ თქვენთვის უხერხული იქნება პასუხის გაცემა მათზე. მე ვფიქრობ მხოლოდ, რომ თქვენ, როგორც ყოფილ ჯენტლმენს, უკეთ შეგიძლიათ გაერკვეთ ამ საქმის ზოგიერთ გარემოებაში, რომელიც სრულიად უხსლტება ისეთი ხალხის ყურადღებას, როგორცაა, მაგალითად, მონების მეპატრონე სტონი, ან ისეთი „ექსპერტის“, როგორც კარტრაიტი. ჯენტლმენი ადვილად იცნობს ჯენტლმენს მაღაროს მუშის კოსტიუმის ქვეშაც კი. მართალი ვარ თუ არა?

ხოლი უცდიდა პასუხს. ინსპექტორმა ყურები ცქვიტა და შეხვდა ხოლს:

— შეიძლება.

— მაშ ასე, კოტონ, — განაგრძობდა ტუსალი, — ამ წუთში თქვენ დამიხატეთ მე თქვენი სასამართლოს სურათი. ნება მომეცით გავაგრძელო სურათი. თქვენ ააშენეთ ყალბი ბრალდება; ნათიც მსაჯულთა ადგილი თქვენს კაცებს უჭირავსთ; მოსამართლის მაგიდას თქვენმიერ არჩეული მოსამართლე უზის; თქვენმიერ არჩეულ პროკურორს სასურველ ბოლომდე მიჰყავს საქმე; თქვენ იღებთ კანონიერ უფლებას, რომ, როგორც დასაშინებელი მაგალითი, თქვენი მსხვერპლი ციხეში ჩააგდოთ. რა იქნება, რომ უცბად, ყველაზე უფრო საინტერესო მომენტში, გამოირკვეს, რომ თქვენი მსხვერპლის სახელ ქვეშ იმალება ისეთი პიროვნება, რომელიც არავითარ შემთხვევაში არ შეიძლება რომ იქნეს დაპატიმრებული?

— არ შეიძლება რომ იქნეს დაპატიმრებული? — ჰკითხა ინსპექტორმა შეოცებული ტონით. — სთქვით უფრო გასაგებად.

— ნუ თუ საჭიროა ამის ახსნა ამდენად ინტელექტუალური ადამიანისათვის? განა არ იცით, კოტონ, რომ არსებობს ისეთი ხალხი, რომლებსაც თქვენ ვერაფრითარ შემთხვევაში ციხეში ვერ ჩასვამთ?

რამდენიმე ხანს ინსპექტორი ჩუმად განაგრძობდა წევას. შემდეგ ჰკითხა:

— ოლქში არიან ასეთი პირები, მაგრამ ისინი, მე ვკონებ, მეცნობა ყველა.

— თქვენ არ მოგსულიათ ფიქრათ, რომ ასეთი პირები მსდარაშიაც შეიძლება რომ ყოფილიყონ?

ამ სიტყვების შემდეგ ღრმა სიჩუმე ჩამოვარდა. ორივე განომცდელი თვალთ მისჩერებოდნენ ერთიმეორეს და რაც უფრო დრო გადიოდა, მით უფრო ამჩნევდა ხოლი ინსპექტორის თვალეზში დაეჭვების ნიშნებს.

— იფიქრეთ აბა, რა უხერხულ მდგომარეობაში შეგიძლიათ ჩავარდეთ, — განაგრძობდა ხოლი. — თქვენ საუცხოვო ინსცენიროვკას უკეთებთ დრამას — ისე, მაგალითად, როგორც გუშინ სალამოს, — მხოლოდ სცენა უფრო დიდია და დამსწრე საზოგადოება უფრო დარჩეული. და უცებ ფინალში ირკვევა, რომ თქვენ არა თუ ვერ გაამართლეთ თქვენი მოქმედება მუშების მიმართ, არანედ, პირიქით, თქვენ დაამტკიცეთ სრული თქვენი უმართებულება მთელი შტატის საზოგადოების წინაშე და გამოააშკარავეთ საზოგადოებრივი აზრის თვალში, რომ თქვენ მოიქეცით, როგორც კანონის დამრღვეველი — ან კიდევ უარესი, როგორც ტუტუცი და იდიოტი!

ეხლა კი ინსპექტორი იმდენ ხანს უცქერიდა ხოლს, რომ მისი სიგარა ჩაქრა. იმავე დროს ხოლი თამამად ქანაობდა სავარძელში და საიდუმლოებით იღიმებოდა. ინსპექტორს ეგონა, რომ მის წინ ხდება რაღაც მეტამორფოზა: ხოლის მხრებიდან თითქოს დაეშვა ძირს მალაროს მუშის კოსტიუმი. ის ხედავდა თავის წინაშე ლამაზად, ფრაკში გამოწყობილ ყმაწვილ კაცს.

— დაგწყევლოთ ღმერთმა, ვინა ხართ ბოლოს და ბოლოს? — ჰეყვირა მან.

— აი, — გაიცინა ხოლმა, — თქვენ ეს-ეს არის იკვეხოდით, რომ ძიების საქმე კარგად გაქვთ დაყენებული. მიეცით წინადადება თქვენს მაძიებლებს გამოიცნონ შემდეგი ამოცანა: „იენისის დამდევს უკვალოდ, დაიკარგა ახალგაზდა კაცი. ნიშნები: ხნოვანება — ოცდაერთი წელი, სიმაღლე — ხუთი ფუტი და ათი გოჯი, თვალეზი წაბლისფერი, თმები — წაბლისფერი (ოდნავ ხუჭუჭი), გარეგნობა მიმზვიდელი, იქცევს ქალების ყურადღებას“, — ასე ირწმუნება, ყოველ შემთხვევაში, „საგუბერნიო ცნობის ფურცელი“. ფიქრობენ, რომ ის ნადირობს მექსიკაში გარეულ თხეზზე. როგორც იცით, კოტონ, ჩვენს შტატში არსებობს სულ მხოლოდ ერთი ქალაქი, რომელსაც შეუძლია იამაყოს თავისი „საზოგადოებით“, გარდა ამისა ამ ქალაქში არსებობს სულ ოცდახუთი-ოცდაათი ოჯახი, რომელსაც ერთგვარი წონა აქვს საზოგადოების თვალში. ისეთი საძიებელი აპარატისათვის, როგორიც საყოველთაო სათბობი მასალის კომპანიის განკარგულებაშია, ამის გამორკვევა სულ უბრალო საქმეა!

ისევ სიჩუმე ჩამოვარდა. ხოლმა პირველმა დაარღვია იგი:

— თქვენი, კოტა არ იყოს დაბნევა მოწმობს იმას, რომ თქვენ მე გამიგეთ. ეს დიდი ბედნიერება არის კომპანიისათვის, რომ იმის სამთო ინსპექტორების რიცხვში ერთი შემთხვევით ყოფილი ჯენტლმენი აღმოჩნდა.

ინსპექტორი ისევ გაწითლდა.

— გეფიცებით ღმერთს, — სთქვა მან ნახევრად თავისთვის, — შემდეგ მან უკანასკნელად სცადა გაემარჯვებია მასზე. — თქვენ მე მასხარად მიგდებთ.

— ეს ერთი უსაყვარლესი დროს გატარებაა „სახოგადოებრივებისათვის“, კოტონ. ამაში მდგომარეობს მაღალი წრის ურთიერთ შორის დამოკიდებულება, ყოველ შემთხვევაში მისი ნორჩი წარმომადგენლების მაინც.

უცებ ინსპექტორი წამოდგა ზეზე.

— მითხარით, გთხოვთ, — ჰკითხა მან, — თქვენ არაფერი საწინააღმდეგო არა გაქვთ, რომ რამდენიმე წუთით ახვიდეთ ისევ მაღლა?

ხოლს გაცინება უნდოდა.

— მე ძალიან ბევრი რამ მაქვს ამის საწინააღმდეგო; უკვე ოცდა თექვსმეტი საათი დიეტაზე ვზივარ — პურზე და წყალზე, გარდა ამისა, მე სიამოვნებით ვისუნთქებდი სუფთა ჰაერზე.

— მაგრამ, — თითქმის შესაბრალისად წარმოსთქვა ინსპექტორმა, — მე მაინც იძულებული ვარ უკან გაგზავნოთ ისევ.

— ეგ სხვა საქმეა, — სთქვა ხოლმა. თუ თქვენ უკან გზავნით, მე წავალ. მაგრამ გაფრთხილებთ, თქვენ რისკზე მიდიხართ. თქვენ დამაპატიმრეთ მე თქვენის ნებით, სრულიად უკანონოდ, ჩამსვით სატუსალოში რაიმე ბრალდების წამოუყენებლად, არ მომეცით საშუალება ვეჭილისათვის რჩევა მეკითხა. თუ არა ვსცდები, თქვენი მოქმედება სისხლის სამართლის ხასიათს ატარებს, ხოლო კომპანია თავის მხრით პასუხს აგებს ამის გამო სამოქალაქო სასამართლოს წინაშე. რა თქმა უნდა ეს უმთავრესად შეგეხებათ თქვენ და თქვენთვის მინდოდა სწორედ ამეხსნა მე ეს. თქვენ მკითხეთ, — საწინააღმდეგო ხომ არაფერი მაქვს; ძალიან ბევრი მაქვს ამის საწინააღმდეგო.

ინსპექტორი რამდენიმე ხანს მერყეობდა და ნერვიულად ჰკბენდა ჩამქრალ სიგარას. შემდეგ ის მიბრუნდა კარისაკენ და დაიძაბა: „ეი, გეს!“ გამოცხადდა სატუსალოს დარაჯი, კოტონმა ჩაუჩურჩულა მას რაღაც ყურში. დარაჯი ისევ წავიდა.

— მე უბრძანე მას, რომ სადილი მოგიტანოსთ. თქვენ შეგიძლიათ დარჩეთ აქ და სჭამოთ. ეს ხომ უფრო მოგდით კკუაში?

— დამოკიდებულია იმაზე, — უპასუხა ხოლმა, მდგომარეობა რომ გამოეყენებია, — თუ რა სახით მპატიჟობთ: როგორც ტუსადს თუ როგორც სტუმარს?

— ოჰ, დამანებეთ თავი! — წამოიძაბა მან.

— მე მინდა ვიცოდე ჩემი ლეგალური მდგომარეობა; ეს შეიძლება საჭირო იქნეს ჩემი დამცველისათვის.

— იყავით ჩემი სტუმარი, — ამოიგმინა ინსპექტორმა.

— ჩვეულებრივ, როდესაც სტუმარი გაათავებს, სადილი იქნება თუ რაც, მას სრული უფლება ეძლევა წავიდეს.

— ამას თქვენ ნასადილევს გაიგებთ.

— კარგი, მაგრამ დააჩქარეთ, მე ძალიან ჩქარი ჭამა ვიცი.

— მომეცით სიტყვა, რომ თქვენ არ წახვალთ აქედან, ვიდრე მე ამის ნებას არ დაგრთავთ.

— თუ წავედი, — გაიციინა ხოლმა, — მე წავეალ იქ, სადაც მინდა ჩემი მოვალეობა. თქვენ მნახავთ მე მიმღებ პუნქტზე, კოტონ! ზიზ-ნი-ნი-ნი-ნი-ნი-ნი

§ 21.

ინსპექტორი გავიდა. რამდენიმე წუთის შემდეგ დარაჯი ისევ გამოცხადდა, მან მოიტანა თან სადილი. რომელიც სრული წინააღმდეგობა იყო წელან მის მიერვე მოტანილ სადილთან. ლანგარზე ეწყო ლარი, ორი თოლხო კვერცხი, პური, კარაქი და ფინჯანი ცხელი ყავა.

— აბა, აბა, — თავმდაბლური ტონით სთქვა ხოლმა, — ეს თითქმის ბიჭ-ტექსაც კი სჯობია ქართოფილიანი წვენიტ — ის დამშვიდებული უცქეროდა, თუ როგორ გაასუფთავა ყარაულმა მაგიდაზე ლანგარის დასადგმელი ადგილი. როდესაც ყარაული წავიდა, ხოლი მიუჯდა მაგიდას და დაიწყო ჭამა.

ჭამა არა ჰქონდა ხოლს გათავებული, რომ კოტონი დაბრუნდა უკან და ჩაფიქრებული, ჩუმად დაჯდა თავის სკამზე. ხოლმა ჭამის შეუწყვეტლად შეხედა მას და გაიღიმა.

— კოტონ, — სთქვა მან, — თქვენ ხომ იცით, კარგი აღზრდა უწინარეს ყოვლისა მზილდება სუფრაზე ჯდომის დროს თავის დაჭერაში. გთხოვთ მიაქციოთ იმ გარემოებას ყურადღება, რომ მე ხელსახოცი არ ამიფარებია გულზე, როგორც ამას ალექ სტონი იზამდა.

— დამანებეთ თავი, მე უკვე გავიგე.

ხოლმა დასდო დანა-ჩანგალი.

— თქვენს ფარეშს დაავიწყდა გამოსარეცხი ფინჯანის ნოტანა, — შენიშნა მან. — მაგრამ არაფერი. ეხლა თქვენ შეგიძლიათ დაურეკოთ უბრძანოთ ალაგება.

ინსპექტორმა ზარის მაგიერ თავისი ხმა გამოიყენა. შემოვიდა ციხის დარაჯი.

— სამწუხაროდ, — სთქვა ხოლმა, — თქვენმა ხალხმა, როდესაც მე მჩბრეკდენ, სადღაც დამიკარგა საფულე და ამიტომ საშუალება არა მაქვს ფული ვაჩუქო ოფიციანტს. „ოფიციანტმა“ ისეთი სახით შეხედა ხოლს, თითქოს მას კბენა უნდოდა მისთვის. ინსპექტორმა ჩაიციინა.

გადით, გეს, და დახურეთ კარი.

ხოლი თავისუფლად გაიმხლართა სავარძელში.

— უნდა გამოგიტყდეთ, მე მიჩვენია თქვენი სტუმარი ვიყო, ვიდრე თქვენი პატიმარი.

ჩამოვარდა სიჩუმე.

— მე ველაპარაკე მისტერ კარტრაიტს, — სთქვა ბოლოს ინსპექტორმა. — ვერაფრის გზით ვერ გამომირკვევია, რა არის თქვენს სიტყვებში მართალი და რა მოგონილი. შეიძლება თქვენ იყოთ რაღაც ახალი ხარისხის აგიტატორი; მაგრამ ღმერთი გამიწყრეს, თუ მე ოდესმე შენახოს აგიტატორი ზრდილი მანე-

რებით! ყველაფერიდან სჩანს, რომ თქვენ შეძლებულ ოჯახში ხართ გაზრდილი და რისთვის ვჭირდებათ ასეთი ავანტიურები—ეს მე სრულყოფილ ვერ გამოვიკვლია!

— მითხარით, კოტონ, ვაგიგონიათ ოდესმე თქვენ, თუ რა არის მოწყენა?

— კი, ვაგიგონია, — უპასუხა ინსპექტორმა, — მაგრამ თქვენ მეტად ახალგაზრდა ხართ იმისათვის, რომ ეს ავადმყოფობა გჭირდეთ.

— შეიძლება მე მინახავს, თუ როგორ იტანჯებიან მისგან სხვები, და ამიტომ გადავსწყვიტე სხვაგვარი ცხოვრების განოცდა.

— თუ თქვენ ნამდვილად ისა ხართ, რაღაც გინდათ გაასაღოთ თავი, მაშინ თქვენ ჯერ კიდევ სტუდენტი უნდა იყოთ.

— შემოდგომაზე მე გადავდივარ უკანასკნელ სემესტრზე.

— რომელ უნივერსიტეტში?

— მე ვხედავ რომ თქვენ ჯერაც ისევ საექვოდ მიგაჩნიათ ჩემი სიტყვები, — გაიღიმა ხოლმა. შემდეგ მან იგრძნო გამოჯავრების ისეთი სურვილი, რომელიც შეიძლება დაიბადოს მთვარიან განათებულ უნივერსიტეტის ბაღში, როდესაც ბელი ხელს უწყობს ადამიანს, და მოულოდნელად შემოსძახა მაღალი ხმით.

მეფე ნახშირი, გიჟი, სულელი,

მეფე ნახშირი ვიწამეთ ღმერთად;

მაღალ ცოდნათა მან შეჰქმნა შკოლა,

ო, ქება, ქება ჩვენც შენთან ერთად!

— რომელი სკოლის შესახებ ლაპარაკობთ? — ჰკითხა ინსპექტორმა. ხოლი განაგრძობდა სიმღერას:

ო, ლიზა ანა, გამოდი მაღე,

კაობაბის ქვეში შუქია ნთვარის,

ო, ლიზა-ანა, მე ხარიგანის

ჩვენს ბედზე ნათქვამ სიმღერას ვმღერო!

— აბა, აბა, — სთქვა ინსპექტორმა, როდესაც კონცერტი გათავდა. — ბევრი ხართ ასეთები ხარრიგანში?

— პატარა ჯგუფი, მაგრამ საკმაო იმისათვის, რომ ცოში გავაფუჭოთ.

— თქვენ ამას საკანიკულო დროს გატარებთ სთვლით?

— არა, ეს არის ჩემთვის სოციალოგიის საზაფხულო პრაქტიკული კურსი

— აჰა, მესმის.

— კოტონს უნებლიეთ გაეღიმა.

— შარშან პოლიტიკური ეკონომიის პროფესორებმა ათასნაირი თეორიები მოგვაყარეს. მაგრამ თეორიები რატომღაც არ ეფარდებოდენ სინამდვილეს და მე ვუთხარი ჩემს თავს: „მე ყველაფერი თვითონ უნდა გამოვცადო.“ თქვენ იცით ხომ ეს მყვირალა ფრაზები: ინდივიდუალიზმი 'laissez faire, ხელშეკრულებათა თავისუფლება, უფლება, რომ ყოველ კაცს შეეძლოს თვითონ აირჩიოს სამუშაოს მიმცემი. აქ კი შეიძლება შედეგების ნახვა, — უფროსი მკაცრი ღიმი-

ლით და თოფით ხელში, რომელიც სპობს კანონს მანამდე, ვიდრე გუბერნატორი მის ხელის მოწერას მოასწრებდეს.

ინსპექტორმა ნახა, რომ ეყო მას ამდენი. ის წამოდგა — შეხედა ბოლო მოვლო ამდენი ლაპარაკისათვის.

— თუ გნებავთ, ყმაწვილო, ეხლა საქმეზე გადავიდეთ.

§ 22.

მან გაიარ-გამოიარა ოთახში და გაჩერდა ხოლის წინ. ის იდგა შარვლის ჯიბეებში ხელეზ ჩაწყობილი, ცოტა არ იყოს გამომწვევი გრაციით პოზაში, რომელიც არაერთიარ შემთხვევაში არ ეგუებოდა მის მოწოდებას. „დასწყველოს ღმერთმა, რა კარგად გამოიყურება, — იფიქრა ხოლმა, — მიუხედავად ტუჩის მკაცრი მოხაზულობისა და სახეზე გარყვნილების კვალის.“

— ყმაწვილო, — დაიწყო ინსპექტორმა, რაც შეეძლო გულკეთილი ტონით. — მე არ ვიცი ვინა ხართ თქვენ, მაგრამ ვიცი, რომ თქვენ, როგორც გეტყობათ, ჭკვიანი და ნიჭიერი კაცი ხართ. თქვენ მაგარი ნერვები გაქვთ და მე ალტაცებული ვარ თქვენით. ამიტომ მე სიამოვნებით მზადა ვარ საქმე ისე მოვაგვარო, თითქოს არაფერი არ მომხდარიყოს, და საშუალება მოგცეთ ბოლომდე მოისმინოთ თქვენი სემესტრი.

ხოლი თვალს არ აშორებდა ინსპექტორის ეშმაკურსა და ფრთხილ ღიმილს.

— კოტონ სთქვა მან, — ილაპარაკეთ უფრო გარკვეულად. მაშასადამე მე მომიხდება განცხადება, რომ მე ფულს ვიღებდი?

— არა, მაგისაგან განთავისუფლებთ.

— და აღარ ჩამაჯენთ ციხეში?

— არა ამის შესახებ მე სერიოზულათ არც მიფიქრია არასოდეს, მე მინდოდა მხოლოდ თქვენი შეშინება. მე მოვითხოვ მხოლოდ ერთს: რომ თქვენ გაქრეთ აქედან და შეძლება მისცეთ ჩვენს მუშებს დაივიწყონ მთელი ეს ამბავი.

— კეთილი, მაგრამ მე რაღა სარგებელი უნდა ვნახო ამაში, კოტონ? მე რომ ნამდვილად მდომოდა აქედან წასვლა, ამას თავისუფლად ჩავიდენდი უკანასკნელ რვა-ათი კვირის განმავლობაში.

— თავისთავად ცხადია. მაგრამ ეხლა კი ეს საგსებით ჩემს კეთილ სურვილზეა დამყარებული.

— დაანებეთ თავი თქვენ კეთილ „სურვილს“. თქვენ გინდათ, რომ უდავიდარაბოთ თავიდან მომიშოროთ, — ამას თქვენ ვერ შესძლებთ. ნურც კი იოცნებებთ ამის შესახებ.

ინსპექტორი გაშტერდა და დაუწყო მას ყურება.

— ეს იმას ხომ არ ნიშნავს, რომ თქვენ აქ დარჩენა გინდათ?

— სწორედ ეგ მინდოდა მეთქვა.

— არა, კმარა, ყმაწვილო! მე მეტი დრო აღარა მაქვს სახუმროდ! მე სამთო ინსპექტორი ვარ და ჩემს მოვალეობას შეადგენს წესრიგის დამყარება. მე თქვენ გეუბნებით: თქვენ უნდა მოგვშორდეთ თავიდან!

— მაგრამ, კოტონ, — სთქვა ხოლმა, — ნორტ-ვალდი ქალაქია და შეც იმგვარივე უფლება მაქვს ვიყო აქ, როგორც თქვენ.

— მე არ დავკარგავ დროს იმისათვის, რომ თქვენ გეღიჯებოდეთ; ჩავაჯენტ ავტომობილში და ვუბრძანებ, რომ პედროში წავიყვანონ: *მეღიჯებოდეთ*

— მერე რომ ავდგე და ოლქის პროკურორთან გიჩივლო?

— იმას ვგ სასაცილოდ არ ეყოფა.

— შტატის გუბერნატორს რომ მიემართო?

— ის კიდევ უფრო ხმამაღლა გაიცინებს.

— ჰო, კარგი, კოტონ, შეიძლება თქვენ კიდევაც იცოდეთ რასაც აკეთებთ. მაგრამ მე შევსძლებ შევიცვალოთ სულიერი განწყობილება. თქვენ არასოდეს არ მოგსვლიათ ახრად, რომ თქვენი მოქმედება შეიძლება არ მოეწონოს თქვენ უფროსს?

— ჩემ უფროსს? ვის შესახებ ლაპარაკობთ?

— თქვენ ვალდებული ხართ შტატში ერთ ადამიანს გაუწიოთ ანგარიში, თუნდაც თქვენ არც გუბერნატორს და არც პროკურორს არაფრად ავღებდეთ. ეს ადამიანი არის პიტერ ხარრიგანი.

— პიტერ ხარრიგანი? — გაიმეორა ინსპექტორმა და ხმამაღლა გადიხარხარა. — რა ახირებული ხართ თქვენ ბოლოს და ბოლოს!

ხოლი განაგრძობდა დაკვირვებული თვალის დევნებას მისთვის.

— თქვენ სრულიად დარწმუნებული ხართ, რომ ის მოიწონებს ყველა თქვენ საქციელს?

— რა თქმა უნდა, მოიწონებს.

— ის მოიწონებს ნუშებთან თქვენი მოპყრობის მანერასაც? იცის მან, რომ მუშებს ატყუებენ წონაში?

— დასწყევლოს ღმერთმა! როგორ ფიქრობთ, საიდან მოდის ფულები თქვენი უნივერსიტეტისათვის?

ორივე გაჩუმდნენ. რამდენიმე ხნის შემდეგ ინსპექტორმა გამომწვევი ტონით ჰკითხა ხოლს:

— საკმაო ცნობები მიიღეთ იმის შესახებ რის გაგებაც გინდოდათ?

— კი — სთქვა ხოლმა. — მე ყოველთვის მეპარებოდა ექვი, მაგრამ ძალიან ძნელია ამაში სხვების დაჯერება, ვინაიდან ბებერი პიტერი არა ჰგავს ჩვეულებრივ დასავლეთის მგელს, ის ღვთისმორწმუნე ქრისტიანია.

ინსპექტორმა გესლიანათ გაიცინა.

— ვიდრე ცხვრები იარსებებენ, არ გამოილევინან არც მგლები ცხვრის ქურქში.

— მესმის; და თქვენ დამშვიდებული უცქერით, როგორ შეექცევიან მგლები ცხვრებს?

— თუ ცხვარი იმდენად უჭკოა, რომ შესაძლებელია მისი მოტყუება ძველი ცხვრის ტყავით, მაშინ ის შექმის ღირსიც არის.

ხოლი აკვირდებოდა ინსპექტორის ცინიკურ სახის გამომეტყველებას.

— კოტონ, — მრავალმნიშვნელოვნად წარმოსთქვა მან, — მწყემსებს სძინავთ,

მაგრამ მათი ძაღლები მთელი ღამე ჰყეფენ. თქვენ არ გესმით ჯერ/კიდევ მათი ყეფა?

— მე არაფერი არ შემინიშნავს.

— და მაინც ისინი ჰყეფენ, ჰყეფენ, ჰყეფენ! ისინი გამოაღვიძებენ მწყემსებს და უკანასკნელებიც მოეშველებიან ცხვრებს!

— რელიგია მე არ მაინტერესებს, — სთქვა ინსპექტორმა მოწყენილი სახით. — არც თქვენი და არც ბებური პიტერის.

ხოლი სწრაფად წამოიჭრა ფეხზე.

— კოტონ, ჩემი ადგილი ფარასთან არის! მე მივდივარ ჩემს პოსტზე მიმღებ პუნქტთან.

ამ სიტყვებით ის გაემართა კარისაკენ.

§ 23

ჯეფ კოტონი გაედევნა უკან და დაუყვირა: „შეჩერდი!“

მაგრამ ხოლი შეუჩერებლივ მიდიოდა წინ.

— მიფრთხილდით, ყმაწვილო! — იღრიალა ინსპექტორმა. — გაანებეთ თავი მაგ ხრიკებს.

მან მიაღწია კარებს ტუქალზე უმაღლეს, მისი ხელი რევოლვერს ჩაეკვია.

— ამოიღეთ რევოლვერი, კოტონ, — უთხრა ხოლმა. ინსპექტორმა მართლა ამოიღო იგი. — აი ეხლა კი გავჩერდები. შემდეგში მე თქვენ დაგემორჩილებით მხოლოდ რევოლვერის ტუქ ქვეშ.

ინსპექტორის წარბები მუქარით მოიგრიახენ.

— თქვენ კიდევ გაიგებთ, რომ ამ ადგილებში შეყენებული რევოლვერისა და სრილის შუა დიდი გაასხეაება არ არის.

— მე განგიმარტეთ თქვენ ჩემი თვალსაზრისი. რას მიბძანებთ ეხლა.

— დაბრუნდით უკან და დაჯექით.

ხოლი დაჯდა. ინსპექტორი ტელეფონთან მივიდა.

— შეიდი ნომერი! — წაილაპარაკა მან და შეიცადა ერთი წუთი. ეს თქვენა ხართ, ტომ? მოიყვანეთ დაუყონებლივ ავტომობილი.

მან ჩამოჰკიდა მილი. ჩამოვარდა სიჩუმე. ბოლოს ხოლმა ჰკითხა?

— პედროში წამიყვანენ?

არავითარი პასუხი არ იყო.

— მე ვატყობ, რომ ნერვებს გიშლით, — შენიშნა ხოლმა. — მაგრამ განა თქვენ არ გახსოვთ, რომ გასულ ღამეს თქვენ მე მთელი ჩემი ფულები წამართვით? გარდა ამისა, მე ჯერ კიდევ ანგარიში უნდა გამისწოროს კომპანიამ, ცოტა რამ მერგება მისგან.

ინსპექტორმა გამოიძახა სხვა ნომერი.

— ალლო, სიმსონ! აქ კოტონია! იანგარიშეთ, რა ერგება ჯო სმიტს, თანაშემწეს მეორე ნომერში, და გამოგზავნეთ აქ ფული; აგრეთვე მისი ანგარიში დუქანში; გიცდით; სმიტი წასვლას აჩქარის.

— ნითხარით, — ჰკითხა ხოლმა, — მიკე სიკორიასთვისაც ვერ გულმოდგინეთ სცდილობდით?

მან ისევ ჩამოჰკიდა მილი.

ინსპექტორი სდუმდა.

— წინადადებას გაძლევთ ჩემი სარგო ფულის ნაწილი ხელწერილობით მომცეთ. მე მინდა ისინი სახსოვრად შევინახო.

ინსპექტორი მაინც კიდევ არ აძლევდა პასუხს.

— იცით თუ არა თქვენ, — განაგრძობდა პატიმარი, — რომ ხელწერილები აკრძალულია კანონით?

ინსპექტორი ისე გაბრაზდა, რომ ვერ მოითმინა და სთქვა:

— ჩვენ ხელწერილებით არ ვუასწორებთ არავის ანგარიშებს.

— არა გეთაყვა, კი უსწორებთ, თქვენ ეს მშვენივრად მოგეხსენებათ.

— მხოლოდ იმ შემთხვევაში, თუ მუშები წინდაწინ ითხოვენ ფულს.

— კანონის მიხედვით, თქვენ ყოველ ორ კვირაში უნდა ურიგებდეთ ფულს, მაგრამ თქვენ ამას არ სჩადიხართ. თქვენ მხოლოდ ერთხელ ასწორებთ ანგარიშს თვეში, ხოლო, თუ მანამდე მუშას ფული დასჭირდა თქვენ აძლევთ მას ამ ყალბ ხელწერილის.

— მუშები ხომ კმაყოფილი არიან. მაშასადამე ჩვენ ვერავინ ვერაფერს დაგვაყვედრის.

— თუ მუშებმა გამოამჟღავნეს, რომ ისინი უკმაყოფილონი არიან, მათ ჩასვამენ მატარებელში და გაიყვანენ სადმე.

ინსპექტორი სდუმდა და კანტორის მაგიდაზე მოუთმენლად თითებს აკაკუნებდა.

— კოტონ, — დაიწო ისევ ხოლმა, — მე მინდა ცოტა რამ ვისწავლო; მომეხმარეთ, რომ გამოვიყვანო ასეთი ფსიქოლოგიური ამოცანა: რასა გრძნობს თავის გულის სიღრმეში ადამიანი, რომელიც ისე იქცევა, როგორც თქვენ?

— ყმაწვილო, — სთქვა ინსპექტორმა, — მაპატიეთ, მაგრამ თქვენ მოსაწყენი ხდებით.

— ჰო! მაგრამ ჩვენ კიდევ ერთად მგზავრობა მოგველის ავტომატობით! ხომ არ შეგვიძლია, რომ მთელი გზის განმავლობაში ჩუმად ვისხდეთ!

შემდეგ მან დაუმატა მლიქვნელი ტონით:

— მართლა, მე ძალიან მინდა ვიცოდე, შეიძლება თქვენ შესძლოთ ჩემი კეთილ გზაზე დაყენება?

— არა, — უპასუხა კოტონმა, — მაგის ხელის მოკიდებას მე ვერ ვიფიქრებ.

— რატომ?

— იმიტომ, რომ მე, სულ ერთია, ვერ გაუვალ თქვენს გაუთავებელ ლაპარაკს. მე უკვე შემთხვევა მქონია მომესმინა თქვენთვის, ავტორიტორებისათვის, მე ვიცნობ თქვენს ლაყბობას. თქვენ ყველანი ერთნაირები ხართ, ყველანი ფიქრობთ, რომ ქვეყნის მართვა ცალიერი ლაპარაკით შეიძლება, — მაგრამ სრულებითაც არ არის ეგრე.

ხოლი თანდათან რწმუნდებოდა იმაში, რომ მისი სიტყვიერი დუელი

ინსპექტორთან არავითარ შედეგს არ მოიტანს. ის ცდილობდა რაც შეეძლო, ედავებოდა, ემუქრებოდა, ეუბნებოდა ათასს მოგონილ ამბავს, მთეროდა კიდეც მის წინ!

ხოლი განავრძობდა კამათს, სხვათა შორის, იმიტომაც, რომ ავტომობილის მოსვლამდე როგორმე დრო მოეკლა. გარდა ამისა, ის განიცდიდა დამცირების გრძნობას და უნდოდა სადავე მიეშვა თავისი უკმაყოფილებისათვის. ეხლა ის გაჩუმდა. მისი ყურადღება მიიქცია, სხვათა შორის, ინსპექტორის სიტყვებმა. „თქვენ ფიქრობთ, რომ ქვეყნის მართვა ცალიერი ლაპარაკით შეიძლება“. სწორედ ამგვარივე სიტყვების თქმა უყვარდა ხოლის ძმას. „თქვენ, აგიტატორებო!“ — სთქვა ინსპექტორმა. ძმა ყოველთვის აგიტატორს ეძახდა დაცინვით ხოლს: „შენ უეჭველად იმითი გაათავებ, რომ აგიტატორი გახდები!“ ხოლი კი ამაზე ჩვეულებრივი ბავშური ეინიანობით უპასუხებდა: „რატომაც არა?“ დღეს კი ინსპექტორმა ხუმრობით კი არა, სრულიად სერიოზულად მას აგიტატორი უწოდა, ბოდიშიც არ მოუხდია მიუხედავად იმისა, რომ ის გარეშე პირი იყო და, მაშასადამე, არ ჰქონდა არავითარი ნათესაური უფლება, რომ ხოლისათვის ასე უხეშად მიემართა. ეს კიდეც ცოტა, მან რამდენჯერმე გაიმეორა ფრაზა: „თქვენ, აგიტატორები, ჩუმათ მოდიხართ აქ და ცდილობთ აამხედროთ მუშები“...

აი რა თვალთ უცქეროდა ხოლს საყოველთაო სათბობი მასალის კომპანია! ის მოვიდა აქ უბრალო მაყურებლად, მას უნდოდა გემის ბაქანზე დგომა და იქიდან სოციალური უბედურების ოკეანისათვის თვალის დევნება. ის სწონდა ყოველ თავის ნაბიჯს, ბოლოს და ბოლოს მას უნდოდა მხოლოდ კონტროლიორი გამხდარიყო, სხვა არაფერი! ის უხსნიდა ტომ ოლსონს, რომ მუშათა კავშირის ორგანიზაციის საქმეს იგი ხელს არ მოჰკიდებს. ის ყოველთვის უნდობლად უცქეროდა კავშირების ორგანიზატორებს, საერთოდ ყოველგვარ აგიტატორებს: ისინი ეჩვენებოდნენ მას დაბრმავებულ, უპასუხისმგებლო გამვლელებად, რომლებიც დაეხეტებიან ადგილიდან ადგილზე და ყველგან საშიშვნებათა ღელვას იწვევენ. მართალია ის ალტაცებულ იყო ტომ ოლსონით, — მაგრამ ეს გარემოება მხოლოდ ნაწილობრივ არბილებდა მის წინასწარ შეხედულებას. ოლსონი იშვიათი გამონაკლისი იყო, რაც არაფერს არ ამტკიცებდა.

თუმცა ყოველივე ამას კომპანიისათვის არავითარი მნიშვნელობა არა ჰქონდა, უნაყოფო გამოდგა აგრეთვე მისი ცდა, დაემტკიცებია კოტონისათვის რომ ის მაღალ კლასს ეკუთვნის. მიუხედავად მთელი მისი „კარგი მანერებისა“ ინსპექტორმა მაინც სთქვა: „ეხ, თქვე აგიტატორებო“, რაშია ამის მიზეზი! ნუ თუ ის, ხოლ უორნერი, მართლა წააგავს იმ დაბრმავებულ, უპასუხისმგებლო გამვლელებს? დრო არის რიგიანად აათვალთვინო-ჩაათვალთვინოს საკუთარი თავი!

ნუ თუ ორი თვის „ბინძურმა მუშაობამ“ მიწის წიაღში, ამდენად შესძლო მისი გამოცვლა? ასეთი აზრი არა სასიამოვნო უნდა ყოფილიყო „ქალთა გულის მომხიბლავისათვის“. ნუ თუ მან ისე დაიწყო ლაპარაკი, როგორც იმათ?

მან, რომელსაც ბლარნი სტონისათვის უკოცნია? ინსპექტორმა ახსენა ლაყ-
ბობა. ესტკვათ, რომ მან ძალიან ბევრი ილაპარაკა. მაგრამ განა შეიძლება
სხვაფრივ მომხდარიყო მას შემდეგ, რაც მან სატუსალოში წაიკითხა და ერთი
დღე გაატარა და მაშასადამე, საკმაო დრო ჰქონდა ეფიქრნა მისთვის მიუენე-
ბულ შეურაცყოფაზე? შეიძლება სწორედ საპატიმრო, სადაც პატიმარი დამწყვ-
დული იყო ცალკე თავის შეურაცყოფასთან ერთად, ის გრდემლი გამოდგა,
რომელზედაც ნამდვილი აგიტატორები იჭიდებიან.


ხოლს გაახსენდა ფიქრები, რომლებიც მოხვეწებას არ აძლევდნ მას სა-
პატიმროში. ის მაშინ სასტიკად იყო გაბრაზებული და არაფერი საწინააღმდეგო
არა ჰქონდა იმისი, რომ ნორტ-ვალში მუშათა კავშირი დაარსებულიყო. მაგრამ
ეს წუთიერი განწყობილება იყო მსგავსი იმისა, რომელმაც ერთხელ მას პასუხი
ათქმევინა თავის ძმისათვის; სატუსალოს ფსიქოლოგია—ეს არის ერთი პატარა
ფურცელი სოციოლოგიის საზაფხულო პრაქტიკული კურსიდან. მას ეგონა, რომ
მან უკვე მოასწრო ამ განწყობილებისაგან განთავისუფლება, მაგრამ აღმოჩნდა,
რომ მან გაცილებით უფრო ღრმა კვალი დასტოვა მასში, ვიდრე ეს იმას
წარმოედგინა, მან გარეგნულადაც კი შესცვალა იგი. მას ჰქონდა აგიტატორის
შეხედულება! ის „დაბრმავებული“, იყო, ის გადაიქცა „უპასუხისმგებლო“ პი-
როვნებად!

ჰო, მაგრამ ეს ასე იყო! სიბინძურე, უმეცარება, მოტყუება და შევიწროე-
ბა, დამახინჯება ადამიანთა სხეულის და სულის ამერიკის ნახშირის მაღაროებ-
ში—ყველაფერი ეს სრულებითაც არ არსებობდა, ეს მხოლოდ ფანტაზია არის
„უპასუხისმგებლო“ ტვინის და მეტი არაფერი. ხოლის ძმა და სამთო ინსპექ-
ტორი ადასტურებენ ამას, ამასვე ამოწმებდა მთელი ქვეყანა! არ იყვნენ ხომ
ბრძელები მისი ძმა და ინსპექტორი, ბრმა ხომ არ იყო მთელი ქვეყანა! თუ ვინმე
მიუთითებდა მათ ამ არანორმალურ პირობებზე, ისინი მხოლოდ მხრებს იჩეჩ-
დნენ, უწოდებდნენ ასეთ კაცს „მეოცნებეს“ ან „სულელს“, ეუბნებოდნენ, რომ
მას გონება დაუკარგავს, ან ბრაზი მოერეოდათ და ყვიროდნენ: „შენ აგიტა-
ტორი ხარ!“

§ 24.

ნორტ-ვალის სამთო ინსპექტორი იმდენად აღელვებული იყო, რომ ერთ
ადგილას ჯდომას ვეღარ ახერხებდა. მისი გონებრივი თვალის წინაშე გაიარა
მთელმა იმ უსიამოვნებამ და დავიდარაბამ, რომელიც მის პროფესიასთან არის
დაკავშირებული. ის დადიოდა ოთახში წინ და უკან და ანბობდა იმის და
მიუხედავად უგდებდა ხოლი მას ყურს თუ არა.

— ტილიანი უცხოელების ბანდა! კულტურული ენა არ ესმით, იმათ
მხოლოდ ერთი მიზანი აქვთ: დასტურენ მუშაობას ხელიდან, გაავსონ რონოდა
წიფერით და ქვის ლოდებით და შემდეგ, დამნაშავედ სხვები გამოიყვანონ. და
ლოთობა! მათ არ იციან პატიოსანი მუშაობა, პატიოსანი ბრძოლა. კუთხიდან
ვინმესთვის დანის ჩაკვრა ზურგში—ეს მათ ჩვეულებას შეადგენს! შემდეგ მობ-
ძანდებით თქვენ, აგიტატორები, სიპატიით და თანაგრძნობით აღსავსენი. რა



ეშმაკად მოეხეტებიან ეს ოხერ-ტილები ჩვენს ქვეყანაში, თუ აქ მათ ცოტა უკეთ არ ეცხოვრებათ, ვიდრე თავიანთ სამშობლოში? *ერეკუნული*

ხოლმა ეს კითხვა ჯერ კიდევ წინაღ გაიგონა, მაგტანს შამხინს საბჭოთაო არ უბასუხა. ეხლა კი, სულ ერთია, მაინც ავტომობილისათვის უნდა ეცადათ და, გარდა ამისა, რა კი ის აგიტატორებში ჩაეწერა, მას უნდოდა რაც შეიძლება მეტად გაეზრახებია თავისი მოწინააღმდეგე.

მიზეზი სავსებით ნათელია, — უბასუხა მან. — საყოველთაო სათბობი მასალის კომპანიის აგენტები საზღვარ გარედ ათასგვარ ზღაპრებს ავრცელებენ მაღალი ხელფასის შესახებ ამერიკაში.

— მერმე არ იღებენ განა მას მუშები? მუშის ხელფასი აქ სამჯერ უფრო დიდია ვიდრე მათ ქვეყანაში.

სრული ჭეშმარიტება არის, მაგრამ აქედან ძალიან ცოტას იგებს მუშა. აგენტებს ავიწყდებათ დაუნატონ, რომ აქ ყველაფერი იმდენად ძვირია, რომ არავითარი ხელფასი არა შველის კაცს. გარდა ამისა, მათ არწმუნებენ, რომ ამერიკა თავისუფლების ქვეყანაა. და აი ისინიც მოდიან აქ იმ იმედით, რომ გაბედნიერდებიან როგორც თვითონ, ისე მათი ბავშვები. მაგრამ რას ნახულობენ აქ? უფროსს, რომელმაც სრულიად დაჰკარგა ყოველივე წარმოდგენა გეოგრაფიაზე, და ფიქრობს, რომ როკი მაუნტინი *) სადღაც რუსეთში მდებარეობს.

— ვიცი ეგ მიღებ-მოდება! — მოუთმენლად გააწყვეტინა ინსპექტორმა. — ახალგაზრდობაში მეც ვაფრილებდი ოდესღაც ვარსკვლავებიან დროშას; მაგრამ როდესაც მაღაროებზე მოხვდებო, მაშინ გაიგებ თანდათან, რომ ეს სულ სხვა საქმეა, ვიდრე „ოთხი ივლისის“ დღესასწაულის მოწყობა. აი მაგალითი; სასულიერო წოდებამ შესძლო კანონის გაყვანა, რომელიც კრძალავს კვირაობით მუშაობას; შედეგად? შედეგად მხოლოდ ის, რომ მუშის განკარგულებაშია ზედმეტი ოცდათექვსმეტი თავისუფალი საათი, რომ ჯგერჩობლად დაითროს და ორშაბათს მოვიდეს სამუშაოზე სრულიად გამოუსადეგარი სახით.

ასეთი მოვლენის წინააღმდეგ ერთი კარგი საშუალება არსებობს. შეწყვიტოს, მაგალითად, კომპანიამ საპიკიტნოების იჯარით გაცემა.

— ღმერთო ჩემო! თქვენა გგონიათ, რომ ჩვენ არა ვსცადეთ ეგ? მუშები სრულიად დამშვიდებული მიდიოდენ პედროში და მოათრევდენ იქიდახ მუცლებით და ბოთლებით იმდენ ალკოჰოლს, რამდენის ზიდვაც კი შეეძლოთ. ჩვენ თუ ავკრძალეთ მაგარი სასმელების გაყიდვა, მაშინ მუშები სხვა მაღაროებზე გადავლენ, სადაც მათ არავინ არ დაუშლის მოიხმარონ თავიანთი ფული ისე, როგორც მათ გაეზარებათ. არა, ყმაწვილო, ასეთ ფარას მხოლოდ მათრახის საშუალებით თუ გაართმევ კაცი თავს! ამისთვის საჭიროა მაგარი ხელი, ისეთი კაცი, როგორიც პიტერ ხარიგანია. თუ მრეწველობას ნახშირი ესაჭიროება, მაშინ წარმატება.

— ამის შესახებ ნათქვამია ჩვენს სიმღერაში, — შეაწყვეტინა ხოლმა და წამოიწყო:

*) კლდოვანი მთები.

ის მიაქანებს ბორბლებს სულელი,
 ის ინდუსტრიის ბორბლებს აქანებს
 ჭამა-სმარე და შკოლებზე იგი
 ბორბლების ელფერს მალლა აყენებს.



— ჰო, — წაიბუზღუნა ინსპექტორმა, — თქვენთვის, ახალგაზრდებისათვის, ადვილია რითმების რახა-რუხი, როდესაც თქვენ დამწვიდებით და არხეინად სცხოვრობთ მოხუცი პიტერის ფრთის ქვეშ. მაგრამ ეს არის პასუხი ჩემს კითხვაზე. აბა სცადეთ თქვენ სტუდენტებმა, თვითონ ჩაუდგეთ საქმეს სათავეში და უხელმძღვანელოთ მას. ან და მოჰკიდონ ამას ხელი ყველა იმ დემოკრატიულმა პოლიტიკოსებმა, რომლებიც მოდიან, რომავენ ათასგვარ სისულელეს თავისუფლების შესახებ და ახერხებენ გაიყვანონ რაღაც მუშათა კანონმდებლობა ამ წუნკალებისათვის.

— მე ვიწყებ თქვენს გაგებას, — სთქვა ხოლმა, თქვენ არ გიყვართ ისეთი კანონების გამყვანი პოლიტიკოსები, რომელთა მოტივებში თქვენ ექვი გეპარებათ და ამის გამო გვერდს უხვევთ მათ შესრულებას. რატომ ადრევე არ მითხარით, თუ თქვენ ანარქისტი იყავით?

— ანარქისტი! — წამოიძახა ინსპექტორმა. — მე ვარ ანარქისტი?

— ჰო თქვენ ისე იქცევით, როგორც ანარქისტი.

— ღმერთო დიდებულო! ეს კი მეტისმეტია! აი თქვენ მოდიხართ აქ, აღელვებთ ნუშებს, — ვინც არ უნდა იყოთ, კავშირების ორგანიზატორი, აგიტატორი, სულერთია, — და ამასთან ერთად მშვენივრად იცით, რომ თუ ამ ხალხმა ბუნტი ასტეხა, ისინი ნალმებსაც კი ჩააწყობენ მაღაროებში და გადასწვავენ ყველა შენობებს.

— ნუ თუ ისინი მართლა ჩაიდენენ ამას? — განცვიფრებული კილოთი ჰკითხა ხოლმა.

— განა არ წაგიკითხავთ, თუ რა მოხდა უკანასკნელი დიდი გაფიცების დროს? ამ მოლუშულ ბებერს, მოქადაგე ელსტრომს, ბევრი რამ შეეძლო ეამბნა ამის შესახებ თქვენთვის. ის ხომ თვითონ ერია ამ ბანდიტების რიცხვში.

— არა, — სთქვა ხოლმა, — თქვენ სცდებით. ელსტრომს სულ სხვა ფილოსოფია აქვს. მაგრამ მე მზად ვარ დავიჯერო, რომ სხვები იზამდენ ამას; მას შემდეგ, რაც მე აქა ვარ, მე ბევრი რამეს გაგება ვისწავლე. ალბად, როდესაც ისინი ცეცხლს უკიდებდენ შენობებს, ფიქრობდენ, რომ თქვენ და ალექსტონი შიგ იყავით.

ინსპექტორი წინანდებურად სერიოზული იყო.

— ისინი ანგრევენ ქონებას, — განაგრძობდა ხოლი, — ვინაიდან არ იციან უკეთესად როგორ მიუზღან სამაგიერო კაპიტალისტებს მათი სიხარბისა და ტირანიის გამო. მაგრამ წარმოიდგინეთ, კოტონ, რომ უცებ ვინმემ ჩააგონა მათ ახალი იდეა და უთხრა: „ქონებას კი ნუ ანგრევთ, და ის აკუთრეთ იგი თქვენ თვითონ!“

ინსპექტორმა შეხედა ხოლს.

— დაისაკუთრონ? აი თურმე როგორი ზნეობრივი შეხედულების ადამიანი ყოფილხართ!

— ყოველ შემთხვევაში ეს გაცილებით უფრო ზნეობრივი ქვეშეობა არის ქონების დასაკუთრებისათვის, ვიდრე ის, რომლითაც დაისაკუთრა ქონება ბებერმა პიტერმა.

— რომელ საშუალებაზე ლაპარაკობთ თქვენ?— აენტო ინსპექტორი.— რამდენადაც მე ვიცი მან იყიდა იგი ნაღდი ფულით საბაზრო ფასის მიხედვით.

— პოლიტიკოსების საბაზრო ფასის მიხედვით. უესტერნ სიტიში მე შემთხვევით გავიცანი ერთი ქალი, რომელიც სასკოლო საბჭოს წევრი იყო იმ დროს, როდესაც პიტერი სკოლებისათვის გადაღებული მიწების შესყიდვას აწარმოებდა მთელ შტატში. ეს მიწები, როგორც ყველამ იცის, მდიდარი იყო ნახშირით. მან მისცა თითო დოლარი ქცევაში, მაშინ როდესაც ყველამ კარგად იცოდა რომ ასეთი ქცევა ღირდა სულ მცირე, ათასიდ დოლარი.

— ჰო, მაშ, — სთქვა კოტონმა, — თუ პოლიტიკოსები თვითონ არ მოიხსილდე, მაშინ ერთ მშვენიერ დილას გაიღვიძებ და დაინახავ, რომ ისინი უკვე სხვას მოუსყიდია. უნდა დაიცვა შენი უფლებები საკუთრებაზე.

— კოტონ, — სთქვა ხოლმა, — თქვენ ჰყიდით ბებერ პიტერს თქვენს დროს, მაგრამ თქვენი ტვინის ნაწილი თქვენ შეგეძლოთ პირადი საჭიროებისათვის შეგენახათ, იმდენი მაინც, რომ თქვენი თვიური ჯამაგირის გამოანგარიშების დროს დარწმუნებულიყოთ იმაში, რომ თქვენც იგივე ხართ, რაც დაჭირავებული მონა, ჩვეულებრივი მალაროს მუშა, რომელიც თქვენ ასე ძლიერ გეზიზღებათ.

ინსპექტორმა გაიღიმა.

-- თანახმა ვარ, ჩემი ჯამაგირი შეიძლება მეტი ყოფილიყოს, მაგრამ მე ვფიქრობ, რომ უკეთ მეცხოვრება, ვიდრე თქვენ, აგიტატორებს. ჩემი მდგომარეობა მკვიდრია. მე მაგრად ვდგევარ ფეხზე!

— ეხლა მე მესმის, კოტონ, თქვენ გონებას გიხშობთ თქვენი მსოფლმხედველობა. ეს ხომ ძალღური ღრენა არის მოკლებული რწმენას ადამიანობაში. არ იფიქროთ, რომ დაგცინით, — მე გეუბნებით სრულიად გულწრფელად. მე არც ისე ახალგაზრდა ვარ და უქკუო, რომ თქვენი მდგომარეობა ვერ გაუიგო. მაგრამ ხომ უნდა იყოს ადამიანში ისეთი რამ, რაიც აგრძნობინებდა მას, რომ ის მარტო ძალდი კი არ არის, არამედ მასში დამარხულია უკეთესი შესაძლებლობანი. იფიქრეთ აბა ამ საბრალოების შესახებ, ოფლში რომ იწურებიან მალაროებში, დღისით და ღამით საფრთხის მოლოდინში, რათა უზრუნველგვეყონ საჭირო ნახშირით თქვენ, მე და სხვანი, ეს ხომ ის ხალხია, ვისაც მოძრაობაში მოჰყავს ინდუსტრიის ბორბლები...

§ 25

ეს იყო უკანასკნელი სიტყვები, რომლის თქმა კიდევ მოასწრო ხოლმა. სიტყვები ჩვეულებრივი იყო, მომენტის შესაფერი. შემდგომ, როდესაც ის იგო-

ნებდა მათ, მას ეგონა, რომ ეს რაღაც სასწაულებრივი შეხვედრა იყო, ვინაიდან სწორედ მაშინ, როდესაც მან ასე გაშალა ენა, იმ საბრალოებს მიწის წიაღში ერთი იმ მოვლენათაგანი დაატყდათ თავზე, რომლებსაც მალაროს ცხოვრების საშინელებასაც და რომანტიკასაც. ერთმა მიწის ქვეშ მომუშავე (მიუხედავად კანონისა ბავშვების დაცვის შესახებ) მოზართაგანმა, პატარა ვაჟმა, რომლის მოვალეობას შეადგენდა დატვირთული რონოდების ბორბლებს ქვეშ ჯოხების დადება მათ გასაჩერებლად, ვერ იმარჯვა. როდესაც მან შეუღო ჯოხი, რონოდა უკვე მოძრაობაში მოვიდა. ბავშვი კედელთან მიაგდო, ხოლო მძიმე, თავამდე დატვირთული რონოდა თავდაღმა დაქანდა. ექვსიოდე კაცი დაედევნა უკან, მაგრამ სამწუხაროდ გვიანდა იყო. რონოდამ საშინელი სისწრაფე განავითარა, მიაღწია მოსახვევს, ასცდა ლიანდაგს და შეიჭრა იქვე დაყრილ მარწუხებში. მარწუხები გაიფანტენ ყოველი მხრით და ააყენეს რამდენიმე ათეული წლის განმავლობაში დაგროვილი მტკერი; რონოდა გაეღო ელექტრონის მავთულს, გაანათეს ნაპერწკლებმა.

და აი, სწორედ მაშინ, როდესაც ხოლი ელაპარაკებოდა ინსპექტორს, გაისმა დამაყრუებელი ქუხილი, ხოლმა უფრო იგრძნო, ვიდრე გაიგონა. ჰაერი ოთახში თითქოს გაცოცხლდა, თითქოს მან უცებ მატერიალური ძალა მოიხვეჭა: ხოლი შეირყა ისე, რომ იატაკზე დაეცა. ფანჯარა ღიჯინით დაიმტვრა, მინის ნამსხვრევები ოთახში მიმოიფანტნენ, ქერიდან კირი ჩამოცვივდა.

როდესაც გონება დაბნეულმა ხოლმა სცადა ზეზე წამოდგომა, მან იატაკზე გაშლილი ინსპექტორი დაინახა. მათ საშინელებით სავსე თვალებით შეხედეს ერთმანეთს. მაგრამ, ვიდრე ისინი ზეზე ადგომას მოასწრებდნენ, მათ ზემოთ გაისმა ღიწინი: ნახევარი ქერი ჩამოინგრა, ერთი მარწუხთაგანი ჩამოვარდნის დროს დაეკიდა. ყოველი მხრიდან ისეთი ქუხილი და ლაწია ლუწი მოისმა, თითქოს მეორედ მოსვლა დაწყებულიყოს.

ისინი წამოცვივდნენ ზეზე და მიაშურეს კარებს, მაგრამ გასავალი გახეთქილი მარწუხის ნატეხს გაეკავებია. ისინი გადახტნენ განზე. „სარდაფში!“ — იყვირა ინსპექტორმა, გაექანა ძირს კიბეზე.

როგორც კი ჩავიდნენ შიგ, გუგუნნი და ქუხილი მიწყნარდა.

— რა ამბავია ეს? — ძლივს წაილაპარაკა სუნთქვა შეგუბებულმა ხოლმა.

— მალაროში აფეთქება მოხდა! — სთქვა კოტონმა. რამდენიმე წუთის შემდეგ ისინი ისევ ეცნენ გასავალს.

მალა ამართულიყო ცეცხლის და კვამლის უზარმაზარი, თვალისმომკრელა სვეტი. ის თანდათან იზრდებოდა, ფართოვდებოდა, და დასასრულ ყველაფერი ირგვლივ მუქმა სიბნელებს დაჰფარა. ნახშირის მტვერი და ნაგავი წვიმასავით დასდიოდა სოფელს თავზე. ბოლოს როდესაც მათ შესძლეს საკუთარი თავისათვის ანგარიშის მიცემა მომხდარ ამბავში, იმათ შენიშნეს, რომ მალარო № 1 უკვალოდ გამქრალა.

— აფეთქებულა, ღმერთო, — დაიყვირა ინსპექტორმა.

ისინი გავარდენ ქუჩაში. უკან რომ მოიხედეს, შენიშნეს, რომ კოტონის კონტორაზე სახურავის ნაწილი ჩაქცეულა.

ნახშირის წვიმა შეწყდა. მაგრამ ქუჩებში ჯერ კიდევ ^{უჩინოდ} სქელი ღრუბლები დაიხლახნებოდნენ. ორივენი ჭვარტლით გაიმურენ უცებ. ღრუბლები თანდათან სქელდებოდნენ, და მალე ისე დაბნელდა, რომ საკუთარი ხელის დანახვაც კი აღარ შეიძლებოდა. მაშინვე მკვდარი სიჩუმე გამეფდა; აფეთქების გულშემზარავი ქუხილისა და ჩამოცვენილი ნამსხვრევების ლიწინის შემდეგ, ეს სიჩუმე სიკვდილის დუმილს წააგავდა.

რამდენიმე წამს ხოლი სრულიად დაყრუებული იდგა. მან დაინახა, რომ სამტვრევიდან ჩოჩქოლით გამოცვივდა ხალხი, მუშები და მოზარდები: ყველა ქუჩებიდან მოაწყდნენ ქალები, ბებრები და აბალგაზდები, რომლებსაც მიეკდოთ სახლში ცეცხლზე მიდგმული სადილი, ძუძუმწოვარი ბავშვები. უფრო მოზრდილი ბავშვები დედების კალთებს ჩასჭიდებოდნენ. ყოველივე ეს სქელ ბრბოებად აწვებოდა მალაროში ჩასასვლელ ადგილს, რომელიც ეხლა კვამლით მქშინავ ვულკანს წარმოადგენდა.

გამოჩნდა კორტრაიტი, მთავარი ზედამხედველი. ის გარბოდა იმ შენობის მიმართულებით, სადაც სავენტილიაციო მანქანები იყო მოთავსებული. კოტონი დაეწია კორტრაიტს, მას თან გაჰყვა ხოლი. შენობა ნანგრევების გროვას წარმოადგენდა; გიგანტიური ჰაერის საქაჩავი მანქანა სრულიად დამანჭული და დამტვრეული შენობიდან ას ნაბიჯზე ეგდო. ხოლი ჯერ კიდევ საკმაოდ გამოცდილი არ იყო სამთო საქმეში, რომ გაეგო, თუ რას ნიშნავდა სავენტილიაციო მანქანის დაღუპვა, მაგრამ მან დაინახა, როგორ გაქვავდნენ თავზარდაცუნული ინსპექტორი და მთავარი ზედამხედველი და როგორ შეხედეს ერთმანეთს. კოტონმა წაილულლულა. „ეხლა კი ყველაფერი გათაყდა!“ კორტრაიტი ჩუმად იდგა. თხელი ჩარბები მაგრად მოეკუმა, მის თვალებში საშინელება იხატებოდა.

სამიჯენი ისევ მალაროს კვამლიანი სათავისაკენ გაეშურენ. აქ შეჯგუფდნენ რამდენიმე ასეული ქალი, გაისძოდა ყვირილი, კითხვები. ქალები მაშინვე შემოეხვიენ გარს ინსპექტორს, შემდეგ მთავარ ზედამხედველს, მიმართავენ სხვა ზედამხედველებსაც, ხოლსაც კი მიესიენ. ისტერიულად იძახდნენ პოლონურ, ჩეხურ, ბერძნულ ფრაზებს და სიტყვებს. ხოლს არაფერი არ ესმოდა და მას შეძლო მხოლოდ უსიტყვოდ გაეჩნია თავი, მაშინ ისინი ასტებდნენ მოთქმას, კვნესას, ღმუილს. ზოგი ჩუმად იდგა და თვალები მალაროში ჩაეშტერებია, სხვები თვალებზე ხელს იფარებდნენ, ან მოთქმით ეცემოდნენ მუხლებზე და ხელაპყრობილი ხმამაღლა მოსდგებოდნენ ლოცვას.

თანდათან ხოლის წარმოდგენაში მკაფიოდ მოიხაზა მომხდარი კატასტროფის მთელი საშინელება. იმდენად შემზარავი არ არის ეს გრგვინვა, კვამლი, სიბნელე, ეს გაგიჟებული და აღრიალეებული ქალები, და ყოველივე ის, რაც მიწის ზედაპირზე იყო, რამდენად საშინელია ის, რაც ხდებოდა ძირს, მალაროს სიღრმეში! იქ ხომ ხალხი იყო! ხოლი იცნობდა იმ ხალხს, არა ერთხელ გახუმრებია ხოლი და ისინი ერთმანეთს, არა ერთხელ უცინია მას იმათთან ერთად. მათი ყოველდღიური ცხოვრება მისთვის ახლობელი შეიქნა. და ამ

წუთს ბევრი მათგანი, შეიძლება ასეულები, აწყვიან აქ, მის ფეხ ქვეშ მკვდრები, დაგლეჯილი, დამახინჯებული. რას გააკეთებენ ესენი ზევით მათთვის, რითი უშველიან მათ? ხოლმა სცადა კოტონთან მისვლა, რომ გამოეკეთებინა მისთვის, მაგრამ ინსპექტორი ქალების მაგარი რკალით იყო გარსშემორტყმული ყოველი ნხროდან. ის ერეკებოდა ყველას, რომ თავიდან მოეშორებია ისინი.

— წადით! სახლებში წადით!

— როგორ?— ყვიროდნენ ქალები, — ჩვენ დამშვიდებული წავალთ სახლებში, როდესაც ჩვენი ქმრები ძირს, მალაროში იღუპებიან!

და ისინი კიდევ უფრო მკიდროდნენ, ტირილით და მოთქმით, ეხვეოდნენ გარშემო ინსპექტორს.

— დაიშალენით! წადით! — განუწყვეტლივ ყვიროდა იგი. — ტირილით ვერაფერს უშველით. ჯერ კიდევ არაფერი არ შეიძლება. წადით შინ! დაიშალენით!

ის იძულებული შეიქნა მთელი თავისი ძალა მოეხმარა იმისთვის, რომ დაეხვეინებინა მათთვის მალაროში ჩასასვლელი ადგილიდან, ვინაიდან ამ საერთო ჩოჩქოლში ისინი ადვილად ჩაცვივდებოდნენ ძირს.

საითაც კი მიიხედავდა ხოლი, ყველგან მწუხარებით მოხრილ ქალებს ხედავდა. ერთნი იდგნენ უძრავად, ფართოდ გახსნილი თვალებით, თითქოს ჰიპნოზის ქვეშ მყოფნი; მეორენი მიწაზე ისხდნენ და იქით-აქით ირბოდნენ; ზოგი დაჩოქილი იყო და თვალები ზეცისკენ მიეპყრო ვედრებით; შეშინებულ ბავშვებს დედების კაბებში მაგრად ჩაებლუჯათ ხელი. ხოლმა შენიშნა ერთი ავსტრიელი ქალი, საცოდავი, ფერმკრთალი ახალგაზდა არსება, გახეული რუხი თავსაფრით; ის აშვერდა ხელებს და ყვიროდა: „ქმარი! ჩემი ქმარი!“ შემდეგ მან მიიფარა სახეზე ხელები და მისი ყვირილი უხმო გამწარებულ ქვითინად გადაიქცა: „ო, ჩემო ქმარო! ჩემო ქმარო!“ ის მოტრიალდა და ისე შეტორტმანდა, როგორც სასიკვდილოდ დაჭრილი პირუტყვი. ხოლს ვერ მოეშორებია ამ ქალისთვის თვალები, თითქოს ისინი მიჯაჭვული იყვნენ მასზე. მისი განუწყვეტელი ძახილი და ყვირილი თითქოს ლეიტმოტივი იყო ამ საშინელების გრანდიოზული სიმფონიისა.

ხოლს არა ერთხელ წაუკითხავს გახეთქებში მალაროებში მომხდარ უბედურ შემთხვევათა აღწერა; მაგრამ აქ ის კატასტროფას პირდაპირ თვალებში უცქეროდა. საგაზეთო აღწერებმა სისხლი და ხორცი შეიბა. განსაკუთრებით აუტანელი იყო მისთვის თავისი სრული უძლურების შეგნება დახმარების საქმეში, შეგნება, რომ ამ წუთში მთელ ქვეყანას არ შეუძლია დახმარების გაწევა; ეს გაიგო მან კოტონის წამოძახილიდან, ზედანხედველების მიერ წამოსროლილი სიტყვებიდან. წარმოუდგენელი, გასაგიჟებელი იყო ეს ამბავი, მაგრამ ეს მაინც ასე იყო. აუცილებელი იყო ახალი სავენტილიაციო მანქანის დადგმა, და სხვა არაფერი დარჩენილიყო გარდა ლოდინისა, — თუ როდის მოიტანდნენ მას აქ; გარდა ამისა, როდესაც ის დაიდგმის და ამუშავდება, კიდევ რამდენიმე საათი იქნება საჭირო ცდა, ვიდრე მალარო, სრულიად გაწმენდილი არ იქნება გაზისა და კვამლისაგან; სანამდე ეს არ მოეწყობა, არ შეიძლება არაფრის გა-

კეთება, სრულიად არაფრის. ხალხმა კი უნდა უცადოს მალაროში! აფეთქების დროს გადარჩენილები მალაროს ღრმად შეჭრილ გვირაბებში შექცებიან, სადაც ისინი ცოტად თუ ბევრად დაფარული იქნებიან მხედრებისაბან, და დაიწყებენ ლოდინს მშიერ-მწყურვალნი, სულის შემხუთავ ატმოსფეროში, დაიწყებენ ლოდინს, ვიდრე მათდამი მხსნელი რაზმი მოაღწევდეს.

§ 26.

ვიდრე ეს შეხლა-შემოხლა გრძელდებოდა ხოლი ცდილობდა მოეგონებია თავისი ნაცნობები, რომლებიც პირველ მალაროში მუშაობდნენ. თვითონ ის მუშაობდა მალაროში № 2, მაგრამ ცხადია ის იცნობდა ზოგიერთ მუშას მეზობელ მალაროდან. ის იცნობდა, მაგალითად, მოხუც რაფეტის, მერი ბარკის მამას, იცნობდა „საკონტროლო ჯგუფის“ წევრს ზამეროვსკის. ხოლო ცოცხლად ჰქონდა წარმოდგენილი ამ მოთმინებით სავსე პატარა პოლონელის სახე, როგორც გულკეთილად იღიმებოდა ის როდესაც ამერიკელები იმის გვარს ამახინჯებდნენ. ის თითქოს თვალწინ ხედავდა ბებერ რაფეტის, ყველა თავისი პატარა რაფეტით გარსშემორტყმულს, რომელიც ცდილობდა რაც შეეძლო, რომ ზედამხედველის უკმაყოფილება არ დაემსახურებია. მას წარმოუდგა აგრეთვე საწყალი პატრიკ ბარკიც, რომელიც ხოლს არასოდეს ფხიზელი არ უნახავს; ეხლა კი ის უეჭველად გამოფხიზლდებოდა, თუ ცოცხალი გადარჩა.

ბრბოში ხოლი ჯერრი მინეტტის წააწყდა. მისგან მამ შეიტყო, რომ მალაროში დარჩა ის ფარენცა, რომელსაც „fanciulla“ ამასხარავებდა; დარჩა იქ აგრეთვე „იუდა“ აპოსტოლიკოსიც და სიკვდილის მახეში თან ჩაიყოლა თავისი ოცდა ათი ვერცხლი.

ისე, როგორც ხოლი, სხვებიც ცდილობდნენ დაკითხვის საშუალებით შეედგინათ მალარებში დარჩენილების სია. ხანდახან უცრად ამოიშლებოდა სიიდან ვინმეს სახელი: რომელიმე მტირალი ქალი მოიშორებდა წინსაფარს თვალებიდან უცებ შეჰყვირებდა და მივარდებოდა კისერზე მოსახვევად მუშას. როდესაც ბრბოში ხოლმა პატრიკ ბარკი დაინახა, მას ეგონა თუ მოჩვენებას ხედავდა იგი. ის შივიდა მასთან, ბარკმა მოუთხრო მას თავის გადარჩენის ამბავი. რომელიც თანაშემწე „დაგომ“ მოჰპარა მას მარწუხი, და ის გამოვიდა მალაროდან გარედ მეორეს მოსაძებნად; ამგვარად ის ცოცხალი და უვნებელი გადარჩა, ხოლო მარწუხის ქურდი კი მალაროში მოექცა, — ასე სჯის ბედი ეშმაკ ადამიანს. ხოლმა ჰკითხა, აცნობა თუ არა მან თავის ამბავი ოჯახს. ბარკმა უთხრა რომ იმან უკვე შეირბინა სახლში, მაგრამ არაფერ არ დახვდა შინ. მაშინ ხოლმა დაიწყო ბრბოში ხეტიალი, რომ ენახა სადმე მერი ან ჯენი, ან და მისი პატარა ძმა ტომი. ის გულმოდგინედ ეძებდა მათ, თუმცა ერთი კითხვა კი მოუვიდა თავში, გადაუხდის გაუსწორებელი ლოთის ოჯახი ბედს დიდ მადლობას მისი კეთილი ჩარევის გამო ამ საქმეში?

ის შეხვდა გზაში ოლსონს, რომელიც მალაროში ამწევ მანქანაზე მუშაობდა: მას უდიდესი სიძნელით მოუხდა გადარჩენა. ორგანიზატორისაგის, რომელიც რვა წლიდან მალაროებში მუშაობდა, მთელი ეს ამბავი არაფერს ახალს

არ წარმოადგენდა. მან მშრალად და უბრალოდ აუხსნა ხოლს საქმის ვითარება. კანონის მიხედვით ყოველ მაღაროში უნდა მოწყობილი იყოს რამდენიმე გასავალი და, გარდა ამისა, კიდევ განსაკუთრებული კიბე, ანუ სპეციალური კიბეების დროს გამოსაყენებლად, მაგრამ მათი მოწყობა ძალიან ძვირი უჯდებოდათ და ამიტომ არც აკეთებდენ.

აფეთქების მიზეზი აქამდე გამორკვეული არ არის, იციან მხოლოდ, რასაც კოკის მტვერის ღრუბლები უჩვენებს, რომ კატასტროფა მოუხდენია აფეთქებულ ნახშირის მტვერს. ყველა, ვინც კი მაღაროში ყოფილა და უნახავს გამომშრალი მტვერის ფენი, ადვილად წარმოიდგენს აფეთქების ძალას და იმის მოქმედებას იქ. რა თქმა უნდა, კანონი მოითხოვდა რომ მას ზევიდან დაფხნილი აგური მოჰყროდა, მაგრამ ზედამხედველებს თავისი შეხედულება ჰქონდათ ამ საგანზე.

ხოლი ძლივს უგდებდა ყურს ოლსონის განმარტებებს. მისთვის ყოველივე ეს მეტად ახალი, მეტად საშინელი რამ იყო. მაგრამ განა სულ ერთი არ არის თუ ვინ იყო უბედურებაში დამნაშავე? უბედურება მოხდა და ეხლა უწინარეს ყოვლისა იმაზე უნდა ეფიქრათ, თუ როგორ გაეწიათ დახმარება მაღაროში დარჩენილთათვის, რომლებიც უპატრონოდ იხრჩობოდნენ ბნელ გვირაბებში. მათი კვნესა და ძახილი უფრო ძლიერ ხმაურობდა ხოლის ყურში, ვიდრე ოლსონის ყველა სიტყვები. ტალღების მოქცევასავით ადიოდა მაღლა ქალების გულის გაშვებულ ტირილი და მათი განუწყვეტელი მოთქმა.

ისინი ისევ წააწყდნენ ჯეფ კოტონს, რომელიც რამდენიმე კაცი დახმარებით მაღაროს სათავედან ხალხის უკან დახევას ცდილობდა და, ბოლოს, უბრალოდ შემოეთარგლათ ის ადგილი ეკლიანი მავთულით. ხოლმა შეამჩნია, რომ მას მეტად მკაცრად ეჭირა თავი, მაგრამ ისტერიული ქალები ვის არ გამოიყვანდნენ მოთმინებიდან. ის მოკლეთ უბასუხებდა იმათ ხახევრად გაგიჟებულ კითხვებზე:

— ჰო, ჰო, ახალ მანქანას დავდგამთ. გეუბნებით რომ ჩვენ ვაკეთებთ ყველაფერს, რაც კი შეგვიძლია. ამოვიყვანთ იქიდან ჩვენ მათ. წადით სახლში და ელოდეთ.

ცხადია, არავის არ სურდა წასვლა. და ან როგორ უნდა მჯდარიყო, მართლაც და მარცხლაც, რომელიმე მათგანი სახლში და ეოჯახნა იმ დროს, როდესაც ქმარი შეიძლება იქ მიწის ქვეშ იხრჩობა? მათ უნდოდათ მაღაროში ჩასავლად ადგილთან მაინც მდგარიყონ, რომ რაც შეიძლება ახლოს ყოფილიყონ თავის ქმრებთან. ზოგიერთები მთელი საათობით იდგნენ გაუნძრევლად იქ, ზოგიც დაბორცავდნენ სოფელში და მეორეჯერ ეკითხებოდნენ. ერთსა და იმავე პირებს თავიანთი ნათესავებისა და ახლობლების ამბავს. ვინაიდან რამდენიმე, კაცი პატრიკ ბორკივით სრულიად მოულოდნელად ჯანსაღი და უვნებელი გამოხტნენ, ამიტომ ყოველი ამ ქალთაგანი გულში იმედს ატარებდა, რომ სწორედ იმგვარადვე შეიძლება საიდანმე მისმა ქმარმაც ამოყვინთოს უეცრად.

§ 27.

ნასადილევს ხოლი შეხვდა ქუჩაში მერი ბარკს. მან დიდი ხანია რაც ნახა

თავისი მამა, რომელმაც უკვე მოასწრო ოკალახანთან განგზავრება, რომ იქ შესაფერისად ედღესასწაულნა ბედის ასეთი წყალობა. მერი უწყვეტად იყო სხვა, უფრო სერიოზული საქმით: საწიშროება მოელოდა მალე! აფეთქება პირველ ნომერში ისეთი ძლიერი იყო, რომ აქედან ერთი მილის სიშორეზე მდებარე საინტილიაციო მანქანის მექანიზმიც დაზიანდა აგრეთვე. მანქანის მუშაობა შეწყდა. რამდენიმე მუშა მივიდა ალექსტონთან, რომ მას განკარგულება გაეცა მუშების ამოყვანის შესახებ. სტონმა უარი განაცხადა.

— როგორ ფიქრობო, რა უპასუხათ მან?—წამოიძახა მერიმ.—როგორ გგონიათ? „ჯანდაბას ხალხი! უშველეთ ჯორებს!“

ხოლს სრულიად გადააფიწყდა, რომ სოფელში მეორე მალაროც არსებობდა, რომელშიაც აგრეთვე ასობიერ მუშები და მოზარდეები მუშაობდნენ.

— იციან მათ, რომ აფეთქება მოხდა?—ჰკითხა ხოლმა.

— შეიძლება მათ გაიგონეს კიდევაც გრგვინვა, მაგრამ შესაძლებელია არ იცოდნენ რა მოხდა, ხოლო ზედამხედველები კი არაფერს არ ეტყვიან, ვიდრე ჯორებს არ ამოიყვანენ ზევით.

მიუხედავად იმისა, რისი მოწმეც ხოლი ნორტ-ვალში იყო, ეს მაინც ვერაფრის გზით ვერ დარწმუნებულყო ახალგაზდა ქალის სიტყვებში.

— მერი, საიდან იცით ეგ თქვენ?

— ეს მე მიაშობა ახალგაზდა როვეტამ. ეს მან საკუთარი ყურით მოისმინა.

ხოლმა შეხედა მერის.

— წავიდეთ, ჩვენ თვითონ შევიტყოთ,—უთხრა მან, და ორივემ გასწიეს წინ მთავარი ქუჩით. მათ კიდევ რამდენიმე კაცი შემოუერთდათ,—ახალი უბედურების ამბავმა უკვე მოასწრო გავრცელება. მათ გვერდით ჩაუჭროლათ ჯეფ კოტონმა ავტომობილში. მერიმ წამოიძახა:

— ხომ გითხარით: იქ, სადაც კოტონი გაჩნდება, უეჭველად რაიმე სისაძაგლეს უნდა ექნეს ადგილი!

მათ მიაღწიეს მეორე მალაროში ჩასასვლელ ადგილს. იქ აუარებელი ხალხი შეკრებილიყო, თითქოს აჯანყება ხდებოდა. ისინი ყვიროდნენ, აქნევდნენ ხელებს, იმუქრობდნენ, რომ ძალით შევარდებოდნენ კონტორაში და ტელეფონით დაურეკავდნენ მუშებს მოსალოდნელი ხიფათის შესახებ. აქაც სამთო ინსპექტორი მთელი თავისი ძალ-ღონით ცდილობდა ხალხის უკან დახევას, როდესაც ხოლი და მერი მიუახლოვდნენ იმ ადგილს, მათ შენიშნეს, რომ მისის დევიდი, რომლის ქვარიც მეორე ნომერში მუშაობდა, მალა აწეული მუშტებით მივარდა კოტონს და გარეგანი კატასავით შესჯდავლა მას. კოტონმა რევოლვერი ამოიღო. სიბრაზისაგან გააფთრებული ხოლი გაექანა ინსპექტორისაკენ.

მაგრამ მერი ბარკმა შეაჩერა იგი: ქალმა მოხვია მას მკლავები და, რაც ძალი და ღონე ჰქონდა, სწევდა უკან.

— გაჩერდით! გაჩერდით!—ყვიროდა მერი,—გონს მოდით! ან თუ უეჭველად სიკვდილი გინდათ?

ხოლი გააოცა მასი ნაკვთების ღონემ, არა ნაკლებ გავივირდა მას მერის გრძნობის ძლიერება. ის ეძახდა ხოლს გიეს, სულელს და კიდევ უარეს.

— თქვენ ისე იქცევით, როგორც უჭკუო დედა-კაცი მარბინატი პირდაპირ რევოლვერის ტუჩთან!

კრიზისმა მალე გაიარა მისის დევიდმა უკან დაიხია, და კოტონმაც ჩაიღო რევოლვერი ჯიბეში. მაგრამ მერი ისევ განაგრძობდა ხოლის გინებას და ცდილობდა იმის აქედან წაყვანას.

მაგრამ უნდა გავაკეთოთ რაღე თუ არა, მერი?

— ხომ გეუბნებით მე თქვენ, რომ ვერაფერს ვერ გავაკეთებთ! ნუ თუ თქვენ თვითონ არ გესმით ეს? მე არ დაუშვებ, რომ თქვენ თავი მოაკვლევინოთ იმით! წავიდეთ აქედან.

ზოგი ძალით, ზოგიც თხოვნით მერიმ მოახერხა, ბოლოს, მისი წაყვანა.

ხოლი ცდილობდა ნათლად წარმოედგინა საქმის ვითარება. ნამდვილად უქადდა საშიშროება მეორე ნომრის მუშებს? შესაძლებელია ნუ თუ, რომ ზედამხედველები ასე დამშვიდებით აყენებდნენ საფრთხის წინაშე მუშების სიცოცხლეს? მით უმეტეს ასეთ წუთში, როდესაც მათ თვალწინ მეზობელ მალაროში კატასტროფა მოხდა? მას არა სჯეროდა ეს, და ბოლოს თვით მერიმაც ის აზრი გამოსთქვა, რომ არავითარი საშიშროება მუშებისათვის არ არსებობს, — ის მხოლოდ ალექ სტონის უხეშმა სიტყვებმა გადარიეს.

— ხომ განსოვთ, ამას წინად რომ ენტილიაცია გაფუჭდა, განა თქვენ თვითონ არ მოეხმარეთ ჯორების ამოყვანაზე. მაშინ ამას არავითარი შთაბეჭდილება არ მოუხდენია თქვენზე, არსებითად ეხლაც იგივე ხდება. თავის დროზე ყველას ამოხიდავენ ზემოთ.

ის ჰფარავდა თავის ნამდვილ გრძნობებს, რომ ხოლს რაიმე სახითათო ნაბიჯი არ გადაედგა. ხოლი მიჰყვებოდა მერას და გზაში ფიქრობდა იმის შესახებ, რომ გამოენახა რაიმე მათი მხსნელი საშუალება. მალაროში № 2 მისი საუკეთესო მეგობრები იყვნენ: ჯექ დევიდი, ტიმ რაფერტი, ვრესმაკი, ანდროკულოს, კლოვოსკი. ის ფიქრობდა იმაზე, რომ ისინი უნდა დარჩენილიყვნენ იქ კვევით, ესუნთქათ მოწამლული ჰაერი და თავბრუდასხმულებს ელოდათ მანამდე, ვიდრე ჯორები არ იქნებოდნენ გადარჩენილი. ხანდახან ის შეჩერდებოდა, მაშინ მერი მიათრევდა მას წინ და სულ ერთსა და იმავეს ეუბნებოდა: „თქვენ არაფერი არ შეგიძლიათ გააკეთოთ! სრულიად არაფერი!“ და ის დაფიქრდა კითხვაზე, რისი ვაკეთება შეუძლია მართლაც მას? რანდენიმე საათის წინად მთელი იმისი ძალ-ღონის მოკრეფა იმით გათავდა, რომ მისი ცხვირის წინ სამთო ინსპექტორის რევოლვერმა გაიელვა, სხვა არაფერი. რაც არ უნდა ჰქნას მან ამ ყამად, ის, სულ ბევრი, ბევრი, მიაღწევს იმას, რომ დაუყოვნებლივ კოტონის ყურადღებას მიიქცევს და შემდეგ გაძევებული იქნება ნორტ-ვალიდან.

ისინი მივიდნენ მერის ქოხამდე. აქედან ახლოს მისის ცამბონი სცხოვრობდა, ის სლოვიანური შთამომავლობის ქალი, რომლის შესახებაც მერიმ ერთ-

ხელ მას გასართობი ანეკდოტები უამბო. თექვსმეტი წლის განმავლობაში მისსის ცამბონი ყოველ წელიწადს თითო ბავშვსა შობდა. უკველად ბავშვებიდან ამ ჟამად ცოცხალი ჰყავდა მას თერთმეტი. მისი ქმარიც კმარა მადაროში იყო, სადაც კატასტროფა მოხდა, და ის გიჟვით დარბოდა ქუჩებში, მას კვალდაკვალ ბავშვები დასდევდენ. ხანდახან ამას ველური კივილი აღმოხდებოდა, როგორც დაქრილს, გატანჯულ პირუტყვს, და ბავშვებიც ათასნაირად აძლევდენ ბანს. ხოლი გაჩერდა და დაუგდო ყური მოთქმას, მაგრამ მერიმ აიფარა ყურებზე ხელები და საჩქაროდ წევარდა სახლში. ის შეჰყვა მას თან. მერი დაეშვა სკამზე და ისტერიულად აქვითანდა. ხოლი უცებ მიხვდა თუ რა საშინელი შთაბეჭდილება უნდა მოეხდინა მთელ ამ ამბავს. მერიზე. მასაც ძალიან დამძიმებული ჰქონდა გული, მაგრამ ის მამაკაცი იყო და მას შეეძლო უსაშინელესი სანახაობის ატანა. მამაკაცები ხშირად მიდიან სასიკვდილოდ—ომში და სამრეწველო დაწესებულებებში,—სხვა მამაკაცები დამშვიდებული უცქერიან ამას. მაგრამ ქალებს, ყველა ამ მამაკაცების დედებს, ქალებს, რომლებსაც უწობნიათ ისინი ისეთ ტანჯვაში, ძუძუ უწოვებიან, აღუზრდიათ ისეთი შრომით და ზრუნვით, ქალებს არასოდეს არ შეუძლიათ დარჩენ დამშვიდებული ამგვარი სანახაობის წინაშე.

გარდა ამისა, ქალის ხვედრი გაცილებით უფრო მძიმეა. მამაკაცი მოკვდა და იმისთვის ყველაფერი გათავდა. ქალს წილად რჩება წარსულის მძიმე მოგონება და კიდევ ზრუნვა მომავალზე. მათ მძიმე ბრძოლა მოკლით არსებობისათვის, მათ მოკლით იმის ყურება, თუ მათი ბავშვები როგორ თანდათან დაიღუპებიან ტანჯვაში უსმელ-უჭმელობის გამო.

მთელი თავისი გულშემატკივრობა ქალებისადმი ხოლმა თავის წინ მჯდომარე მერიზე მიმართა. მან იცოდა მისი კეთილი გული. ეხლა მათ შორის, ვინც მადაროს სიღრმეში იმყოფებოდა, მერია არ ჰყავდა არც ერთი ახლობელი კაცი, მას არა ჰყავდა ქმარი, მაგრამ ოდესმე კი ეყოლება და ეხლა, შეიძლება, ის უკვე წინასწარ გრძნობდა და განიცდიდა მომავალ ტკივილებს. ის უცქეროდა მერის, როგორ იჯდებოდა იგი მოკუნტული და წამდაუწუმ იწმესდდა უხვად ჩამომდინარე ცრემლებს ძველი ლურჯი ჩითის კაბის ბოლოთი. მას დაუსრულებელი თანაგრძნობათ უვსებდა გულს მისი სახის მეტყველება; ის წააგავდა ბავშვს, რომელსაც ვიღამაც აწყენინა. ხანდახან, თითქოს თავისთვის, ქვითინით ამბობდა იგი:

— ო, საბრალო ქალები! საბრალო ქალები! თქვენ ნახეთ მისსის იანოჩას სახე? რომ არ გაეკავებიათ, ის პირდაპირ კვამლით დაბურულ მადაროს სათავეში გადაეშვებოდა.

— ნუ მისცემთ თავს ეგეთ მწუხარებას, მერი, — არწმუნებდა ხოლი, თითქოს მწუხარების თავის დანებება იმის ხელთ ყოფილიყოს.

— დამანებეთ თავი! — წამოიძახა მერიმ. — მე თვითონ მოვერევი ჩემს მწუხარებას.

ხოლისათვის ისტერიები სრულიად უცნობი რამ იყო და ის ჰგრძნობდა თავის უძლურებას მისი სასოწარკვეთილების წინაშე.

— მწუხარება უფრო დიდი, ვიდრე მე ამის წარმოდგენას შევძლებდი. — განაგრძობდა მერი. საითაც არ მიიხედავ ყველგან ხედავ ერთნაირად თვალებ დასივებულ ქალებს. მათ ერთი კითხვა აკერიათ პირზე: „ნახევან სვიდეგ ოდესმე თავიანთ ქმრებს თუ არა? ხედავ დედებს, ვისი შეილებიც შეიძლება ამ წუთში იხოცებიან, ხოლო ისინი კი უძლურნი არიან, რომ როგორმე უშველონ მათ!

— ვერც თქვენ უშველით, მერი სულ ტყუილად იგლეჯავთ გულს.

— და მერე თქვენ ამბობთ ამას! — წამოიხლოკინა მერიმ. — თქვენ, რომელმაც კინალამ თავი მოაკვლევინეთ კოტონს მისსას დევიდისადმი სინტრალულის გამო! არა, არავას არ შეუძლია ამ უბედურების დამშვიდებით გადატანა!

ხოლმა არ იცოდა რა ებასუხნა ამის შესახებ. მან მისწია სკამი და იჯდა ჩუმად; ბოლოს მერი დამშვიდდა, მოიწმინდა ცრემლები და მიაშტერდა გაღებული კარით ვიწრო ბინძურ ქუჩას.

ხოლმაც გაიხედა იქით თავის მხრით. გზაზე აქა-იქ ნაცარი ეყარა ბლომად და კონსერვების ცარიელი კოლოფები; მისის ცამბონის ორი ჩამოგლეჯილი, პირდაუბანელი ბავში იჩხრიკებოდენ ერთ ასეთ ხროვაში და ცდილობდნენ სათამაშოს ან შეიძლება რაიმე შესაქმელის მონახვას. გზის ნაპირებზე ნაღვლიანად აწვდილიყვენ გამომშრალი, ნახშირის მტვერით დაფარული ბალახის ღეროები. რა უნუგეშო სურათი იყო.

მაგრამ ახალგაზდა ქალის თვალებს არასოდეს უკეთესი სურათი არ უნახავს, ყოველ დღე, მთელი სიცოცხლის განმავლობაში მის წინ ეს უნუგეშო სანახაობა მოსჩანდა! ხოლი კი აყვედრიდა მას „პირქუშ განწყობილებას“! როგორ შეეძლოთ ასეთ გარემოებაში მცხოვრებ მამაკაცებს და ქალებს მხიარულების თუნდაც უბრალო ნაპერწკალი შეენარჩუნებიათ, ეოცნებათ სილამაზეზე, გაეხადათ თავიანთი მისწრაფების საგნად მაღალი, კეთილშობილი გრძნობები, გმირობა, სიხარულით სავსე შემოქმედება მახლობელთა საბედნიეროდ? სასოწარკვეთილებით შხამი სწამლავდა ამ ადგილს, რომელიც სინამდვილეს კი არა, უფრო მძიმე ზმანებას, საშინელ კოშმარს წააგავდა. ის ჰგავდა იმ ბნელ ჯურღმულს მიწის ქვეშ, რომელიც განუშორებლად თან სდევდა ხოლის ოცნებას, სადაც დაიღუპა ეხლა ამდენი დიდი და პატარა მუშა.

და ხოლს უეცრად შემოაწვა გრძნობა — შორს ნორტ-ვალიდან! შორს, რაც არ უნდა იყოს! ნორტ-ვალმა ჩაჰკლა მასში ვაჟკაცობა და მხნეობა; ველინელ, თანდათან, დღითი დღე, მთელი ამ უბედურების, მწუხარების, სილატაკის, შიმშილის, სასოწარკვეთილების და შევიწროების ყურებამ გაღრღნა მისი სული, დაანგრია მისი ალტრუისტული თეორიების ლამაზი შენობა. ჰო, მას მოუნდა აქედან გაქცევა, გაქცევა იქ, სადაც მზე ანათებს, იზრდება მწვანე ბალახი, სადაც იცინის და მხიარულად იღიმება თავისუფალი, ამაყი ხალხი. მას უნდოდა დაეხუჭა თვალები, რომ აღარ დაენახა ამ საზიზღარი სოფლის კვამლი და ქუჩყი, სურდა ყურები დაეხშო, რომ აღარ გაეგონა მეტი ეს გულის გამგმირავი ქალებას მოთქმა და ტირილი: „ო, ჩემი ქმარი! ჩემი ქმარი!“

ხოლმა შეხედა მერის, ის იჯდა მის წინ მოკუზული, უსიცოცხლოდ ხელებ ჩაშვებული და გაშტერებით მისჩერებოდა სივრცეს.

— მერი, — უთხრა მან, — თქვენ უნდა წახვიდეთ აქედან. აქ არ იმყოფება კეთილი და ჩვილი გულის პატრონი ახალგაზდა ქალს, აქ არ იმყოფება საერთოდ ადამიანს.

ქალმა ღრმა სევდით შეხედა მას:

— მეც ყოველთვის მაგასვე გეუბნებოდით თქვენ, მე გეუბნებოდით, რომ თქვენ აქედან უნდა წახვიდეთ; მას შემდეგ, რაც თქვენ აქ იმყოფებით, მე ყოველთვის გიმეორებთ ამას. ეხლა ხომ გესმით, თუ რატომ?

— ჰო, — უპასუხა მან, — მეც მინდა წასვლა მაგრამ თქვენ წახვალთ აქედან.

— თქვენ ფიქრობთ, ჯო რომ ეს მე სარგებლობას მომიტანს? განა შემძლია დავივიწყო ის, რაც მე დღეს ვიხილე? განა ყოველივე ამის შემდეგ მე შემძლია რომ ოდესმე ბედნიერი ვიყო?

ხოლი ცდილობდა მის დამშვიდებას, მაგრამ არც თვითონ იყო დამშვიდებული. რა ეშველება ან იმას? შეუძლია კიდევ მას ბედნიერებაზე თავისი უფლების მტკიცება? შესძლებს კვლავ იგი კეთილი ცხოვრებით დატკბობას იმ შეგნებასთან ერთად, რომ ეს სიკეთე უბედურებისა და მწუხარების მთელ ზღვაზეა აშენებული? ის ფიქრით გადავიდა იმ ქვეყანაში, სადაც ადამიანები უდარდელად სტკბებოდნენ ცხოვრებით და ზრუნავდნენ მხოლოდ თავიანთი ეგოისტური მოთხოვნილებების დაკმაყოფილებისათვის და უცებ ის მიხვდა, რომ იმდენად მას წასვლა არ უნდა აქედან, რამდენადაც იმ ხალხის მოყვანა აქ, თუნდაც სულ ერთი დღით, ერთი საათით, რომ მათ ყურებამდეც მიალწიოს ქალების გულსაკლავმა ტირილმა და მოთქმამ.

§ 29

მას შემდეგ, როცა ხოლმა შეჭთიცა მერის, რომ არ აედავება იგი კოტონს, ისინი გაემგზავრნენ მეორე მაღაროსაკენ. იქ ამ დროს სწორედ ჯორების ამოკვანაში იყვნენ გართულნი, და ხედამხედველები დაჰპირდნენ, რომ რამდენიმე ხნის შემდეგ მუშებსაც ამოიყვანენ ხემოთ. ყველაფერი რიგზეა, ამბობდნენ ისინი, არავითარ ხიფათზე ლაპარაკი არ შეიძლება! მერის არა ჰქონდა სრული იმედი, მიუხედავად მისი დაპირებისა, და ანიტომ ისევ პირველ მაღაროსთან წაიყვანა. იქ მათ ნახეს მწსრაფლ-დამხმარე ეტლი ექიმებით და მოწყალების დებით. დაინახეს აგრეთვე რამდენიმე „მუხარადი“. ეს „მუხარადები“ მეტად უცნაური შესახედავი აპარატები იყო, ისინი სრულიად შეუვალი იყვნენ ჰაერისათვის და შეიცავდნენ მკავებადის მარავს ერთი საათისათვის; მათ აცვავდნენ თავზე და მხრებზე უმაგრებდნენ. ასეთი გახების საწინააღმდეგო იარაღით აღჭურვილი ხალხი სხდებოდა ბადიაში და ეშვებოდა მაღაროში. დრო გამოშვებით ძირს ჩასულები ანძრევდნენ სასიგნალო თოქს და ამით იძლეოდნენ ცნობას, რომ ისინი ცოცხლები არიან. პირველად ამოსულებმა ამოიტანეს ცნობა, რომ ქვევით მაღაროს დასაწყისშივე რამდენიმე კაცი ჰგდია ძირს, როგორც ეტყობა, მკვდრები. მაღაროში უფრო ღრმად შესვლის საშუალება მაშველ რაზმს არ ნისცა სქელმა შავმა კვამლმა, რომელიც საბაბს იძლეოდა იმის საფიქრებლად, რომ მაღაროში ხანძარი გაჩენილა. შეუძლებელია რაიმეს გაკეთება, ვიდრე ახალი

სავენტილიაკო მანქანა არ იქნება დადგმული, რომლის საშუალებით/ მალარო განთავისუფლებული იქნება გაზისა და კვამლისაგან.

ა ცნობებს შტატის მადნების ინსპექტორს. მაგრამ ექსპერტები იწვამლოგინში და დაჰპირდათ, რომ გამოგზავნის თავის თანაშემწეს, რომელიც იკისრებს მაშველი საშუალების ხელმძღვანელობას. ხოლმა მალე შეამჩნია, რომ მუშები სრულებითაც არ დაინტერესებულან ამ მოხელის მოსვლით. ის ხომ იმაზე უნდა ზრუნავდეს, რომ ასეთი კატასტროფა არ მოხდეს, მაგრამ არაფერი კი არ გაუკეთებია ამისათვის. ეხლა თუ მოვა სულ ერთია, მხოლოდ კომპანიის ინტერესების თანახმად იმოქმედებს.

როდესაც ჩამობნელდა, გამოჩნდნენ ბოლოს მუშები მალაროდან № 2. ქალები, რომლებიც ამოსავალთან უცდიდნენ მათ, მივარდნენ და დაუწყეს ხვევნა. ხოლი ხედავდა, რომ ის ქალები, ვისი ქმრებიც პირველ მალაროში იყვნენ და შეიძლება ველარც გამოვლიან ოდესმე იქედან, ნაღვლიანად, თვალცრემლიანი უცქეროდნენ ამ სცენას. მალაროდან ამოსულებში ჯექ დევიდიც ერია. ხოლმა გააცილა ის და მისი ცოლი სახლში. გზაზე დევიდის ცოლი სულ ჯექ კოტონსა და ალექ სტონს ლანძღავდა. აქედან ხოლმა ბევრი ჭკუის დასარიგებელი მასალა ამოკრიფა მუშათა კლასიური შეგნების შესახებ. „ჯანდაბას ხალხი! უშველეთ ჯორებს!“ ის დაუღლელად და განუწყვეტლად იმეორებდა ამ ფრაზას, მოსწონდა იგი, როგორც მხატვრული ნაწარმოები. ისე კარგად ახასიათებდნენ ეს სიტყვები ზედამხედველების დამოკიდებულებას მუშებისადმი! ხოლმა ყურადღება ნიაქცია იმ გარემოებას, რომ ამ ფრაზას ბევრი იმეორებდა; მან შემოიბრინა მთელი სოფელი და რამდენიმე დღის შემდეგ ის ცნობილი გახდა მთელ ოლქში. ოლქმაც თავის მხრით დამახასიათებლად მიიჩნია იგი, ის ხედავდა მასში იმ საზომს, რომლითაც ისაზღვრობოდა მალაროს მოხელეების დამოკიდებულება მუშებისადმი.

როდესაც პირველმა ელდამ გაიარა, ხოლმა მიმართა „დიდ ჯექს“ თხოვნით, რომ აეხსნა მას იმისთვის თუ რა პირობებში მოხდა კატასტროფა. ჯექი სერიოზული, ნაკითხი კაცი იყო, ის კარგად იცნობდა ამ დარგის მდგომარეობას. მშვიდად, აუჩქარებლად აუხსნა მან, ხოლს, რომ კატასტროფების სიხშირე ამ მალაროებში სრულიადაც არ შეიძლება მივაწეროთ მხოლოდ და მხოლოდ განსაკუთრებით მძიმე პირობებს, ან ჰაერის მეტისმეტ სიმშრალეს, ან იმას, თითქოს აქაური გაზების თვისებას ადვილად აფეთქება შეადგენდეს. კატასტროფები უმთავრესად უფროსების უკიდურესი დაუდევრობისა და შრომის დაცვის კანონისადმი სრული უყურადღებობის შედეგია. კანონმა უნდა „დაკრიქოს კბილები“, უნდა მოითხოვოს, რომ ყოველი დაღუბული მუშის ოჯახს ათასი დოლარი გადაუხადონ: საინტერესო ხანახავი იქნება მაშინ, როგორი გულმოდგინებით შეუდგებიან მალაროს მეპატრონენი კატასტროფების საწინააღმდეგო საშუალებების ძებნას.

საქმის ეხლანდელი ვითარების დროს მათ ძალიან კარგად იციან, რომ რაც უნდა მათი ბრალი არ იყოს, ისინი ადვილად გაინთავისუფლებენ თავს.

უბრუნდება, ვეჭილები უკვე შეუდგენ მუშაობას და უმაღლეს პირველი მსხვერპლი დამარხული იქნება, ისინი მოასწრებენ დაიწყებული მოქმედებებთან საქმის საუკეთესოდ მოგვარებას. ისინი შესთავაზებენ რეგულაციებს ბილეთს უკან გასამგზავრებლად. დაობლებულ ბავშვებს მისცემენ ორმოცდაათ ან ას დოლარს — გინდა აიღე, გინდა არა. სასამართლოთი ვერაფერს ვერ გახდები, საქმე იმდენად უიმედოა, რომ არც ერთი ვეჭილი მას ხელს არ მოჰკიდებს. ერთადერთი რეფორმა, გესლიანად შენიშნა დიდმა ჯეკმა, რომლის სარგებლიანობაში კომპანია სავსებით დარწმუნებულია, ეს არის ის, რომ მან ბოლო მოუღოს „არალეგალურ ვეჭილებს“.

§ 30

ლამკ და დღემ გულის გამწყალებულ ლოდინში გაიარა, სავენეტილიაციო მანქანა მოვიდა, მაგრამ საქირო იყო ჯერ კიდევ მისი დადგმა და გამართვა, ვიდრე მაშველ მუშაობას დაიწყებდნენ. ვინაიდან მალაროს პირიდან ისევ კვამლი ამოდიოდა, ამიტომ იმას ჯერ ფიცრები დააფარეს თავზე და ხელ ბრეზენტი გადააკრეს. ზედანხედველები ირწმუნებოდნენ, რომ ეს აუცილებლად საქიროა, მაგრამ ხოლი ამას წრეგადასულ სისასტიკედა სთვლიდა: თავის გადაგნესა მომავდინებელი გაზებით სავსე ჯურღმულის, სადაც მუშები და მოზარდები არიან მოთავსებული!

განსაკუთრებულ ტანჯვას აყენებდა ხოლს აზრი იმის შესახებ, რომ ეს, თითქოს მახეში გაბმული, ხალხი აქვე ახლოს არის, მის ფეხებ ქვეშ, და მაინც არ არის არავითარი საშუალება მათთან მიღწევის და კავშირის დაჭერი-სათვის. აქ ხალხი მიისწრაფოდა მათკენ, ისინი კი ზევიტკენ. ამის დავიწყება არ შეიძლებოდა არც ერთი წამით. შუაგულ ლაპარაკის დროს ადამიანები უეცრად სწყვეტდნენ ლაპარაკს და მიაშტერდებოდნენ სივრცეს. ხანდახან რომელიმე ქალი უცებ დაიფარავდა სახეს და დაიწყებდა ტირილს, ამის დანახვაზე სხვებიც მის მაგალითს ჰბაძავდნენ.

ამ ორი ლამის განმავლობაში არავის ნორტ-ვალში თვალი არ მოუხუქავს; მწუხარებით მოშხამული ხალხი ქუჩაში ან ერთიერთმანეთთან იკრიბებოდა. რა თქმა უნდა საქირო იყო ოჯახურ საქმეებზე ზრუნვა, მაგრამ კეთდებოდა მხოლოდ ყოველად აუცილებელი რამ. ბავშვები აღარ თამაშობდნენ, ისინი იდგნენ ირგვლივ გაფითრებულები, ხმაგაკმენდილები, ისინი ვადამდე გასცნობოდნენ ტანჯვას და ყველაფერში მძიმე უბედურებით ქედ-მოხრილ უფროსებს წააგავდნენ. ნერვები უაღრესად დაჭიმული ჰქონდა ყველას, კიდევ ცოტა და თავდაქერილობის უკანასკნელი წვეთიც მზად იყო უკვე, რომ გამქრალიყო.

ასეთ დაჭიმულ ატმოსფერაში ადვილად ვარდებოდა ყოველგვარი ხმა და ადვილად შლიდა ოცნება ფრთას — ამჩნევდნენ რაღაც ზეციურ ნიშნებს, ისმოდა წინასწარმეტყველება. სოფელში გაჩნდნენ ნათელმხილველნი, გაჩნდნენ ხალხი ორმაგი ხედვით, ადამიანებს უეცრად ჰიპნოტიური ძილი იპყრობდა. სოფლის შორეული ნაპირის ზოგიერთი მცხოვრებლები ამტკიცებდნენ, თითქოს მათ გაიგონეს მიწის ქვეშ რაღაც აფეთქებების გრგვინვა, რამდენიმე ერთიერთმა-

ნეთზე სწრაფად მიმყოლი ხმა: ეს თითქოს მალაროში მომწყვდელი მუშები სიგნალებს იძლევიან დინამიტების აფეთქებით.

მეორე დღეს ხოლი იჯდა მერიისთან ერთად მერის სახლში შესავალი კიბის საფეხურებზე. მოხუცი პატრიკი ოთახში იწვა, — მან ნახა თავდავიწყების საიდუმლოება ო'კალახანთან. დრო გამოშვებით მისის ცამბონის სახლიდან კვილი და მოთქმა ისმოდა. მერი იყო იქ, ბავშვებისთვის საქმელი რომ ექმნია: მწუხარებით გულგახეთქილ დედას ავიწყდებოდა ისინი. ისინი მშვივრები იყვნენ და განუწყვეტლად ყვიროდნენ, თვითონ მერი სრულიად უღონოდ იყო; მისი სახის ცოცხალი ირლანდიული ფერი გაიცრიცა, მაგრად მოკუმშული ტუჩები თხელ ხაზად გამოიყოფებოდა მის სახეზე.

ისინი ჩუმად უსხდნენ გვერდით ერთმანეთს: რაზე უნდა ელაპარაკნათ თუ არა მომიდარ უბედურებაზე, ხოლო ამ თემაზე კი მათ ყველაფერი სთქვეს, რის თქმაც კი შეიძლებოდა. ხოლი ჩაფიქრებული უცქეროდა მერის.

— ყური მიგდეთ, რა გითხრათ, მერი, — სთქვა მან. — როდესაც ყოველივე ეს გათავდება, თქვენ უნდა წახვიდეთ აქედან. ეხლა თქვენ ეს შეუძლებელი გგონიათ, მაგრამ გარწმუნებთ მე თქვენ, რომ ყველაფერი დაგავიწყდებათ. ადამიანები იტანჯებიან, მაგრამ ტინჯვასაც ეღება ბოლო. ბუნება გვეხმარება, რომ დავივიწყოთ იგი.

— ბუნებამ მოჰკლა ყველაფერი ჩემში.

— ჰო, მერი, სასოწარკვეთილება აღვილად იქცევა ხოლმე განუკურნებელ სენად. მაგრამ თქვენ, თქვენი ბუნების პატრონს კი აო დაემართება ეს ასე. თქვენ ძალ-ღონე გამოგელიათ, დაიტანცეთ მხოლოდ. აბა სცადეთ ერთი გამოცდებიხლება.

ხოლმა თითქოს ხუმრობით აიღო მისი ხელი ხელში.

— განხნეოდით, მერი, და თქვენ დასტოვებთ ნორტ-ვალს.

მერი მოტრიალდა და შეხედა ხოლს.

— ჰო, მე დავსტოვებ ნორტ-ვალს? — სთქვა მან ისეთი ტონით, თითქოს მისთვის სულ ერთი იყო ყველაფერი, და შეხედა ხოლს სახეში. — ვინა ხართ თქვენ, ჯო სმიტ? რა გინდათ თქვენ აქ?

— მე ვმუშაობ მალაროში, — გაიცინა მან იმ იმედით, რომ შესძლებდა კიდევ როგორმე მის გამხიარულებას.

მაგრამ მერი განაგრძობდა იმგვარივე სერიოზული ტონით:

— მე ვიცი რომ თქვენ მუშათა წრეს არ ეკუთვნით. თქვენ ყოველთვის მთავაზობთ თქვენს დახმარებას, მეუბნებით, რომ შეგიძლიათ გააკეთოთ რამე ჩემთვის.

მერი გაჩუმდა და მის სახეზე წინანდელი ჯიუტობა გამოიხატა.

— თქვენ არ შეგიძლიათ წარმოიდგინოთ, ჯო, თუ რა ხდება ჩემს სულში. მე შემიძლია ეხლა რაიმე საბედისწერო ნაბიჯის გადადგმა. სჯობს დამანებოთ, ჯო, თავი.

— მე ვკონებ მესმის თქვენი მდგომარეობა. რა ნაბიჯიც არ უნდა გადასდგათ, მე არ გაგკიცხავთ თქვენ იმის გულისთვის.



მერი ჩაებლაუჭა მის სიტყვებს:

— მართლა, ჯო, მართალს ამბობ? ნაშინ მე მინდა გიყვარულიყო სიმართლე, მე მინდა მოგელაპარაკოთ თქვენ.

— კარგი, მერი, რაშია საქმე?

შეცრად გაქრა მისი ჯიუტობა. მან დახარა ძირს თვალები და ნერვიულად დაუწყო ხელის სმა კაბის ნაკერავს.

— საქმე შეგვეხება მე და თქვენ ჯო, — სთქვა მან. — მე ვფიქრობ, რომ თქვენ მე გიყვარვართ, მწამს მე რომ თქვენ მხედვებით მე ჩემდამი უბრალო სიბრაღულის გამო კი არა, არამედ თვითონ ჩემი გულისათვის. მაგრამ მთლად არა ვარ მე ამაში დარწმუნებული, თუმცა ძალიან ხშირად მგონია რომ ეს ასეა. მართალია თუ არა?

— ჰო, — უპასუხა მან ცოტაოდნად სიმტკიცეს მოკლებული ტონით. — მე თქვენ ნამდვილად მიყვარხართ.

— მაგრამ მაშინ თქვენ არ შეგიძლიათ გიყვარდეთ ის, მეორე ქალი?

— არა, ეს მთლად ეგრე არ არის.

— მაგრამ ხომ არ შეგიძლიათ თქვენ ერთსა და იმავე დროს ორის სიყვარული?

ხოლმე არ იცოდა რა პასუხი გაეცა ამაზე.

— მე მგონია, რომ ეს შეუძლებელია, — უთხრა მან ბოლოს.

მერიმ ისევე შეხედა მას თვალებში.

— როდესაც თქვენ იმ ქალის წესახებ მეუბნებოდით, მე ვფიქრობ, რომ თქვენ მოიგონეთ ეს ამბავი. შეიძლება ეს კარგი არ იყოს, მაგრამ მე ვერაფრის გზით ვერ დამიჯერებია იმ ქალის არსებობა, ჯო.

— თქვენ სცდებით, მერი, — საჩქაროდ უპასუხა ხოლმე. — მე მართალი ვითხარით.

— კარგი, თუნდაც ეგრე იყოს, — სთქვა მერიმ, მაგრამ მისი ხმის კილოში არა სჩანდა, რომ მან ნამდვილად დაუჯერა ხოლს. — თქვენ მოშორდით იმ ქალს, არ მიდიხართ მასთან, აღარ ნახულობთ მას; ძნელია იმის დაჯერება, რომ თქვენ ეგრე მოიქცევოდით, მართლაც რომ ძვირფასი იყოს ის თქვენთვის. მე არ შემიძლია ვიწამო, რომ თქვენ ის გულწრფელად გიყვართ. აი ეხლა არა სთქვით, რომ თქვენ მე გიყვარვართ. ამიტომ მე მეგონა... მე ვფიქრობდი...

ის გაჩერდა, მოიკრიფა მთელი თავისი ნებისყოფა და შესძლო მისი შემოხედვის ატანა.

— მე ვცდილობდი გავრკვეულიყავ ამაში. მე ვიცი, რომ თქვენ მეტად კარგი ხართ იმისთვის, რომ ჩემი იყოთ, ჯო, თქვენ მაღალ კლასს ეკუთვნით და შეგიძლიათ უკეთესი ქალები გყავდეთ...

— არა, ეგ არა, მერი!

მერიმ გააწყვეტინა მას:

— მე ვიცი კარგად, თქვენ არ გინდათ მხოლოდ, რომ მე გული მარტონით. მე ყოველთვის ვცდილობდი მაღლა დამეჭირა თავი, ვცდილობდი მხიარული გყოფილიყავი, რომ მუდამ ცხვირჩამოშვებულ და მოწუწუნე მისსის ცან-

ბონის არა ვგვანებოდე. მაგრამ რა საჭიროა თავის მოტყუებაში? მისტერ სპრეგი თავის ქადაგებებში ეკლესიაზე ლაპარაკობს იმის შესახებ, რომ ლარები და მდიდრები თანასწორები არიან ღვთის წინაშე. შეიძლება ეს სხეულის. მაგრამ მე ხომ ღმერთი არა ვარ. უნდა გამოვტყუდე, რომ მე მოცუვენთან ასეთ ადგილას ცხოვრება. მე ისე მიმიძიმა. ქვეყანაზე იმდენი მშვენიერი, ძვირფასი ნივთებია და მე არასოდეს მათი მფლობელი არ ვიქნები, მე იმათ თითქმის მაღაზიის ვიტრინაში ვხედავდე. წარმოიდგინეთ, ჯო: ერთხელ შერიდანიში საყდარში მე ღოვისმინე როგორ გალობდა ერთი ქალი; რა მშვენიერი მუსიკა იყო ეს! შეგიძლიათ წარმოიდგინოთ, თუ რა იყო ის ჩემთვის?

— კი, მერი.

— როგორ შემძაგდა მე ეს ნორტ-ვალი, როგორი ძალით მივიწვევდი მე აქედან, — მაგრამ ამისათვის ნხოლოდ ერთი შესაძლებლობა იყო: უნდა გავყოლოდე აქედან რომელიმე მამაკაცს. ეს კი მე არ მინდოდა. მე დავრჩი პატიოსან ქალწულად, ჯო, თქვენ დარწმუნებული უნდა იყოთ ამაში.

— თავისთავად ცხადია, მერი.

— არა, სრულებითაც არ არის „თავისთავად ცხადი“. ხშირად, ხშირად შეიხედავდი ხოლმე კოტონს და ვფიქრობდი თან: რისთვის ვვუარობ, მაგრამ ყოველთვის ჩაიკლავდი გულში ცდუნებას. ეხლა კი მე დანიბურო ისეთმა გრძობამ, რომელიც ქალისათვის მეტსა ნიშნავს, ვიდრე ყველაფერი მთელ ქვეყანაზე.

ის შეჩერდა, შემდეგ განაგრძო.

— ყველა ისინი ამბობენ, რომ მხოლოდ შენი წრის ადამიანი უნდა შეიყვარო, დედაჩემიც ამასვე მეუბნებოდა სიკვდილის წინ. მაგრამ რა უნდა ვქნა? რა საშინელება არის შობო შვილები წლიდან წლობით, ვიდრე სრულიად არ გამოგელევა ძალ-ღონე, როგორც ეს დედაჩემს მოუვიდა!

მან შემოჰკრა ხელს ხელი.

— ოჰ, ჯო, თქვენ არა ხართ ისეთი, როგორც სხვები, სულ სხვანაირი ხართ თქვენ! არცერთი მალაროს მუშა არ იწირობა ვერც მხიარულად, ვგეთი ღიმილით, როგორც თქვენ, ჯო. როდესაც თქვენ მე მიცქერით, ჩემი გული მზად არის ამოვარდეს თავის ბუდიდან!

მერიმ ღრმად ამოიოხრა და გაჩუმდა. ხოლი ხედავდა, თუ როგორ ცდილობდა იგი თავის დაქერას შემდეგ მან სთქვა ჩვეულებრივი ჯიუტი ტონით:

— მაგრამ ყველა მაფრთხილებს, რომ მე ვერიდო ასეთი კაცის შეყვარებას: ის მოჰკლავს ჩემს გულს, მეუბნებიან მე.

ხოლი სდუმდა. სოციოლოგს-დილეტანტს ვერ მოენახა ამ პრობლემისათვის ვერც აბსტრაქტული, ვერც კონკრეტული ახსნა.

§ 31.

მერიმ აიძულა თავი განეგრძო საუბარი:

— მე გავერკვიე ყველაფერში, ჯო. მე ვუთხარი ჩემს თავს: მე მიყვარს ის კაცი და მინდა ის მიყვარდეს, სხვა არაფერი. მას თავისი ადგილი უჭირავს

საზოგადოებაში, მე მას ხელს შეუშლი, ეს კი მე არ მინდა. მე არც მისი სახელი მინდა, არც მისი მეგობრები, მე მინდა მხოლოდ ის თვითონ, გაგიგონიათ ასეთი რამ, ჯო?



— კი, — უპასუხა მან ჩუმად.

— რას იტყვით თქვენ ამის შესახებ? პატივცემული მისტერ სპრეგი უცხვლად იტყოდა, რომ მე ეწმაკი მაცდუნებს, ხოლო პატერი ოკორმენი პედროდან ამას მომაკვდინებელ ცოდვას უწოდებდა, შეიძლება ორივე ისინი მართალი იყვნენ, — არ ვიცი, მე ვიცი მხოლოდ ერთი, რომ მე აღარ შემეძლია მოვითმინო.

მერის ცრემლებით აევსო თვალები და უცვებ წამოიძახა:

— ო, ჯო! წამიყვანე აქედან! წამიყვანე თან, მომეცი საშუალება, რომ ვიციოცხო! მე არაფერს ამ მოვითხოვ შენგან, არასოდეს არ გადაგელობები გზაზე, მე გავაკეთებ შენთვის ყველაფერს, მოგიხარშავ, გავირეცხავ, არ დავიზოგავ შენთვის ჩემს ხელებს. და გაძლევ სიტყვას: როდესაც მოგბეზრდები მე შენ და მოინდომებ ჩემგან განთავისუფლებას — მე მოგშორდები ხმაამოუღებელივ.

მერი არა ცდილობდა მიემართა მისი გრძნობებისათვის, ის იჯდა და უმზერდა ხოლს თავისი პატიოსანი, ნამტირალევი თვალებით. ხოლს კიდევ უფრო უნძიმდა პასუხის გაცემა მისთვის.

და მართლაც, რა უნდა ეთქვა მას? ის ისევ ძველებურმა ვნებამ შეიპყრო, მას მოუნდა მისი მოხვევა და ნუგეშის ცემა. როდესაც მან ამოიღო ბოლოს ხმა. დიდი ძალდატანების ხმარება დასჭირდა რომ დაეთარა თავისი მღელვარება,

— ეს რომ შესაძლებელი იყოს, მერი, მე გიპასუხებდით — „კარგი“.

— ეს არის შესაძლებელი, ჯო, არის. თუ მოგბეზრდები... გაძლევ სიტყვას...

— არც ერთი ქალი არ შეიძლება ბედნიერი იყოს მაგ პირობით, მერი. ყოველი მათგანი ცდილობს, რომ მამაკაცი ეკუთვნოდეს მას სამუდამოდ; თუ ის ფიქრობს, რომ შეუძლია სხვაგვარი გრძნობა იქონიოს, მაშინ ის ატყუებს თავის თავს, თქვენ მეტად აღგზნებული ხართ. უკანასკნელმა ამბებმა ძლიერ აგაღელვეს და ამიტომ...

მერიმ არ დაამთავრებინა მას სიტყვა.

— არა ამას არაფერი საერთო არა აქვს ამ ამბებთან, მე უკვე ბევრი კვირეები ვიტანჯები.

— ვიცი, თქვენ ფიქრობდით ამის შესახებ, მაგრამ ეს საშინელი ამბები რომ არ დატრიალებულიყოს, თქვენ ვერ გადასწყვეტდით ამგვარად ლაპარაკს. ის გაჩუმდა ერთი წამით, რომ მოეკრიფა გამბედაობა.

— ეს შეუძლებელია, მერი. მე თვითონ ახალგაზდა ვარ, მაგრამ ჩემი თვალის წინ მომხდარა ასეთი ამბები. ჩემს ძმას სიცოცხლედ კინაღამ დაუჯდა ეგეთი ნაბიჯი.

— ოჰ, თქვენ ვერ ჰბედავთ ჩემს ნდობას, ჯო!

— არა, ეგ კი არა, მე მინდოდა მათქვა, რომ ჩემმა ძმამ თავი დაიღუპა, ის გახდა ეგოისტი, ყველაფერს იღებდა და სამაგიეროს არ იძლეოდა არაფერს. ჩემი ძმა ბევრად უფროსია ჩემზე და მე შემეძლო მედევნებია თვალი,

თუ როგორ იმოქმედა ამან მის სულზე. ის ცივია სისასტიკედ, არა სწამს არაფერი, თვით თავის თავშიც არა აქვს რწმენა; თუ დაუწყე ლაპარაკი, რომ საქიროა ქვეყნის სხვაფრივ მოწყობა, ის თქვენ სულელს ვიწოდებენ.

— არა თქვენ გეშინიათ, გეშინიათ ჩემი, შიშობთ, რომ ჩემი ცოლად შერთვა არ მოგიხდეთ.

— მაგრამ, მერი, ის—მეორე ქალი? მე ხომ ნამდვილად მიყვარს იგი, მე მივეცი მას სიტყვა. რა უნდა ვქნა მე?

— მე არასოდეს არა ვფიქრობდი, რომ თქვენ ის ნამდვილად გიყვართ,— სთქვა მერიმ ჩუმად. მან დახარა თვალები და ისევ დაუწყა ხელის სმა თავის ლურჯ კაბას; ის ძალიან დაჰმუქნული და ლაქებ მოცხებული იყო — მისის ცაბონის ბავშვების მოვლის შედეგი. ხოლი უცდიდა, თუ რას იტყოდა ის შემდეგ, მაგრამ მერი იჯდა ჩუმად ტუჩებ მოკუმშული. ხოლს გული ატკინა მისმა ყურებამ. როდესაც დაბოლოს ამოიღო მერიმ ხმა, მის ტონში მისთვის სრულიად უჩვეულო მორჩილება გაისმა.

— ყოველივე იმის შემდეგ, რაც მე თქვენ გითხარით, ჯო თქვენ ალბად აღარ მოისურვებთ ჩემთან შეხვედრას.

— ო, მერი!—წამოიძახა მან და აიღო ხელში მისი ხელი.—ნუ ამბობთ, რომ მე თქვენ კიდევ უფრო ვაგაუბედურეთ! მე ისე მინდა როგორმე დაგეხმაროთ. ნება მომეცით ვიყო თქვენი მეგობარი, თქვენი გულწრფელი და ერთგული მეგობარი. მე მოგეხმარებით და თქვენ დააღწევთ თავს ამ მახეს; თქვენ მიმოიხედავთ გარშემო და ნახავთ თქვენს ბედნიერებას,—მაშინ თქვენ ყველაფერი სხვაფრივ მოგეწონებათ და გაგეცინებათ კიდევ, რომ თქვენ ოდესღაც გინდოდათ ჩემი გამხდარიყავით.

§ 32.

ისინი ისევ გაემართენ პირველ მალაროსაკენ. კატასტროფის შემდეგ უკვე ორმა დღემ გაიარა და სავენტილიაციო მანქანა ჯერ კიდევ ამუშავებული არ იყო, სამხადისიც კი არა სჩანდა ამისათვის. ქალები სულ უფრო და უფრო ისტერიული ხდებოდნენ, მასებში ძლიერ ნერვიულობას ჰქონდა ადგილი. ჯეფ კონტონმა დამცველი რაზმი გამოიწვია წესიერების დასაცავად. მალაროში შესავალი ადგილი ეკლიანი მავთულით შემოფარგლეს, მავთულის იქით დასეირნობდნენ პირქუში პოლისმენები რევოლვერებით ხელში. იმავე დროს ხოლი საკონტროლო ჯგუფის წევრებს ესაუბრებოდა. მათ უამბეს იმას, თუ რა მოხდა მისი სატუსალოში ჯდომის განმავლობაში, და ამან გაახსენა მას ერთი მეტად მნიშვნელოვანი გარემოება, რომელიც იმან კატასტროფის გავლენით სრულიად გადავიწყა. საბრალო მოხუცი ჯონ ედსტრომი პედროში იმყოფებოდა, ალბად დიდ გაქირვებას განიცდიდა ის იქ. იმავე ღამეს ხოლი მიადგა მოხუცი შვედის სახლს, გადაძვრა შიგ ფანჯრიდან, ამოთხარა იქ დამალული ფული და დაავალა მერი ბარკს მისი გადაგზავნა.

საათი საათს მისდევდა და მალაროში შესავალი კი ისევ დაკეტილი იყო. მუშები და მათი ცოლები ჩუმად იკრიბებოდნენ ერთად და შესჩივოდნენ ერთმანეთს კომპანიის საქციელის გამო. როგორღაც თავისთავად მოეწყო, რომ ხო-

ლის მეგობრებმა, რომლებმაც დაიწყეს მოძრაობა კონტროლიორის სასარგებლოდ, აქაც იკისრეს მეთაურობა. ისინი ყველაზე უფრო ინტელიგენტები იყვნენ მუშებში, უკეთ შეეძლოთ შეეგნოთ ამ ამბების აზრი და მისი შედეგობა, ისინი ფიქრობდნენ არა მარტო იმათ ბედზე, ვინც ეხლა მიწის ქვეშ დაფავდა სულს, არამედ იმ სხვა ათასთა ბედზედაც, რომელთაც მომავალში შეიძლება ასეთივე ხვედრი მოელოდეთ.

ხოლს ყველაზე უფრო ის ფიქრი სდევდა თან, რომ ვიდრე ის მალაროა დასტოვებდა, მან უეჭველად რაიმე არაჩვეულებრივად გადამქრელი ნაბიჯი უნდა გადასდგას. მას, ცხადია, ახლო მომავალში წასვლა მოელოდა აქედან—ჯეფ კოტონი ბოლოს და ბოლოს გაიხსენებდა იმას და სისრულეში მოიყვანდა თავის მუქარას.

ნორტ-ვალში გაჩნდა გაზეთები, რომლებიც იხსენიებდნენ მომხდარ კატასტროფას, ხოლი და მისი მეგობრები კითხულობდნენ მათ. აშკარა იყო, რომ ეს ცნობები შედგენილი იყო კომპანიის მიერ მიწოდებული ცნობების მიხედვით. შტატის მცხოვრებლები განსაკუთრებული ინტერესით აღევნებდნენ თვალ-ყურს მალაროებში მომხდარ უბედურ შემთხვევებს. სტატისტიკური ცნობები კატასტროფების დროს დაღუპული მუშებისა ყოველ წელიწადს იზრდებოდა. შტატის მადნების ინსპექტორის ანგარიშში ერთ წელიწადს ნაჩვენები იყო ექვსი მსხვერპლი ყოველ ათას მუშაზე, შემდეგ წელიწადს დაღუპულთა პროცენტმა რვანახევარს მიაღწია, კიდევ შემდეგ წელს უკვე ოცდაერთ ნახევარზე ავიდა. თუ რომელიმე კატასტროფის დროს ორმოცდაათი ან ასი კაცი დაიღუპებოდა, და ასეთი შემთხვევები ხშირად მოსდევდა ერთი მეორეს, მაშინ თვით ყველაზე უფრო გულგაქვავებული ნაწილი საზოგადოებისა დაიწყებდა მღელვარებას და მოუსვენარი კითხვების ძლევას. ამიტომ ამ შემთხვევაშიაც საყოველთაო სათბობი მასალის კომპანიამ შეამცირა მსხვერპლის ნამდვილი, რაოდენობა რამდენადაც კი შეიძლებოდა, და მასთან შეეცადა მომხდარი კატასტროფის ყოველგვარი გასამართლებელი საბუთის გამოძებნას. კომპანია აქ არაფერ შუაშიაო: მალაროები რეგულიარულად ირწყვებიან წყლით და ზედ დაფხენილ აგურს აყრიან, ხოლო კატასტროფის ერთად-ერთ შესაძლებელ მიზეზად უნდა ჩაითვალოს ის, რომ მუშები სიფრთხილით არ ეკიდებიან ასაფეთქებელ ნივთიერებებს.

ერთხელ, საღამოს ჯექ დევიდის სახლში, სიტყვა ჩანოვარდა მალაროში მოქცეული მუშების რაოდენობის შესახებ. კომპანიის მიერ გამოქვეყნებული ცნობით ისინი სულ ორმოცი კაცი იყვნენ, მაგრამ მინეტის, ოლსონს და დევიდს ეს ციფრი სასაცილოდაც არ ჰყოფნიდათ, იმდენად შემცირებული იყო მათი აზრით იგი. ყოველი კაცი, ვისაც ოდნავ მაინც შეუჩვენია თვალი მასსებისაოვის, ადვილად დაოწმუნდება იმაში, რომ მსხვერპლთა რიცხვი თუ სამჯერ არა ორჯერ მეტი მაინც აუცილებლად უნდა იყოს აღნიშნულ ციფრზე. აქ აშკარა წინასწარ განზრახული დამაბინჯებაა ნამდვილი ციფრის, ვინაიდან კომპანიამ ძალიან კარგად იცის ყოველი მუშის გვარი. მართალია, უმეტეს შემთხვევაში ეს იყო სლავიანური ძნელი გამოსათქმელი გვარები, გარდა ამისა ამ ხალხს არა ჰყავდათ მეგობრები, რომლებსაც შეეძლოთ მათ შესახებ ცნობების

მოკრეფა, ან თუნდაც რომ ჰყოლოდათ ასეთი მეგობრები, სულერთია, ამერიკული გაზეთების რედაქტორები მაინც ვერ გაიგონებდნენ მათ ენას.

ეს, — განმარტა ჯექ დევიდმა — ერთი ნხარეთაგანია წარმოების იმავე სისტემისა. კომპანიისათვის დიდი მნიშვნელობა აქვს მენიჯერის მოწვევას, ხალხის დაღუპვის შესაძლებლობა მხოლოდ იმგვარად, რომ ამავე დროს მან არც პრესტიჟი დაჰკარგოს და არც ფული.

ხოლს აზრად მოუვიდა თავში, რომ სასარგებლო იქნებოდა უარყოფის დაწერა კომპანიის ყალბი ცნობების წინააღმდეგ, იმას თითქოს ისიც კი ეგონა, რომ ეს არა ნაკლებ მნიშვნელოვანია, ვიდრე მაღაროში მომწყვდეული მუშების გადარჩენა. ცბაღია, ყოველი მუშა, რომელიც კი აღინაღლებდა თავის ხმას კომპანიის წინააღმდეგ, დაუყოვნებლივ შავ სიაში მოხედება, მაგრამ ხოლისათვის ამას არაფერია მნიშვნელობა არა ჰქონდა — მისი გვარი უმისოდაც უკვე იყო ალბად შავ სიაში.

ტომ ოლსონმა ჰკითხა:

— რას ფიქრობთ, რა უნდა უყოთ მერმე თქვენს უარყოფას?

— მე დაბეჭდავ მას გაზეთებში, — უპასუხა ხოლმა.

— რომელი გაზეთები მოისურვებენ მათ დაბეჭვდას?

— პედროში, ვგონებ, არის ორი ერთმანეთის მოწინააღმდეგე გაზეთი.

— ჰო, მაგრამ ერთი ყოველის შემძლე შერიფს რაღაც რეიმონდს ეკუთვნის, ხოლო მეორე კი ველგმენს, საყოველთაო სათბობი მასალის კომპანიის საბჭოს წევრს. რომელს მიმართავეთ, როგორ ფიქრობთ?

კარვი, მაშინ მე შევეცდები მივმართო უესტერნსიტის გაზეთებს. მათ გამოგზავნეს აქ თავიანთი რეპორტიორები და რომელიმე მათგანი უეჭველად მიიღებს უარყოფას.

ოლსონმა ამაზე უპასუხა, რომ ცდა შეიძლება, მაგრამ, მისი აზრით, მხოლოდ სოციალისტური და მუშათა გაზეთები თუ დაბეჭდავენ მას.

ჯექ დევიდი, რომელიც კარგად იცნობდა მუშათა კავშირებს და მათ ტაქტიკას, შენიშნა:

— ჩვენ ზედმიწევნით უნდა გამოვიანგარიშოთ, რომ რაც შეიძლება სწორედ გამოვარკვიოთ მაღაროში მოქცეული მუშების რიცხვი.

მისი რჩევა მოიწონეს და გადასწყვეტეს იმ საღამოსავე შესდგომოდნენ საქმეს. რაც არ უნდა იყოს ეს გაანთავისუფლებდა მათ რამდენიმე მძიმე ფიქრებისაგან. მიღებული გადაწყვეტილების შესახებ აცნობეს ნერი ბარკს, როვეტს, კლოვსკის და ზოგიერთ სხვებს. მეორე დღეს დილით ისინი ისევ შეიკრიბნენ ერთად, შეასწორეს მუშების სიები და გამოარკვიეს, რომ მაღაროში № 1 იმყოფება 107 დიდი და მცირეწლოვანი მუშა.

§ 33.

მაგრამ სიის შედგენა და კამათი იმის შესახებ, თუ რა წესით უნდა იქნას იგი გამოქვეყნებული; მოულოდნელად შეწყდა ერთი უფრო დიდი მნიშვნელოვანი გარემოებით. ჯექ დევიდმა მოიტანა ახალი და მეტად ცუდი ცნობები.

დაიწყეს ახალი სავენტილიაციო მანქანის მოწყობა, მაგრამ ეს მუშაობა მეტისმეტად ნელა სწარმოებდა, და მუშებმა ის დასკვნა გამოიტანეს, რომ მანქანის ამუშავებას სრულებით არა ფიქრობენ, ეს კიდევ ცოტა, მაღაროს ისევ დახურულის დატოვებას აპირებდნენ იმის შიშით, რომ მოსალოდნელმა ჭარმა ხანძარი არ გააძლიეროს და კიდევ სხვაგან არ გადიტანოს. უკმაყოფილოთა ჯგუფმა გადასწყვიტა ბოლოს მიემართათ მადნების ინსპექტორის მისტერ კარმიკელისათვის და მოეთხოვათ მისგან განმარტება. ამ ჯგუფს სათავეში უდგა საკანტროლო ჯგუფის ერთერთი წევრი ავსტრიელი ხუშარი; ის დაუყოვნებლივ დააპა-იმრეს და საჩქაროდ მოაშორეს ნორტ-ვალს.

გარდა ამისა, ჯექ დევიდმა უამბოთ კიდევ, რომ ერთმა მისმა ნაცნობმა დურგალმა, რომელიც სავენტილიაციო კამერაში მუშაობს, უთხრა მას, რომ იქ არც თუ ძალიან აჩქარიან სავენტილიაციო მანქანის გამართვას. იმავე აზრის იყვნენ სხვებიც, ვინც მასთან ერთად მუშაობდა იქვე. მაღარო დახურული დარჩება მანამდე, ვიდრე კომპანია არ იწებებს, რომ ხანძარი ჩაქრობილად იცნოს.

— შეიძლება, — შენიშნა ხოლმა, — მაღაროს გახსნით ხანძარი მართლა გაძლიერდება და შეუძლებელს გახდის მაშველი მუშაობის წარმოებას?

— არასოდეს, — უპასუხა დიდმა ჯექმა და აუხსნა, რომ საკირო იყო მხოლოდ სავენტილიაციო მანქანის მეორე ნაწილს მობრუნება და მაშინ შესაძლებელი გახდებოდა რამდენიმე ხნით კვამლისაგან მაღაროს გაწმენდა.

— რა თქმა უნდა, ამ შემთხვევაში შესაძლებელია, რომ ნახშირს და მარწყუებს ცეცხლი მოეკიდოს, თაღები ჩამოიქცეს და ზარალი მოუვიდეს კომპანიას.

— რამდენი ხანი დარჩება კიდევ დახურული მაღარო? — იკითხა გაფიორებულმა ხოლმა.

— ეხლა ამას ვერავინ ვერ იტყვის დანამდვილებით, ასეთ უზარმაზარ მაღაროში ხანძარი შეიძლება მთელი კვირა გაგრძელდეს.

— მაგრამ მაშინ, ხომ ყველანი დაიხოცებიან შიგ! — წამოიძახა როზა ნინეტტიმ და სიმწრით ხელების მტვრევა დაიწყო.

ხოლმა მიმართა ოლსონს:

— ნუ თუ კომპანიას მართლა შეუძლია ეს ჩაიდინოს?

— ეს არა ერთხელ მომხდარა, — უპასუხა ორგანიზატორმა.

— თქვენ არასოდეს არ გაგიგონიათ ჩეროში, ილინოისში მომხდარი შემთხვევის შესახებ? — ჰკითხა დევიდმა. — იქაც ასევე მოიქცენ და შედეგად სამას კაცზე მეტის დაღუპვა მოჰყვა.

და მან უამბო მას ეს საშინელი შემთხვევა, რომელიც კარგად იციან ყველა მაღაროს მუშებმა. მაღარო დახურული იყო, ქაღები ტიროდნენ ზევით, გულს ეყრებოდათ, კაცები ტანსაცმელს იგლეჯდნენ ტანზე სიბრაზისაგან, ზოგიერთები კკუაზე შეიშალენ. მაღარო მთელი ორი კვირა ჰქონდათ დახურული, და როდესაც დაბოლოს გახსნეს იგი, მასში მხოლოდ ოცდაერთი კაცი აღმოჩნდა ცოცხალი.

— იგივე მოხდა დაიმონდვილში და ვაიომინგში, — სთქვა ოლსონმა. — იქ მალოროს გამოსავალთან ააშენეს ბარიერი, და როდესაც ის მოხსნეს, წააწყდენ იქვე მიყრილ გვამებს: ხალხი მოფორთხებულიყო იქ, ცდილობდნენ უფრო ბარიერის დანგრევას და სულ დაეკაწრათ ხელები.

— ღმერთო ჩემო! — წამოიძახა ხოლმა და ადგილიდან წამოხტა. — ნუ თუ ეს კაცი, ეს კარმიკელი ასეთ რამეს დაუშვებს?

— ის ილაპარაკებს, რომ კეთდება ყველაფერი, რაც კი შესაძლებელია, — უპასუხა დიდმა ჯეკმა. შეიძლება, რომ თვითონ იმასაც სჯეროდეს. მაგრამ თქვენ ნახავთ, რომ ის ყოველ დღე აღმოაჩენს ახალ-ახალ დაბრკოლებებს, და ბოლოს მანქანას აამუშავენ მაშინ, როდესაც ეს მათ მოეპოიანებათ.

— მაგრამ ეს ხომ მკვლელობა არია! — წამოიძახა ხოლმა.

— არა, ეს არის კაპიტალიზმი! — დამწვიდებით სთქვა ტომ ოლსონმა.

ხოლი აკვირდებოდა მუშების სახის გამომეტყველებას; ყოველ მათგანს ჰყავდა მეგობრები ამ სიკვდილის მახეში, ყოველი მათგანი შეიძლება ხვალ იმგვარსავე მდგომარეობაში მოქცეულიყოს.

— და მერმე თქვენ დამწვიდებული ურიგდებით ამ გარემოებას! — წაილაპარაკა მან თითქმის თავისთვის.

— დღეს დილით პოლიციელების ახალი რაზმი მოვიდა, — სთქვა ჯერრი მინეტტიმ. — როზამ დაინახა.

— იმათ იციან რასაც სჩადიან, — სთქვა როზამ. — მათ ეშინიათ, რომ ჩვენ ხელი არ შეუშალოთ და ხედმეტი დავიდარაბა არ აუტეხოთ. ისინი დაემუქრენ მისისის ცამბონის, რომ გააგდებენ აქედან, თუ ის წყნარად არ დაჯდება თავის-თვის სახლში, ხოლო მოხუც დედაკაცს იონიჩს — იმისი ქმარი და სამი ვაჟი იქ არიან, მიწის ქვეშ...

— ისინი თანდათან უფრო უნამუსო და მკაცრი ხდებიან, — შენიშნა მისისის დევიდმა. — ეს აყლაყუდა პიტი მაინც, პედროდან რომ მოვიდა, თავის მოჭრაა პირდაპირ ისე ექცევა ქალებს.

— მე კარგად ვიცნობ მას, — სთქვა ოლსონმა. — ის იყო შერიდანში, როდესაც იქ მოთავსებული იყო მუშათა კავშირის მთავარი ბინა. ერთხელ მან გაართყა სახეში ერთერთ ჩვენს ორგანიზატორს და ოთხი კბილი ჩაუმტვრია. ამბობენ, რომ ის გამოქცეული კატორღელიაო.

მთელი გასული წლის განმავლობაში ხოლი უსმენდა ლექციებს პოლიტიკური ეკონომიიდან; ამ ლექციებში ქება-დიდება ეწირებოდა იმას, რასაც „კერძო საკუთრება“ ეწოდება. კერძო საკუთრება ხელს უწყობს ინიციატივის გამოჩენას და ჩვენს ბრძნულ მომჭირნეობას; კერძო საკუთრება ამოძრავებს ინდუსტრიის ბორბლებს, იძლევა სახალხო განათლების გაფართოების საშუალებას, აწესრიგებს აღებ-მიცემობას, ის საფუძველია იმ პროგრესისა და სიმდიდრის, რომლითაც ყოველთვის შეუძლია იამაყოს ამერიკამ. ესლა ხოლს პირისპირ მოუხდა ამ მოვლენასთან შეხვედრა; ის გრძნობდა მის ცხელ სუნთქვას, ხედავდა იმის მოსრიალე თათებს, ხედავდა, როგორ ცეცხლივით ანათებდნენ მისი მგლური თვალები, ხედავდა მოღუნულ ბრჭყალებს, რომლებსაც კაცების,

ქალების და ბავშვების სისხლი ჩამოსწვეთდა ძირს. ნახშირის მადნების კერძო საკუთრება! კერძო საკუთრება—და დაბურული ამოსასვლელი მალაროებიდან! კერძო საკუთრება—და არარსებული სათადარიგო ამოსასვლელი! კერძო საკუთრება—და უმოქმედო სავენტილიაციო მანქანები! კერძო საკუთრება—და უმოქმედო სარწყავი შტოები! კერძო საკუთრება—და რტყმა, რევოლვერები, მკვლევლები და კატორღელები, რომელთა დახმარებით დაისჯებიან შეამბოხენი და მუშების მხსნელები, გაძევდებიან ქვრივები თავიანთი მშობლიური გავერანებული ბუდეებიდან! ო, თქვენ, კერძო საკუთრების განათლებულ და გამაძღარო ქურუმებო, რომლებიც აკადემიურ სასახლეებში ქებათა-ქების უმღერით სისხლიან მოლოხს!

ხელი თითქოს გაქვავდა; მასში გაიღვიძა რალაც ისეთმა, რასაც ის აქამდე არ იცნობდა. მის სახეს ახალი გამომეტყველება დაეტყო, ხმა მკაფიოდ და ღრმად უბგერდა, როგორც მომწიფებული ძლიერი კაცის ხმა.

— მე ვაიძულებ მათ მალაროს გახსნას!

ყველა მას მიაჩერდა და, მიუხედავად მათი ისტერიული განწყობილებისა, ყველა გააოცა ამ სიტყვების არაჩვეულებრივმა ტონმა: „მე ვაიძულებ მათ მალაროს გახსნას“.

— რანაირად? — ჰკითხა ოლსონმა.

— საზოგადოებამ არ იცის არაფერი, მაგრამ საკმაოა გაიგოს მან ეს ამბავი, და ის გამოიწვევს მასში აღშურების ისეთ ქარიშხალს, რომ ძნელად თუ ასეთ ფაქტებს კიდევ იდგილი ექნეს შემდგომ.

— მერმე რა გზით აცნობებთ ამას საზოგადოებას?

— გაზეთების საშუალებით! რა გინდ წინასწარ აღებული საზომითაც არ უნდა მიუდგენ თქვენს წერილს მათ არ შეუძლიათ სრულიად მიაფურჩონ ასეთი ფაქტები.

— ნუ თუ თქვენ ფიქრობთ, რომ ისინი ვიღაც მალაროს მუშის თანაშემწეს დაუჯერებენ? — ჰკითხა მისისის დევიდმა.

— ასე თუ ისე მე შევძლებ ამას, მე იმათ ვაიძულებ მალაროს გახსნას!

§ 34.

მალაროებზე ხეტიალის დროს ხოლი შეეყარა რამდენიმე ინტელიგენტური სახის ყმაწვილ-კაცს ბლოკნოტებით ხელში. როგორც ეტყობოდა ისინი კომპანიის სტუმართმოყვარეობით სარგებლობდნენ, ვინაიდან ხოლმა შენიშნა, რომ ისინი მეგობრულად ესაუბრებოდნენ ზედამხედველებს. მიუხედავად ამისა ხოლი ფიქრობდა, რომ რომელიმე მათგანს სინდისი მაინც კიდევ მთლად არ ექნება დაკარგული ან, ყოველ შემთხვევაში, მათ მოხიბლავს „სენსაციური კორესპონდენციის“ გამოქვეყნების შესაძლებლობა. ამიტომ მან დასჯოვა დევიდების ოჯახი და მალაროსაკენ გაეშურა, რომ მოენახა რომელიმე რეპორტიორი. მალე მან მართლაც შენიშნა ერთი მათგანი და გაჰყვა უკან, რათა დრო ეხელთა და ჯაშუშების შეუმჩნეველად მოლაპარაკებოდა მას. როგორც კი შემთხვევა მიეცა, ის მივიდა რეპორტიორთან და ზრდილობიანად სთხოვა წასულიყო იგი მასთან

იქვე გვერდით მეორე ქუჩაში, რომ იქ თავისუფლად მოელაპარაკნათ რეპორტიორი დასთანხმდა და წავიდნენ. ხოლი შეეცადა დაეთარა თავისი მღელვარება, რათა რეპორტიორში ეჭვები არ აღედგრა, და უფროს-მისთვის უკვე რამდენიმე თვე არის, რაც იგი ნორტ-ვალში მუშაობს და შეუძლია ბევრი რამ აცნობოს აქაური წესების შესახებ, მაგალითად, დანაყილი აგურის შესახებ. მაღაროებში, რომლებიც განსაკუთრებული სიმშრალით განირჩევიან, ჩვეულებრივ დანაყილ აგურს აყრიან აფეთქების თავიდან ასაცილებლად. კომპანია ირწმუნება, ვითომც ის რეკულიარულად სცემს ბრძანებას, რომ მაღაროებში დანაყილი აგური მოაყარონ, მაგრამ ეს სრულიად არ შეეფერება სიძარტლეს. იცის თუ არა ეს რეპორტიორმა?

რეპორტიორმა უპასუხა, რომ ეს იმან არ იცის, და გამოსთქვა დიდი ინტერესი ამ საკითხის გამო; მან ჰკითხა ხოლს მისი სახელი და ხელობა.

— ჯო სმიტ, ნახშირის მჭრელის თანაშემწე, ეს-ეს არის სასწორის კონტროლიორად ამირჩიეს,—უპასუხა ხოლმა.

რეპორტიორმა, ახალგაზდა განხდარმა კაცმა სახის მკვეთრი მოხაზულობით, ნიაცარა ხოლს კითხვები. საუბარის დროს მან მოიხსენია ის, რომ იგი დიდი ბექდვითი ასოციაციის ადგილობრივი კორესპონდენტია; ეს ასოციაცია მთელ შეერთებულ შტატებში დაგზავნის ცნობებს მომხდარი კატასტროფის შესახებ. ხოლი ჩაებლაუჭა ასეთ ბედნიერ შემთხვევას და საჩქაროდ დაუწყო მოყოლა მისტერ გრეხემს, თუ როგორ შეადგინეს მათ სია მაღაროში მომწყვდეული ას შვიდი დიდი და მოზარდი მუშისა, რომელთა სახელების გამორკვევა მათ ზედმიწევნით მოახერხეს. ხოლმა შესთავაზა მას სია. მისტერ გრეხემი კიდევ უფრო დაინტერესდა და დაიწყო რილაცის ჩანიშვნა თავის წიგნაკში.

ხოლმა მიაქცია რეპორტიორის ყურადღება სხვა, კიდევ უფრო ნნიშენლოვან გარემოებას; სავენტილიაციო მანქანის მოწყობის დაგვიანებას. აფეთქების შემდეგ უკვე სამმა დღემ განვლო და აქამდე არავინ ცდილა შიგნით მაღაროში შესვლას. შეამჩნია თუ არა მისტერ გრეხემა ის მღელვარება რომელსაც ადგილი ჰქონდა დღეს მაღაროში ჩასასვლელთან? იცის თუ არა მან, რომ ერთი მუშა გააგდეს აქედან მხოლოდ იმის გამო, რომ მან მადნების ინსპექტორს განმარტებისათვის მიწართა?

ხოლმა დაუმტკიცა მას, რომ კომპანია ზრუნავს თავისი ქონების გადარჩენისათვის მიუხედავად იმისა, რომ ეს გადარჩენა იმას ადამიანების სიცოცხლედ უჯდება. ის უხატავდა მას ადამიანთა ტანჯვა-წამების სურათებს, უამბობდა დაბერებული, გაძვალტყავებული მისსის რაფერტის შესახებ, რომელსაც რვა შვილი შერჩა ხელში უბატრონოდ, მისსის ცამბონიზე მისი თერთმეტი შვილით, მისსის იონიჩზე, რომლის ქმარი და სამი ვაჟი მაღაროში მოვიწყვდნენ. გამხნევებულმა იმ ინტერესით, რომლითაც მას ყურს უგდებდა რეპორტიორი, ხოლმა გადასწყვიტა აღარ დაემალა მისთვის ის გრძნობები, რომლებიც ასე მხურვალედ აღელვებდნენ მის გულს: საქმე ცხოველებს კი არა, ადამიანებს შეეხება, არსებებს, რომლებმაც იციან თუ რა არის სიყვარული და რა არის ტანჯვა, მიუხედავად მთელი მათი სილატაკისა და დაბეჩავებისა.

— უეჭველია, — სთქვა მისტერ გრეხემმა, — თქვენ სრულიად მართალი ხართ, დარწმუნებული იყავით, რომ მე მოვკიდებ ხელს ამ საქმეს.

— კიდევ ერთი სიტყვა, — შენიშნა ხოლმა: — თუ თქვენს ცნობაში ჩემი ახელი იქნა მოხსენებული მე უეჭველად დათხოვა მიქაელის.

— მე არ მოვიხსენიებ მას, — უპასუხა რეპორტიორმა.

— მაგრამ თუ თქვენ აუცილებლად წყაროს ჩვენება დაგჭირდათ?

— მე ვარ თვითონ წყარო, — გაიღიმა რეპორტიორმა. — თქვენი სახელი აქ არაფერ შუაშია.

ის ისე დამშვიდებით, ისეთი დაჯერებული ტონით ლაპარაკობდა, თითქოს მას სავსებით ესმის საქმის ვითარება და მასზე დაწოლილი მოვალეობის მნიშვნელობა, და ხოლს არ შეეძლო არ განეცადა ტრიუმფის ცოტაოდენი გრძნობა.

მას ეგონა, რომ გარე ქვეყნიდან აქ შემოიჭრა ქარის ნაკადი და შეანძრია აქაური დამყაყუბული ქაობის ოხშიწარი. დიახ, ეს რეპორტიორი მართლაც გარე ქვეყანას გამოხატავდა, საზოგადოებრივი აზრის ძლიერებას, რომელიც თავის უფლებებს აცხადებდა ამ სიცრუისა და მოტყუების ზღვაში! ეს იყო ხმა სიმართლისა, ხმა დიადი ორგანიზაციის, ვაჟკაცობისა, და სამართლიანობის, იმ ორგანიზაციის, რომელიც დამოუკიდებელი იყო საიდუმლო ვავლენათაგან და იდგა მოსყიდვისათვის მიუწვდომელ სიმაღლეზე.

— დიდად დავალებული ვარ თქვენგან, — უთხრა მისტერ გრეხემმა, როდესაც ხოლმა ვაათავა თავისი სიტყვა იმ შეგნებით, რომ მან გადამწყვეტი გამარჯვება მოიპოვა.

რა ბედნიერება არის, რომ ის სწორედ ბეჭდვითი სიტყვის დიადი ასოციაციის აგენტს წააწყდა! კორესპონდენცია შემოიფრენს იმ მთელი უზარმაზარი მრეწველობის სამყაროს, რომლის ორგანიზმი იმდენადვე დამოკიდებულია ნახშირზე, რამდენადაც ადამიანის ორგანიზმი სისხლზე... და ბოლოს ნახშირით მომუშავე ქარხნების მუშეებიც, იმავე ნახშირის წყალობით რკინის გზებზე მსრბოლი მგზავრებიც, ყველანი გაიგებენ ბოლოს იმათი ტანჯვის შესახებ, ვინც მათთვის მიწის სიღრმეში მუშაობს. თვით ბრწყინვალე ტროპიკულ ზღვებში მცურავ სასახლეების მაგვარ გემებზე მყოფი დამებიც კი — აი როგორია თანამედროვე ბეჭდვითი სიტყვის ჯადოსნური ძალა — ეს დამებიც კი გაიგონებენ მუშების, მათი ცოლებისა და ბავშვების ყვირილს დახმარების შესახებ! და ამის პასუხად მთელ ქვეყანაზე გაისმის საშინელებისა და განრისხების იმდენად ძლიერი ხმა, რომ თვით მოხუცი პიტერ ხარიგანიც კი იძულებული იქნება დაუთმოს!

ასე გაიტაცა ოცნებამ ხოლი, ვინაიდან ის ახალგაზდა იყო და თავის ჯვაროსნულ ომში პირველად გამოდიოდა.

ის იმდენად ბედნიერი იყო, რომ მას სრულიად დაავაწყდა საკმელის ქამა. მოვიდა სადილობა, ის წავიდა რემინიციკისას. ვერც კი მოასწრო პირველი თავის შეჭმა, რომ მას მოულოდნელად და უღმერთოდ გაუცრუვდა მთელი მისი მოლოდინი.

მან მიიხედა და დაინახა ჯეფ კოტონი, რომელიც პირდაპირ მისკენ გაემართა. სამთო ინსპექტორის თვალები რისხვით ელავდენ, ხოლო ინსტიტუტურად წამოდგა ზეზე.

— აქ მობძანდით!— დაუყვირა კოტონმა. და ვიდრე სუფრაზე მსხდომნი გონს მოვიდოდენ, მან წააელო ხოლს ხელი სახელოში და გაათრია გარედ.

ამ შემთხვევაში ხოლს არა ჰქონდა შესაძლებლობა ეჩვენებია ინსპექტორისათვის თავისი „ზრდილი მანერები“. გზაში კოტონმა თავისი აზრი გამოსთქვა მის შესახებ, უწოდა მას: გაიძვერა, წუნკალი, საზიზღარი მაწანწალა, და როდესაც ხოლმა, რომელმაც ჯერ კიდევ არ იცოდა რაში იყო საქმე, მისცა მას რალაც შეკითხვა, მან უბრძანა მას „ენის ჩაწყვეტა“, თან რაც ძალი და ღონე ჰქონდა შეაჯანჯგალა იგი.

იმავე დროს, ორი მთვრალი, სასადილოს კართან დარაჯად მდგომი, პოლისმენი სწვდა მას ხელებში და ამგვარად შეუმსუბუქეს მას შემდეგი მგზავრობა.

ისინი გაუდგენ ქუჩას, კოტონის კონტორის გვერდით, და გაემართენ პირდაპირ სადგურისაკენ. როდესაც ისინი მივიდენ იქ, მატარებელი უკვე წასასვლელად იყო გამზადებული. სამივემ შეათრიეს იგი ვაგონში და დააჯინეს სკამზე.

აი ასე, ყმაწვილო, — უთხრა კოტონმა, — ეხლა ვნახოთ ვინ არის აქ მაღაროს ბატონ-პატრონი!

ამ ხნის განმავლობაში ხოლმა მოასწრო გონზე მოსვლა და თავის კალაპოტში ჩადგომა.

— როგორ, უბილეთოდ წავიდე? — ჰკითხა მან.

— ეგ ჩემი საქმეა, — უპასუხა ინსპექტორმა.

— ჩემი ბარგი?

— შეინახეთ თქვენი კითხვები თქვენი პროფესორებისათვის, — დაუყვირა მას ინსპექტორმა.

ხოლი შეუდგა ცდას. რამდენიმე წუთის შემდეგ მოირბინა ვილიც კაცმა და მოიტანა ხოლის საცოდავი თოკშემოჭერილი ქონება. ეს იყო მახინჯი აყლაყუდა, ინსპექტორი მას „პიტს“ ეძახდა.

კონდუქტორმა დაიძახა „მზად არის!“ ჯეფ კოტონი დაინახა და წასჩურჩულა ხოლს ყურში:

— ნება მომეცით გაგაფრთხილოთ, ყმაწვილო, რომ თქვენ პედროში არ შეჩერდეთ, არამედ დაუყოვნებლივ გაემგზავროთ წინ, თორემ მე ვერ შემოგპირდებით, რომ ერთ ბნელ ღამეს თქვენ რაიმე არ შეგემთხვევათ.

შემდეგ ის გავარდა ამოძრავებული ვაგონიდან, და ხოლმა დაინახა, თუ როგორ დაჯდა ვაგონის მეორე განყოფილებაში კბილების ცნობილი ამომტვრევი — პიტ ხენემი.

(გაგრძელება იქნება).



ქართული
ლიბრარიონი

პროტიკა, მათემატიკა

საქართველოს
ლიბრარიონი

და მათემატიკა

საქართველოს
ლიბრარიონი

საქართველო მახარაძე საუკუნეში

(თვალის ერთი გადავლებით).

მთხოვეს დამეწერა პატარა წერილი, სამი-ოთხი გვერდი. საქართველოს მდგომარეობაზე მეცხრამეტე საუკუნეში. მიუხედავად დროის უქონლობისა, დაპირება მივეცი. მაგრამ ვერ შევძელი საქმე იმ სახით შემესრულებია, რა სახითაც მთხოვეს: წერილი ბევრად უფრო ვრცელი გამოვიდა. მასთან წერილის სიდიდის გამო დრო აღარ დამრჩა შესაფერისად დამემუშავებია ის მდიდარი მასალა, რაც ჩემს განკარგულებაში იყო. ისიც უნდა აღვნიშნო, რომ მე სრულიად ვერ შევეხე მრავალ საინტერესო მხარეს, რომელიც მეცხრამეტე საუკუნეს ახასიათებს. ბევრ საკითხზე მხოლოდ გაკვრით შევჩერდი. ადვილი გასაგებია, რატომ.

ჩემი სურვილი იყო მკითხველის გულისყური მიმეპყრო ისეთ მოვლენებზე, რომელთაც, საერთოდ, ან სრულებით არ აქცევდენ ყურადღებას ან და ძალიან ნაკლებად. ყოველ შემთხვევაში, დარწმუნებული ვარ, რომ ეს პატარა შრომა ამ სახითაც ინტერესს მოკლებული არ იქნება.

საჭიროთ მივიჩნიე ეს განმარტება წამემძღვარებია ამ ნაშრომისათვის.

შ ე ს ა ვ ა ლ ი

მეცხრამეტე საუკუნის დასაწყისიდან საქართველო სრულიად ახალ პირობებში იწყებს ცხოვრებას. რომ უკეთ წარმოვიდგინოთ საქართველოს საზოგადოებრივი, ეკონომიური და კულტურული ცხოვრება მეცხრამეტე საუკუნის განმავლობაში, საჭიროა სულ მოკლედ მაინც შევჩერდეთ საქართველოს მდგომარეობის დახასიათებაზე მეთვრამეტე საუკუნის ბოლო ხანებში.

ვიცი, რომ მეთვრამეტე საუკუნის ბოლოს, ისე როგორც წინათ, საქართველო პოლიტიკურად აღარ წარმოადგენდა ერთ მთლიან სახელმწიფოს; იგი

დასერილ-დაყოფილი იყო ორ სამეფოდ: ქართლ-კახეთი და იმერეთი; და სამსამთავროდ: გურია, სამეგრელო (ოდში) და სვანეთი. საქართველომხოლოდ გეოგრაფიული ტერმინი იყო, სინამდვილეში იგი, როგორც ასეთი, არსებობდა! ამ ხუთ სახელმწიფოებრივ ერთეულებს შორის დაუსრულებელი ქიშპობა, შფოთი და კინკლაობა იყო, რაც ხშირად ძმათა შორის სისხლის ღვრად იქცეოდა ხოლმე. მაგრამ ქართველი ერის დაგლეჯა-დაქუცმაცება ამით როდითავდებოდა: როგორც თითოეული სამეფო, ისე თითოეული სამთავრო თავის მხრით რამდენიმე კარჩაკეტილ და თითქმის დამოუკიდებელ საერისთაოდ ნაწილდებოდა, რომელთა სათავეში წარჩინებული თავადები იდგენ. ეს თავადებიც ერთმანეთში მუდამ ქიშპობდნენ და კინკლაობდნენ. ამ სამეფოებს, სამთავროებს და საერისთაოებს საერთო ისღა შეჩინოვდათ, რომ ყველა მათგანი დასახლებული იყო ქართველი ტომის ხალხით, რომელიც ერთ ენაზე ლაპარაკობდა, თუ, რასაკვირველია, მხედველობაში არ მივიღებთ ზოგიერთი კუთხის განსხვავებულ კილოკავს. შინაური შფოთი, და ხშირად ომიც, ხომ მოსვენებას არ აძლევდა ხალხს, მაგრამ ამაზე უფრო დიდი უბედურება იმაში მდგომარეობდა, რომ საქართველოს მაშინ ჰყავდა გარეშე მტრები: ოსმალოები, სპარსელები, თათრები, ლეკები და სხვ. იყო ერთი გარემოება, რომელიც ამ მხრით, კიდევ უფრო დიდ უბედურებათ ევლინებოდა საქართველოს, სახელდობრ ის, რომ ქართველი ხალხის ყველა გარეშე მტერი მაჰმადის რჯულს, ანუ სარწმუნოებას აღიარებდა. ეს მტრები სისტემატიურად და გამუდმებით თავს ესხმოდნენ საქართველოს, იკლებდნენ და აოხრებდნენ ქართველი ხალხის მიწა-წყალს. მაგრამ მართო ამას როდით კმარობდნენ: ისინი ცდილობდნენ ქართველების გამაჰმადიანებასაც. რადგანაც ქართველი ხალხი ქრისტეს სარწმუნოებას აღიარებდა და გარეშე მტრები კი—მაჰმადისას, ამიტომ ბრძოლა ამ ორ მოპირდაპირე ბანაკს შორის სარწმუნოებრივი ომის ხასიათს იღებდა; თითქოს ბრძოლა სწარმოებდა სარწმუნოებისათვის და არა ნივთიერი, მატერიალური ინტერესების გულისათვის. ეს გარემოება ფარავდა ხალხის თვალში ომის ნამდვილ მიზეზებს; ხალხს გონებას ურევდნენ, უმტკიცებდნენ—ვითომც იგი თავისი სარწმუნოების დასაცავად იბრძოდა. ეს კი ბუნებრივად იწვევდა, როგორც ქართველებში, ისე მაჰმადის სჯულის მალღიარებელ ხალხებში, სარწმუნოებრივ ფანატიკოსობას, რითაც, რა თქმა უნდა, მოხერხებულად სარგებლობდნენ მაშინდელი გაბატონებული წოდებანი: მეფენი, მთავრები (თავად-აზნაურობა) და მაღალი სამღვდელოება (კათალიკოსები, მიტროპოლიტები და ეპისკოპოსები).

ამგვარად, საქართველო და ქართველი ხალხი ფაქტიურად მაჰმადის სარწმუნოების მალღიარებელ ხალხთა რკალში მოემწყვდა, რადგანაც ჩრდილოეთის მხრითაც—კავკასიონის მთებში მობინადრე ხალხებიც (ლეკები, ჩაჩნები, ქისტები და სხვ.) იმ დროს თითქმის სულ ერთიანად გამაჰმადიანებული იყვნენ. ეს მოხდა სწორედ მას შემდეგ, რაც მეტხუთმეტე საუკუნეში სტამბოლი ოსმალოებმა დაიპყრეს. ოსმალოებმა თანდათან გაავრცელეს თავისი გავლენა შავი ზღვის სანაპიროების ყველა ქვეყნებზე. ამგვარად, პატარა საქართველოს ქრის-

ტეს სჯულის მადიარებელი ხალხი ირგვლივ გარშემორტყმული იყო მაჰმადიანური ქვეყნებით. ამ უკანასკნელთ ქრისტიან-ქართველებს წინააღმდეგ თითქოს ერთი მთლიანი ფრონტი ჰქონდათ, რამდენიმე ქვეყნის სტრატეგიაში მათ შორის დაუნდობელი ბრძოლა სწარმოებდა. უნდა ითქვას, რომ ერთი მუქა ქართველობა გარეშე მტერს შეუპოვრად ებრძოდა, მას არავინ ჰყავდა მშველელი და დამხმარე და მხოლოდ თავის საკუთარ ძალებზე იყო მინდობილი. ამიტომ აშკარაა, საქართველო ამდენ მტერს ბოლომდე ვერ გაუძლებდა ასე, მაგ., ოსმალეთმა ნელ-ნელა გამოაცალა საქართველოს უძველესი პროვინციები, როგორც არის: ჯავახეთი (აწინდელი ახალქალაქის მაზრა), სამცხე-საათაბაგო (აწინდელი ახალციხის მაზრა), არტაანი, შავშეთი და დღევანდელი აჭარისტანი. დიდი უმეტესობა ამ პროვინციების მოსახლეობისა ძალით იქნა გამაჰმადიანებული, ან შუაგულ ოსმალეთში გადასახლებული. მეთვრამეტე საუკუნის გასულს ყველა ეს პროვინცია და აგრეთვე ქალ. ფოთი ¹⁾ ოსმალეთს ექირა. ასევე იქცეოდა მეორე მხრიდან მომდგარი სპარსეთიც. ჯერ კიდევ მეთექვსმეტე საუკუნეში შაჰაბაზმა აიკლო და გაანადგურა აღმოსავლეთი საქართველო. მაგრამ ამით იგი არ დაკმაყოფილდა. იცოდა რა ქართველი ხალხის ურჩობა, შაჰაბაზმა დიდძალი ხალხი, მთელი სოფლები, განსაკუთრებით გლებ-კაცობა, აყარა და სპარსეთში გადაასახლა, იმათ მაგიერ კი ჩვენში თათრობა ჩამოასახლა. ამნაირად რამდენიმე საუკუნის განმავლობაში ქართველი ხალხი თანდათან სუსტდებოდა, და ზოგიერთ შემთხვევაში კიდევაც ნადგურდებოდა. მეთვრამეტე საუკუნის მეორე ნახევარში ეს ქვეყანა, ოდესღაც მდიდარი, ძლიერი და შედარებით მჭიდროთ დასახლებული, საზარელ სურათს წარმოადგენდა. ერთის მხრით, შინაურმა შფოთმა, ალიაქოთმა და ბატონყმურმა ურთიერთობამ (ამაზე დაწვრილებით შემდეგ შევჩერდებით) ხოლო, მეორეს მხრით მაჰმადიან ხალხებთან განუწყვეტელმა ბრძოლამ საქართველო იმ ზომამდე დასცა, როგორც ეკონომიურად, ისე კულტურულადაც, რომ იგი პირდაპირ უფსკრულის პირზე იდგა. არ შევჩერდები იმ მიზეზებზე, რამაც ეს მოვლენა გამოიწვია. ამის შესასწავლად მკითხველს შეუძლიან მიმართოს, სხვათა შორის, ჩემს წერილებს ჟურნალ „კვალში“: „საქართველოს ეკონომიური მდგომარეობა მეცხრამეტე საუკუნეში“ ²⁾. მაგრამ იმ მდგომარეობის დასახასიათებლად, რომელიც შექმნილი იყო საქართველოში მეთვრამეტე საუკუნის ბოლოს საჭიროდ მიმაჩნია მოვიყვანო აღნიშნული წერილიდან შემდეგი ამონაწერი: „ხალხის ეკონომიურმა დაქვეითებამ, რაც ბატონ-ყმური დამოკიდებულები პირდაპირი შედეგი იყო, საზოგადოებრივი ცხოვრება უკან დააქანა და სახელმწიფო ძალა სრულიად შეასუსტა. პოლიტიკურად საქართველო მეთვრამეტე საუკუნის ბოლოს წარმოადგენდა ორ სამეფოს: ქართლ-კახეთისას და იმერეთისას; და სამ სამთავროს: გურიისას, სამეგრელოსას და სვანეთისას. ამას გარდა, ქ. ფოთი, აჭარა და ჭანეთი ოსმალეთს ეკუთვნოდა. შინაური წყობი-

¹⁾ ფოთი დასტოვა ოსმალეთმა მხოლოდ 1809 წელს. რუსეთის ჯარებთან სამი თვის ბრძოლის შემდეგ.

²⁾ ჟურ. „კვალი“, 1900 წ., №№ 1, 8, 9, 12.

ლემა ყველასი ერთ და იმივე საფუძველზე იყო აგებული. ეკონომიურმა ვითარებამ იქამდის მიიყვანა საქართველოს ყველა ნაწილები მეთვრამეტე საუკუნის ბოლოს, რომ არც ერთ იმათგანს, პოლიტიკური თვითარსებობის დაცვა აღარ შეეძლო. მეფე ერეკლე შინაური შუოთის და ამბოხების დასათრგუნავათ და გარეშე მტრების მოსაგერიებლად იძულებული შეიქნა დაეჭირავებია დალესტნის ლეკები, რაც წლიურად თხოულობდა 60—100 ათას მანეთამდის ხარჯს. ეს ნიშნავდა ხალხის შემცირებას, ხალხის რიცხვის მოძრაობა არის უტყუარი საზომი მისი ეკონომიური ვითარებისა. ქართველი ხალხის რიცხვი, რომელიც წინა საუკუნოებში რამდენიმე მილიონამდის აღიოდა, მეთვრამეტე საუკუნის ბოლოს სამას ათასს არ აღემატებოდა. ეს გარემოება უდი ნიშანი იყო. საქართველოს ორივე სამეფოს დაკარგული ქონდა პოლიტიკური დამოუკიდებლობა. ქართლ-კახეთის სამეფო დიდი ხნიდან სპარსეთის პროვინციად ითვლებოდა, იმერეთი ოსმალეთს ემორჩილებოდა. თუმცა ჯერ კიდევ პოლიტიკური დამოუკიდებლობის სახე ჰქონდათ შერჩენილი, მაგრამ სახელმწიფო შემოსავალი სახელმწიფო ხარჯებს ვეღარ ჰფარავდა. ერეკლე II, სახელმწიფო შემოსავლის გასადიდებლად ართმევდა ძალით თავადებს მამულს, რის გამო მას ბევრი წარჩინებული თავადები გადაემტერენ. მთელი ქართლ-კახეთის შემოსავალი მეთვრამეტე საუკუნის ბოლოს ძლივს აღიოდა 90.000 მანეთამდის. ამ შემოსავლის გადიდება მაშინდელი წარმოების პირობებში ყოველად შეუძლებელი იყო. რადგანაც წარმოება თანდათან ეცემოდა. მაგალითად, აბრეშუმის მოყვანა, რომლითაც ერთ დროს საქართველო, ოდიარუსის სიტყვით, ძლიერ მდიდარი იყო, მეთვრამეტე საუკუნის ბოლოს ძლიერ შემცირდა. ასეთივე ბედი ეწვია სამთო მრეწველობასაც. 1763 წელს მეფე ერეკლე მე-II-ის წინადადებით ბერძნებმა დაიწყეს ბორჩალოში ვერცხლის და სპილენძის წარმოება, რომელიც ხაზინას პირველ ხანებში 15.000 მანეთამდე შემოსავალს აღწევდა. მაგრამ 1800 წელს ეს წარმოება უკვე გაუქმებული იყო. რაც შეეხება იმერეთის სამეფოს, იმის მდგომარეობა ეკონომიურად კიდევ უარესი იყო, რადგანაც სახელმწიფოს შემოსავალი იქ თითქმის სამჯერ ნაკლები იყო. ხალხის ნაწარმოებს მძლავრი თავადობა ისაკუთრებდა, რომლის წინაშე თვით მეფე ქედს იხრიდა. იმ კუთხეში, სადაც 22 საუკუნის წინად ყვაოდა ქალაქები, რომელთა სიმდიდრე და მსოფლიო აღებ-მიცემობა განთქმული იყო, გარდა ქუთაისისა, რომელიც უფრო სოფელს ჰგავდა, არ არსებობდა არც ქალაქი და არც მკიდროდ დასახლებული დაბა; და თვით ხალხი მებატონეთა მტაცობისა და დამცირებისაგან წელში გატეხილი იყო. რომ საქართველოს ხალხი სრულიად არ განადგურებულიყო და არ აღმოფხვრილიყო, —საჭირო იყო: 1) კერძო ფეოდალების თავგასულობის და თვითნებობის თუ სრულიად მოსპობა არა, ალაგმვა მაინც, 2) უზრუნველყოფა გარეშე მტრების აკლებისაგან; და 3) უწინარეს ყოველისა, თვით ხალხის ეკონომიურ ცხოვრებაში ახალი წყაროების აღმოჩენა. საუბედუროდ, არც ერთი ამ პირობის სისრულეში მოყვანა მეთვრამეტე საუკუნის დასასრულს შინაური ღონის ძიებით შესაძლებელი არ იყო. ამნაირად ორი ათასი წლის ცხოვრებამ საქართველო მიიყვანა საშინელ კრიზისამდის:

მას წინ ედგა, ან სრულიად აღმოფხვრა, ან გარდაქმნა. მეცხრამეტე საუკუნეში გადაწყვიტა ეს დილემა მეორეს სასარგებლოდ. რუსეთის მთავრობის დაფუძნება საქართველოში არ იყო ერთი კაცის ნების შესრულება, ეს იყო ისტორიული აუცილებლობა.

თუ ახლა უკან დავიხევთ და ჩვენ თვალს მივაპყრობთ საქართველოს ცხოვრებას მეცხრამეტე საუკუნის დასაწყისამდე, ჩვენ წარმოგვიდგება ორი სურათი: ერთი მხრით, თავისუფალი თემები, მდიდარი ქალაქები, კოლხიდელი ვაჭრები, რომლებიც აწარმოებდნენ მსოფლიო აღებ-მიცენობას; გზები, რომლებზედაც მიმოსვლა მშვიდობიანად შეიძლებოდა, და, მეორე მხრით, ქვეყანა, შეწყუბებული გარეშე და შინაური მტრებისაგან, დაცემული ეკონომიურად და დასახლებული ხალხით, რომლის უმრავლესობა, მოკლებული ყოველგვარ ადამიანურ უფლებას, ნივთიერ და გონებრივ სიღატაკში იყო ჩაფლული. მაშასადამე, ეს ორი ათასი წლის ცხოვრება საქირო იყო თითქო მხოლოდ იმისთვის, რომ ჩვენი ქვეყანა დაქვეითებულიყო. ასეა თუ ისე, თავისუფალ თემთა მოსპობა ყველგან განვითარების შედეგი იყო. მხოლოდ ჩვენი ქვეყანა დიდხანს შეჩერდა მეორე საფეხურზე.

თავისთავად იბადება კითხვა: იყვნენ თუ არა მაშინდელ საქართველოში ისეთი პირები, რომელნიც გრძნობდნენ, ან რომელთაც ესმოდათ ის საფრთხე, რომლის წინაშეც საქართველო იდგა? ჩვენ მოგვეპოება რამდენიმე ისტორიული ხასიათის საბუთი, რომლებიც გვიმტკიცებენ, რომ ჩვენში გრძნობდნენ ამ საფრთხეს და მის თავიდან ასაცილებლად სცდილობდნენ სხვადასხვა ღონისძიების ხმარებას. ჯერ ფიქრობდნენ ევროპის სახელმწიფოების დახმარებით ეხსნათ თავი მაჰმადიან ქვეყნების საფრთხისაგან (საბა სულხან-ორბელიანი — ვახტანგ VI-ს მიერ სწორედ ამ მიზნით იყო გაგზავნილი ევროპაში მეთვრამეტე საუკუნის დასაწყისში), მაგრამ აქედან არა გამოვიდა რა. შემდეგ მიაპყრეს თვალი რუსეთს, რომელსაც „ერთმორწმუნეს“ უწოდებდნენ (საქართველო და რუსეთი ორივენი ქრისტიანული ქვეყანა იყო და მასთან ორივე „მართლმადიდებელი“). ჯერ კიდევ 1783 წელს ქართლ-კახეთის მეფე ერეკლე II ცნობილი, ეოთსა და იმავე დროს, როგორც გამჭრიახობით, ისე ნამაცობით, რუსეთის მეფე ეკატერინე მეორესთან ხელშეკრულებას სდებს, რომლითაც საქართველო ჰკარგავს პოლიტიკურ დამოუკიდებლობას და რუსეთის მეფეების მფლობელობაში გადადის. მაგრამ ეს ხელშეკრულება განუხორციელებელი დარჩა, რადგანაც სწორედ ამის შემდეგ, სახელდობრ 1795 წელს, სპარსეთის ყაენმა აღამაჰმედ-ხანმა ერთხელ კიდევ საშინლად აიკლო და ააოხრა აღმოსავლეთი საქართველო ტფილისითურთ. ეს ახალი შემოსევა რამდენიმედ შურისძიებაც იყო აღამაჰმედ-ხანის მხრით, რადგანაც საქართველო რუსეთისაკენ იშვერდა ხელს დახმარებისათვის. ერეკლე II-ს გარდაცვალების შემდეგ (1798 წ.), ერთის მხრით, და მისი ყოვლად უნიჭო შვილის — გიორგი 13 გამეფების შემდეგ, მეორეს მხრით, კრიზისი კიდევ უფრო გამწვავდა. რომ ბევრი არ გავაგრძელოთ, ვიტყვი, რომ ეს კრიზისი დამთავრდა 1801 წლის სექტემბრის 12-ს მანიფესტის

გამოცემით (მოსკოვში), რომლითაც ქართლ-კახეთის სამეფო **ისპობოდა** და უბრალო გუბერნიის სახით რუსეთს უერთდებოდა 1).

თავისთავად იგულისხმება, რომ ქართლ-კახეთის ბედნიერად სწავლად საქართველოს დანარჩენ ნაწილებსაც. ე. ი. იმერეთის სამეფოს და გუბიის, სამეგრელოს და სვანეთის სამთავროებს, შემდეგ კი ამიერ-კავკასიის დანარჩენ პროვინციებსაც. თუ აქამდე რუსეთის თვითმპყრობელობა ვერ აწარმოებდა ამიერ-კავკასიაში ენერგიულ დაპყრობითი პოლიტიკას, ეხლა, როდესაც მან აღმოსავლეთ საქართველოში ფეხი მოიკიდა, ეს დაპყრობითი ანუ, ახალი ენით რომ ვსთქვათ, იმპერიალისტური პოლიტიკა სწრაფად ვითარდება. რა თქმა უნდა მაშინდელი საქართველოსთვის გარდა რუსეთთან შეერთებისა სხვა გზა აღარ იყო, — უამისოდ მას პირდაპირ ფიზიკური არსებობის მოსპობა მოელოდა, — მაგრამ ეს „შეერთება“ სრულებითაც არ მომხდარა „ნებაყოფლობით“. პირიქით, ეს იყო ნამდვილი ძალდატანებითი მოქმედება, ან, უკეთ რომ ვსთქვათ, მთელი რიგი ძალდატანებითი მოქმედებათა, რომელსაც თან ახლდა, ერთის მხრით, დატყუილება და სიცრუე, მეორეს მხრით კი, სასტიკი სისხლის მღვრელი ომები. საქართველოს რუსეთთან ნებაყოფლობითი შეერთება, რასაც თვითმპყრობელობის ერთგული დარაჯები თითქმის ერთი საუკუნის განმავლობაში მთელ ქვეყანას უმტკიცებდნენ — მხოლოდ ზღაპარია. ეს „შეერთება“ და ამ შეერთების შედეგები წვითა და დაგვით არის აღბეჭდილი საქართველოს ცხოვრებაში. სულ სხვა საკითხია, შეეძლო თუ არა ქართველ ხალხს, შექმნილ პირობებში თავი დაეხწია ფიზიკური განადგურებისათვის, რომლისკენაც იგი მიექანებოდა. ჩვენ უკვე ზემოთ ვუბასუხეთ ამ კითხვაზე, რომ არ შეეძლო. ჩვენ ვამბობთ, რომ, რაც უნდა იყოს, საქართველოს „შეერთება“ რუსეთთან ნიშნავდა ძველი საქართველოს ყოფა-ცხოვრების და წესწყობილების დასასრულს, და ახალი საქართველოხათვის ნიადაგის მომზადებას. ამ მხრით ეს „შეერთება“ ჩვენს ცხოვრებაში დადებით და პროგრესიულ მოვლენას წარმოადგენს. თითქმის ორი ათასი წლის განმავლობაში საქართველოს ყოფა-ცხოვრება არსებითად არ შეცვლილა, იგი ერთ დონეზე იდგა. ამიერიდან კი ყველაფერი იცვლება. ჯერ კიდევ ამ ოცდახუთი წლის წინათ ზემოაღნიშნულ წერილში ვსწერდი: „მეცხრამეტე საუკუნის განმავლობაში საქართველომ განიცადა ღრმა ცვლილებანი საზოგადოებრივი და პოლიტიკური ხასიათისა. ის, რაც საუკუნოების განმავლობაში უცვლელად და შეურყევლად რჩებოდა, ამ საუკუნეში ძირიანად შეირყა და სრულიად სხვა სახე, სხვა ფერი მიიღო. საქართველოს ყოველი სახელმწიფო და საზოგადოებრივი წესწყობილება, აგებული ბატონ-ყმურ და ფეოდალურ ნიადაგზე, მეცხრამეტე საუკუნის განმავლობაში სამუდამოდ

1) ამ მანიფესტის ისტორიის უფრო დაწვრილებით შესწავლისათვის მკითხველს შეუძლიან მიმართონ 1901 წლის ჟურ. „კვალში“ მოთავსებულ წერილს „საქართველოს რუსეთთან შეერთება“ (№ 38). ამ წერილში ფაქტები საკმაოდ ობიექტიურად არის გაშუქებული. რაც შეეხება ზ. ავილიშვილის და ზვლთუფლიშვილის მონოგრაფიებს, — ორივე გაქვნილია სუბიექტიური სულის კვეთებით, ორივეში ფაქტები ცალმხრივად არის შეფასებული, და ამიტომ ამ მონოგრაფიებით სარგებლობის დროს დიდი სიფრთხილეა საჭირო.

დაინგრა. ეკონომიურმა წარმატებამ შექმნა ახალი ხანა, საიდანაც იწყება ქართველი ხალხის გამოსვლა თანამედროვე მოქალაქობრივი ცხოვრების სარბიელზე“. უნდა ვსთქვათ, რომ ამ ცვლილებამ თავი უჩინა: იმყოფებოდა მეცხრამეტე საუკუნის მეორე ნახევრიდან. პირველ ნახევარში ჩვენ ვხედავთ განწირულ, მაგრამ ჯერ კიდევ საკმაოდ მძლავრ ფეოდალურ კლასს—თავად-აზნაურობას; იგი მოკლებულია პოლიტიკურ უფლებებს, მაგრამ ჯერ კიდევ გაელენიანია რუსეთის მთავრობის თვალში, რომელიც სხვადასხვა ნივთიერი უპირატესობის მინიჭებით ლამობდა მოეგო მისი („თავად-აზნაურობის) გული. ასეთ პირობებში უბრალო ფიქრიც კი გლახკაცობის მდგომარეობის გაუმჯობესებაზე შეუძლებელი იყო. მებატონე თავად-აზნაურობამ ხომ კიდევ უფრო გააძლიერა გლახკაცობის ტანჯვა და შევიწროება. მაგრამ ახლა გლახკაცობას, ბიუროკრატიული რეჟიმის შემოღების გამო ახალი სინძიმე დააწვა კისრად. გაჩნდა ახალი ჯარი სხვადასხვა ჯურის მოხელე-ჩინოვნეებისა, რომლებიც არავითარ ანგარიშს არ უწევდნენ ხალხს და რომლებიც, პირიქით, სულ ახალ და ახალ ზომებს იგონებდნენ ხალხის შესაწუხებლად. ამ გვარად, ხალხს კისერზე დააწვა ერთის ნაცვლად ორი უღელი, რომელიც ხანდისხან მართალია, (მართალია) ერთ უღლად იქცეოდა ხოლმე, რადგანაც მებატონე თუ მემამულე ზოგჯერ მოხელის სახითაც ევლინებოდა იმავე ხალხს. ხალხი არ იყო ჩვეული იმ რეჟიმს, რომელიც რუსეთთან შეერთების დღიდან საქართველოში დამყარდა, იგი ვერ ურიგდებოდა ამ რეჟიმს, და თავისი უკმაყოფილება არა ერთხელ გამოუხატავს. ამნაირად, ჩვენ ვხედავთ, რომ მეცხრამეტე საუკუნე შეგვიძლიან ორ ხანად გავყოთ: 1) **შეერთებიდან გასული საუკუნის მეორე ნახევარამდე** და 2) **მეორე ნახევარამდე წლებიდან მეცხრამეტე საუკუნის გასვლამდე**. პირველ ხანაში ჩვენ ვხედავთ ჯერ კიდევ მძლავრ თავდააზნაურობას და იმავე დროს ბიუროკრატიული რეჟიმის განმტკიცებას. ეს ორივე ძალა უპირისპირდება და ებრძვის ხალხის უპირავლესობას ანუ გლახკაცობას. **გლახკაცობა გამორიცხულია საზოგადოებრივი ცხოვრებიდან**; იგი უზომო შევიწროებას და ჩაგვრას განიცდის; იგი ღელავს და აწყობს აჯანყებებს. ბატონყმობა, ნატურალური მეურნეობა, კუთხური ანუ კარჩაკეტილი ცხოვრება ჯერ კიდევ თავის ძალაშია. ძველი სამეფოები და სამთავროები კარგა ხანია მოისპო, მაგრამ წინანდელი დაყოფა არსებითად ისევ არსებობს: იმერეთი, სამეგრელო, გურია, ქართლ-კახეთი თითოეული მათგანი ისევ თავისთვის ცხოვრობს, კარდახშული, განცალკევებული. სულიერი კულტურის, ლიტერატურის ნასახიც არსად სჩანს, თუ მხედველობაში არ მივიღებთ იმ გარემოებას, რომ 1819 და 1832 წლებში იყო ცდა გაზეთის გამოცემისა; მწერლობა თითქოს მთლად გაქრა. ამ უდაბნოში მხოლოდ ერთ დადებით მოვლენას ვამჩნევთ,—**მე მხედველობაში მაქვს გარეშე მტრების თავდასხმის შეწყვეტა**. მტრების ალაგმვა შესძლო რუსეთის თვითმპყრობელობამ; ეს ნიშნავდა ხალხის ფიზიკურად გადარჩენას. ამ შევბნეული სურათის შეცვლა იწყება მეორე ნახევარ-მესამოცე წლებიდან. ქვემოთ ჩვენ ამას უფრო დაწვრილებით განვიხილავთ.

საქართველოს ცხოვრება მეცხრამეტე საუკუნეში დღემდე საკმარისად არ

არის შესწავლილი და გაშუქებული. გვაქვს თვალსაჩინო მახალა ამ ისტორიის შესასწავლად, ბევრი ჯერ კიდევ არქივებში განისვენებს ან იკარგება. ზოგიერთი უმრავლესობისათვის სრულიად მიუწოდონელია. მეცხრამეტე საუკუნის საქართველოს ცხოვრების სათანადოთ გაშუქებისა და შესწავლისათვის საჭიროა ამ მდიდარი მასალის გამოყენება. ზემოთ ვსთქვი, რომ ეს ცხოვრება განსაკუთრებულ პირობებში მიმდინარეობდა. აქ საქმე გვაქვს ერთ ფრიად მნიშვნელოვან ფაქტთან: მართალია, მეთერთმეტე საუკუნის ბოლოს საქართველო დაყოფილი იყო რამდენიმე წვრილ პოლიტიკურ ერთეულად, მაგრამ, საერთოდ, ცოტად თუ ბევრად, მას ჯერ კიდევ შენარჩუნებული ჰქონდა პოლიტიკური დამოუკიდებლობის სახე. მეცხრამეტე საუკუნის დასაწყისში მან დაჰკარგა ეს სახე და რუსეთის იმპერიის პროვინციად იქცა. მეცხრამეტე საუკუნის დასასრულს საქართველო უკვე აღარ ჰგავს იმ საქართველოს, რომელიც ამ საუკუნის დასაწყისში იყო. საქართველო ახლა ერთიანდება ეკონომიურ ნიადაგზე და მზადდება პირობები მისი პოლიტიკური დამოუკიდებლობისათვის, ეს ხდება მიუხედავად იმ მძაფრი გამარუსებელი პოლიტიკისა, რომელსაც რუსეთის მთავრობა აწარმოებდა აქ მთელი საუკუნის განმავლობაში—საზოგადოებრივი და სახელმწიფოებრივი ცხოვრების ყველა დარგში. დიალექტიკა სწორედ აქ იჩენს თავს მთელი თავისი ძლიერებით.

საქართველოს ზოგადი დახასიათება მეცხრამეტე საუკუნის დასაწყისში

ბ ა ტ ო ნ - ყ მ ო ბ ა .

თანამედროვეთა მოწმობით, საქართველო მეცხრამეტე საუკუნის დასაწყისში საერთოდ მეტად ლატაკ ქვეყანას წარმოადგენდა, თუმცა ძალიან მდიდარი იყო თავისი ბუნებრივი სიმდიდრით. არაერთარი მრეწველობა არ არსებობდა. ხალხი იკმაყოფილებდა თავს შინაური ანუ ნატურალური ნაწარმოებით. ალებ-მიცემობა, ანუ ვაჭრობა დაცემული იყო. ვაჭრობდნენ მხოლოდ უცხოეთიდან, განსაკუთრებით ოსმალეთიდან ან სპარსეთიდან შემოტანილი საქონლით (რკინა, მარილი და სხვ.). ეს ვაჭრობა მთლად სომხების ან ებრაელების საშუალებით ხდებოდა; ქართველებს ეს ხელობა თავიდანვე ეთაკილებოდათ. ამ ეკონომიური უძლურების მიზეზი უპირველეს ყოვლისა იმ განუწყვეტელ ომებში უნდა ვეძიოთ, რომლებზედაც ჩვენ ზემოთ ვლაპარაკობდით. მაგრამ უმთავრეს ბოროტებას ბატონ-ყმობა ქმნიდა. ერთ დროს, როცა ბატონ-ყმურმა ურთიერთობამ ჩვენში მეტად მწვავე ხასიათი მიიღო, (დაახლოვებით გასული საუკუნის მეორე მოცდაათე წლებში), ზოგიერთი, თავადაზნაურთა წრიდან გამოსული ქართველი მწერლები—ვახტანგ, გრიგლ და ალექს. ორბელიანები (და ამათი ნიხედვით სხვებიც) ამტკიცებდნენ, რომ ბატონ-ყმობა საქართველოში თითქოს შამაშვილობას და პატრონ-ყმობას ნიშნავდა რომ, ბატონ-ყმური მონობა საქართველოში თითქოს რუსებმა შემოიღეს. ასეთი აზრი პირდაპირ ისტორიის გა-

ყალბება და გადამახინჯებაა. რა თქმა უნდა, ქართველ თავადიშვილ-მწერლებს რცხვენოდათ იმ უმსგავსო და უნამუსო წესწყობილების, რომელზედაც თვით მათი კეთილდღეობა იყო დამყარებული. მეორეს მხრით, ისინი ქვეყნის უფილონი იყვნენ რუსეთთან შეერთებით და საქართველოს დამოუკიდებლობის მოსპობით, რადგანაც ამით მათაც დაჰკარგეს პოლიტიკური ძალა და გავლენა, ამიტომ თავადაზნაურობა შენატროდა ძველ საქართველოს, რომელსაც იგი თავის ოცნებაში უნაკლოდ სახავდა და, სხვათა შორის, უარყოფდა ძველ საქართველოში ბატონ-ყმობის არსებობას. მაგრამ, რადგანაც ამ ფაქტის უარყოფა შეუძლებელი იყო, ძველი საქართველოს მოტრფიალენი **ბატონ-ყმობას მამაშვილობად და ბატონ-ყმობად** ასაღებდნენ. ისინი ამტკიცებდნენ, სხვათა შორის, რომ ყმებით ვაჭრობას, რაც მეცხრამეტე საუკუნეში ოფიციალურად ხდებოდა, ძველ საქართველოში თითქო ადგილი არ ჰქონებოდა. რომ ბატონ-ყმობა საქართველოში დიდი ხნიდან არსებობდა, რომ იგი პირდაპირ მონობას წარმოადგენდა, რაც უკვე დაკანონებული იყო მეფე ვახტანგ მე-VI კანონით, რომ შემდეგ ჩვეულცხამ ყმების მდგომარეობის გაუარესების საქმეში ვახტანგის კანონსაც გადააქარბა, — ეს დღეს უდაო დებულეებაა.¹⁾ მაგრამ საქართველოში, ჯერ კიდევ რუსეთთან შეერთებაშდე, ადგილი ჰქონდა საზარელ და ყოვლად სანარცხვინო მოვლენას, რომელსაც ყმებით ვაჭრობა ჰქვია, ამ საკითხზე ჩვენ გვაქვს საკმაო მასალა, უმთავრესად დასავლეთ საქართველოს შესახებ. აქ არსებობდა ყმებით აღებ-მიცემობა ოსმალეთთან. ოსმალეთის შეძლებული ფაშა ყიდულობდა განსაკუთრებით ქართველ ახალგაზდა ბიჭებს და ქალებს. ერთ-ერთი რუსი მოხელე, გვარად სიმონოვიჩი, რომელიც მეცხრამეტე საუკუნის პირველ წლებში დასავლეთ საქართველოში ყოფილა, თავის მოხსენებაში ამბობს: „აფხაზი, გურული და მეგრელი ერთ შემთხვევასაც არ გაუშვებს, რომ მოიტაცოს ახალგაზდა ვაჟი და ქალი ოსმალეთში გასაყიდათ. ამ უბედურებას უნდა დაუმატოთ თავადებს შორის შფოთი; ისინი პარავენ ერთმანეთს ქვეშევრდომებს ოსმალეთში გასაყიდათ“.²⁾ აქედან ჩვენ ვხედავთ, რომ დასავლეთ საქართველოში სწარმოებდა ადამიანებით ვაჭრობა ოსმალეთთან; რომ აქ ყმები უნდა ვიგულისხმოთ, — ეს ექვს ვარეშეა, მაგრამ ჩვენ გვაქვს პირდაპირი დადასტურებაც იმისა, რომ სწორედ მებატონეები ყიდდნენ ოსმალეთში თავის ყმებს. ასეთ დამადასტურებელ ფაქტს გვაძლევს ცნობილი **საბა სულხან ორბელიანი**, რომელსაც 1716 წელს თავისი თვალთ უნახავს ბათომში მებატონეების მიერ გაყიდული ყმები.³⁾

¹⁾ ამ საკითხის შესასწავლად საინტერესოა ალ. ხახანაშვილის წიგნი — „ბ ა ტ ო ნ - ყ მ ო ბ ა ს ა ქ ა რ თ ე ვ ე ლ ო შ ი“. არის ამის შესახებ ჩემი წერილებიც შურ. „კვალში“.

²⁾ Акты археогр. ком., т. III, გვ. 408.

³⁾ იხ. „მასალები ბატონ-ყმობის შესახებ“ შეკრებილი ზ. ჭიჭინაძის მიერ, გამოც. აშხ. „მწიგნობარისა“ ხუხუაშვილის რედაქტორობით. ეს „მასალები“, რომლებიც ავტორს უგროვებია რამდენიმე ათეული წლის ჯანმავლობაში, მხოლოდ ამ უკანასკნელ დროს დაიბეჭდა; უნდა ითქვას, რომ ამ მასალებში არის მეტად საინტერესო ცნობები ბატონ-ყმობის ისტორიის შესახებ საქართველოში.

რა მოხდა ოუსეთთან შეერთების შემდეგ ბატონ-ყმურ ურთიერთობაში? გამოიწვია ამ გარემოებამ ყმების, და საერთოდ გლეხკაცობის, მდგომარეობის გაუმჯობესობა, თუ ეს მდგომარეობა კიდევ უფრო გაუარესდა? უმბრკველეს ყოვლისა უნდა აღინიშნოს, რომ ოუსეთთან შეერთებას ბატონ-ყმურ ურთიერთობაში არსებითად არავითარი ცვლილება არ მოუხდენია. ცვლილება მოხდა მხოლოდ იმ მხრით, რომ ქართველი მებატონეები ახლა შეეცადენ უფრო მეტი ბეგარა და გადასახადი დაედოთ თავიანთი ყმებისათვის. თუ მივიღებთ მხედველობაში, ერთი მხრით, იმ გარემოებას, რომ საქართველოში საერთოდ მებატონეთა რიცხვი, ოუსეთთან შედარებით, ძლიერ დიდი იყო და მეორეს მხრით, იმას, რომ აქ არსებობდა მებატონეთა რამდენიმე კატეგორია, სახელდობრ იყვნენ ისეთი მებატონეები, რომელთაც თავის მორჩილებაში ჰყავდათ არა მარტო ყმა-გლეხები, არამედ თვით აზნაურებიც (რომლებიც თავის მხრივ თითონ ფლობდენ ყმებს),—ვიმეორებ, თუ მივიღებთ მხედველობაში ყოველივე ამას, მაშინ ადვილათ შეგვიძლიან წარმოვიდგინოთ ჩვენი ყმა-გლეხების მართლაც და აუტანელი, უკიდურესად გაჭირვებული მდგომარეობა. არ უნდა დავივიწყოთ, რომ ქართველ მებატონეთა შემოსავლის ერთად-ერთი წყარო იყო ან ყმის ქონება, ან თვითონ ყმა თავისი შრომით. მეორეს მხრით, ოუსეთთან შეერთების შემდეგ ქართველ მებატონეებს მოთხოვნილებანი გაუფართოვდათ და მასთან ერთად ფულის საჭიროებაც გაუჩნდათ. და, აი, იმათაც მიჰყვეს ხელი გლეხების სულიან-ხორციანად გატყავებას. მებატონემ მოუხშირა თავისი ყმების დაგირავება და გაყიდვა. ზ. კიკინაძის გამოქვეყნებულ „მასალებში“ მოყვანილია აუარებელი ფაქტიური ცნობები ამ დაყიდვის შესახებ,—დაწყებული 1819 წლიდან, ვიდრე მეორმოცდაათე წლების დასასრულამდე. ყმების ყიდვა-გაყიდვა ხდებოდა როგორც საჯაროდ გამოცხადებით, ისე გამოუცხადებლადაც. მოვიყვან აქ საჯაროდ გამოცხადების რამდენიმე ნიმუშს. „საქართველოს გაზეთის“ (1819 წ.)¹ ერთად-ერთი ჩვენამდე მოხწეულ—38 ნომერში მოთავსებულია შემდეგი ორი განცხადება: „ტორლი. გორის მაზრა, სოფელ დავრის მცხოვრებნი, ბარძიმ მაჩაბელოვის ყმა დათუა კვალანაძე, გაისყიდება თავის ცოლით, ვაჟით, ქალიშვილებით, ძმისწული ნონიათი და ვენახით იმ ასოცდა სამ რუბლში, რომელიც მართებს მას აზნაური გაბაშვილის ქალის, ელისაბედის. ამათის გაყიდვის ვადა დანიშნულია ამა წლის ნოემბრის 20-ს და დეკემბრის 6/20 რიცხვებში“.

„თელავის უეზდის, სოფელ ფიხვის მცხოვრები, რვა კომლი ყმა, ლუბერსკის სეკრეტრის ნათიოვისა, გაისყიდება იმ ათას ასოც რუბლის ვალში, რომელიც მას მართებს ლუბერსკი სეკრეტრის თავადის მელიქ-ზადე ბებუთოვისა. ამათის გაყიდვის ვადა დანიშნული აქვს ამა წლის ნოემბრის 20-ს და დეკემბრის 6/20 რიცხვებში“.

ახლა მოვიყვანთ რამდენიმე ამონაწერს გაზ. „კავკაზიდან“: „ტორლი.

1) „საქართველოს გაზეთი“ დაარსდა 1818 წელს. მისი ზომა ერთი თაბახი იყო. ზემოხსენებული ცნობები იბეჭდებოდა, როგორც განცხადება.—მისი გამოცემა შეწყდა 1821 წელს.

1846 წ. 20 თებერვალს დავით ზაალოვის, ბეჟან ქანშიევის და თაღაგანდოვის ვალში გაყიდული იქნება მისივე ყმანი: გორის მაზრის სოფელ გრგეთში, ერთი კომლი გლეხი, რომელ კომლშიაც არიან ორი სული მამაკაცი და ერთი სული დედაკაცი. მეორე, კიდევ ერთი გლეხის ოჯახი, და სამი ვენახი დასაკმაყოფილებლად, სოსია სულხანიშვილის, ივანე ცუხანიშვილის და ოანუზ გორხაშვილის, ზემოხსენებულ კნიაზებთაგან მოპარულის ღორების, სულ დაფასებულია 1858 მანეთად“.

„1846 წ. 19 თებერვალს ნიკო ამილახვარის ვალში, გაისყიდებიან, მისივე ყმათა 19 კომლი, რომელნიც სცხოვრობენ გორის მაზრის სოფ. კორბოხში. ამათ აქეთ საბალახე, 30 დღიური სახნავი მიწა, რამდენიმე ვაზის ვენახი და სხვა შეძლებანი, დაფასებულია 7412 მან.“

„1853 წ. 16 თებერვალს ზურაბ ერისთავის ვალში გასყიდულ იქმნება მისივე ყმათა 41 კომლი, ამათში 145 მამაკაცია, 116 დედა კაცი. ისინი სცხოვრობენ ქუთაისის გუბერნიის შორაპნის უეზდში 23 კომლი სვირის ნაწილის სოფელ სვირში, 9 კომლი ამავე ნაწილის სოფელ ბოსლევში. 3 კომლი სოფელ სკინდორში; 3 კომლი სოფელ ითხვისში, 1 კომლი ბერეთისაში, 2 კომლი ს. მანდაეთში, რომელნიც დაფასებული არიან 11.184 მან. 50 კაპ.“

„1853 წ. 20 აპრილს, სიმონ აბაშიძის ვალში გაისყიდება მისივე ყმათა 13 კომლი, რომლის 4 კომლი სცხოვრობს სოფელს ნავარხეთში, ამათში მამაკაცი ჩვიდმეტია, სოფელ კაცხში შვიდი კომლი, ამათში მამაკაცი ოცდაათია, ორი კომლი სოფელ რკვიაში, ამათში მამაკაცი თორმეტია, ყველა ესენი თავიანთი შეძლებით დაფასებულია 1700 მანეთად თავიანთის უძრავის და მოძრავის ქონებით“.

ზემოთ მოყვანილი შემთხვევები ყმების დაყიდვისა მხოლოდ წვეთია ზღვაში. ეს მხოლოდ მაგალითებია. წეიძლება ითქვას, რომ იმ დაწყებულ დროს არც ერთი საქონელი არ ყოფილა ისე გავრცელებული როგორც საქონელი—ბატონ-ყმური მონა, ყმებს ყიდდენ როგორც თვით საქართველოში, ისე საზღვარგარეთ, უმეტესად ოსნალეთში. ამ აღმაშფოთებელ და საზიზღარ საქმეს ეწეოდა, ეგრედწოდებული, ბრწყინვალე თავადაზნაურობა. ყმას ყიდდენ მთელი ოჯახით, მაგრამ უფრო ხშირად ოჯახს აკალკეებდენ, ასე რომ შვილს მიყიდდენ ერთს, მამას მეორეს, დედას მესამეს და სხვ.. ამასთანავე, გლეხების ოჯახების დარბევა და განადგურება თავადების მხრით, გლეხების ცოლების და ქალების გაუპატიურება—ჩვეულებრივი მოვლენა იყო. ამნაირად მეცხრამეტე საუკუნის პირველ ნახევარში გლეხების მდგომარეობა, განსაკუთრებით ყმა-გლეხების, მეტად გამწვავდა. გლეხკაცობა შეწუხებული იყო. ბევრი მათგანი არჩევდა ყაჩაღად გადავარდნას, ან საქართველოდან გაქცევას, გადახიზნვას, ხარწმუნოების გამოცვლას, გასომხებას ან გამაჰმადიანებას. ასეთი შემთხვევები მრავალი იყო. მეორეს მხრით, ხშირი იყო თვით ყმების მხრითაც პირადი შურისძიება მხეცი მებატონის წინააღმდეგ. სამწუხაროდ, ასეთი შურისძიების აქტები ძალიან ცოტა გვაქვს, ვიცით მხოლოდ რამდენიმე შემთხვევა. მაგალითად, 1810 წელს ყმამ ხანჯლით აკუწა თავისი ბატონ ზაალ ბარათაშვილი. ამ ამბავმა შიშის ხარი

დასცა ქართველ მებატონეებს; მაგრამ მხეცობას მაინც არ უკლებს, ამ ამბის შემდეგ ასეთივე ბედი ეწია ბარძიმ ამილახვარს, მამამხე ერისთავს. თავად სუმბათა-შვილებს და სხვებს. ¹⁾

ყოველივე ეს ბდებოდა მთავრობის ნებართვით, ეკლესიის; სასაწყობოების-ქრისტიანული სამღვდულოების დასტურით, არა მარტო დასტურით, არანედ დახმარებით.

საინტერესოა შენდეგი საკითხი: საქართველოში პირველად ვინ ამოიღო ხმა ბატონ-ყმობის წინააღმდეგ? ჩვენ ვიცით, რომ როცა საქართველო რუსეთს შეუერთდა და მეფობა მოიხსპო, ხალხში ხმა გაეპარდა — ბატონ-ყმობაც მოიხსპობო ასეთ ხმებს, რა თქმა უნდა, ყმა-გლეხებში აგრცელებდენ. მეცხრამეტე საუკუნის დასაწყისამდე ასეთ რამეს აღგილი არ ჰქონია, და ვერც ექნებოდა. მაგრამ მეცხრამეტე საუკუნის განმავლობაში, ვიდრე ბატონ-ყმობა კანონის ძალით გაუქმდებოდა, ქართველ გლეხებში ხშირად შეხვდებოდით ისეთ ყმებს, რომლებიც ბატონ-ყმობას აშკარად გამობდენ და, რამდენადაც კი შეეძლოთ, მის წინააღმდეგ ილაშქრებდენ. რა თქმა უნდა, აქ გასაკვირალი არაფერია: ყმებს აწუხებდენ, აწამებდენ, ისინი ამას ველარ ითმენდენ და თავისებურ პროტესტს აცხადებდენ მონობის წინააღმდეგ. ამათი სახელი ჩვენთვის უცნობია, გარდა არსენა ოძელაშვილისა. მაგრამ ჩვენთვის უფრო საყურადღებოა მეორე გარემოება: ვინ იყო ის, რომელმაც ჩვენში ბატონ-ყმობა პირველად დაგმო საჯაროთ ლიტერატურაში! ამის შესახებ ერთ დროს სხვადასხვა აზრი არსებობდა. საქმე ის არის, რომ ბატონ-ყმობის პირველი გამკიცხველის სახელს ისეთ პირებს აკუთვნებდენ, რომელთაც ამ საქმეში არაფითარი სამსახური არ მიუძღოდათ და პირიქით, ცდილობდენ დაეჩრდილათ ის ადამიანი, ვინც მართლა პირველად დაგმო ჩვენში ეს. სამარცხვინო წესწყობილება — ბატონ-ყმური მონობა. ეს პირველი იყო დანიელ ჭონქაძე. ¹⁾ 1859 წლის ბოლოს ურ. „ცისკარში“ (დეკემბრის ნომერი) დაიბეჭდა დ. ჭონქაძის „სურამის ციხე“. მაშინდელ ქართველ მწერლებში რომლებიც სულერთიანად თავად-აზნაურობი იყვნენ, ჭონქაძის რომანმა დიდი უკმაყოფილება და აურზაური გამოიწვია. „სურამის ციხის“ ავტორს სიკვდილით დაენუქრენ, მაგრამ მოკვლას ასცდა, რადგან რამდენიმე თვის შემდეგ ჭონქაძე, ჯერ კიდევ სრულიად ახალგაზდა, ბუნებრივი სიკვდილით გარდაიცვალა. მხოლოდ ორი-სამი წლის შემდეგ (1863 წ.) დ. ჭონქაძეს გამოექონა ანტონ ფურცელაძე. მაგრამ ეს იმ დროს იყო, როცა რუსეთში ბატონ-ყმობა უკვე გაუქმებული იყო და ჩვენშიაც დღე-დღეზე მოელოდენ მის გაუქმებას.

ბატონ-ყმობის გაუქმება საქართველოში, ე. ი. ტფილისისა და ქუთაისის გუბერნიაში, ერთსა და იმავე დროს არ მომხდარა: აღმოსავლეთ საქართველოში ის გაუქმდა 1864 წლის ოქტომბრის 13-ს მანიფესტით, ხოლო ქუთაისის გუბერნიაში — 1865 წ. ოქტომბრის 13-ს, შემდეგ, 1866 წ. დეკემბრის 1-ს ბატონ-ყმობა გაუქმებულ იქმნა სამეგრელოში (ზუგდიდის, სენაკის და ლეჩხუმის

1) იხ. „ბატონ-ყმობის მასალები“, ტ. 1, გვ. 162—164.

1) ამ საკითხის უფრო დაწვრილებით გაცნობა მკითხველს შეუძლიან ჩემს წიგნში: „დანიელ ჭონქაძე და მისი დრო.“ გამოცემა 1904 წ.

მაზრებში) და ბოლოს 1867 წელს აფხაზეთშიაც. საქიროდ მიმართა აღნიშნო-
 აქ შემდეგი: ბატონყმობის გაუქმება, ანუ როგორც მას უწოდებენ, საგლეხო
 რეფორმა. საქართველოში ბევრად უფრო კულმოკვეცილია, ვიდრე სხვა
 უნდა, მართო გლეხებისათვის. გლეხებს ჩამოუჭრეს დიდძალი მიწები, რომლე-
 ბიც წინათ ფაქტიურად მათ სარგებლობაში იყო; გლეხებს არ მისცეს არც ტყე,
 არც საძოვარი და არც წყალი. — ყოველივე ეს მეზატონეებს დაუტოვეს; ე. ი.
 გლეხები თითქო გაანთავისუფლეს, მაგრამ ფაქტიურად ისევ ყოფილ მეზატო-
 ნეებისაგან იყვნენ დამოკიდებული. ნაყმევ გლეხებს უწოდეს **დროებით ვალდე-**
ბული გლეხები, და ეს დროებითი ვალდებულება ჩვენში მეოცე საუკუნემდე
 გაგრძელდა; იგი მოისპო მხოლოდ 1911 წელს, თვით რუსეთში კი 1881 წელს.
 ე. ი. 30 წლის წინათ. ასე სწყალობდა რუსეთის თვითმპყრობელობა ქართველ
 გლეხებს. გარდა ამისა აღნიშნული რეფორმის მეზებით საქართველოს მეზა-
 ტონეებმა მოახერხეს სულ უმიწა-წყლოდ დაეტოვებიათ რამოდენიმე ათასი
 კომლი გლეხი. ასე, მაგ. ტფილისის გუბერნიაში არ მიუღია მიწა, — „ნადე-
 ლი“, — 1444 კომლს, ანუ 8.200 სულს. ამათში შინა ყმები იყო 2.294 კაცი,
 ხიზნები — 3.843 კაცი, 2.080 კაცი კი ქალაქებში ცხოვრობდა. რაც შეეხება
 ქუთაისის გუბერნიას, იქ უმიწა-წყლოდ დარჩენილი გლეხების რიცხვი კიდევ
 მეტი იყო; მაგრამ რომ მივიღოთ იგივე პროცენტიც, რაც ტფილისის გუბერ-
 ნიაში, მაშინ გამოვა: 4.000 კომლი ანუ თითქმის 20.000 სული.

გარდა ამისა ბევრი „განთავისუფლებული“ გლეხი გადაყვანილ იქნა ხიზი-
 ნის მდგომარეობაზე, რაც საგრძნობლად აუარესებდა მის მდგომარეობას.
 1876 წელს იყო 5.977 კომლი ხიზანი, ანუ 36% დროებით ვალდებულ გლეხთა
 რიცხვისა; 1884 წელს კი ამათი რიცხვი 6.774 კომლამდე ავიდა. ქუთაისის გუ-
 ბერნიაში ხიზანთა რიცხვი ნაკლები იყო, 1876 წელს იქ ირიცხებოდა სულ
 2.532 კომლი ხიზანი.

ყველა გამოკვლევა გლეხების მდგომარეობისა, რომელიც კი გასული საუ-
 კუნის უკანასკნელ წლებში თუ მიმდინარე საუკუნის პირველ წლებში მომხდა-
 რა, ნათლად გვიმტკიცებს, რომ საგლეხო რეფორმამ საქართველოს გლეხკაცობა-
 ში დიდი მიწის სივიწროვე წარმოშვა. თვით მაშინდელი მთავრობის ოფიცია-
 ლური ცნობაც იმას გვეუბნება, რომ საგლეხო რეფორმამ მხოლოდ მსხვილ მე-
 მამულეთა გლეხებს მისცა მცირე მიწა, წვრილ მემამულეთა გლეხები კი თითქმის
 სულ უმიწა-წყლოდ დატოვა. ასე, მაგ., მეცხრამეტე საუკუნის უკანასკნელ წლებში
 მომხდარი გამოკვლევის თანახმად, ქუთაისის გუბერნიაში გლეხკაცობის 60/70%
 მიწის დიდ სივიწროეს და ნაკლებობას განიცდიდა.

ამგვარად, საგლეხო რეფორმამ გლეხკაცობა საქართველოში, მართალია,
 გაანთავისუფლა ბატონ-ყმური მონობიდან, ე. ი. გლეხის პიროვნება იურიდიუ-
 ლად თავისუფალი შეიქნა, მაგრამ, სამაგიეროთ, ამავე რეფორმამ გლეხი ეკო-
 ნომიურად ისევ ყოფილ მეზატონეს ჩაუგდო ხელში. გლეხი, რომ თავი ერჩინა,
 იძულებული იყო ან ისევ მემამულეს მიწა აეღო დასამუშავებლად, უაღრესად
 არა ხელსაყრელ პირობებში, ან გარედ წასულიყო სამუშაოს საძებნელად.

„განთავისუფლების“ შემდეგ გლეხკაცობას აბრჩობდა ათასგვარი გადასხა-
 ყურნალი „მნათობი“ № 2 (22).

დი და ბეგარა, რომელიც შემოღებული იყო ან სახელმწიფოს, ან მემამულის სასარგებლოდ. სოფლის მოხელეების შესანახი ხარჯებიც გლეხის კისერზე იყო. ყველა ამას ერთოდა კიდევ მიწის გამოსაყიდი. ასე რომ, მცხრამეტე საუკუნის ბოლოს, გლეხკაცობის მდგომარეობა მეტის მეტად არაა სასურველი იყო. საერთოდ რეფორმამ ხელი შეუწყო გლეხკაცობის გაბრუნებას. რეფორმამდე ტფილისის გუბერნიაში თითოეულ გლეხს ოჯახს საშუალოდ ჰქონდა თითქმის 6 დესეტინა (5,9 დეს.) მიწა, რეფორმის შემდეგ კი ეს რაოდენობა 3,9 დესეტინამდე შემცირდა. 84.665 დეს. მიწიდან, რაც რეფორმამდე გლეხების ფაქტიურ სარგებლობაში ირიცხებოდა, რეფორმის შემდეგ გლეხებს დაუტოვეს მხოლოდ 55.679 დეს., ე. ი. წაართვეს 28.986 დეს.

რაც შეეხება დროებით ვალდებული გლეხების მიერ სანადელო მიწების გამოყიდვის საქმეს, ჩვენ ვიცით, რომ მეოთხმოცე წლებში თავდაუხსნელი გლეხების რიცხვი საქართველოში 70% შეადგენდა და გამოუყიდავი მიწების რაოდენობა კიდევ უფრო მეტი იყო, სახელდობრ 80%. — 1904 წლის ცნობის მიხედვით მარტო ტფილისის გუბერნიაში 2.702 მემამულე ითვლებოდა, რომელთაც 17.467 კომლი დროებითი ვალდებული გლეხები ჰყავდათ. ეს მარტო ტფილისის გუბერნიაში. ასეთი მდგომარეობა იყო, თუ კიდევ უარესი არა, ქუთაისის გუბერნიაშიც. ყოველივე ეს ჰქმნიდა აუტანელ მდგომარეობას. ამიტომ სრულიად გასაკვირალი არ არის, რომ ქართველი გლეხკაცობა მეოცე საუკუნის დასაწყისში ისე მძაფრად ჩაება რევოლუციონურ მოძრაობის ფერხულში.

მართვა-გამგეობის წესი.

როგორც კი გამოიცა მანიფესტი საქართველოს რუსეთთან შეერთების შესახებ, ყოფილ ქართლ-კახეთის სამეფოში დაწესდა „საქართველოს უზენაესი მართველობა“ (Верховное Грузинское, Правление). რომელიც ოთხი განყოფილებისგან (ექსპედიციისაგან) შესდგებოდა: 1. ადმინისტრაციულ საქმეთა, 2. ხაზინის და ეკონომიურ საქმეთა, 3. სისხლის სამართლის საქმეთა და 4. სამოქალაქო საქმეთა განყოფილებანი.

სამოქალაქო საქმეთა გარჩევის დროს სახელმძღვანელოდ მიღებული უნდა ყოფილიყო მეფე ვახტანგ VI კანონები და ადგილობრივი ჩვეულებანი; იმ შემთხვევაში, როცა აღნიშნულ კანონებში შესაფერი მუხლი არ იქნებოდა, რუსეთის კანონები უნდა გამოეყენებიათ. სისხლის სამართლის საქმეების განხილვა კი რუსეთის კანონების მიხედვით უნდა მომხდარიყო. თითოეულ მაზრაში შემოღებული იქნა სასამართლო და საერობო პოლიციის გამგეობა (Управа Земской Полиции); ეს უკანასკნელი შესდგებოდა სამი კაცისაგან: ერთი კაპიტან-ისპრავნიკი, რომელიც უსათუოდ რუსი უნდა ყოფილიყო, და ორი წევრი (Заседатели) ქართველი თავად-აზნაურობიდან. სამაზრო სასამართლოც სამი პირისაგან შესდგებოდა: ერთი კომისარი (უთუოდ რუსი) და ორი წევრი (Заседатели) ქართველი თავად-აზნაურობიდან. ასე დაედვა ჩვენში საფუძველი ბიუროკრატიულ მართვა-გამგეობას. მაგ., წინათ საქართველოში მსაჯულებათ ითვლებო-

დენ თვით მეფეები, შემდეგ მათი მოურავები და მებატონეები. რაჯინდ უსამართლო ყოფილიყო ასეთი სასამართლო გლეხობისათვის იგი მაინც უფრო გასაგები და ნისაღები იყო. ამიტომ ჩვენ ოდნავადაც არ უნდა გავგვამყინოთ იმ ამბავმა, რომ შვერთების პირველ წელსვე იმპერატორ ალექსანდრე პიროველს კახეთის საზოგადოების სახელით გაეგზავნა საჩივარი, რომელშიაც ნათქვამი იყო: „მანითვისტით ყოველივე ძველებურად არის დატოვებული, მაგრამ ახლა კაპიტან-ისპრავნიკი დაიარება სოფლებში და საჯაროდ აცხადებს, რომ იგი მოურავია და ყოველივე საქმე მას უნდა გადაეცეს განსახილველად“. ადვილად შეიძლება, რომ ეს საჩივარი თავად-აზნაურობის შემოქმედება იყოს. გვაქვს საბუთი სწორედ ასე ვითქროთ, მაგ., 1802 წლის დეკემბრის 4-ს კნკორინგი, რომელიც საქართველოს საქმეებს განაგებდა, შემდეგ სწერდა საქართველოს მთავარსარდალს ციციანოვს: „როცა საერობო პოლიციის გამგეობანი, თავიანთ მოვალეობის მიხედვით, ვალდებული იყვნენ განეხილათ გლეხების მიერ მებატონეთა წინააღმდეგ აღძრული საჩივრები შევიწროებისა და ჩაგვრის შესახებ,—ეს გარემოება შეიქნა პირველ საბაბად, რომ ზოგიერთ თავადებსა და აზნაურებს უკმაყოფილება გამოეცხადებიათ მთავრობის მიმართ“¹). ჩვენი ფიქრით ეს მოსაზრება უფრო ახლო უნდა იყოს სინამდვილესთან. ამის დასამტკიცებლად სხვა წყაროებიც გვაქვს. მაგალითად, ლაზარევი სწერდა: „მთელი თავად-აზნაურობა უკმაყოფილოა საქმეების განხილვის დღევანდელის წესით. კაპიტან-ისპრავნიკებმა თითონ დაიჭირეს თავადებისა და აზნაურების ადგილი, რომლებიც წინად ცარცვავედენ ხალხს,—ახლა კი ესენი სცარცვავენო.“ თავადმა აბაშიძემ ერთხელ პირდაპირ განუცხადა ამაზე ლაზარევს: „ჩვენ ახლა ყველანი გათანასწორობული ვართ გლეხებთანო“²). ჩვენ ვიცით, რომ ამ ხანებში კახელი თავად-აზნაურობა სხვადასხვა მიზეზებს ეძებდა ხალხის ასაჯანყებლად რუსეთის მთავრობის წინააღმდეგ. იგივე თავად-აზნაურობა მოითხოვდა ერეკლე II შვილის — იულიონის გამეფებას.

როგორც ვიცით, რუსეთის მთავრობას თავიდანვე ჰყავდა საქართველოში მოწინააღმდეგენი. ესენი იყვნენ, ერთის მხრით, ყოფილი მეფის შთამომავალნი და, მეორეს მხრით, ქართველი თავადაზნაურობის დიდი ნაწილი. ეს ადვილი გასაგებია, რადგანაც ყველა ამათ, შვერთების გამო დაჰკარგეს მრავალი არსებითი უფლება და უპირატესობა. მაგრამ საინტერესოა ვიცოდეთ, რას ფიქრობდა ამ დროს ქართველი გლეხკაცობა, როგორ აფასებდა იგი ამ შვერთების აქტს, ე. ი. იყო თუ არა იგი კმაყოფილი ახალი მთავრობის დამყარებით.

უნდა ვიგულისხმოთ, რომ გლეხკაცობამ გაიგო ეს ამბავი მას შემდეგ, რაც იგი უკვე მომხდარი იყო. საფიქრებელია, რომ ამ ცნობას იგი საკმაო გულგრილობით შეხვდა. თავისთავად შეფობის მოსპობა გლეხობაში უკმაყოფილებას არ გამოიწვევდა: სახარბიელო მას არაფერი ახსოვდა მეფობის დროისაგან, მაგრამ ყველაფერი იმაზე იყო დამოკიდებული, თუ რა წესწყობილება დაიჭერდა ძველის ადგილს, ვინ მოექცეოდა მართვა-გამგეობის სათავეში და რო-

1) იხ. Акты Арх. ком. т. I. № 406.

2) იხ. ნ. დუბროვინის წიგნი: „Закавказье в 1803—1806 годы“ СПб., 1866г., № 44.

გორ მიუდგებოდა იგი ხალხს. ამ მხრით ძნელი იყო კაცს კარგი იმედი ჰქონოდა. აბა რა კარგის მიცემა შეეძლო ხალხისათვის უხეში ტლანქი რუსეთის თვითმპყრობელობას და მის მოხელეებს? რა თქმა უნდა, გულაფრისკაევი რას ამბობს ამის შესახებ დუბროვინი ზემოაღნიშნულ წიგნში: „საუკუნოების განმავლობაში შექმნილი სახალხო ზნე-ჩვეულებანი ახლა უნდა გარდაქმნილიყვნენ და ახალი გზით უნდა ყოფილიყვნენ წარმართული; ეს ვხა კი უცნობი იყო გაუნათლებელი ხალხისათვის. სახალხო ზნე-ჩვეულებათა გარდაქმნა უნდა მომხდარიყო თანდათან, ძალდაუტანებლად, და არა ძველის უხეშად დამსხვრევით და ახლის შემოღებით; მაგრამ სულ სხვანაირად ფიქრობდენ: რუსეთთან შეერთების შემდეგ საქართველო გადაექციათ გუბერნიათ და ქართველებში შემოეღოთ ისეთ დებულებებზე დამყარებული მართვა-გამგეობა, რომელთა თანახმადაც განაგებდენ რუსეთის დანარჩენ გუბერნიებს. ქართველები თხოულობდენ ძველ წესწყობილებას, ჩვენი მთავრობა კი თხოულობდა ახლის შემოღებას... ამიტომ თითქმის მანიფესტის გამოცხადების დღიდანვე დაიწყო ხალხის უკმაყოფილება.“ (ხაზი ყველგან ჩვენია .

დუბროვინი მართალს ამბობდა. ხალხის ამბოხება ანუ აჯანყება რუსეთის მთავრობის წინააღმდეგ 1802 წელს დაიწყო; იგი განმეორდა მთიულეთში 1804 წელს და შემდეგ კახეთში 1811 წელს. ერთი სიტყვით, 9—10 წლის განმავლობაში აჯანყება სამჯერ მოხდა. ჯერ არც იმერეთში და არც გურია-სამეგრელოში რუსეთის მთავრობა შემოღებული არ იყო. 1802 წლის აჯანყების შესახებ ცნობები ჯერჯერობით თითქმის სრულებით არ მოგვეპოვება. 1804 წლის აჯანყება დაწვრილებით აწერილი აქვს ალ. ფრონელს (ყიფშიძეს) თავის მონოგრაფიაში — „მთიულეთი 1804 წელს“, ¹⁾ რაც შეეხება 1811 წლის აჯანყებას კახეთში, მე მოვიყვან, ერთის მხრით, მარკიზ პაულიჩის აზრს (ეს პაულიჩი იმ დროს საქართველოს მთავარსარდალი და მთავარმართებელი იყო) და, მეორეს მხრით, ბოდბისხეველების საჩივარს. პაულიჩი თავის მოხსენებაში ამბობს: „აქაური სამფლობელოების (Земельные владения) პირადათ დათვალიერების დროს მე შევამჩნიე მრავალი უწყესობა და ბოროტმოქმედება ჩვენი მთავრობის მხრით და ხალხის უკმაყოფილება.“²⁾ მეორე მოხსენებაში პაულიჩი კახეთის აჯანყებას ეხება. ამ აჯანყებას იგი საფრანგეთის რევოლუციას ადარებს, ასახელებს აჯანყების მიზეზებს და ამბობს: მიზეზი არის ეკზეკუცია პროვიანტის (სურსათის) შეგროვების გამო; მასთან პაულიჩს მოჰყავს სოფ. ბოდბისხევის მცხოვრებთა განცხადება, რომელშიაც ისინი ჩიოდენ: „იმ დროს, როცა საქართველო დაპყრობილი იყო სპარსელების, ოსმალების და ლეკების მიერ, იგი არ იტანებოდა ისე, როგორც ახლა. ყოველივე შეურაცხყოფას ვიტანდით რათა ხელმწიფისათვის გვესიამოვნებია, მაგრამ ჩვენი ცოლების გამოგლეჯის ატანა ჩვენ აღარ შეგვეძლო... ჩვენ გვაძლევდენ 1 მან. და 20 კაპ. ერთ კოდ ხორბალში, როცა ჩვენ თითონ 4 მანეთზე მეტს ვიხდიდით... ჩვენ თითონ ვეზიდებოდით პროვიანტს ფოთში“, ³⁾ გარდა ამისა, საჭიროდ მიმაჩ-

¹⁾ იხ. დასაბულებული წიგნი, გვ. 44.

²⁾ იხ. - Акты Арх. Ком., ტომი 5, გვ. 20.

³⁾ იქვე გვ. 61, 66.

ნია მოვიყვანო, სიტყვა სიტყვით, რამდენიმე ადგილი იმ საჩივრიდან, რომელიც კახელ გლეხებს მიუციათ იმავე პაულიჩისთვის, რათა უფრო ნათლად და გარკვევით წარმოვიდგინოთ ის აუტანელი მდგომარეობა, რომელიც რუსეთის მთავრობის მოხელეებს ჩაუყენებიათ კახელი გლეხკაცობა. „კახეთის მთელი საზოგადოება, ნათქვამია ამ განცხადებაში,—მცხოვრები როგორც მთებში, ისე ბარში, მოგახსენებთ, რომ ჩვენ ცოტა გაგვეგება წერილობაში და არ გაგვეგება თქვენი ნაწერი. ჩვენ არ განვდგომილვართ ქრისტესაგან და არც ხელმწიფის მოლაღატეები ვართ... მიზეზი (აჯანყებისათვის, ალბათ. ფ. მ.) თქვენ მოგვეცით. რაც ნაბრძანები იყო მანიფესტში თქვენგან არ იქნა შესრულებული... რაც ჩვენ არ გვქონდა (ალბად სურსათზეა ლაპარაკი. ფ. მ.) იმას ეკუთვნით და წამებით გვართმევდით, სოცავდით ჩვენ ცოლებს და ბავშვებს, გვართმევდით პურს და შიმშილით გვხოცავდით, და თქვენ გვეუბნებოდით, რომ ჩვენ ბალახი გვეძოვა. აბა ბავშვებმა როგორ უნდა იბალახონ? ბეგარისაგან ჩვენ ხარები აღარ შეგვრჩენია... მინამ ადამიანი შიმშილისაგან დახოცავდეს თავის ცოლ-შვილს, უმჯობესია პირველად სხვა მოვკლათ... მიზეზი მოგვეცით თქვენ. თქვენი შეხვედრა ჩვენ აღარ შეგვიძლია. ჩვენ **სუკვე განწირული გვეყავს თავისი თავი და თავისი ოჯახები**. თქვენ გვაძლევდით ჩვენ ერთ კოდ¹⁾ ხორბალში 1 მან. 20 კაპ. და ვისაც არ გვქონდა პური იძულებული ვიყავით გვეყიდა ის ამ ფასად და შემდეგ გვეძლია თქვენთვის 1 მან. 20 კაპ... ჩვენ ხელმწიფისათვის არ გვიღალატნია. თქვენ დამნაშავენი ხართ, რადგანაც ხელმწიფის ბრძანება არ შეასრულეთ, და ჩვენ უსამართლობის გადატანა მეტი აღარ შეგვეძლო. ჩვენ თქვენთან შეხვედრა (собщение) აღარ შეგვიძლია, ჩვენ უამიხოთაც მკვდრები ვართ და უნდა დავიხოცოთ. ჩვენ გადმოგეცით თხოვნა, თქვენ კი არ ინებეთ იმის გადაცემა ხელმწიფე იმპერატორისათვის. თქვენ გვატყუილებდით, მაგრამ მეტი მოთმენა აღარ შეიძლებოდა და ჩვენ უნდა დავიხოცნოთ.“²⁾ უადგილობის გამო ჩვენ არ მოგვეყავს აქ ამავე შინაარსის კიდევ სხვა მრავალი წერილები, არც სოფ. მირზაანის მცხოვრებლების საჩივარი, სადაც აწერილია ისეთივე შემთხვევები, როგორც აღნიშნულ საჩივარში და სხვ... ენა და კილო ყველა ამ საჩივარისა და განცხადებისა მოწმობს იმას, რომ ხალხის მოთმინების ფიალა ავსილა და მას მიუმართავს იარაღისთვის, დარწმუნებული იმაში, რომ ეძებს სიმართლეს; მაგრამ მას გამარჯვების იმედი არა აქვს, იცის რომ მთელი ძალა მოძალადეების ხელშია, და მას დალუპვა მოელის. მაგრამ, მიუხედავად ამისა თვითეულ განცხადებაში გაისმის აჯანყებულთა ხმა, რომ ისინი ადამიანური უფლებების აღდგენისათვის იბრძვიან. ამიტომ სავსებით მართალი იყო ლენერალი პაულიჩი, რომელსაც გამოვლილი ჰქონდა საფრანგეთის დიდი რევოლიუცია და რომელიც კახეთის აჯანყებას სწორედ ამ რევოლიუციას ადარებდა. რა თქმა უნდა, საფრანგეთის რევოლიუციის და კახეთის აჯანყების შორის დიდი მანძილი იყო, მაგრამ ამ აჯან-

1) კოდი ორ-სამ ფუნთს უდრის.

2) იხ. იქვე, გვ. 82.

ყებაში მაინც იყო ისეთი მომენტები, რაც პაულიჩს საფრანგეთის ამბებს აგონებდა.

კახეთის ხალხის განცხადებებში აღნიშნული ფაქტები უნდა, აღმაშფოთებელი იყო, მაგრამ შეიძლება ვინმემ იკითხოს: „შეიძლება ასეთი ფაქტები თუ არა? გადაჭრით შეიძლება ითქვას, რომ დასახელებული ფაქტები სინამდვილეს შეიცავენ; შეუძლებელია წარმოვიდგინოთ, რომ ისინი გამოგონილი იყოს. გარდა ამისა, ყველაფერს რომ თავი დავანებოთ, თითონ პაულიჩი ადასტურებს, რომ აქ, მისი მოსვლის დროს, დიდ ბოროტმოქმედებას და უწესოებას ჰქონდა ადგილი,—მთელი ქვეყანა უწესოებაში ვბოვედ და სხვ... შეიძლება ვიფიქროთ მხოლოდ ის, რომ კახელებს წამქეხებლები ჰყავდათ, როცა აჯანყებას ახდენდნენ. მაგრამ ისინი სრულიად მართალი იყვნენ, როცა ამბობდნენ, რომ აჯანყების მიზეზი მათ თითონ მთავრობამ მისცა.“

აჯანყება დამარცხდა, როგორც არა ერთხელ წინათ და შემდეგშიაც, ხალხს ის მეტად ძვირად დაუჯდა. ყოველივე ეს საჭირო იყო რუსეთის იმპერიალისტური პოლიტიკის ინტერესებისათვის. ამის შემდეგ კახეთი თითქო „დაწყნარებული“ იყო, მას აღარ ამოუღია ხმა, იმ ზომამდე სასტიკად მოეპყრენ.

ასეთსავე აჯანყებას ჰქონდა ადგილი იმერეთში, გურიაში და სამეგრელოში 1819—20 წლებში. ამ აჯანყების საბაბი შეიქნა საეკლესიო ქონებათა აღწერა იმერეთში, მსგავსად იმისა, როგორც ეს მოხდა ქართლ-კახეთში. მაგრამ ეს იყო მხოლოდ საბაბი და არა ნამდვილი მიზეზი. საქმე იმაშია, რომ დამოუკლებლობა იმერეთში და გურიაშიაც იმდროს ახლად გაუქმებული იყო (1812—1815 წ. წ.). რაც შეეხება სამეგრელოს, მართალია, მას ჯერ კიდევ გარეგნულად შერჩენილი ჰქონდა დამოუკიდებლობის სახე, მაგრამ აშკარა იყო ყველასათვის, მით უფრო სამეგრელოს მფლობელის—ლევან დადიანისათვის, რომ, ადრე თუ გვიან, სამეგრელოსაც იმერეთის და გურიის ბედი ეწვეოდა. ეს კი ნიშნავდა დადიანის პრივილეგიების დაკარგვას. გარდა ამისა, გურიასა და იმერეთში რუსეთის მთავრობის დამყარება დიდ საფრთხეს წარმოადგენდა ოსმალეთისთვისაც, მით უფრო, რომ ეს პროვინციები იმ ხანებში ოსმალეთის გავლენის ქვეშ იმყოფებოდა. ამიტომ მ. პოლიევკტოვი საკმაო სისწორით განმარტავს ამ აჯანყების სარჩულს თავის მონოგრაფიულ წერილში, ¹⁾ სადაც იგი ამბობს: „1819—20 წლების აჯანყებაში ნათლად ვხედავთ სამ მებრძოლ ელემენტს: ადგილობრივ მოსახლეობას, რომლისთვისაც საეკლესიო რეფორმების ცდა წარმოადგენდა ისტორიულად წარმოშობილი საზოგადოებრივი წესწყობილების გაუქმებას; რუსეთის ხელისუფლებას, რომლისთვისაც ეს რეფორმები წარმოადგენდა იმ ღონისძიებათა განვითარებას, რასაც უნდა დაეჩქარებია საქართველოს გაერთიანება რუსეთის იმპერიასთან; ეს გამომდინარეობდა იმპერიალისტური პოლიტიკის იმ საერთო ამოცანებიდან, რომელთაც მაშინ ისახავდა

¹⁾ „Исторический вестник“. 1924 წ. წიგნი—II. პოლიევკტოვის წერილი—„Архивное дело о восстании в Имеретии, Гурии и Мингрелии в 1819—20 годах“. ამ წერილში აღწერილია ახლად აღმოჩენილი მასალები აჯანყების შესახებ.

რუსეთის მთავრობა კავკასიაში; და ბოლოს, მესამე ძალა — ოსმალეთი, რომელიც დაშინებული იყო რუსეთის აღმოსავლეთის პოლიტიკურ განსაკუთრებით კავკასიაში და რომელსაც დავიწყებული არ ჰქონდა იმერეთში დასაერთოდ, საქართველოს სამეფოს შაჰიზღვის ნაპირას მდებარე ოლქები*.

ამ აჯანყებას საკმარისად ფართო ხასიათი მიუღია. უმთავრესად აჯანყებაში ჩაბმულა უმაღლესი არისტოკრატია, ე. ი. თავადაზნაურობა და უმაღლესი სამღვდლოება; მაგრამ, როგორც სჩანს, მოსახლეობის დაბალ ფენებსაც მიუღია მასში მონაწილეობა. ყოველ შემთხვევაში, 1819—20 წლებში მომხდარი აჯანყება, საერთოდ, უნდა ჩაითვალოს ფართო სახალხო მოძრაობად რუსეთის მთავრობის წინააღმდეგ, რაც მოწმობს იმას, რომ ახალ მთავრობას ხალხის ფართო მასსა არა თუ არ თანაუგრძნობდა, არამედ მძულვარებას უცხადებდა მას. ხდებოდა ბრძოლა ძველ ფეოდალურ წყობილებასა და ბურჟუაზიულ, ბიუროკრატიულ სამოსელში გახვეულ ურთიერთობათა შორის. ხალხი შეუგნებლად თანაუგრძნობდა ძველ წესებს, ძველ შეჩვეულ ჭირს, და ხშირად თავისივე მოსისხლე მტრების — ქართველი მებატონეების მოკავშირედ გამოდიოდა. მაგრამ ჩვენ ამაში არ შეგვიძლია ხალხი ვავამტყუნოთ, ამაში ბრალი მიუძღვის, უპირველეს ყოვლისა, რუსეთის თვითმპყრობელობას და მის მოხელეებს.

მეცხრამეტე საუკუნის სახალხო აჯანყებათა შორის, რომელთაც ადგილი ჰქონდათ საქართველოში, განსაკუთრებული ადგილი უჭირავს გურიის აჯანყებას (1841 წელს). სხვათა შორის ეგნატე ნინოშვილმა სწორედ ამ აჯანყებაზე ააგო ერთი თავისი საუკეთესო მოთხრობა — „ჯანყი გურიაში“. რა თქმა უნდა, ნინოშვილის მოთხრობაზე, როგორც მხატვრულ ნაწარმოებზე, ჩვენ აქ ვერ დავეყრდნობით, თუმცა იქ ბევრი ისტორიული მომენტი შეტანილი. ჩვენ გვაქვს ამ აჯანყების ისტორიული აღწერა, დამყარებული ოფიციალურ დოკუმენტებზე. მე ვამბობ ვ. ჩუდინოვის წერილზე. „გურულების აჯანყება 1841 წელს“¹⁾.

გურიის ეს აჯანყება იმით არის საყურადღებო, რომ მას უკვე საკმარისად გამჭვირვალე სოციალური ხასიათი აქვს. ეს აჯანყება მიმართული იყო იმდენად არა რუსეთის მთავრობის წინააღმდეგ, რამდენადაც მებატონეების წინააღმდეგ. აქ იმართება ბრძოლა მებატონეებსა და გლეხობის შორის. მართალია, ამ აჯანყების საბაბს წარმოადგენდა ახალი გადასახადის შემოღება, რომელიც უდრიდა ხუთ შაურს; მაგრამ ეს იყო მხოლოდ საბაბი, რამაც გამოსავალი მისცა იმ ბოღმას, რომელიც ხალხში იყო დაგუბებული, როგორც რუსის მთავრობის, ისე არსებული ბატონ-ყმური ურთიერთობის წინააღმდეგ. ამ აჯანყებას მეტად ფართო და სასტიკი ხასიათი ჰქონდა; თითქმის გურიის მთელმა გლეხკაცობამ მიიღო მასში მონაწილეობა. აჯანყებამ საფრთხეში ჩააგდო არა მარტო ოზურგეთის სამაზრო მთავრობა, არამედ მთლად ამიერ-კავკასიის მთავრობაც, და ეს მით უფრო, რომ გურიის აჯანყებულებს რამდენიმედ

1) იხ. „Кавкассский сборник“. ტ. XIV.

ქვემო იმერეთის გლეხებიც გამოეხმაურენ. აჯანყებამ რამდენიმე თვეს გასტანა და ამ ხნის განმავლობაში მთავრობის ჯარმა რამდენჯერმე განიცადა სასტიკი დამარცხება; მაგრამ, ცხადია, მარტო პაწაწინა გურია იმნილა სახელმწიფოს, როგორც რუსეთი იყო, ვერას დააკლდებდა; აჯანყება უნდა დამარცხებულიყო, და დამარცხდა კიდეც. ამის შემდეგ გურია თითქო დიდი ხნით დაწყნარდა, მაგრამ 16 წელმა განვლო და 1857 წელს აჯანყდა **სამეგრელოს გლეხობა**. სამეგრელოს აჯანყება არც ერთ ხემოაღნიშნულ აჯანყებას აოკვავდა.

ცნობილია, რომ სამეგრელოს მემატონეები გლეხებისადმი მეტისმეტ სიმხეცეს იჩენდნენ. სამეგრელოს თავადების მიერ ოსმალეთში ყმების გაყიდვა დიდი ხნიდან მომდინარეობდა. ამას მოწმობს, სხვათა შორის, ცნობილი მოგზაური **შარდენიც**, რომელმაც ინახულა ეს მხარე მეჩვიდმეტე საუკუნეში. 1803 წ. სამეგრელოს მფლობელი გო. დადიანი შევიდა რუსეთის მეფის მორჩილებაში, მაგრამ ისეთი პირობით, რომ სამოქალაქო საქმეებში იგი სრულს ავტონომიას იტოვებდა; ამ გარემოების წყალობით სამეგრელოს სამთავრომ საკმარისად დიდხანს შეინარჩუნა ავტონომიური მართვა-განგეობა, მაშინ როდესაც, როგორც იმერეთის სამეფომ, ისე გურიის სამთავრომ დიდი ხნით ახრე დაჰკარგეს ყოველივე დამოუკიდებლობა. მაგრამ ეს ავტონომია მეტად დიდ უბედურებად მოველინა სამეგრელოს გლეხ-კაცობას. ამ უკანასკნელის გაჭირვება, ჩაგვრა და ტანჯვა იმ ზომამდე ძივიდა, რომ იგი აუჯანყდა სამეგრელოს მთავარს, სამეგრელოს მემატონეებს; ეს აჯანყება გამოიხატა იმაში, რომ გლეხობამ აღკვეთა ყოველგვარი მუშაობა თავიანთი მემატონეებისა და უწინარეს ყოვლისა თვით მთავრის სასარგებლოდ.... და აჯანყებულ გლეხობას იმაზე მეტი არაფერი უნდოდა თავისთვის, რაც მდ. ცხენის-წყლის¹⁾ გაღმა (ე. ი. ქუთაისის და ტფილისის გუბერნიებში) ეგულებოდა, სადაც დიდი ხნიდან მოსპობილი იყო ყოველგვარი ავტონომია. მეტად საინტერესოა ამ მხრით აჯანყების ერთი მეთაურთაგანის—შქედელ შიქავას სიტყვა, რომლითაც მან ლენერალ კოლიუბაკინს მიმართა. მუ უნდა მოვიყვანო აქ ამ სიტყვის ზოგიერთი ადგილი: „დახმარება ჩვენ არსაიდან გვინახავს,—ამბობს შიქავა—ჩვენი მემატონეები გვტაცებენ ჩვენ ბიჭებს და ქალებს და ყიდვიან ოსმალეთში... ჩვენი შრომის ყოველივე ნაყოფი იმათ შიქვთ; გლეხს, იმათი აზრით, არაფერი არ უნდა ჰქონდეს.... იმათ გონიათ, რომ ჩვენ ყველა ცხოველზე უარესი ვართ... ცხენის-წყლის გაღმა ეს ასე არ ხდება. ჩვენ ვიცით, რომ იქ ადამიანებს არ აყენებენ ცხოველების დაბლა, რომ იმათთვის იქ არის სასამართლო და სიმართლე.... ვიჩივლოთ? მაგრამ ვისთან?... ჩვენი სამშობლო ჩვენ მოგვბეზრდა, ჩვენ გადავწყვიტეთ დავტოვოთ ის სამუდამოთ..... ჩვენ ერთმანეთს შევფიცეთ, რომ აღარ დავბრუნდეთ უკან. რაღაა ის სამშობლო, სადაც თავშესაფარი ვერ გიშოვნია, სადაც შენზე ნადირობენ, როგორც ნადირზე“.....²⁾).

¹⁾ ეს ნდინარე ყოფდა მაშინ სამეგრელოს იმერეთიდან.

²⁾ იხ. К. А. Бородинякавказския воспоминания. Мингрелия и Сванетия в 1854—1861 г. г. გვ. 144—5. ბოროზდინი მოხვდა ამ აჯანყების დროს სამეგრელოში ლენ. კოლიუბაკინთან ერთად, რომელიც აჯანყების ჩასაქრობად წავიდა იქ. ბოროზდინმა დაწერა ის რაც შეამჩნია. სამწუხაროდ სხვა მასალები ამ აჯანყების შესახებ ჯერ გამოქვეყნებული არ არის, თუმცა, როგორც გადმოძვეს ასეთები მოიპოვება.

ამ გვარად უკიდურესმა გაჭირვებამ, შეურაცხყოფამ და ჩაგვრამ/სამეგრელოს გლეხ-კაცობა მეცხრამეტე საუკუნის მეორმოცდაათე წლების ბოლოს სასოწარკვეთილებამდე მიიყვანა. ათი ათასამდე გლეხკაცობა რუსეთში შეგროვილიყო და დეპირებია ცხენის-წყალის გაღმა გასვლა და რუსეთის მთავრობისაგან შეელახსნის ძიება თავისი მებატონეების წინააღმდეგ. გლეხის წარმოდგენით ის, რაც ცხენის-წყალის გაღმა არსებობდა, მისთვის სამოთხე იყო. რა თქმა უნდა, სამეგრელოს გლეხები სცდებოდნენ. ჩვენ უკვე ვიცით, თუ რამდენად სახარბიელო იყო გლეხების მდგომარეობა, ნამეტურ ყმა გლეხებისა, დანარჩენ საქართველოში, სადაც ხალხს უშუალოდ მართავდა რუსეთის მოხელეები: აქაც ყმებს უიღდნენ, როგორც უსულო ნივთს, ან პირუტყვს, აქაც მათ ცვლიდნენ ძაღლებზე, ატანდნენ მხითვად, ¹⁾ აუპარიურებდნენ ქალებს, აბამდნენ უღელში, როგორც ხარებს და სხვ. და სხვ. მაგრამ, მიუხედავად ამისა, როგორც სჩანს, სამეგრელოში კიდევ უფრო უარესი მდგომარეობა ყოფილა, რომ იტყვიან— მჯობნის მჯობნე არ დაიღვეაო, სწორედ ასე იყო ამ შემთხვევაში: უარესზე უარესიც შესაძლებელი იყო.

სამეგრელოს გლეხების აჯანყება სისხლის დაუღვრელად გათავდა. კოლიუბაკინმა ყაზახების საშუალებით დააშინა და დატუქსა ორივე მხარე. გლეხობა დაწყნარდა და შეუდგა ისევ მუშაობას; ზოგიერთი ცვლილება შეიტანეს გლეხების მდგომარეობაში. მაგრამ ნუ დაივიწყებთ, რომ იმ დროს მთავრობის მალაღწიერებში უკვე ფიქრობდნენ ბატონ-ყმობის გაუქმებაზე.

ამის შემდეგ მეცხრამეტე საუკუნის განმავლობაში არც აღმოსავლეთ და არც დასავლეთ საქართველოში ხალხის არეულობას და აჯანყებას აღგილი აღარ ჰქონია, გარდა აფხაზეთის 1866 წლის არეულობისა. 1875—76 წლებში იყო დიდი მღელვარება და აჯანყება **თავისუფალ სვანეთში**. ეს მღელვარება დაიწყო მიწების გაზომვისა და იმათი რაოდენობის გამორკვევის გამო. სვანები ფიქრობდნენ, რომ ამას ახალი გადასახადების შემოღება მოჰყვებოდა და წინააღმდეგენ ამ ზომის ცხოვრებაში გატარებას. რა თქმა უნდა, მიწების გაზომვა იყო მხოლოდ უბრალო საბაბი და არა ნამდვილი მიზეზი თავისუფალი სვანეთის აჯანყებისა. ნამდვილი მიზეზი მდგომარეობდა იმაში, რომ სვანეთის ხალხი ვერ ეგუებოდა რუსეთის წესწყობილებას, მის მოხელეებს, მის კანონებს და წესებს. ხალხის აღელვებას და უკმაყოფილებას თავისუფალ სვანეთში მეტად ღრმა ნიადაგი ჰქონდა. და თუ ამ აჯანყებას დიდი სისხლის ღვრა არ გამოუწ-

¹⁾ ამაზე მშვენიერი ლექსი აქვს დაწერილი პოეტ რაფიელ ერისთავს სათაურით „სამხითვო“. ეს ლექსი დაბეჭდილი იყო ჟურნ. „ივერიის“ მე-12 ნომერში (1882 წ. დეკემბერი) და მოგვეყვას აქ მოლიანად.

დაღონებულა თევდორე, გულ-ხელი დაუკრეფია,
გამშრალსა, გამწარებულსა, ცრემლი არ უჩანს მჩქეფია,
ჩასცქერის დედა მიწასა, ბეჩავს ხმა ჩაუკმენდია,
ოხრავს და გმინავს ხამუშად, გაშაფებია ბედია....

ოლოს იფიქრა, გაბედა, გაწია თავის ბატონთან.

შემკრთალმა, ათრთოლებულმა, ყმამ ფეხი შესდგა ბატონთან,

ვევია, ეს უნდა მიეწეროს სვანეთის ხალხის მაშინდელ ბრძენ და გამოცდილ ხელმძღვანელებს და მრჩეველებს ¹⁾

ზემოჩამოთვლილ აჯანყებათაგან სრულიად განცალკევებით სრულად 1832 წლის შეთქმულობა ქართველი თავად-აზნაურობისა რუსეთის მთავრობის წინააღმდეგ ტფილისში და აგრედვე ხელოვნებისა და წვრილი ვაჭრების არეულობა ტფილისშივე, რომელიც 1865 წელს მოხდა. ქართველი თავად-აზნაურობის შეთქმულობა იყო მხოლოდ ქართველი არისტოკრატის შეთქმულობა ბატონიშვილების ოქროპირის და დიმიტრის მეთაურობით; შეთქმულობაში ახლო მონაწილეობას ღებულობდნენ: თამარ ბატონიშვილი, გიორგი ერისთავი, დიმ. ორბელიანი, დიმ. ყიფიანი, გრ. ორბელიანი, ვახტ. ორბელიანი, ალ. ჭავჭავაძე, სოლ. დოდაშვილი, ბერი ფილადელფოს კიკნაძე, რომელმაც დასწერა: „ფარული საზოგადოების“ წესდება, და სხვ. ეს საზოგადოება დაარსდა 1829 წელს; ხალხთან მას არაერთი კავშირი არ ჰქონია. „საზოგადოებას“ განზრახვა ჰქონდა შეთქმულობის საშუალებით მოეხდინა საქართველოში გადატრიალება, მაგრამ ერთ-ერთმა წევრმა ია ფალავანიშვილმა საზოგადოება გასცა. საქმე ჩაიშალა და ყველა შეთქმულები დაჭერილ იქმნენ. უნდა ითქვას, რომ მთავრობა მეტად ლიბერალად მოეპყრა შეთქმულობის მონაწილეთ, გარდა დოდაშვილისა, რომელიც წარჩინებულ წოდებას არ ეკუთვნოდა და რომელიც სამუდამოთ შორეულ ციმბირში გადაასახლეს; დანარჩენები კი ევროპის რუსეთის სხვადასხვა ქალაქებში გაგზავნეს საცხოვრებლად. ერთად-ერთი ახსნა ასეთი ლიბერალებისა მდგომარეობს იმაში, რომ ყველა შეთქმულნი წარჩინებული გვარიშვილები იყვნენ. რომ ისინი გლეხები ყოფილიყვნენ, უთუოდ ან ჩამოახრჩობდნენ, ან და სამუდამოდ კატორღაში გაგზავნიდნენ. მართლაც, სულ მალე ყველანი საქართველი

თავი დაუკრა მდაბლად და დაეღრიჯა მწარედ:
 „მთხოვნელ ვარ, ნუ გამიწყობი და ნუ გამაგდებ გარედ!...
 შენი ჭირომე, ბატონო, შენი შვილების ლხენასა,
 ი გოგო რაზე წამართვი, რად მომიშორე კერასა?!..
 მაჩუქე ღმერთი გადიდებს, შვილი აღარ მყავს მეტია,
 მითომ წყალობა მრავალი ჩემთვისინ გაგიმეტია...
 მარტო ვარ მოხუცებული, მეტი არა მყავს მომვლელი,
 დედას ჩამოგავს „ცხონებულს, — იმისდა უფრო მოველი!...“
 — პანდური ამას:.. შესძახა ბატონმა გაჯავრებულმა...
 როგორ გაბედა შემოსვლა, ვირმა გათამამებულმა?!..
 ჩემს ქალს ვათხოვებ, ხომ იცის, — ვინ წავაყოლო მზითევში?
 გააგდეთ ეგ აქედანა, მაგრა წაჰკარით კისერში!..
 ეცნენ თევდორეს ბიჭები, გამოაბრძანეს გარეთა,
 წაჰკრეს კისერში და ყბები შემოამტვრიეს მწარედ!.....
 დაღონებულა თევდორე, გულ-ხელი დაუკრეფია,
 გამშრალსა, გამწარებულსა, ცრემლი არ უჩანს მჩქეფია,
 ჩასცქერის დედა მიწასა, ბეჩავს ხმა გაუკმედია,
 ოხრავს და გმინავს სამუშად, გაჰშავებია ბედია!....

1) დაწვრილებით სვანეთის აჯანყების შესახებ იხ. ეგ. ჯაბლიანის წიგნი: „ძველი და ახალი სვანეთი“ ტფ. 1925 წ. გვ. 93—108.

ველოში დაბრუნდენ და შემდეგ ბევრმა მათგანმა თავი იჩინა სამწერლო ასპარეზზე. შეთქმულთა მიხანი იყო ჩამოეგდოთ რუსის მთავრობა საქართველოში, აღედგინათ ძველი ხელისუფლება და ტახტზე დაებრუნებინათ ირანული ბატონიშვილი. ერთი სიტყვით, საქართველო და ქართველი ერი ისევ ძველ გზას უნდა დაბრუნებოდა. მაგრამ ეს უკვე შეუძლებელი იყო. 1832 წლის შეთქმულება უკანასკელი ცდა იყო ქართველი მონარქისტებისა ძველი ფეოდალური სამეფოს აღდგენისათვის; ეს ცდა წინდაწინვე დამარცხებულად შეიძლება ჩათვლილიყო.

ახლა როიოდე სიტყვა იმ მღელვარებაზე ანუ ამბოხებაზე, რომელიც მოხდა ტფილისში 1865 წლის ზაფხულზე. ამ ამბოხების მიზეზი იყო შემდეგი: ქალაქის შემოსავლის გასადიდებლად გადაწყვეტილი იქნა შემოეღოთ დამატებითი გადასახადი დუქნებზე, რომლებშიაც სასმელებს ყიდდენ, 25% მეტი არსებულ ნორმაზე. ეს შეადგენდა სულ 10.000 მან. ამ გადასახადის შემოღებამ ააღელვა ტფილისის ვაჭრები და ხელოსნები, თუმცა ამ უკანასკნელებზე ეს გადასახადი არ ვრცელდებოდა. აღძრულ იქნა შუამდგომლობა მისი მოხსნის შესახებ; როცა ეს შუამდგომლობა არ დააკმაყოფილეს, ითხოვეს გადადება, მაგრამ არც ეს იქნა შეწყნარებული. ქალაქის თავმა ვართანოვმა გასცა ბრძანება ახალი გადასახადის აკრეფის შესახებ, და გადასახადთა ამკრეფი — ბაებეუქ-მელიქოვი უკვე შეუდგა საქმეს. ამის გამო 26 ივნისს შეიკრიბენ ტფილისის ვაჭრები და ხელოსნები ენერგიული ზომების მისაღებად. ამ კრებაზე გადაწყდა ივნისის 27-დან დაეკეტათ ქალაქში ყველა სავაჭრო დუქნები აღნიშნული გადასახადის გაუქმებამდე. მთავრობამ, როცა გაიგო ასეთი გადაწყვეტილება, დაიბარა უსტაბაშები²⁾ და გამოუცხადა მათ, რომ თუ ეს დადგენილება სისრულეში იქნა მოყვანილი, მთვარობა იძულებული იქნება სამხედრო ძალას მიმართოს ამბოხების ჩასაქრობად. მაგრამ უსტაბაშებმა ვერ შესძლეს ვაჭრებისა და ხელოსნების დაშოშმინება.... და ივნისის 27-ს ყველა დუქნები დაიკეტა. თითქმის ყველა ვაჭრები და ხელოსნები ქუჩაში გამოვიდენ; ესენი მეტის მეტად ლელავდენ. ამ დროს ვიღამაც დაიძახა: „ჰკათ ქალაქის თავს და გადასახადის ამკრეფთ“. ხალხი გაექანა იმათ სახლებისაკენ და დაარბია ისინი. ბაებეუქ-მელიქოვი ჩაივდეს ხელში და მოჰკლეს. ქალაქის თავმა კი გაქცევა მოასწრო. ამ დროს ჯარი გამოიყვანეს, მაგრამ ხალხი შეგროვდა ერთ ადგილას და არ უნდოდა დაშლილიყო. მიუხედავად გაფრთხილებისა, ხალხის შეუბოვრობა იმ ზომამდე დიდი იყო, რომ ჯარს ებრძანა აეტეხა სროლა მისთვის. ოთხი კაცი მოკლულ იქნა და 9 დაიჭრა. ამის შემდეგ ხალხი გაიფანტა, მაგრამ დუქნები 29 ივნისსაც დაკეტილი იყო. ამბობდენ, რომ ჯარის ერთმა ნაწილმა ესროლა ხალხს, დანარჩენებმა ჰაერში ისროლესო. ადმინისტრაციამ დანიშნა ახალი ქალაქის თავი აბესალომ-მოვი, რომელმაც მოახერხა ხალხის დამშვიდება. ასე გათავდა მედუქნეებისა და ხელოსნების 1865 წლის ამბოხება, მას არ ჩაუვლია უშედეგოდ. მისი გავლენით აღძრულ იქნა შუამდგომლობა არსებული, 1840 წლის, საქალაქო დებულების შეცვლისათვის. ახალი დებულება დამტკიცებულ იქნა 1866 წლის აგვისტოს 10-ს.

2) ასე უწოდებდენ ხელოსანთა ამკრების მამასახლისებს ან თავ-კაცებს

ამ ამბოხებამ დიდი მითქმა-მოთქმა გამოიწვია არა მარტო ჩვენში, არამედ რუსეთშიაც. ამის გამო მოთავსებულ იქნა წერილი გერცენის გაზ. „კოლოკოლში“, რომელიც ლონდონში გამოდიოდა. კატკოვი კი „მოსკოვის უწყებაში“ სწერდა, — ეს ამბოხება მოაწყვეს პოლონელებმაო. შეიძლება ითქვას, რომ ეს იყო პირველი და უკანასკნელი ამბოხება ტფილისში მეცხრამეტე საუკუნის განმავლობაში. ხალხი „დაწყნარდა“ და წინანდებურად აღარ ღელავდა. იგი შეეჩვია რუსეთის თვითმპყრობელობის რეჟიმს. მაგრამ ეს არ ნიშნავდა იმას, თითქო იგი მთავრობით კმაყოფილი იყო. ეს კარგათ იცოდა მთავრობამაც. ამიტომ იგი ხალხს არ ენდობოდა. ეს უნდობლობა, სხვათა შორის იმაშიც გამოიხატა, რომ რუსეთის თვითმპყრობელობამ საქართველოს ის კუდმოკვეცილი რეფორმებიც კი არ აღიროსა, რომლებიც მან საკუთრივ რუსეთში შემოიღო, მაგალითად, ნაფიცთა სასამართლოები, საერობო დებულება და სხვ. გარდა ამისა, თავის ბატონობის დროს მან არ აღიროსა საქართველოს ერთი უმაღლესი სასწავლებელიც კი, თუმცა ჯერ კიდევ მესამოცდაათე წლებში იყო აღძრული შუამდგომლობა ტფილისში უნივერსიტეტის გახსნის შესახებ.

მოსახლეობა.

ჯერ კიდევ ამ 25—30 წლის წინათ მე შეუდექი ამიერ-კავკასიის და კერძოთ საქართველოს მოსახლეობის მოძრაობის შესწავლას მეცხრამეტე საუკუნის განმავლობაში. ზემოთ დასახელებულ წერილში, რომელიც დაიბეჭდა 1901 წელს ჟურ. „კვალში“, მე ჯამი გაუკეთე ჩემ მიერ შეგროვილ მასალას. იქ დაყავი ცნობები მოსახლეობის შესახებ ოთხ უმთავრეს კატეგორიად: 1) საერთო რიცხვი მცხოვრებთა, 2) რიცხვი ქალაქების მცხოვრებთა, 3) მოსახლეობა გვარტომობის ანუ ეროვნების მიხედვით და 4) გადამხდელ წოდებათა რაოდენობა. ჩემს წერილში აღვნიშნავდი ამ საგნის შესწავლის სიძნელეს, შესაფერი სტატისტიკური მასალის უქონლობის გამო, და ამიტომ იძულებული ვიყავი მესარგებლნა იმ კანტი-კუნტი ცნობებით, რაც გაბნეულია სხვადასხვა ხელმიუწდომელ გამოცემებში. ეს მეტ წილად უნდა ითქვას მეცხრამეტე საუკუნის პირველ ნახევარზე.

მე უკვე ზემოთ აღვნიშნე, რომ საქართველოს მოსახლეობა მეთვრამეტე საუკუნის გასულს ძალზე შემცირებული იყო, და, რაც საგულისხმოა, იგი თუ არ იზრდებოდა, არა თუ არ მატულობდა, არამედ თანდათან, სისტემატიურად კლებულობდა. ამას თავის მიზეზები ჰქონდა.

სტატისტიკური აღწერა ძველმა საქართველომ არ იცოდა; ახალი მთავრობისათვის კი საჭირო იყო მოსახლეობის, განსაკუთრებით გადამხდელ წოდებათა, აღწერა ფისკალურის მიზნით. და, მართლაც, რუსის მთავრობამ მოახდინა ასეთი აღწერა 1806 და 1811 წელს. მაგრამ ეს აღწერა შეეხო მხოლოდ ქართლ-კახეთს, ასე რომ იმერეთის შესახებ ასეთი ცნობებიც არა გვაქვს. აქვე უნდა აღვნიშნოთ ისიც, რომ მეცხრამეტე საუკუნის დასაწყისში მოსახლეობის ზრდას გარემოება ხელს არ უწყობდა.

კერძოდ იმერეთის შესახებ უნდა შევნიშნოთ, რომ 1811 წელს, მას დიდი

სიმშვილობა ეწვია, რაც საზოგადოებრივ ძველ საქართველოში უმეტესად მოხდა იყო. სიმშვილს უამრავი თან მოჰყვა. ამის შესახებ იმერეთის მაშინდელი მმართველი — გ. სიმონოვიჩი სწერდა: „იმერეთი დიდ უბედურებაში ჩაეგარდა სიმშვილობამ და უამრავი მცხოვრებთა რიცხვი განაახვერა“. თუ მივიღებთ მხედველობაში იმ გარემოებას, რომ მარტო ოფიციალური გამოანგარიშების მიხედვით იმერეთში ერთი წლის განმავლობაში სტიქიური უბედურებათა მეოხებით 42.200 სული დაჰკარგა, უნდა ვსთქვათ, რომ სიმონოვიჩი მართალია, როცა ამბობს — „სიმშვილმა და უამრავი იმერეთის მცხოვრებთა რიცხვი განაახვერა“. იმავე 1811 წ. სიმშვილობა ეწვია კახეთსაც, თუმცა არა ისეთი ძლიერი ფორმით, როგორც იმერეთს. ყოველივე ეს არა თუ აფერხებდა ხალხის გამრავლებას, არამედ ამცირებდა ჯიბეც მის რაოდენობას, მაგრამ ჩვენი ხალხის გამრავლება მეცხრამეტე საუკუნის პირველი ოცი წლის განმავლობაში დაბრკოლებული იყო იმიტომაც, რომ იმ ხანებში ხალხში ჩამოვარდა საერთო მოუსვენრობა, შიში და რძწოლა, გამოწვეული, ალბათ, უცხო წესების შემოღებით და უცხო ზნე-ჩვეულებათა გავრცელებით, რაც სამუდამოთ ძირს უთხრიდა საუკუნეთა განმავლობაში გამოქედილ და შესისხლხორცებულ ზნე-ჩვეულებას და საზოგადოებრივ წყობილებას. ასეთი ხანა არსად და არასოდეს არ ყოფილა კეთილისმყოფელი ხალხის მდგომარეობისათვის. მაგრამ განვლო დრომ და ხალხში თანდათან გაჰქრა ეს შიში და უიმედობა; იმავე დროს საზოგადოებრივი ცხოვრების ნივთიერ პირობებში, თანამედროვე აღებ-მიცემობისა და მრეწველობის განვითარების მეოხებით, ღრმა ცვლილებანი მოხდა, რამაც თავის თავად ხალხის გამრავლებასაც ხელი შეუწყო.

მცხოვრებთა საერთო რიცხვი. ჩვენი გამოანგარიშებით, რომელიც დაწვრილებით ქვევით მოგვყავს, მეცხრამეტე საუკუნის დასაწყისში ქართლ-კახეთისა და იმერეთ-გურია-სამეგრელოს მცხოვრებთა საერთო რაოდენობა დაახლოებით 413.929 სულს უდრიდა:

ქართლ-კახეთი	(1806 წ.)	—168.929 სული.
იმერეთი	(1810 წ.)	—120.000 „
გურია	(1810 წ.)	— 25.000 „
სამეგრელო	(1804 წ.)	—100.000 „

ს უ ლ 413.929 სული.

ეს რიცხვი სინამდვილესთან ახლო უნდა იყოს. ჩვენ ვიცით, რომ მეცხრამეტე საუკუნის დასაწყისში საკუთრად ქართველების რიცხვი მთელს საქართველოში უდრიდა დაახლოებით 380.000 სულს, მეცხრამეტე საუკუნის განმავლობაში მარტო ქართველების რიცხვს ასე უმატნია: ქართველები იყვნენ:

1835 წელს	—432.000 სული
1865 „	—852.319 „
1886 „	—1.261.701 „

მაშასადამე, დაახლოებით 80 წლის განმავლობაში ქართველების რიცხვი გაზრდილა 232%.

1886 წლის შემდეგ ჩვენ არა გვაქვს ისეთი სტატისტიკა, რომელიც ამიერ-კავკასიის ერთა რაოდენობას განსაზღვრავდეს. და თუ ჩვენ მაინცადა მაინც მოვისურვებთ ქართველი ხალხის რაოდენობის გამორკვევას 1899 წელს ამისთვის ორი საშუალება გვაქვს: პირველია ქართველი ხალხის წლიური მატება და მეორე, — მისი მონაწილეობა ამიერ-კავკასიის მცხოვრებთა საერთო რაოდენობაში. როგორც აღვნიშნეთ, ქართველების საერთო რიცხვი 1886 წელს იყო 1.261.701. თუ ვიანგარიშებთ, რომ ქართველი ხალხის წლიური მატება 1.5%¹⁾ მაინც იქნებოდა (1886 წლამდის ქართველების წლიური მატება 3.76% იყო), 13 წლის განმავლობაში მას უნდა მომატებოდა დაახლოებით 250.000 სული; ეს რიცხვი უნდა მიემატოს 1.261.701-ს და 1899 წლისათვის მივიღებთ — 1.511.701. თუ, მეორეს მხრით, ვიანგარიშებთ, რომ ქართველები მთელ ამიერ-კავკასიის მცხოვრებთა 27.57%²⁾ შეადგენენ და ავიღებთ 1899 წლის ამიერ-კავკასიის მცხოვრებთა მთელ რიცხვს, გვექნება — 1.538.017, ე. ი. ციფრი, რომელიც ძლიერ უაღლოვდება პირველი გამოანგარიშებით მიღებულ ციფრს. ამნაირათ, ქართველი ხალხის რიცხვი მეცხრამეტე საუკუნის დამლევს დაახლოებით უნდა ყოფილიყო $\frac{1.511.701 + 1.538.017}{2}$ ანუ 1.524.859. მაშასადამე, ქართველი ხალხის რიცხვი მეცხრამეტე საუკუნის განმავლობაში ოთხჯერ მეტი გამხდარა. მოჟმატნია 301.58%³⁾, რაც მეტად იშვიათი მოვლენაა ხალხთა გამრავლების ისტორიაში. მაგ., ევროპის მცხოვრებთა რიცხვი იმავე ხნის განმავლობაში ძლივს ორჯერ მეტი გახდა.

ქალაქის მცხოვრებთა რიცხვი.

შეიძლება ითქვას, რომ მეცხრამეტე საუკუნის დასაწყისში ქალაქი, ამ სიტყვის ნამდვილი მნიშვნელობით, სრულებით არ ყოფილა. გამონაკლისად შეიძლება ჩავთვალოთ მხოლოდ ტფილისი. დანარჩენი ქალაქები კი — ქუთაისი, გორი, სიღნაღი, თელავი და სხვ. მხოლოდ, ცოტად თუ ბევრად მოზრდილ ან პატარა სოფლებს წარმოადგენდენ. მართალია, სწორი სტატისტიკური ცნობები ჩვენ არც აქა გვაქვს, მაგრამ ყველაფერი რაც კი ჩვენ ვიცით იმ დროის სოციალურ-ეკონომიური პირობების შესახებ, მოწმობს იმას, რომ მეცხრამეტე საუკუნის დამლევს საქართველოში ქალაქური ცხოვრება არ ყოფილა.

1806 წ. აღწერით ქ. ტფილისში ცხოვრობდა სულ 5.126 სული; ამათში 2.607 მამაკაცი და 2.555 დედაკაცი. ¹⁾ ხუთი წლის შემდეგ, ე. ი. 1811 წელს ტფილისის მოსახლეობის რიცხვი ავიდა უკვე 8.237-დე. უნდა ვსთქვათ, რომ ქართველების რიცხვი ამ დროს ქ. ტფილისში სრულიად უმნიშვნელო იყო, დიდ უმრავლესობას სომხობა შეადგენდა; იყვნენ აგრეთვე თათრები და სპარსელებიც. ეგრედწოდებულ მოქალაქეთა რიცხვი აღიოდა 1.000-დე; დანარჩენი მცხოვრებლები სხვა და სხვა კატეგორიის გლეხები იყვნენ. ტფილისს გარდა აღმოსავლეთ

¹⁾ იხ. Акты Археогр.ком., ტ. III გვ. 714.

საქართველოში ქალაქებად ითვლებოდენ: გორი, თელავი, სიღნაღი და ანანურ-
რი, ამათში მოსახლეობის რიცხვი დაახლოვებით იყო:

გორში	—	1.200	სული.
სიღნაღში	—	1.300	"
თელავში	—	1.100	"
ანანურში	—	300	"

ეროვნული
ბიბლიოთეკა

რაც შეეხება დახვედრით საქართველოს (იმერეთს, სამეგრელოს და გურიას),
იქ არსებითად ქალაქი არ იყო. ყველაზე დიდ ქალაქად ითვლებოდა ქუთაისი.
უუძველესი ქალაქი, რომელიც მეცხრამეტე საუკუნის დასაწყისში უფრო სო-
ფელს მოგავგონებდათ. ამ ქალაქში მხოლოდ რამდენიმე ასი მცხოვრები იყო,
უმთავრესად ქართველი კათოლიკეები და ებრაელები, რომლებიც ვაჭრობას მის-
დევდენ. ისეთ ქალაქებზე, როგორიცაა ოზურგეთი, რედუტ-კალე, ზუგდიდი
და სხვ. ხომ ლაპარაკიც არ ღირს. ერთად-ერთი ქალაქი, რომლისთვისაც შე-
გვეძლო ქალაქი გვეწოდებოდა, იყო ახალციხე, რომელშიაც იმ ხანებში 12.000
მეტე მცხოვრები ითვლებოდა; მაგრამ ახალციხე ნაშინ ოსმალების ხელში იყო.

ამ გვარად, ქალაქების მოსახლეობა მთელს საქართველოში მეცხრამეტე
საუკუნის დასაწყისს არ აღემატებოდა 10.000—12.000 სულს, რაც უდრიდა
დაახლოვებით საქართველოს მცხოვრებთა საერთო რიცხვის 3 %-ს. მაგრამ, რო-
გორც ზევით ვსთქვით, მოქალაქენი სულ მცირე პროცენტს შეადგენდენ.
რაც შეეხება საქართველოს ქალაქების ბედს შემდეგ წლებში, მოგვყავს ასეთი
ცხრილი:

ქალაქები	მოსახლეობის რაოდენობა			
	1835 წ.	1865 წ.	1886 წ.	1897 წ.
ტფილისი	25.290	67.770	78.445	160.645
ქუთაისი	2.000	11.807	22.643	32.492
ბათომი	—	—	14.803	28.512
ახალციხე	13.000	11.617	16.116	15.387
ფოთი	—	1.039	4.709	7.666
სოხუმი	—	1.612	—	7.809
გორი	3.000	5.054	7.243	10.457
თელავი	2.680	7.240	11.214	11.810
სიღნაღი	3.500	9.687	10.604	8.998
დუშეთი	1.700	2.525	2.027	2.456
ახალქალაქი	—	2.260	4.303	5.443
ოზურგეთი	300	700	1.472	4.694
ს უ ლ	51.470	121.311	173.579	296.369

ამაირად, ჩვენ ვხედავთ, რომ საქართველოში ქალაქების მოსახლეობის რიცხვს, რომ ავიღოთ მეცხრამეტე საუკუნის ხანა, დაწყებული 1835 წლიდან 1897 წლამდე, მოუმატნია 244.899, ე. ი. 576%¹ დე.

ეს საკმარისად დიდი ზრდაა, და მოწმობს იმას, რომ მეცხრამეტე საუკუნის განმავლობაში საქართველოს ცხოვრების ყველა დარგში დიდი გადატრიალება მომხდარა.

საინტერესოა, თუ ეროვნების მიხედვით რა სურათს წარმოადგენს ეს ზრდა. ამ მხრით უფრო დაწვრილებითი ცნობები გვაქვს ტფილისის შესახებ. თუ ავიღებთ მარტო სამ უმთავრეს ეროვნებას: ქართველებს, სომხებს და რუსებს, მივიღებთ შემდეგს:

ტფილისში იყვნენ

	1835 წ.	1865 წ.	1876 წ.	1891 წ.
რუსები	—	12.462	19.574	36.113
ქართველები	4.217	14.878	21.623	38.357
სომხები	18.820 ¹⁾	28.488	37.308	55.553

მაშასადამე, მცხოვრებთა საერთო რიცხვთან შედარებით შეადგენდნენ:

	1835 წ.	1865 წ.	1876 წ.	1891 წ.
რუსები	—	18.30%	21.85%	24.73%
ქართველები	16.67%	21.85%	24.14%	26.32%
სომხები	74.41%	41.85%	41.64%	38.12%

აქედან ვხედავთ, რომ ტფილისის ზრდაში ყველაზე დიდი მონაწილეობა ქართველ ხალხს მიუღია: ტფილისში 1835 წელს 4217 ქართველი იყო, 1891 წელს კი — 38.357, ე. ი. 56 წლის განმავლობაში ქართველების რიცხვს მოუმატნია 809,58%, მაშინ, როდესაც ამავე ხნის განმავლობაში სომხების მატება უდრის მხოლოდ 195,18% ე. ი. ქართველებზე 614,40% ნაკლები. ამასთანავე ქართველების პროცენტული მონაწილეობაც ტფილისში თანდათან მატულობს: 1835 წელს ქართველები შეადგენდნენ მცხოვრებთა საერთო რიცხვის 16,67%-ს, 1891 წელს კი — 26,32%-ს მაშინ, როდესაც სომხები 74,41%-დან (1835 წელს) ჩამოხტნენ 38,12%-დე (1891 წელს), ე. ი. ქართველების პროცენტული მონაწილეობა ტფილისში გადიდდა შედარებით 9,65% მაშინ, როდესაც სომხებმა შედარებით დანარჩენ ელემენტებთან იკლეს 36,29%-ით. თუ ასე მოხდა ტფილისში, სადაც ქართველების გამრავლები თავიდანვე ცუდ პირობებში იყო ჩაყენებული, რადგანაც უცხო ელემენტები მას ყველაზე უფრო ეტანებოდა, და დღესაც ეტანება, ადვილი წარმოსადგენია, რომ საქართველოს დანარჩენი ქალაქების ზრდაში თითქმის მხოლოდ ქართველობა ღებულობდა და ღებულობს მონაწილეობას. მაშასადამე, რამდენადაც წინა საუკუნოებში ქართველობა გაურბოდა ქალაქებს, ვაჭრობა-აღებ-მიცემობას და მრეწველობას, იმდენად მეცხრამეტე საუკუნის განმავლობაში იგი სულ უფრო და უფრო დაეწაფა ქალაქის ცხოვრებას, იწყო გზის გაკაფვა თანამედროვე სააღებ-მიმცემო და სამრეწველო სარბიელზე, შეაღო თანამედროვე განათლების კარი, და იქ საპატიო ადგილი დაიჭირა ამიერ-კავკასიაში დასახლებულ ერთა შორის.

(გაგრძელება იქნება).

1) 1835 წლის ცნობები ამოღებული გვაქვს ევეცკის წიგნიდან. დიუბუას ცნობებით კი 1834 წელს ტფილისში 17.834 სომხები იყო.

წერილები სპარსეთიდან

სპარსელი ქალი.

ქალის უფლებრივი მდგომარეობის საკითხი იმდენად რთულია, იმდენად დამძიმებულია და ისე ღრმად წასულა სიბნელის და უვიცობის უბსკრულში, რომ ძნელათ, თუ მან ამ ახლო წლებში თავისი პირდაპირი გამოსავალი იპოვოს. საბჭოთა რუსეთის და ოსმალეთის რევოლუციებმა ბევრი რამ სთქვეს სპარსელი ქალის სასარგებლოდ, მაგრამ სპარსეთში სიტყვა ჯერ საქმეზე არ გადასულა. იყო ერთი ცდა რეშტის სახანოში. ქალები ერთ დღეს გამოვიდნენ ქუჩებში უჩადროთ, თავისუფლად. ბევრნი სიამოვნებით შეეგებნენ ამ მოვლენას. მთავრობასაც თითქო არაფერი ჰქონდა საწინააღმდეგო. რამდენიმე დღემ გასტანა ასე. თეირანშიც აღიძრა ამ გვარი საკითხი. მოსალოდნელი იყო აქაც მიეძაძათ რეშტის მაგალითისთვის, მაგრამ სასულიერო წოდებამ უმაღლესად შეატრიალა ჩარხი, და ქალებიც ისევ შავი ჩადრის ქვეშ მოექცნენ.

„ქალი თქვენნი ყანაა, გაანოყიერეთ იგი.“ — ამბობს თურმე სპარსელი საღმრთო წერილი. ქალის ჩადრში გახვევა, ამბობენ, მაჰმადის ცოლის, აიშას ბრალი ყოფილა. ლამაზი და თამამი ყოფაქცევის აიშა იქვიანს წინასწარმეტყველს ჩადრით დაუბურავს და საერთო კანონიც დაუდგენია მშვენიერ სქესთა საველდებულოდ. შესაძლებელია ომების და ბარბაროსთა შემოსევის დროს, როდესაც ერის ყოფნა არ ყოფნის საკითხი სასწორზე იდო, მართლაც აუცილებელი იყო ქალს პირბადე ჩამოეფარნა, რომ მისი სილამაზე მისი სიცოცხლის მახედ არ გადაქცეულიყო. ეს მიზეზი მოისპო. ქალი მაინც სულშეხუთულია. მას უნდა, და ვერ მოუშორებია ეს მახრჩობელა ქსოვილი. და თუ მისი სიცოცხლით სავსე და ვნებიანი სხეული უსარგებლოდ იწვის, როგორც უდაბნოში ვინმე მწირის მიერ ანთებული და მიტოვებული სანთელი, ეს მხოლოდ იმ შავი ფანატიზმის ბრალია, რომელსაც თავისი დრო უკვე მოუქამია. ხოლო უკანასკნელი დასაყრდნობი მაინც შეუჩრჩენია, რომ სული მოიბრუნოს.

ჩადრი ისეთივე გამოგონებაა სასულიერო წოდების — მოლების მიერ, რომელი „მნათობი“ № 2 (22).

გორც იმამ ჰუსეინის თავის მოკვეთის გამო ქუჩის მისტერიები ე. ი. „შაჰ-უსეინ, ვაჰ-უსეინ“, თავის-ჩეხა და სხვა თვითწამებანი. ჩადრეს მოხსნის შესახებ ერთმა სპარსელმა იოხუნჯა: „ყველა მახინჯები წინააღმდეგნი არიან ყველა ლამაზები მომხრენი“. სპარსელი ქალი სუფთა სახისაა, ტანწერილი, ფერმკრთალი მაგრამ მეტად ნაზი, თხელი ცხვირი, შავი თვალები, წარბები ხშირათ ერთიანი, გაბმული. ზეგული, ტუჩები ღია, საიდგანაც გამოჰკრთის თეთრი კბილები. ლაპარაკის კილო ჩქარი, მუსიკალური, რაიც ზოგჯერ მერცხლის ჭიკჭიკს მოგაგონებთ.

რასაკვირველია, ყველანი ასეთები არ არიან. კოპწიობა ძალიან უყვართ. ტანსაცმელი—წითელ-ყვითელი. ფერუმარულს უხვად იცხებენ, შავ თვალწარბს უფრო მეტად იშავებენ. ბევრს ნახავთ ბავშს ღია ფერის თმიანს, მაგრამ რომ წამოიზრდება მისი თმიდან სიშავე აღარ გადავა. ღრმა მოხუცებულნიც კი თმებს საოცარის სიფრთხილით და სიჯიუტით იღებენ. ქალაქის ქალს უსათუოდ შავი ჩადრი აქვს. მხოლოდ გლეხის ქალებს და ხელზე-მოსამსახურეებს აქვთ უბრალო ჩითის ჭრელი ჩადრები. სიღარიბის გამო, შავ ჩადრზე მათ ხელი არ მიუწვდებათ. სპარსელმა ქალმა იცის, რომ შავ ჩადრში იგი კიდევ უფრო მიმზიდველია, და მოხერხებულ დროს სახის იმ ნაწილს გამოაჩენს, რომელიც მის სიამაყეს შეადგენს. თუ ქალი ლამაზია, კარჩაკეტილობა და ქუჩის თვალყური მას სავსებით ველარ იმორჩილებს. ის მუდამ დროს ეძებს, რომ უცხოელს თავისი სილამაზე შეგახარბოს. იმდენს იზამს, რომ ერთს მაინც შეაფრიალებს თავის ჩადრის კალთებს, და თუმცა იმ წუთშივე დაიფარება, მაგრამ შთაბეჭდილებას მაინც მოახდენს.

სიარული ჩქარი იცის. მწყობრი. ამაში აზიელობას ვერ შესწამებთ. ქუჩაში კანონი თვალ-ყურს ადევნებს დედაკაცს. ეტლში რომ ჩაჯდება, უსათუოდ უნდა გადმოხუროს. თუ რაიმე მოძრაობაა და ქუჩაში ქალი გამრავლდა, უნდა ქუჩის ერთ მხარეზე დადგნენ ან იარონ. კაცს არა აქვს ნება იმ მხარეზე გავლისა. თუ ვინმემ განგებ ან შეცდომით გადაუხვია ქალებისაკენ, მას აგანი (პოლიციელი) უსათუოდ მოაბრუნებს. უცხოელთან ხომ სპარსელი ქალი ვერავითარ შემთხვევაში ვერ გაივლის. კანონი სჯის ერთსაც და მეორესაც, საჯარო გაჯობვით.

ასეთი მაგალითი წარსულ წლებში მოხდა. დიდი გვარის და დიდი შეძლების ქალი ჩააგდეს ტომარაში, თავი მოუკრეს და ჯობებით სცემეს საჯაროთა მოედანზე. უცხოელსაც ასეთი საქციელისთვის სამი-ექვსი თვით აპატიმრებენ, ან უკრძალავენ სპარსეთში ცხოვრებას. ფულით კი შეიძლება ერთიც და მეორეც გამოისყიდოს დამნაშავემ.

ქალი რომ გათხოვდება, მოქალაქურ უფლებას ჰკარგავს. იგი უკვე ქმრის საკუთრებაა, თუ ქმარმა მოისურვა, ეტყვის: წადიო, და უნდა წავიდეს. ხოლო ქმარს ცოლის ცემის უფლება არა აქვს. თუ ცოლმა იჩივლა, ქმარს დააჯარიმებენ. მაგრამ ხშირად ქმარი ასეთ გამბედაობას არ აპატიებს და სრულიად მთიშორებს ცოლს. ამის წინააღმდეგ კანონი აღარაფერს ეუბნება, — მით უმეტეს, თუ ქმარმა გაყრილ ცოლს ფული მისცა. ამის გამო ზოგი შეძლებული ქა-

ლი ამჯობინებს უქმრობას და თავის ნებაზე ცხოვრებას. საზღვარ გარეთ წასვლის ნება ქალს არა აქვს, თუ ქმარი არა ჰყავს, ან თუ ქმარმა ნება არ დართო.

ათი-თორმეტი წლის ქალი აქ უკვე გასათხოვრად ითვლება. ხშირად ათი წლისას შვილიც ჰყოლია.

სპარსელს ნება აქვს რამდენიმე ცოლი შეერთოს, მაგრამ ამ უფლებას ბევრი გაუბრუნებს: „ქარგი არ არის, ყოველ დღე ჩხუბობენო“. საზოგადო ცხოვრებაში ქალი არ ერევა—თითო-ორიოლა გამონაკლისის გარდა, ისიც ზედა-ფენებში, და თუ ევროპიული განათლება აქვს.

უკიდურეს გაჭირვებას ქალი ოჯახებში მოსამსახურედ გამოუყვანია. მას „ბაჯის“ უწოდებენ. ასეთ ქალს მართლაც არაფერი გააჩნია თავის ჯანის გარდა. მსახურობს შედარებით იათად, თვეში 5—10 მანეთად.

ჩადრს, თუმცა უბრალოს, ასეთი ქალი მუშაობის დროსაც არ მოიხსნის. იგი აწვალებს მას, ხელს უწლის, მაგრამ მაინც ვერ იშორებს. ცალი ხელით ჩადრი უჭირავს, მეორეთი საქმეს აკეთებს.

ამის გარდა, იმავე უკიდურეს გაჭირვებას ქალები ბამბის და ბრინჯის სამუშაოზე გამოჰყავს. მთელი დღეობით და თვეობით დგანან ტალახსა და მტვერში, საშინელს სიციხეში, სადაც აუარებელი კოლოები და ქვემძრომნი არიან. სიმშლისა და ციებისაგან დაყვითლებულნი, ასეთს მძიმე მუშაობაში იღებენ დღიურათ 1—3 გრამამდე ე. ი. 20—50 კაპ. შრომის სხვა ასპარეზზე ქალს ვერ ნახავთ. რომ უჭირდეს კიდევ, ნება არა აქვს მამაკაცებთან ერთად შრომის უღელში ჩაებას. ამის გამო ბევრი აღგება მეძაობის გზას: ის ერთი კვირის, ერთი თვის, ან მეტის ვადით წაჰყვება ვილაც ვიჯინდარას. შემდეგ ორი გროშით უნდა დაბრუნდეს თავის ბინაზე და კიდევ უნდა უცადოს მეორე შემთხვევას.

ზოგიერთს შემთხვევაში ქალის საქციელი საკმაოდ კუროზულია. ის ზოგჯერ საოცარის თავგამეტებით და სიკაპასით გამოდის ქუჩაზე მთავრობის წინააღმდეგ. მან იცის, რომ ქუჩაში მისი ჩადრი ხელშეუხებელია, და ამით სარგებლობს, მათ მასიურ გამოსვლას პოლიტიკური სარჩული არასოდეს ჰქონია, მაგრამ ასეთი გამოსვლა მაინც მეტად საყურადღებოა.

პირველათ რომ ბელგიელებს რკინის გზა გაეყვანათ თეირანიდან შაჰაბულ აზიმში, ქალებს, მოღების ჩაგონებით, ერთი ალიაქოთი აეტეხნათ,—ეს ეშმაკის მოგონილი არისო.

24 სექტემბერს, პურის ნაკლებობის გამო, ღარიბმა ქალებმა აქტიური მონაწილეობა მიიღეს გამოსვლებში. კივილით და ხელების ქნევით მოუხმობდნენ კაცებს—შემოგვიერთდითო.

წინად, და თითქმის ახლაც, თუ ქალი დიდ დანაშაულს ჩაიდენდა. მას ჩასვამდენ ტომარაში, რამდენიმე კატას ჩააყოლებდნენ და დაუწყებდნენ ჯოხებით ცემას. გამწარებული კატები დაუწყებდნენ ბრძკვალებით და კბილებით ხორცის გლეჯას, სანამდე დამნაშავე სულს არ განუტევებდა.

ოჯახში ქალები საკუთარს ცხოვრებასაც მისდევენ. მართავენ წვეულებას

და ზოგჯერ უცხოელ ქალებსაც მიიწვევენ. იმღერიან, ცეკვავენ, უკრავენ. იქ ამდროს ოჯახის პატრონი მამა-კაციც ვერ შევა.

ქალის შალვარი უკვე გამოვიდა ჩვეულებიდან. მას აღწევს მოკვამს, გარდა მოხუცებულებისა, რომელთაც ალბათ წინდების ფული ~~აქვს~~ აქვს. მათსაც შეუძლიან, ევროპიულ წინდებს, და ფენსაცმელს ეტანება. სპარსელი ქალი, უსათუოდ ვნებიანიცაა, რადგან სამხრეთელია.

ს. ლომნიცკის წიგნში „სპარსეთი და სპარსელები“ — მოყვანილია ერთი ანეგდოტური ამბავი სპარსელი ქალის დასახასიათებლად:

ახალგაზრდა ვაჟი გადაიპარა ხილის ბაღში. ბაღის პატრონის ქალმა შენიშნა ქურდი და, გაკაპასებულმა, მიუქარა დაუწყო: „წადი, შე ქურდო, თორემ ახლავე დაუძახებ მებაღეებსო“. ვაჟი თავხედი გამოდგა. — თუ დაიყვირებ, ჩამოვხტები ამ ხიდან და იმდენს გაკოცებ, რომ ვერც კი დასთვალოო.

ქალი კი უფრო და უფრო კაპასობდა. ვაჟი შეშინდა, გადახტა ლობეზე და გაიქცა.

— აა, დახე, — მიაძახა ქალმა, — შენ ქურდიც ყოფილხარ და მატყუარაცო. გაუთხოვრობა და უცოლობა ცოდვად ითვლება. „თუ ჭაბუკი მარტო წევს, უცოლოდ, მაშინ მიწა ზეცას შესჩივის შურის საძიებლათო“.

ს. ლომნიცკის კიდევ ერთი მაგალითი მოჰყავს: ერთი ცხენოსანი მონადირე მიუახლოვდა ხის ქვეშ მჯდარ ქალს და თამამად მიესალმა. ქალმა ჩადრი აიფარა და უპასუხა:

— თავხედი ყოფილხარ. არ იცი, რომ უცხო ქალთან დალაპარაკება არ შეიძლება?!

— ეს შენი სილამაზის ბრალია, და რომ ეს მიმინო არ მეჭიროს ხელში, ჩამოვხტები ცხენიდან და შენთან დიდხანს ვისაუბრებდი.

ქალმა გაიცინა.
— ხამი ყოფილხარ. მოხერხებული კაცი მაგ მიმინოს უნავირზე ნიაბამდა და ჩამოხტებოდა.

მონადირე უცებ გადმოხტა, მოეხვია ქალს და კოცნა დაუწყო. ქალმა ყვირილი დააპირა, მაგრამ აღელვებული ვაჟი დაემუქრა:

— თუ ხმა ამოგიღია, მაშიშენის ძვლებს ამოვიღებ საფლავიდან.

ამ საოცარი მუქარის შემდეგ ქალი გაჩუმდა. სპარსელი ქალი ოჯახის მოყვარულია. შვილის მოვლა და საერთოდ ზრუნვა თავგამოდებით იცის. ამ ნიადაგზე კაცს დიდს ჩხუბსა და ალიაქოთს აუტოხს; ქმარზე იჭვიანობის გამო შფოთსა და უბედურებასაც მოახდენს; ზოგჯერ რომანიულს ნიადაგზე ერთი-მეორეს ქუჩაში სწეწავენ და ჩადრსა და თმებს აგლეჯენ.

არავითარი გასართობი ოჯახის გარეშე ქალისთვის არ არსებობს. თეატრში ვერ წავა; თუ წარმოდგენა გაიმართა, რაც იშვიათია, ქალის როლს ვაჟი ასრულებს.

ქალი ქუჩაში ლოცვა-ვედრებით ღმერთს არ აწუხებს; ქუჩაში ან საქმისთვის გამოდის, ან კიდევ, უფრო იშვიათად, გასართობად, ქალთა დიდი რიც-

ხვი მხოლოდ მაჰარამის დროს (შაჰ-ჰუსეინ, ვაჰ-უსინ) მოელონება ქუჩებს. ისინი ამ დროს სრულიად შეკრავენ ხოლმე ქუჩის ერთ ნაპირს. უამრავი შავი ჩადრები, სასტიკათ პირდახურულნი, ლანდებივით მოძრაობენ. პოლიციელები სასტიკად ადევნებს თვალყურს. შეღამდება თუ არა, უბრძანებენ, წადითო, და ისინიც რამდენიმე წუთში დასცლიან ქუჩებს.

ჟცებ ქუჩა შეიცვლის სახეს, თეთრდება. ეს შავათ-მოსილობა მას სიმძიმისა და მწუხარების იერს აძლევს, გავლა ძნელია, სახიფათო. ვინ დაგიჯერებს, რომ შენ სხვა მიზნით მიდიხარ და არა ქალების ასადევნელად.

პოლიციელნი მიდიან თავიანთ სადარაჯოებზე, და ქუჩის ორივე მხარე ეთმობა გამვლელ-გამომლელთ.

ასეა ყოველთვის დიდს ჟქმე დღეებში. ჩვეულებრივით კი ქალი თვალის გასარბობად საღამოობით გამოდის, შებინდება მდე, ისიც — ზოგ ქუჩაზე. ხშირათ ცენტრალურ ქუჩის შესართავებში პოლიციელს გაუთავებელი დაეა აქვს ქალებთან. იგი ნებას არ აძლევთ დიდს ქუჩაზე სიარულისას. მხოლოდ, ვინც უფრო თამამია, გაუსხლტება პოლიციელის თვალსა და ხელს, და ერთს წუთს მაინც გაიელვებს ქუჩის ერთი კიდიდან მეორემდე.

ქალის დასახასიათებლად, ერთი ასეთი ანეგდოტი შეუთხზავს სპარსელ:

„კრებაზე საკმაო ხალხი იყო. კითხვა ქალებს შეეებებოდა, და რადგანაც ბევრი მათგანი ცოლების წინააღმდეგ ილაშქრებდა, კრების უფროსმა მოლამ შემდეგი წინადადება მისცა: — აბა, ვინც უკმაყოფილო ბართ, ადექით და წადითო. — ყველა წავიდა. მხოლოდ ერთი დარჩა თურნე. „მადლობა ღმერთს, ერთი კაცი მაინც ყოფილა კმაყოფილიო“, წამოიძაბა თურმე მოლამ.

— არა, მამაო! მიაძახა დამჯდარმა, ჩემმა ცოლმა სწორეთ დღეს მომტეხა ფეხი და ადგომა აღარ შემიძლიანო.

ასე ცალმხრივად ახასიათებს სპარსელი ქალს, და თითქო ეშინიან, თუ ქალმა ჩადრი მოიხადა, თავსაც აიშვეებს და, ვინ იცის, იქნება ფეხის მოტეხა არც კი დააჯეროს თავის უსამართლო ქმარს.

მისტერიები.

ვისაც თავის თვალთ არ უნახავს, იმისთვის ძნელი წარმოსადგენია, თუ რა არის რელიგიური მისტერიები. მისტერიები ქუჩაში. წარმოდგენა იმისი, თუ რა წამება და საშინელება დატრიალებულა მიწის ზედაპირზე და რა ნაყოფი გამოუღია მას.

ეს საოცარია და საშინელიც. ეს იმას ჰგავს, რომ მილიონი ხალხი უფსკრულის პირზე მიიყვანო, გადაჰყარო და ამისთვის დიდი მადლობაც მიიღო, შენი პირადი არსებობა უზრუნველჰყო სხვისი დაბრმავებით, უბედურებით.

ეს სასულიერო წოდების ახალი გამოგონებაა, ალბათ მაშინდელი, როდესაც მისი ბატონობის კრიზისი დაიწყო. ეს არის ფანატისმის უმაღლესი მწვერვალი, რომლის იქით წასავალი გზა აღარ არის.

თეატრი ქუჩებში, უდეკორაციოდ, სინამდვილით წარმოდგენა იმისი, რაც ყოფილა და რაც არა.

ივლისის სიციხე. ხედავ და სიცივის ერთნაირი გივლისი მშვება იღამიანი?!. განა მას წამება აკლია?

თავისი ხელით ისერავს სხეულის ნაწილებს. რკინის ნატეხებს, ნალებს, შუშებს, შამფურებს, და ათას სხვა რამეს კანში იყრის და გაძაბრული დადის ქუჩებში, ნელის ნაბიჯით, ამაყად! ამისთვის მას აჯილდოებენ რამდენიმე სპარსული თუმნით.

გლოვის დღეებში და დიდ მარხვაში წარმოდგენა მრავალ მოქმედებანი; ორმოცი დღე გრძელდება, რამდენიმე დამატებით, დაწყებამდე და დასასრულის შემდეგაც. ფინალი მისტერიისა შაჰ-უსეინის სიკვდილია. ქუჩებს, ეზოებს და მალაზიებს მორთავენ ხალიჩებით და სხვაგვარი ქსოვილებით, უმთავრესად შუა ქალაქში. ხალხს ურიგებენ შავ ხალათებს, გულამოჭრილს, რომ მკერდი შიშველი ჰქონდეს ხელით საცემად. ასეთი ხალათებით უმთავრესად ახალგაზრდები გამოდიან, ჯან-ლონით სავსენი დი კარგი გულისანი. სუსტნი და მოხუცებულნი ასეთს ჯგუფში არ ერევიან. აქ არიან ბავშვებიც.

პროცესიების გამოსვლა იწყება სალამობით. გამოაქვთ ბაირალები, ჩირაღდნები სანთლებით, ფერადი შუშებით და ყვავილებით მორთული. ზოგი ფერადი შუქი მოძრავია, რომ მეტი შთაბეჭდილება მოახდინოს მაყურებელზე.

პროცესია, გულამოჭრილ ხალათიანებისა შესდგება რამდენიმე ასი კაცი-საგან. საშინელის გამეტებით იცემენ გულში ხელს. ის ადგილი, სადაც ხელს იცემენ, სისხლად არის ქცეული.

მიდიან ნელის ნაბიჯით. ერთი წინ მიუძღვით. ყოველ ორ-სამ ნაბიჯის შემდეგ შემოტრიალდება და დაიცემს გულში ხელს. ამასვე იმეორებს მთელი პროცესია. გაისმის გრიალი და შეძახილი: „შაჰ-ჰუსეინ, — ვაჰ-ჰუსეინ“ — „შაჰ-ჰუსეინ“! — წამოიძახებს წინამძღოლი და საპასუხოდ გაისმის გრიალი, თითქო რაღაც დიდი რამ დაიქცა, ჩამოინგრაო. ერთი სევდიანად სიმღერით მოსთქვამს მომხდარ უბედურებას. პროცესიას წინ უძღვის სამხედრო მუსიკა. ერთი მათგანი პროცესიას წინ უსწრებს ათი-ოცი ნაბიჯით, აკივლებს ღორბოტოს და ამცნობს ყველას პროცესიის წინსვლას. მუსიკა უკრავს ნაწყვეტებად და სევდის მომგვრელად. გამოჰყავთ საუკეთესო ცხენები მხედრებით და ტყვეებით-ესენი ჰუსეინის შვილებია. მათ კისერზე თოკი აბიათ და ცხვრებივით მიერეკებიან.

ტყვეები ეხეთქებიან მიწაზე, თავზე იყრიან ქუჩის მტვერს, მოსთქვამენ და ჰგოდებენ. მაგრამ მათ მათრახებით ამშვიდებენ, დანებს და ხმლებს უღერებენ — თავებს დაგაჭრითო. ტყვეები კვლავ წამოხტებიან და წივილ-კივილით გარბიან.

ორი ცხენი ტახტრევანში აბია. ზედ თავმოჭრილი ჰუსეინი დევს. თავი დაკარგულია. ეძებენ. ჯერ ვერ უპოვნიათ. ჰუსეინი სისხლშია მოსვრილი. ერთს იეზიდ მხედარს ჰუსეინის მოჭრილი ხელი უჭირავს. შეიარაღებულია ხმლით,

ფარით, ჯაჭვის პერანგით, მუხარადით. მოჭრილ ხელს იგი ჰაერში ათამაშებს და თავის გამარჯვებით ამაყოფს.

სიცხეა. ჰაერი მტვერით არის დამძიმებული. სუნთქვა ძნელია. ტყვეებს სწყურიათ, იტანჯებიან, გული მისდით. მიუტანებენ თასით წყალს ტუჩებთან და ისევ მოაშორებენ, რომ მეტი წამება იგრძნონ. თან მათრახსაც დაუშენენ, რომ გონზე მოვიდნენ. გამწარებული ტყვე წამოხტება და მირბის. ერთი ტყვე დაჭრილია. ფეხით სიარული არ შეუძლიან. ცხენზე ზის, დასისხლიანებულია. თავზე ბზე და მტვერი აყრია. ფერმკრთალი, მწუხარე და სასომიხდილი, უნაგირზე შფოთავს. ხან ცდილობს ცხენიდან გადმოვარდეს, მაგრამ იჩასაც მათრახის ცემით მოიყვანენ გონს და ისევ წელში გაიმართება.

ტყვეებს შია. მიაწვდიან პურს და ხელიდან უკანვე გამოაცლიან. ისევ მათრახი, ხმლით და დანებით დამუჭრება.

მუსიკა არ სცხრება და სევდიანი კივილით უფრო აძლიერებს შთაბეჭდილებას. უფრო მაგრად იცემენ გულში ხელებს. ლელავენ. მოწინავეს ხმა უწყდება, მას ძეორე შესცვლის.

პროცესიას პროცესია მოსდევს. იგივე დროშები, სანთლები და მუსიკა. მოდიან სხვა ქუჩებიდანაც და თვითონაც იგონებენ წამების ახალ სურათებს, რომ ერთმანერთს გადააქარბონ. თავს იყრიან მოედანზე და გუბდება დიდი ზღვა — პროცესიების. ყველას კეფა გადაპარსული აქვს. ჟანგიან ხმლებს და ხანჯლებს იხომებენ თავზე. ეს მზადებაა უკანასკნელი დღისთვის, როცა თავები უნდა დაიჩეხონ. ამითი პროცესია ცალკე მიდის. თავს ყველა არ იჩებს და ამიტომ გაიყოფებიან პარტიებათ. ერთ ჯგუფს ხალათები უკან აქვთ ამოჭრილი. ნახევარი ზურგი უჩანთ. მათ ჯაჭვები უჭირავთ და მწყობრად ირტყამენ ხან მარცხნით, ხან მარჯვენით. ზოგს გაშაგებია ან დალურჯებია ხორცი. ზოგს სისხლიც გადმოსდის. მაინც ირტყამს გამწარებით. რომ ველარ შეიძლებს, ხელით გაჰყავთ წრიდან.

ეს მხოლოდ სამზადისია უკანასკნელი დღისთვის. ნამდვილი მოქმედება და ტრაგედიის დასასრულიც მაშინ იქნება, როდესაც თვალთმაქცობის ფარდა ჩამოეშვება და ადამიანიც მოისვენებს. უკანასკნელად გამოატარებენ ჰუსეინის თავს. იგი ბოლოს იპოენეს; ბრჭყვიალა ლანგარზე დევს, წითლად მორთული. იგი ხელში უჭირავს წითელ ხალათიან ჯალათს. მას გრიმი აქვს გაკეთებული. მრისხანეა და ხელში დანა უჭირავს. მას უკან მოსდევენ დასაბალნებული ჯორები, აქლემები, ცხენოსნები. გამოაქვთ ვეფხვისა და ლომების გატენილი ტყავები, ცხენის ზურგზე დაკრული. აქლემებზე სხედან მემუსიკე და მენალარენი. უკანავენ მწყობრად და გაუთავებლივ. ამას საზეიმო ელფერი ადევს. ერთს საყვირი უჭირავს და იქაურობას იკლებს.

ძეორე დღეს იწყება თავის ჩეხა. მთელი ქალაქი დაკეტილია. უცხოელებს აკრძალული აქვთ გარეთ გამოსვლა. ბევრს თვითონაც ეშინიან და არ გამოდის.

ქალაქის ყოველ მხრიდან მოდის აუარებელი ხალხი. ბანები, აივნები და ფანჯრები ხალხით იკედება. პროცესიები თოფხანეს მოედანზე იყრიან თავს.

გამოდის ჯარიც და მონაწილეობას იღებს. ხანჯლები, ხმლები, დანები ელავენ მზის სხივებზე. მზადებაა. ზოგი ვერ მოითმენს და დაიცემს თავზე იარაღს. ამას მოჰყვება მეორე, მესამე. აირევა ყველაფერი. თავპირი, გული, ტანისამოსი სისხლით იღებება. ზოგს გული მისდის. გულწასულებს მთავრეფენ. იერალიანებში დადიან ჯოხიანებიც, ისინი თვალყურს ადევნებენ: ვინც აჭარბებს, იარაღის მოქნევის დროს უკნიდან ჯოხს შეუშვებენ. შუა ზაფხულია. წვიმის მოლოდინიც არ არის. მზე თანდათან ზევით იწევს და ცეცხლის სხივებით სწვავს ყოველივეს. ქუჩის მტვერი დგება ნისლივით, ხურდება და სუნთქვას აძნელებს. ზოგიერთები დაატარებენ ჯამებით წყალს. შიგ ყინული დევს. ხან ერთი დაეწაფება, ხან მეორე. ჯამს წყალს უმატებენ, მაგრამ წყალი სისხლით არის შეღებილი. ამას ყურადღებას არავენ აქცევს. ეს წმინდა წყალია. არავის აწყენს და მადლიც არის!

ამ დროს გამოდის რამდენიმე შიშველი კაცი. კანი გაუჭრიათ და ქრილობებზე ძველი კლიტეები, ლურსმები, შამფურები, შუბები, ჩაქუჩები, და რგოლები ჩამოუკიდნიათ. ეტყობა, უჭირთ სიარული, მაგრამ გაკერპებულები არიან და მიაბიჯებენ დინჯად. ეს უფრო აძლიერებს თვით-წამების შეგრძნობას. დიდხანს დადიან, რომ ბევრმა დაინახოს და განიმსჭვალოს სარწმუნოებრივი სულით. მთავრობა წამებულებს ასაჩუქრებს რამდენიმე თუმნით.

გათავეების შემდეგ ისინი მიჰყავთ აბანოში. იქვე არის ექიმი და ქრილობებზე სცხებს იოდს. ჰბანს, უხვევს და ისტუმრებს სახლისკენ. ასეთ მომქმედებებს მუდამ დღე ჰკვებავენ პურით და ხალათებსაც მუქთად აძლევენ. თავისჩების დროს თეთრ ხალათებსაც აძლევენ, რომ სისხლმა უფრო ღიათ გამოანათოს. საღამომდე პროცესსია ნელ-ნელა იშლება. ექსტაზი ნელდება და ადამიანი თავისუფლად სუნთქავს.

ქალები მონაწილეობას არ იღებენ. ისინი სხედან ქუჩებში და სახლის ბანებზე, ბევრი მათგანი გულამომსკდარი სტირის, ქვითინებს, გულში ხელს იცემს. ასეთი ქვითინი თან სდევს პროცესიებს მთელი თვის განმავლობაში.

ინტელიგენცია, წეძლებული ვაჭრები და საშუალო კლასი მისტერიებში მონაწილეობას არ იღებენ. სარწმუნოების ფესვები იწყება ბნელი მასის ჯურღმულებიდან და რამდენიც ზევით ამოდის, იმდენი ძალა ეკარგება. მიუხედავად ბატონობისა, ზემოურები მაინც ბებერ მუხას მოგვაგონებენ, დიდის ტანით და შტოებით, მაგრამ მუხის ძირი ქიალუისგან არის გამოხრული და, არც ისე გვიან, უნდა წაიქცეს უცბად ავარდნილი გრიგალისაგან, ან უნდა მოექცეს საკუთარი სიმძიმის ქვეშ.

ვიდე ყურბან.

მაჰარამის გათავეების შემდეგ დგება „ვიდე ყურბანი“. ეს დღე იმით არის შესანიშნავი, რომ საჯაროდ მოედანზე აქლემს დაჰკლავენ და მის ხორცს, როგორც წმინდა ნაწილს, დაიტაცებენ.

მოედანზე შეიკრიბებიან ამქართა წარმომადგენელი, რომელნიც ხორცის

ნაწილს მიიღებენ. და თავიანთ უბნებში დაურიგებენ. აქლემს ჰკლავს ყასაბთა უსტაბაში. დაკვლას ესწრება შაჰის წარმომადგენელიც. აქლემის თავი უნდა მიართვან შაჰს. ამ დროს სასახლეში იმართება პარადი ჰარბაზ-ნებს. თავის მიმტანს შაჰი ასაჩუქრებს. აქლემის თავს შაჰი უბრუნებს თავის მსახურთ, ხოლო ისინი ჩამოატარებენ კარის-კაცებთან და საჩუქარს მიიღებენ.

ამ დღეს დაიკვლის აგრეთვე აუარებელი ცხვარი. ვისაც კი შეძლება აქვს, ცხვარს დაჰკლავს და თავის მახლობელთ გაუნაწილებს. ამ დღეს ვინც მივა, ილოცებს, საკმაო შესაწირავს გაიღებს ის ჰაჯის სახელს მიიღებს. თვითეული ჰაჯი ამ დღეს ჰკლავს რამდენიმე ცხვარს და ურიგებს მლოცველთ. ჰაჯი ამ დღეს წელზევით შიშველია, მხოლოდ წინსაფარის ამარა. რამდენი ცოდვაც ჩაუდენია, იმდენი ცხვარი უნდა დაჰკლას, რომ გაიწმინდოს. ვინც ამ დღეს დაიბადება, სახელად ჰაჯის უწოდებენ.

1923 წელს, აქლემის დაკვლის დღეს, ჩვეულებრივად მოედნები, ქუჩები და სახლის ბანები გაჭედილი იყო ხალხით. მოედნის შუა ადგილას მოიყვანეს აქლემი, მორთული წითელ-ყვითელი ნაჭრებით. ქოჩორი შეღებილი ჰქონდა, შეკაზმული იყო ძვირფასი კურტნით, ძვირფასი ხალიჩა ჰფარავდა იმის სხეულს. მისი სადავე რამდენიმე კაცს ეჭირა და ნოწიწებით შესჩერებოდნენ ცხოველის უაზრო თვალებს. აქლემი მშვიდად იყო. უშველებელი ტვირთის ზიდვაა მიჩვეულმა და ზოგჯერ მოსვენებასაც, ახლაც დაწოლა ნოინდომა, მაგრამ არ დაანებეს. იყო ლოდინი. რაღაც ნიშანს ელოდენ. შემდეგ აქლემს მორთულობა მოხსნეს და მის თვალწინ გაიელვა დანამ. აქლემი უკვე დასცეს და ფეხებზე თოკებიც შემოახვიეს, რომ საბოლოოთ დაემორჩილებინათ, მაგრამ ცხოველი არც ისეთი უგუნური გამოდგა, როგორც მას თვალებში ეტყობოდა. მან იგრძნო სიკვდილის მოახლოვება, რასაც, ვინ იცის, იქნება დღემდე ბევრჯერ გაუფლია იმის თვალების წინ. მან გაიბრძოლა უკანასკნელად, გაუჭირვებლად მირეკ-მორეკა დამკვლელნი და ადგა, თითქო ერთი ორათაც გაიზარდა. ნახევარის სხეულით და თავ-კისრით აწორდა მის გარშემო მოფუსფუსე ხალხს. იმის შავს თვალებიდან გამოჰკრთოდა ელვის და სიგიჟის ცეცხლი. მან დააპირა გაქცევა. მიუხედავად იმისა, რომ რამდენიმე კაცი ეპოტინებოდა, იგი მიაჩვენებდა ხალხის მჭიდრო ტალღას, ზოგი ჯობებით, ზოგიც ხელით ემუქრებოდნენ გონება დაკარგულ ცხოველს, სცემდნენ თავში. ტანზე, სადაც შობდებოდათ, რომ შეეჩერებინათ. მაგრამ ამათ, იგი გაშორდა ამ ცოდვის მოედანს და თითქო სამშვიდობოს გავიდა. თავისუფლად დაეშვა ფართე ქუჩისკენ, რომელსაც მიჰყავდა იგი თვით შაჰის ეზოში და მიეფარა თვალიდან. მოედნის ხალხი სახტად დარჩა. იყო შიგა და შიგ სიცილი და მწუხარებაც. „უშველა თავს,—გაიძახოდა ზოგიერთი,—ყოჩაღ ცხოველო! აი, ღონეც ასეთი უნდა. ადამიანს რა შეუძლიან!“ ხალხი მაინც არ იშლებოდა. კიდევ რაღაცას ელოდებოდა. და რამდენიმე წუთის შემდეგ ამოატარეს ურემზე დაგდებული, თავმოქრილი იგივე აქლემი, ნახევრად გატყავებული. მას აღარ ჰქონდა ცალი ბარკალი. ცალი ფეხი კი უშველებლად აეფშიკა ჰაერში გამხმარი ძელივით. ამის შემდეგ ხალხი დაიშალა.

რ ა მ ა ზ ა ნ ი .



რამაზანი მარხვის თვეა, მთვარის პირველი დღიდან უკანასკნელამდე სპარსული მარხულობს დილიდან საღამომდე. რამაზანი შუა ზაფხულშია, საშინელი სიცხეების დროს.

მზის ამოსვლიდან ჩასვლამდე სველს არას მიიკარებს, და თუ შეიძლება, ნერწყვიც კი არ უნდა გადაჰყლაპოს. არ შეიძლება თამბაქოს და სხვა მათრობელ ნივთიერებათა მოხმარება; არ შეიძლება ბანაობა, წამლის მიღება ქალთან შეუღლება და სხვა, — წმინდა შრომის გარდა.

ეს ცოდვის მოსაწინააღმდეგებელი დღეა და არაფრით განსხვავდება ქრისტიანულ დიდმარხვის წესებისგან.

ამ დროს ქალაქი მთელ ღამეს განათებულია. ჩაიხანები და რესტორანები გაღებულია, იწყება ღამის ცხოვრება გათენებამდე. ქუჩებში მიმოსვლა შეუწყვეტილად სწარმოებს. როცა გათენდება, სიარულიც შეწყდება. სპარსული მთქნარებით მიეჩქარება ბინისკენ, რადგან მზის ამოსვლამდე უნდა მივიდეს და დაიძინოს. დიდ ქალაქებში, მაგალითად თეირანში, მარხვის დასაწყისს და დასასრულს ზარბაზანი აცნობებს. სპარსული იმ წამსვე წამოხტება სკამიდან, რაც დარჩა თეფშზე, იმას ხელს აღარ ახლებს. დასაწყისში მას ყველაფერი გამზადებული აქვს, წინ უდგას და დამჯდარი შესცქერის. გავარდება ზარბაზანი და ისიც გაიწვდის ხელს პურისა და კერძისკენ.

სასულიერო წოდება.

სპარსეთის ცხოვრების სადავე სასულიერო წოდების ხელშია: ის ლოცავს და სწავლის ყველას — მტერსაც და მოყვარესაც, დასცემს ან გაამაგრებს ამა თუ იმ სახელმწიფო მოღვაწეს და ქუჩასაც ადვილად იმორჩილებს: ის გასცემს ბრძანებას, და მთელი ქალაქი დაიკეტება. ასეთს „გმირობას“ ჩაიდენს თვეში ერთხელ მაინც. შედეგი ამისი უთუოდ გამარჯვებაა. აუარებელ ხალხს განოიყვანს ქუჩებში, შეპყრის ქალაქის მოედნებზე და გააბამს სიტყვათა კიანურს. არავინ იცის, რას ამბობს, მაგრამ რაც უნდა, იმას მაინც აკეთებს.

სასამართლოები და სკოლებიც იმათი გავლენის ქვეშ არიან მოქცეულნი. მოღების რიცხვი აუარებელია. მათ შეხვდები ყოველ ქუჩაზე, ყოველ დაწესებულებაში, წყვილობით, თეთრი ჩალმებით, გრძელი კაბით და მოსახურავით. მოლას ვერ ნახავთ, რომ სხვებივით ქუჩაში ან სადმე მინდორში ლოცულობდეს. ის უსათუოდ საქმისთვის მირბის და რაღაცას აკეთებს თავის სასარგებლოდ.

თუ რამე პირობის დაწერა, ან დამტკიცებაა საჭირო, მათ უმაღლეს წარმომადგენელს — მუშტეიდს უნდა მიმართო. მან უნდა დაამტკიცოს, დაჰკრას ბეჭედი და ამის შემდეგ შედის ძალაში ყოველი პირობა. სკოლებში მასწავლებლის ადგილებიც ბევრგან მათ უჭირავთ.

პოლიტიკურათ სასულიერო წოდება დაყრდნობილია სასტიკ ფანატიზმზე და წვრილ ვაჭართა მასსაზე. როცა უნდა, გამოჰყრის გარეთ ამ დუქნის კიანქველებს და არბენინებს, ალაპარაკებს და აყვირებს ქუჩებში.

წელს გარდაიცვალა ერთი გავლენიანი მუშტიედი. გასვენების დროს მთელი ქალაქი დაიკეტა. ქუჩებში ტევა აღარ იყო და მიცვალებულთან ახლო მისვლაც — შეუძლებელი. მას წინ მიუძღოდნენ ყვირილები და გულში ხელის ცემით რამდენიმე დასტა, ისევე, როგორც მაჰარამის დროს იქნებოდა. ქრთ დასტას მიჰქონდა მიცვალებულის გვაში, მაგრამ ასეთი პატივი შეშურდა მეორე დასტას. ის ძალით შეიჭრა ხალხში, უნდოდა ჩხუბით წაერთმია და ეზიდა კარგა ხანს, რაც მას დიდ მადლად ჩათვლებოდა. მაგრამ ასეთი პატივის დათმობაც ძნელი იყო. ნოხდა შეტაკება, პოლიციამ შეარიგა, როგორც იქნა, უკმაყოფილონი და განაგრძეს გზა დიდის ღელვით.

მოლლები სავაჭრო საქმეებშიც ერევიან. დალალობენ. აქვთ სოფლები, საკუთარი სახლები და სხვა ქონება. მაგრამ მათი პრესტიჟი აქაც შერყეულია. ბევრისგან გაიგონებთ — „თორემ მოლაა, მაგისი არაფერი დაიჯერებო!“.. როგორც ჩვენშიც იყო, — ისინი თავიანთ შეილებს ნოლლებათ ზრდიან. ხშირად შეხვდებით პატარა ბავშვს: თეთრის ჩალმით, რომელსაც თავი დიდათ მოაქვს.

წარშან ფანატიზმის ნიადაგზე დიდი უბედურება დატრიალდა. ნოხდა „სასწაული“ — ვითომც ბრმას თვალები აეხილა. ეს ამბავი მთელს ქალაქს მოედო. ქალაქის ერთს ქუჩაზე, სადაც ეს სასწაული“ ნოხდა, წმ. პუსეინის სახატეა. მუდამ სანთელი უნთია. დაიწყო ხალხმა დენა. ზოგმა რწმენით, ზოგმა ცნობის მოყვარეობით. თუ სადმე ბრმა იყო ან თვალმტკივანი, ყველამ იქ მოიყარა თავი.

საზოგადოთ თეირანში თვალის ტკივილი ძალიან გავრცელებულია. რაც მიეწერება ქუჩუიანი აუზებიდან პირის ბანას. ეს აუზები სავსეა ყოველგვარ მიკრობებით. ყველა სასწაულს ელოდა, ყველას უნდოდა მორჩენილიყო და წასულიყო სალხში გახარებული. მაგრამ სასწაული აღარ გამეორდა.

მიუხედავად ამისა, პირველი სასწაული მაინც ბევრსა სჯეროდა. ამ ამბავს დიდის მჭერმეტყველებით ავრცელებდნენ სასულიერო პირები, სეიდები, მდაბიო და ყველა, ვისაც სიბნელიდან გარეთ არ გამოუხედნია. იმ ქუჩაზე გავლა გაძნელდა. იქ მუდამ აუარებელი ხალხი იდგა. ერთი ამერიკული მისიის მსახურიც წავიდა, დაინტერესებული ახალი მოვლენით, და თან წაიღო ფოტოგრაფიული აპარატი სურათის გადასაღებად. ამ დროს გამოდის ერთი ბნელი პიროვნება და უკრძალავს მას ასეთს „არა წმინდა“ საქმეს. მერმე აპარატს დაუმტვრევს. უწყალოდ სცემს და სხვებსაც იხმობს მოსახმარებლათ. ამერიკელი ახალგაზრდა ლონიერი ვაჟია, მაგრამ ახლა ვერაფერი უშველის. გარბის. მას მისდევს მთელი ბრბო კივილით, ყვირილით, ჯოხებით, ქვებით და ათასი წყველა-კრულვით იმის გამო, ვითომ მან წაბილწა წმინდა ადგილი, სადაც ბრმებს თვალები ეხილებათ. ის ნირბის მაინც, ყოჩალია და ბევრს წინ დახვდურს ერთის გარტყმით იშორებს. შერბის ჩაიხანაში, რადგან წასავალი აღარსად აქვს, ხალხის ბრბო ვეღარ გაარღვია. იქ ჩაიხანაში მას ასხამენ მღუღარეს. აქედან შერბის ყაზახების სადარაჯოში. გააფთრებული და ფანატიზმით შეშლილი ყაზახი ჩასცემს მუცელში ხიშტს. შემდეგ მიჰყავთ საპოლიციო ნაწილში. იქაც მისდევს ბრბო, შედის ძალით და უკანასკნელ სიციოცხლეს უს-

პობს მას, უცხოელს—ეითომც მათს შემგინებელს, მათი წმინდათა წმინდის შეურაცხყოფელს.

ამერიკის მთავრობის მოთხოვნების დასაკმაყოფილებლად სპარსეთის მთავრობამ გადაიხადა რამდენიმე ათი ათასი თუმანი. მოკლული ვაჟის ახალგაზრდა ქვრივი გამდიდრებული დაბრუნდა თავის სამშობლოში.

ამერიკელი დიდსულოვანია. ის აშენებს აქ საუკეთესო სასკოლო შენობას, დიდის ეზოთი და ბაღით. ის მალე მოიყვანს ალბათ ამერიკული ენის მასწავლებლებსაც.

სპარსელი მასსა, მდაბიო ხალხი, თავიდანვე სასულიერო წოდების გავლენის ქვეშაა. კლასიური შეგნება მის თავში ჯერ არ შესულა. ის ჯერ დაბნეულია, დაქუცმაცებულია ქალაქსა და სოფელში. მათ აერთებს მხოლოდ სარწმუნოება და სალოცაეები. ფაბრიკა-ქარხანა ნომავლის საკითხია. ჯერ დაწყებულიც არ არის.

არ არის არც ერთი მილი, რომ სახლის კედელს რუჯაედეს. სპარსელ მუშას და გლეხს არა აქვთ ერთიანი ბინა, ე. ი. მრეწველობა, არა აქვთ საკუთარი გზა, ბილიკიც, რომელიც თავს მოუყრიდა მათ ყოველ დღიურათ და შრომის ოფელს დააღვრევიანებდა ერთსა და იმავე ალაგზე. ყოველი გზა, თავის სიგრძით და მოხვეულებით, სალოცაეებისკენ მიუძღვით. და ისინიც მიდიან იქით, მიდიან ასობით და ათასობით, დღისით და ღამით; მიდიან ყოველთვის, საოცარის რწმენით გამსჭვალულნი და უკიდურესი ფანატიზმით სავსენი.

არა მუსულმანი მეჩეთში ვერ შევა. მეჩეთის მისაველში ჯაქვებია გაბმული და უცხოელი ამ მიჯნას ვეღარ გასცილდება. მეჩეთის ყოველი საიდუმლოება ამ ჯაქვების იქით შესრულდება. უნდა მუსულმანის სარწმუნოება მიიღოთ, მოინათლოთ, რაც ადვილი არ არის, რომ შეხვიდეთ მეჩეთში პირდაპირი გზით. მაგრამ შეიძლება შეიპაროთ, თუ ეს „თაფხედობა“ შეგიტყვეს ამ წმინდა ადგილიდან შეიძლება ცოცხალიც ვეღარ გამოხვიდეთ.

დღემდე მთელი ერის ცხოვრება დაფუძნებული ყოფილა ყურანზე. იმ დროს, მის პირველ მოვლენისას, მართლაც არ ყოფილა არც ერთი არსებითი საკითხი, რომ ყურანში მისი დაფასება ან დაკანონება არ ყოფილიყოს. შემდეგ, მეცხრე საუკუნეში, იმამ, ალ-ბუხარის შემოუვლია მთელი სამუსულმანო ქვეყნები და რამდენიმე წლების განმავლობაში შეუკრებია 600 ათასი სხვა და სხვა გვარი გადმოცემანი და ადათი ხალხის ცხოვრებიდან, თქმულებანი წინასწარმეტველებზე და სხვა. აქედან მას მხოლოდ 7275 უცვნია ნამდმილათ და ხალხის სასარგებლოდ.

მეორეს, ასეთსავე თავგამოდებულ მომხრეს მაჰმადისას, მუსლიმს, შეუკრებია 300 ათასი, საიდანაც 12 ათასი აურჩევია საუკეთესოდ, რომელნიც შეეხებოდნენ ხალხის ჩვეულებათა მხარეებს.

ამით თითქო მათ შეუვსიათ ყურანის ნაკლი, და მას შემდეგ იგი გამხდარა ხალხის სულიერი ცხოვრების წყაროდ.

მაგრამ რა არის თავის თავად კანონი?!... კანონი დღემდე ყველგან იმისკენ გადახრიდა სასწორს, ვის ხელშიც იყო თვით სასწორის მარყუჯი; ვის

ხელშიც პოლიტიკური ძალა-უფლება იყო; ვისაც სისრულეში მოჰყავდა იგი ასე ყოფილა აქაც, კანონს, როგორც გამოცდილი შენავე, ^{მეტიერის} მფატრიანებდნენ, საითაც მათთვის მყუდრო ადგილი იყო. თორემ ^{სამაქსედის} რომელიც მუდამ სუნთქავს ღრმად მოწმენდილ ცის ქვეშ, სუფთა ჰაერით, სუფთა სახის, შავი მგზნებარე თვალებით, წელწვრილი, სეფდით მომღერალი თავისი წარსულის, კაცი, რომელიც ჯოხებს და რკინებს თავის სხეულში იყრის სულის განსაწმენდად, ექსტაზში შესული, — განა ეს კაცი სხვას უფრო კარგს, ვერ შეითვისებდა ისტორიის სარბიელზე?!

მაგრამ სარწმუნოების დოგმატებით შეუბოჭიათ იგი. მას სძულს არამუსულმანი. არა, მას შეაძულეს იგი და ერთის დაძახებით შეუძლიათ ჩააქოლვინონ უცხოელნი, როგორც შარშან — ამერიკელი, როგორც უწინ — გრიბოედოვი.

შარშან, როდესაც სპარსეთის პრემიერმა მოინდომა შეჯღისია შეცვლა პარლამენტით — ჯამშურით, და რომელიც არსებითად არას შესცვლიდა, მაგრამ რაღაც ახალ ნაბიჯს კი წააგავდა, მოწინააღმდეგე მოლლამ წარმოსთქვა: „ყურანი ბევრჯელ წამიკითხავს, ახლაც წავიკითხე, მაგრამ არსად წერია „ჯამშურის“ საჭიროება“-ო.

ეს აზრი მარტო მოლლასი არ იყო, და რასაკვირველია, ჯამშურის საკითხიც მოიხსნა ჯერჯერობით.

სასულიერო წოდება, ცხადია, გრძნობს, რომ მისი მომავლის საფრთხე ევროპის გზით მოდის. ამიტომ ის ყველაფერს წინ ელობება და თავის ხალხს თვალზე ხელს აფარებს — არ დაინახოვო.

პირველად ამ წელს დაიხურა ზოგიერთმა სპარსელმა, სამხედრო პირების გავლენით, „კარტუზიანი“ ქუდი. ამის გამო მოლლების წაქეზებით რამდენიმე კაცს სცემეს ქუჩაში და ქუდები დაუხიეს. თავლია ნაცემნი ძლივს ცოცხალნი წავიდნენ სახლში. მაგრამ ახალი მოდის მიმდევარი მაინც ბევრი გამოჩნდა. ყველას ცენა არ შეიძლებოდა. და მოლლებმა მიმართეს უმაღლეს მთავრობას, — დასაჯეთ, ყურანში არ სწერია ასეთი ქუდის დახურვაო. მთავრობამ თურმე უპასუხა — არც ჩემ კანონებში სწერია, თუ როგორ დავსაჯო ეგეთი დამნაშავეო. ამ გვართ დავა შეჩერდა, მაგრამ ახალი ქუდი ბევრმა ისევ ძველით შესცვალა. არაუინ არ იცის, რომ უბრალო ქუდის გულისთვის, რომელიც ხუთი-ექვსი კრონი ღირს, ქუჩაში ლაზათიანათ არ მიჰბრიგავენ, თუ უარესიც არ დამართეს.

ეს ხდება სპარსეთის დედაქალაქში, მეოცე საუკუნის დასაწყისში.

დერვიშები და სეიდები.

დერვიშები განსაკუთრებული ტიპის ხალხია. ისინი ამაყობენ თავის პროფესიით და საზოგადოებისგან პატივისცემას მოითხოვენ.

— რატომ არ მუშაობ, რატომ საქმეს არაფერს აკეთებ? — შევეკითხე ერთ თეთრწვერიან და გრძელთმიან დერვიშს.

— მე დერვიში ვარ, — მიპასუხა მან ღიმილით, — დერვიში სხვაა, ის სხვა-სავით არ მუშაობს. მე სხვა საქმე მაქვს.

დერვიში თავისუფალი ადამიანია. ის არ ზრუნავს ხელოსანობის. ისიც სასულიერო წოდების ხანარეკლია, იმის გზაზე მიმავალი, მაგრამ უფულეობა, პოლიტიკურ ძალის და გავლენის გარეშე მდგომი. დერვიშს სუსტად უნდა იყოს ლამაზი ხშიანი, სიტყვის ოსტატი და მცოდნე წმინდანთა ცხოვრების. მისი მოქმედების ასპარეზი ქუჩაა, სადაც დიდი მოძრაობაა, მოედნები, სადაც ხალხი ბლომათ იყრის თავსთავშენ ვეული, გრძელის თმებით, ჯოხით ან ერთ-გვარი რკინის ნაჯახით, დადის მთელი დღე და იმდერის ტკბილად. ის სამათ-ხოვროდ ხელს არავეს გაუწვდის მუნჯად, უსაბუთო ღრეჯით. თუ ცოტას აჩუქებ, არ დაიწუნებს. მღაბლათ თავს დაგიკრავს და გაგშორდებათ.

დერვიშები საკმაოდ ბევრი არიან. ხშირად ქუჩის ერთ მხარეზე ერთი მოსძახის, მეორეზე—მეორე. ისინი ერთი-მეორეს არაფერს უშლიან. ერთი მეორესთან დავა არ იციან. პირიქით, მეგობრობენ და ერთად მიირთმევენ ტკბილეს, რაც ყველა მათგანს აქვს ჯიბეში.

ბევრი მათგანი მართლაც სასიამოვნოდ მღერის. გაუდგება ქუჩას და ისეთის სევდით, ალტაცებით, ისეთის წმინდის გულით ამბობს ყოველ სიტყვას, რომ ამ ცივსა და ანგარიშიან ქუჩას, სადაც თითქო ყველას გასცივებით გული და მარტო თავის თავზე, თავის სმა-ჭამასა და ერთი-მეორის მოტყუებაზე ფიქრობენ,—უბრალო დერვიში, ძველი, დახეული ტანისამოსით ყველას სიცოცხლეს აძლევს, სულს უდგამს.

ლამის მყუდროებაში, როდესაც ჭალაქი ძილის პირზეა, მხოლოდ დერვიში არღვევს სიჩუმეს. ნელის ნაბიჯით მიდის. ყოველ ათიოდე ნაბიჯზე შედგება, მერმე ისე გაივლის მთელს ქუჩას, რომ შეიძლება გამვლელისკენ ერთიც არ მიიხედოს.

დერვიშებიც სხვა და სხვა დოგმატიურ მიმართულებას ეკუთვნიან. ყველა თავისი განსაკუთრებული ღირსებით ამაყოფს, თავის ენამჭევრობით ან სილამაზით იკვებოს, მათ ქუჩაში არავეს ედავება. ისინი ნოედნებზე შეჰყრიან ხალხს, გააკეთებენ წრეს და ეკამათებიან ერთი-მეორეს ამა-თუ-იმ წმინდანთა უპირატესობაზე. მათი დავა დიდხანს გრძელდება, მაგრამ ყოველთვის მშვიდობიანათ თავდება.

დერვიშები ღარიბნი არიან. ყველა მათგანს აქვს პატარა ჩანთა, შიგ უწყვიტა ტკბილეული, ჩაი, შაქარი და პურის ნატეხებიც. მათ უმთავრესად შეხედებით ქალაქის უღარიბეს ნაწილებში, პატარა ჩაიხანებში, განაპირა უბნებში. ზაფხულში ქალაქის გარეთაც მიბრძანდებიან, საავარაკო ადგილებისკენ. აქ ისინი აირჩევენ ისეთ ალაგს, სადაც ხშირი ხეების ჩრდილებია და წყალიც მოდის. დაბინადდება, ცეცხლს გააჩაღებს, პატარა თუნუქის ჩაიდანში წყალს აადუღებს და დიდის ნებივრობით მიირთმევენ. თუ მიაჩერდი, შემოგთავაზებდნენ კიდევ. დალამდება და იქვე დაიძინებს, ან უკეთეს ადგილზე წავა, რადგან მან ყოველი კუთხე კარგად იცის.

ასეთ ხეტიალში მართლაც არის რაღაც მიმზიდველი. ის თითქო ცხოვრების გარეშე დგას, სამაგიეროთ თავის თავის პატრონია, ალბათ ამით იზიდავს დერვიშობა ბევრს, მაგრამ, ამ სურვილთან თუ დერვიში დაჯილდოებული

არ არის ზემოთ აღნიშნული თვისებებით, მიზანს ვერ მიაღწევს, ან მატყუარობა გამოუვა—ცრუ დერვიშობა.

არათუ სპარსელი, დერვიშობაზე ოცნებობს ა. განუხილავი ცხელმთსავლეთის ენების მცოდნე, დიდი მგოსნის ა. პუშკინის შთამომავალი, ძველის გვარტომობით, რომელიც ამ ჟანად სპარსეთშია და მთელის არსებით უყვარს სპარსეთი.

ცხადია, დერვიშობა წარსულით განიზომება. მას მოწავალი აღარ აქვს. ის ყოფილა ერთ დროს რაღაც სიახლის მომტანი თავისი ორიგინალობით. მეცამეტე საუკუნის მგოსანი ჯელალედდინი ამბობს:

“დერვიში, რომელიც გველაპარაკება ცის საიდუმლოებაზე, დაუსრულებელის ნეტარებით გეასაჩუქრებს. ხოლო დერვიში არ არის, ვინც მოითხოვს ჩვენგან მარტო პურს“!

აღბათ მაშინაც იყო და დღესაც ბევრია ანგარებით ფეხის ამყოლი. ეს ის ხალხია, ზნეობით მახინჯი, რომელიც ჩველგან არის და ყველაფერს ამახინჯებს.

აქ უცხოელი ისე არ მოვა, რომ დერვიშის სურათი არ შეიძინოს. მხატვრები ხატავენ სხვა და სხვა პოზებით, ცალკე და ჯგუფ-ჯგუფად.

არც თვითონ დერვიში გაუბრბის სხვებივით უცხოელს. ის სიამოვნებით თანხმდება ქუჩაში, ხალხის თვალ წინ, სურათის გადაღებას, და ყოველთვის საჩუქარს მოელის.

არიან თავხედებიც. მაჰარამის დროს ზოგი მათგანი ამოიჩემებს რომელიმე მდიდარს და მის შესავალ კარებთან გაშლის კარავს. გააჩაღებს, რაც კი საჭიროა მისთვის, და თითქო სამუდამოთ სახლდება, მაგრამ, როდესაც საჩუქარს მიიღებს, მაშინვე სხვაგან გადასახლდება. ზოგი მათგანი თვალთმაქცობასაც ეწევა. შეჰყრის ხალხს და მთელი საათობით რაღაც აბდა-უბდას ლაქლაქებს, შემდეგ კი ქუდით ჩამოივლის, ფულს მოაგროვებს და გაქრება.

გამხდარს და გაყვითლებულს სახეზე ეტყობათ, რომ ყოველი მათგანი თრიაქს და ჰაშიშს ეწევა. თუ ერთი ლაზათიანად მოსწია, ყველაფერი დაავიწყდება: ჭამა, სმა და სიცოცხეც. გაბრუებული დერვიში დარეტიანებული დადის, ან დაეგდება სადმე და, მთელი ქვეყანა რომ დაიქცეს, სამოთხისა და ანგელოზების მეტი არაფერი ეჩვენება, ან კიდევ ისეთი რამეები ელანდება, რაც თავის დღეში არც უნახავს და არც განუცდია.

ამ გვარად, როგორც მწირი ქრისტიანი, დერვიშიც თავის ბედთან შერიგებულია. მან უნდა ყველაფერი განიცადოს და სადაც მოკვდება, „სამოთხესაც“ იქ იხილავს.

შეოჯახებობას დერვიშებიც მისდევენ—თუ, რა თქმა უნდა, შენახვის უნარი აქვთ.

სეიდებიც სასულიერო წოდებას ეკუთვნიან. მაგრამ ამ დარგში ისინი არაფერს აკეთებენ. სეიდი ყველაფერია, ხოლო სასულიერო მას არაფერი არა აქვს.

მას თავი მოაქვს, რომ იგი მაჰმადის მონათესავე ჩამომავლობისაა. ესენი

მხოლოდ ანგარიშის ხალხია. ლურჯი ჩაღმით თავწაკრული, წვერ მოპარსული, ზოგი სუფთად ჩაცმულია და ჩასუქებული, — აი სეიდი.

სეიდი არაფერს თაკილობს. როგორც ერის კაცობა, შრომას ეწევა. უფრო კი ქალაქებში არიან, ვაჭრობენ, დალალობენ, იჯარით იღებენ.

თუ დასჭირდათ, ტყუილის თქმასაც არ თაკილობენ. ხშირათ გაიგონებთ: „ეგ სეიდია, ამიტომ არაფერი დაეჯერებაო“. რასაკვირველია, ტყუილის ლაპარაკი მარტო მათ „ღირსებას“ არ შეადგენს. ცხოვრების ორომტრიალში მათზე უფრო „პატიოსნებიც“ კადრულობენ ტყუილის ლაპარაკს, ამიტომ ეს მსოფლიო ცოდვაც და მარტო სეიდს არ დაეკისრება.

თუმცა მოგზაური შარდენი თავის წიგნში მეტიხმეტად ცრუ და მატყუარა ხალხად ახასიათებს სპარსელებს, მაგრამ როცა ევროპაში დაბრუნდა, ალბათ იქაც დახვდებოდნენ ტყუილის მოლაპარაკენი.

საერთოდ სეიდები პრივილეგიურ მდგომარეობას დაუწინაურებია ცხოვრებაში. თითქმის ყველანი წერაკითხვის მცოდნენი არიან და ბევრს კარგი სპატიო ალაგაც უჭირავს. სეიდს თუ შეხვდებით ქუჩაში, უსათუოდ საქმისთვის მიდის. უბრალო გასართობებში და ჩაიხანებში იშვიათად ნახავთ.

სეიდი მისდევს მეოჯახეობას და თავის პატარა ვაჟს ფეხის ადგმისთანავე თავს შეუხვევს ჩაღმით, რომ შეინახოს წოდებრივი ჩამომავლობა. სეიდობაც, როგორც სხვაც, გარდამავალ ხანაშია. სეიდებიც ისეთივე ფანატიზმით არიან გაჟღენთილი, როგორც ყველა მდაბიო სპარსელი. ლოცვა, მარხვის შენახვა, სალოცავებში მიმოსვლა — ერთი სიტყვით არაფერს არ აკლდებიან. მიმართულება წმინდა კონსერვატორული აქვთ, — ძველი, დახავსებული.

ვაჭრობა და ვაჭრები.

ვაჭრობის მთელი ძალა სპარსელის ხელშია. მას დაუპყრია ბაზარი და ვერც ვერავინ წაართმევს. უცხოელებს ერთი-ორი მაღაზია აქვთ, ისიც სუსტი და უღონო. თვით სომხებიც კი, რომელთაც ვაჭრობის დიდი უნარი აქვთ, ვერას გამხდარან აქ, მიუხედავად თავიანთი სიმრავლისა. ისინი მისდევენ უმთავრესად ფეხზე ვაჭრობას. ბევრნი შესულან სახელმწიფო სამსახურში და ჩინორდენებიც დაუმსახურებიათ. სომხები თავიდანვე შეზრდილან სპარსულ ენას და ტანისამოსს.

ვაჭარი ყოველად თავისუფალია თავის მოქმედებაში. მთავრობა არაფრით ხლუდავს როცა უნდა — გააღებს, როცა უნდა — დააკეტავს, როგორც უნდა — გააჭიდის.

სავაჭრო ბაზარი ყოველთვის ღიაა. სპარსელი პარასკეობით კეტავს მაღაზიას და ერთობა ოჯახში ან ქალაქის გარეთ. შაბათობით ურიები კეტავენ და კვირაობით ქრისტიანები. ამრიგად, კვირაში ეს სამი დღე თავისუფალია, ვისაც როდის უნდა მაშინ იუქმებს.

ფართალი უმთავრესად უცხოეთიდან შემოაქვთ. არის ადგილობრივი ნაწარმოებიც, მაგრამ უმნიშვნელო რაოდენობის და ნაკლები ღირსების.

ვაჭრები მთავრობის პოლიტიკაშიც ერევიან, აქვთ ზოგჯერ გავლენა და მეჯლისშიც ჰყავთ დამცველები.

შარშან პრემიერს რეზახანს წვეულება გაუძარტეს. ქუჩებში მისი კრედიტორები და სხვა-და-სხვა ძვირფასი ქსოვილებით. მისავალი ადგილი გაანათეს აუარებელი ფერადი ლამფებით. მუსიკა უკრავდა სპარსულ და ევროპულ ჰიმნებს განუწყვეტლივ. ზეიმი მთელი ღამე არ შეწყვეტილა. გათავების შემდეგ მიართვეს ძვირფასი საჩუქრები და კარგა ბლომათ ნაღდი ფულიც. პრემიერმა, როგორც მეომარმა რაინდმა, ამ ფულით დაიჭირავა, ქალაქის გარეთ, დიდი სახლი და გასცა ბრძანება—რაც ქალაქში მაწინწალა მათხოვრებია გაერეკათ და იქ დაესახლებიან, რომ ქუჩა განთავისუფლდეს მათის ღრეჯისა და უსიამოვნო ძონძებისგანაო. ასეთი გლახები მართლაც ბევრი იყო, ვერ გაივლიდი თავისუფლად ვერც ერთ ქუჩას, რომ რამდენიმე არ გადაგლობებოდა წინ, და არც მოგეშვება, თუ არაფერი უწილადე.

რამდენიმე დღეში გასწმინდეს ქუჩები. თუ კიდევ გაჩნდებოდა დარჩენილი გლახა, პოლიციელი გამოეკიდებოდა და თავშესაფარში წააბძანებდა. ამ რიგით მოისვენა ქუჩაში გამგლეღმა. ეს პატარა საქმე როდი იყო, თუ კი მას დიდი დღე ექნებოდა.

მაგრამ გლახა ყოველთვის გლახა ყოფილა თავის ანგარიშებში. ქუჩაში თავისუფლად ხეტიალი, იალალების სუფთა ჰაერი და ჩაიხანების ხმაური მისთვის ხელახლა სანატრელი გახდა. ქალაქის გარეთ ერთს ადგილზე ქათამივით დამწყვდევა არაფრად ექაშნიკა, და გლახა ისევ მოევილინა ქუჩებს. თავშესაფარი დაცალიერდა. მაგრამ, საქირო იყო კანონის, კანონიერი დარღვევა, რომ დამნაშავე სასჯელს ასცდენოდა. აი, ყველა მათგანმა დაიჭირა ხელში თითო-ოროლა ასანთი გასაყიდად. ფასი იგივე იყო, რასაკვირველია, რაც დიდს სავაჭროებში. ამ გვარად ყველა მთხოვარა „ვაჭრად“ გადაიქცა. კანონი დაირღვა. მაგრამ მისი მთავარი პრინციპი მაინც დაცული იყო.

გავიდა დრო. ახალი „ვაჭრების“ შემოსავალ გასავალმა აჯობა. ასანთის ღირებულება გაიცვალა აუცილებელ მოთხოვნილებების საგანზე, ე. ი. ლუკმა პურზე და დაცლილი ხელები დარჩენ ისევ სამოწყალოდ გაწვდილნი. კანონი ითმენს, და ალბათ ელის ახალი წვეულების გამართვას.

შედგვი პირველი წვეულებისა მაინც საპატიო იყო. იგი რამდენიმე დღესაც სცოცხლობს. დიდი კაცის მიწვევა და საჩუქრის მირთმევა ნაღდ-ფულად, სპარსეთში ძველი ჩვეულებაა დიდი პირები, და თვით შაჰიც, წელიწადში ერთხელ მაინც შემოივლიდნენ თურმე თავიანთ საბრძანებელს ამ „საჩუქრის“ მოგროვების მიზნით. რასაკვირველია, ჯერ ქალაქებს ეწვევოდნენ და იქაურ უდიდეს თანამდებობის პირებს. მასპინძელმა გამოცდილებით იცის, თუ როგორ უნდა დაუხვდეს სტუმარს. იცის სტუმრის მთავარი მიზანიც. დატრიალდება ჯარასავით, ამოძრავებს ჩარხის ყველა ნაწილებს და ხელდახელ, რასაც შეიძლება, შეჭკრებს, ყოველ შემთხვევაში იმდენს მაინც, რომ სტუმრის საკადრისი იყოს. სტუმარს სადილ ვახშამიც უნდა გაუძარტონ, მაგრამ ფული კი წინდაწინ უნდა მიართვან. სტუმარი მიითვლის საჩუქარს, და თუ ამის შემდეგ პურმარული არ

მიიღო, ეს იმას ნიშნავს რომ „საჩუქარი“ იცოტავა. მასპინძელი იკრებს უკანასკნელ ძალ-ლონეს. აგროვეებს კიდევ სადაც რა შეიძლება და აწესებს დანაკლისს. ამის შემდეგ პურმარილის მიღება ძნელი აღზარ არის. იმართება მხიარული სუფრა, ლხენა, ტკბილი მასლაათი და მასპინძელიც ბედნიერია. წვეულების გათავების შემდეგ დიდი პიროვნება თავის მხრივ გულუხვ მასპინძელს აძლევს რაიმე ნიშანს, ან ოქროს ფულს, ხუთ-ათ მანეთს, „სამახსოვროდ“. და ამის შემდეგ განაგრძობს გზას სხვა ქალაქებისკენ.. არ იფიწყებენ აგრეთვე სოფელსაც, თუ იქ შეძლებული ხანი ეგულებათ. ასეთი მოგზაურობა გრძელდება თვეობით და, თუნდ წელიწადიც იყოს, მოგზაური არას დაჰკარგავს. პირიქით, მუდამ გამარჯვებული ბრუნდება სახლისაკენ და იცის, რომ მომავალიც ისევე „დაასაჩუქრებს“ მას.

ჩაცმულობით ვაჭარი არ განირჩევა სხვა მაღალ წოდების პირთაგან: იგივე შავი ქუდი, მოსახურავი, სარდარი, ან და ევროპიული კოსტიუმი, ხოლო ქუდი უსათუოდ სპარსული.

ვაჭრების ხელში გადადის კარგი სახლები, ბალები, სააგარაკო ადგილები და ყოველივე რასაც კი რაიმე ღირებულება აქვს. ვაჭარი ყიდულობს და ამშვენებებს ყველაფერს, რასაც სიძველის და ნგრევის ელფერი ადევს.

ომის და რევოლიუციის გავლენით სპარსეთის ვაჭრები დიდ კრიზისს განიცდიდნენ. ინგლისის ბანკი მათ დიდის სიძუნწით და მოკლე ვადით აძლევდა კრედიტს. მაგრამ გაჩნდა თუ არა საბჭოთა რუსეთის ბანკი, მაშინვე დიდის ხალისით შემოდგეს ფეხი და ბევრი მათგანი საკმაო ნდობით სარგებობს. თითქმის არ არის მაგალითი, რომ სპარსელ ვაჭარს ვალი არ გადაეხადოს.

ახლა სპარსელი ვაჭრები ესწრებიან რუსეთის ყოველ ბაზრობას (იარმარკებს). მიაქვთ და შემოაქვთ აუარებელი საქონელი. დაარსეს ანხანაგობანი სპეციალურად საბჭოთა რუსეთთან სავაჭროდ. მათ კარგათ იციან, რომ რუსეთი უახლოესი და უდიდესი ბაზარია საქონლის გაცვლა-გამოცვლისთვის. რუსეთი აძლევს მათ საუკეთესო ღირსების საქონელს: ნავთს, შაქარს, ჩითეულობას და სხვას—შედარებით იაფად. რუსეთთან დაკავშირების შემდეგ ამ ორი წლის განმავლობაში 35%-ით დაიწია საქონლის ფასმა და სპარსეთის უღარიბეს მცხოვრებსაც შეძლება მიეცა მისი შეძენის, რაც მეტად აღიძვებს კაპიტალის ბრუნვას. სპარსეთი დღეს ეკონომიურად გამოცოცხლდა და ელის უკეთეს მომავალს.

სპარსეთს და საბჭოთა რუსეთს გეოგრაფიულად აერთებთ კასპიის ზღვა და ამიერ-კავკასია. თაერიზის რკინის გზა, რომელიც საბჭოთა რუსეთმა დაუთმო სპარსეთს, ყოველ დღიურად ავსებს სპარსეთის ბაზარს ნაირ-ნაირი საქონლით და სანოვაგით. ტფილისს და სპარსეთს აერთებს უშუალო ტელეგრაფი და რადიო-სადგურები.

სპარსეთი მხოლოდ ამ ბოლო წლებში დაადგა სახელმწიფოებრივ გადასახადთა წესს. მანამდე იგი დამყარებული იყო უმთავრესად მოხელეთა თვითნებობაზე, წესრიგდება და იზრდება სახელმწიფოს ბიუჯეტი. „Торгов. бюдже-



თენი* № 1, რომელიც იბეჭდება საბჭოთა რესპუბლიკების ინიციატივით, შემდეგ ცნობებს იძლევა:

სახ. ბიუჯეტი უდრიდა:	ეროვნული ბიუჯეტი
1923—4 წლებში	231,118,597 კრანს
1924—5 წლებში	237,499,048 კრანს
1925—6 წლებში	245,591,070 კრანს*)

სახელმწიფოს უმთავრეს შემოსავალს შედარებით შეადგენს საბაჟო, რომელიც უდრის წელიწადში	91,000,000 კრანს
პირდაპირი გადასახადი	34,800,000 "
ნავთი	25,000,000 "
შაქარი და ჩაი	25,000,000 "
ხორბალი	17,202,000 "
ოპიუმი	15,000,000 "
თამბაქო	11,000,000 "
არაპირდაპირი გადასახ..	12,500,000 "

მაგრამ ეს ბიუჯეტი, რომელიც განზრახულია 1925—6 წლებისთვის, როგორც ამბობენ, ვერ დაფარავს წლიურ ხარჯებს და საჭირო შეიქნება ახალი წყაროს გამოჩახვა.

გადასახადთა მოსაწესრიგებლად მთავრობას მოწვეული ჰყავს ამერიკელი ფინანსისტი.

მომავალ წლებისთვის გადასახადთა გადიდება განზრახულია შაქარსა და ჩაიზე—45 მილიონ კრანამდე, ასევე უნდა მოხდეს სხვა საგნებზედაც.

უმთავრესი მიზეზი საქონლის გაცელა-გამოცვლის, საბჭოთა რესპუბლიკების ფეხზე დადგომაა. 1921—3 წლებში სპარსეთის ბაზარი საშინელ კრიზისს განიცდიდა. მაგრამ რუსეთისკენ თავისუფლად კარის გაღებამ შესამჩნევად გამოაცოცხლა.

დღეს სპარსელი ვაჭარი უმთავრესად რუსეთისკენ მიიღტვის. გაიფანტა ის შიში საქონლის რეკვიზიციისა, რომელიც ასე აფრთხობდა აქაურ ვაჭრებს. პირველი საფუძველი ამ გაბედულობას, თეირანში საბჭოთა მიერ გახსნილმა ბანკმა ჩაუყარა. ფრთხილი და ყველაფერში იქვიანი სპარსელი ზოგჯერ მძიმე ტაატით და ფეხის ცერებზე ამდგარი შემოიხედავდა ბანკში, კისერ-წაგრძელებით ჩუმად კითხულობდა და იგებდა ყოველივეს, მერმე მიდიოდა ასევე ჩუმად, ფეხის ცერებით. შემდეგ ქუჩაში ჰკრეფდა დამადასტურებელ ამბებს. ერთი-ორი ცდისა და ლოდინის შემდეგ გაბედავდა თამამი ნაბიჯის გადადგმას და ხმასაც აიმაღლებდა. და არც გაეშტყუნება, რადგანაც რუსეთის რევოლუციამ არა თუ სპარსელს, არამედ ბევრს უფრო ძვალმაგარ ვაჭარსაც დაუბნია დაეთარი და კავშირი გააწყვეტინა საბჭოთა რესპუბლიკებთან.

ბანკს მოჰყვა სხვა შერეული სავაჭრო დაწესებულებანიც:

„შარყი“, „პერხლოპოკ“, „პერსაზნეფტ“, „პერსშოლკ“, „მენსუდუატ ირანორუს“; „ბიურო პერს“, და ამგვარად გაიბა მთელი რიგი კავშირებისა. ამ

*) კრანი უდრის 22 კაპიკს.

დაწესებულებათ აქვთ საკუთარი აქციები, რომლის ნაწილი სპარსელი ვაჭრების ხელშია. თვით რუსპერსბანკმაც 5 მილიონის აქციებში ^{გამოთქვა} ^{და} ^{ამხანაგობა}

მხოლოდ ახლა გამოიკა იურიდიული კანონი ვაჭრობისა და ამხანაგობათა შესახებ. აქამდე იგი დამყარებული იყო შარიატზე. იგი არაფერს გარკვეულს არ იძლეოდა, პირიქით ბორკავდა და ხელს უშლიდა ვაჭრობის ზრდას და ევროპასთან დაკავშირებას. ახალი კანონით კი შესაძლებელი ხდება სავაჭრო ამხანაგობათა მოწყობა, რომელნიც იმოქმედებენ კანონთა ფარგლებში.

ამ რიგად, სპარსეთში ახლა ხდება, რაც ევროპის ბაზარზე დიდი ხანია მოხდა და თავის სიძველეშიც შედის. მაგრამ ეს გზა აუცილებელია, უსათუო, ურომლისოთ სპარსეთი დარჩებოდა ერთს ადგილზე გაყინული, წარსულის ნიღაბ ქვეშ.

ქარხნული მრეწველობაც სპარსეთში ახლა ისახება. შენდება ასანთის ფაბრიკა ხოილში, ისპანში—საქსოვი, და აგრეთვე ხალიჩის საქსოვი ქარხნები, რომელნიც შეადგენენ მთელს ძალას სპარსეთის მრეწველობისას. ყველა ამ ფაბრიკა-ქარხნებში მუშაობენ უმთავრესად მცირეწლოვანები 7—14 წლ. რომელთა ქირა 1—3 კრანს უდრის. არიან ბავშვები, რომელნიც იღებენ ნახევარ კრანს, რაც მხოლოდ პურის ფულად თუ ეყოფათ. ხალიჩის საქსოვებში არიან ქალებიც, ჩვეულებრივად ჩადრ-მოხვეულები. მათი ქირა უდრის ბავშვის ხელფასს.

ყველაზე სწორი და საფუძვლიანი გამოდგა ჩვენი ბანკი, რომელსაც, მიუხედავად ბევრის მოლოდინისა, დაწყების დღიდანვე ზრდა და განვითარება დაეტყო. იგი ისეთის ნაბიჯით იზრდებოდა, რომ ერთი წლის შემდეგ მეორე ალაგი დაიჭირა სხვა ბანკებთან შედარებით, და თვით ოტომანის და სპარსეთის ბანკებსაც ბევრად გაუსწრო. ოტომანის ბანკი უკვე ლიკვიდაციის პროცესშია. ეს ასე არ მოხდებოდა, რომ ჩვენს ბანკს კიდევ დაეგვიანებინა სპარსეთის ბაზარზე ფეხის დადგმა, რადგან, რაც დრო გადიოდა, იმდენი მაგრდებოდნენ სხვები, რადგან მეტოქე არ ჰყავდათ.

(გაგრძელება იქნება),



პრიტიკული შენიშვნები ნ. გარათაშვილის კრე- ზიასზე

1.

უკანასკნელ დრომდე ქართველი ნაციონალისტური ინტელიგენცია თავს იმ-
ტვრევდა საქართველოს პოლიტიკურად დაცემის კითხვის გარშემო. მისი დავის
და კამათის საგანი, სხვათა შორის, რუსეთ-საქართველოს ტრაქტატი იყო. ბევრს
ახსოვს კარგათ ის დაუსრულებელი წყევა-კრულვა, რომელიც ერეკლე მეფის
ლიტერატურულ გასამართლებაზე გაიმოდა.

საქმით კი, საზოგადოთ მთელი აღმოსავლეთის და მასთან ერთად „ბედი
ქართლისა“-ც კარგა ხანია გადაწყვეტილი იყო. მას შემდეგ, რაც ფეოდალურ-
მა ევროპამ ფეხი შესდგა ალებ-მიცემობის გზაზე, მას შემდეგ რაც იქ ძირი
გაიდგა სავაჭრო კაპიტალმა, ბედის სასწორი აღმოსავლეთიდან დასავლეთით
გადაიხარა. ამის პირველ მერცხლათ ის ვეებერთელა მოძრაობა უნდა ჩაითვა-
ლოს, რომელიც ევროპაში ჯვაროსანთა ომის სახით დაიწყო. ეს პირველი იე-
რიში იყო, რომელიც დასავლეთის სავაჭრო კაპიტალმა აღმოსავლეთის წინააღმ-
დეგ მიიტანა. აქედან ევროპის ეკონომიური წარმარტება ჩქარი ნაბიჯით მიე-
ქანება წინ.

ამიტომ, საქმე იმაში როდი იყო თუ ვისკენ გადიხრებოდა ერეკლეს სიმ-
პატია, ან ვის შეაფარებდა ის თავს: სპარსეთს, ოსმალეთს თუ რუსეთს. რომელ-
საც უნდა მიკედლებოდა საქართველო, საბოლოოდ ის მაინც იმის „ლუკმა“
გახდებოდა, ვისაც მომავალი უღიმოდა და ვისი ეკონომიური განვითარებაც
ისტორიულად აუცილებელი იყო. ასეთ ქვეყანას კი რუსეთი წარმოადგენდა.

ამნაირათ, დასავლეთის ცივილიზაცია გზამოვლით ესტუმრა საქართველოს.
საჭირო იყო ჯერ რუსეთის ეკონომიურათ განვითარება და მოსკოვის პატარა
სამეფოს უზარ-მაზარ იმპერიად გადაქცევა, საჭირო იყო მისი კავკასიის ქედ
გადმოღმა შემოქრა, რომ საქართველოც მოჰყოლოდა ეკონომიურ ცხოვრების
იმ ორომტრიალში, რომელიც დასავლეთით დიდი ხნიდან ვითარდებოდა. ამი-
ტომ შემთხვევითი სრულიადაც არ ყოფილა რუსეთის საქართველოში შემოსულა-
სწორეთ მაშინ, როცა შინაური შუღლით დი გარეშე მტრებისაგან დაუძღურე.
ბული საქართველო ხელს იშვერდა ძლიერ სახელმწიფოებისაკენ, რუსეთის სა-
ვაჭრო კაპიტალი თავის უაღრეს განვითარების ხანაში იყო. ეს ის დროა, რო-

ცა ევროპაში სამრეწველო გადატრიალება ხდება, როცა რუსეთის იმპორტის უმთავრეს ნაწილს ინგლისურ მრეწველობის საგნები წარმოადგენდა და ექსპორტისას — საკუთარი პური. მაშინდელ ვაჭრობის ერთადერთ ნაწილს წარმოადგენდა გზა წყლით მოგზაურობა იყო. ამიტომ მოიწვედა რუსეთი ასე შეუპოვრად სწორეთ შავი ზღვისაკენ.

მცირერიცხოვანი და დაუძღვრებულნი საქართველო ვერავითარ წინააღმდეგობას გაუწევდა ჩრდილოეთის ძალას, კიდევ რომ ჰქონოდა მას ასეთი სურვილი. დაჩაჩანაკებული აღმოსავლეთის ლომი სპარსეთი და „ავათმყოფი“ ოსმალეთი, ცხადია, სუსტი მეორეები იქნებოდნენ ახალი ძალის წინააღმდეგ. ანაირად ადრე თუ გვიან, საქართველო რუსეთის ბურჟუაზიის თათის ქვეშ უნდა მოჰყოლოდა, და ეს იყო არა მხოლოდ საქართველოს ხვედრი, არამედ სპარსეთისაც.

რუსეთის ასე სწრაფი ზრდა და ძლევამოსილება ბუნებრივად უკარნახებდა ერეკლეს მთავრობას, რომ „დღეს იქნება, თუ ხვალ იქნება, ქართველთ დაიცავს რუსთ ხელმწიფობაო“. აქედან ცხადია მისი გადაწყვეტილება და მისი ნაბიჯი. მაგრამ გულუბრყვილობა იყო იმისი ფიქრი, თითქოს „რუსთ ხელმწიფობა“ საქართველოში მეგობრად შემოვიდოდა, რომ საქართველო „სათარს ქვეშე მხოლოდ რუსეთის, ამოიყრიდა ჯავრსა სპარსეთისა“. რუსეთის ბურჟუაზია საქართველოს დამოუკიდებლობისათვის კი არ იწუხებდა თავს, არამედ ის წასთავის განუყოფელ ნაწილად ხდიდა, რომ განეგრძო გზა სამხრეთისაკენ. ბურჟუაზიის გულს ნაკლებად ეკარება გულშემატკივრობის გრძნობა, მისი გრძნობა მოგების აზარტია. ამიტომ ცხადია რუსეთ-საქართველოს შორის დადებული ტრაქტატი სულ ახლო ხანში თარატინა ქალაქით უნდა გადაქცეულიყო, და ასეც მოხდა.

მიუხედავად ამისა, იმედგაცრუებული ქართველი თავად-აზნაურობა არ სცხრებოდა.. მეტად ძნელი შეიქნა მისთვის პოლიტიკურ ბატონობის დაკარგვა. ამ გრძნობით გატაცებული, ის ანგარიშს არ უწევდა არსებულ ძალთა განწყობილებას და ბედთათან თამაშს არ იშლიდა. 1804 წ. მოხდა პირველი აჯანყება, მას ერთი მეორეზე მოსდევს ამბოხებები. 1812 წ. აჯანყდა კახეთის თავად-აზნაურობა, რომელსაც მიემხრო ქართლის ერთი ნაწილიც. 1833 წ. მოხდა უკანასკნელი შეთქმულობა პოლონეთის რევოლიუციის იმედით. ახალი მთავრობა ადვილად უსწორდებოდა აჯანყებულებს. მათი დაშოშმინება მაინცა და მაინც დიდ შრომას არ მოითხოვდა. დაბოლოს ქართველი თავად-აზნაურობა იძულებული შეიქნა იარაღი დაეყარა და მწარე სინამდვილეს შერიგებოდა. მისი პოლიტიკურ ბატონობის რესტავრაცია უნაყოფო ოცნებად გადაიქცა. ის ერთხელ და სამუდამოთ გამოემშვიდობა ამ სანუკვარ აზრს.

მაგრამ თუ დაინგრა საკუთარი სახლი, თუ აღარ იყო მისი კვლავ აშენების იმედი, ეს არ უშლიდა ხელს ქართველ თავად-აზნაურობას თავი შეეფარებია სხვის ქერ ქვეშ. და ჩვენ ვხედავთ, რომ ეს ასეც ხდება. თუ აჯანყებების ცდამდი ქართველ ფეოდალურ არისტოკრატიაში კიდევ სუფევდა პროტესტის სული, თუ ის არ ერიდებოდა საკუთარ გულისწყრომის აშკარათ გამოთქმას შე-

მოსულ ძალის წინააღმდეგ და სულ „ჰკა მაგათ“ ს გაიძახოდა, რამდენიმე უშედეგო ცდის შემდეგ, მან გულში ჩაიკლა მწარე ტკივილები და ქველღ დევიზი „გვიბრძანე ბატონო“-თ გადააქცია.

შინაშენი

ფეოდალურ არისტოკრატის სულისკვეთების ასეთმა გარდატეხამ, შესაფერისი გამოძახილი ჰპოვა პოეზიაშიაც. გრ. ორბელიანის „სადღეგრძელო“ ამის საუკეთესო ნიმუშია. პოეტი აქ ჯერ უმღერის ძველ საქართველოს დიდებას და შემდეგ რუსეთის იმპერატორის სადღეგრძელოთი ათავებს ლექსს, ¹⁾ აქ კიდევ იბრძვის პოეტის სული, ის სავსებით არაა გამორკვეული. მისი ერთი გული სამშობლოსკენაა, წარსულის აჩრდილებში იდაგება, მეორე კი—იმპერატორისკენ და მის დღეგრძელობას შეტრფის.

მაგრამ რაც დრო მიდიოდა და დაკარგულ ბატონობის აღდგენის იმედი ცრუვდებოდა, ქართველი თავად-აზნაურობა მეტი გამბედაობით მიექანებოდა ახალ მიმართულებით. მას თითქო დააეიწყდა კიდევ მამა ერეკლე და მამინაცვალის მზეს ფიცულობდა. აი მოუსმინოთ რას ამბობს ბარათაშვილი ერთ თავის ლექსში:

„ძმანო, თქვენ ქმენით საქმენი, ღირსნი თქვენთა წინაპართა.—

იმპერატორსა ემსხვერპლეთ, ვაი დამართეთ წარმართთა.—

აჩრდილნი ჩვენთა მამათა იშვებენ საიქიოსა,

და გვიკუროთხებენ სახელსა, მომავალთ მოსალხინოსა.—“

აქ უკვე ნათლად სჩანს, რომ წარსულის, წინაპრების აჩრდილი ედგა წინ ჩვენ თავადობას, მაგრამ ამავე დროს ის იმპერატორისათვის თავდადებას არ ერიდება. და მეტად საეჭვოა, რომ ეს მეორე გრძობა წრფელი გულით ნაკარნახევი ყოფილიყო. ამას მოწმობს მაშინდელ თავად-აზნაურობის შინაურ ცხოვრების მწარე სინამდვილე. ამის მოწამეა თვითონ ნ. ბარათაშვილის წერილები და ზოგიერთი ლექსები. ქართველ თავად-აზნაურების გულში კიდევ სჩქეფდა სიყვარული წარსულისადმი, მაგრამ იმედი სავსებით დაკარგული იყო. ამიტომ ის ლოცვა-კუროთხევა, რომელიც ასე უხვად გაისმოდა ქართველ ფეოდალურ არისტოკრატის ბაგეებში მამინაცვლის მიმართ, სხვა მოსაზრებას უნდა მიეწეროს. რადგან ძველი საქართველო ინგრეოდა, რადგან იფერფლებოდა ძველი ტაძარი, მისი მობინადრენიც თავის ავლა-დიდებათ ადგილის გადასანაცვლებლად ემზადებოდნენ. ისინი ახალ ტაძრისკენ მიეშურებოდნენ, მაგრამ იქ შესასვლელად

1) მართალია, ჯაფარიშვილი ამტკიცებს, რომ რუსეთის იმპერატორის სადღეგრძელო გრ. ორბელიანმა შემდეგ ჩაურთო ამ ლექსში ცენზურის გულისათვის (იხ. ნ. ბარათაშვილი 1922 წ. გამოცემა, ტფილისი. გვ. 174). მაგრამ საეჭვოა, რომ ამგვარი მოსაზრება სინამდვილესთან ახლთ იდგეს. ცენზურის სიმკაცრისაგან თავის დასაღწევად სხვა საშვალეებაც არსებობს, კერძოთ ორბელიანის დროს, რუსეთის მწერლობაში ძალიან გავრცელებული იყო „ეზობის ენა“ ესეც, რომ არ იცოდა, ჯაფარიშვილის მოსაზრება მით უფრო უნდა ჩაითვალოს შეცდომათ, რომ ამგვარი ხასიათის ლექსები, სხვა იმდროინდელ პოეტსაც აქვს. გარდა ამისა ორბელიანის „სადღეგრძელო“, როგორც ვიცით პლ. იოსელიანმა რუსულად გაარჩია და მას დიდი ხოტბა შეასხა. ეს ის იოსელიანი იყო, რომელიც სხვა მის თანამედროვეებთან ერთად იმპერატორის ტანტს ეთაყვ.ნებოდა. მისი გატაცება იქამდეც კი მივიდა, რომ ის ქართულ ენაზე ლაპარაკსაც აღარ კადრულობდა. (იხ. პლ. იოსელიანის ბიოგრაფია. 1893 წ. წ. 3. გამოცემა.)

ახალი ქურქი იყო საჭირო, რომელზედაც იმპერატორის ~~ორთავიანი~~ არწივი ეხატა. ქართველ თავად-აზნაურობამაც გადაიცვა ის უყოყმანოდ ~~ხელე~~ კი ისევ ძველი შვინარჩუნა, სული მაინც წარსულის მოგონებებზე ~~ფიქრობდა~~. არც ასე ადვილი იყო საუკუნოებით ძვალ-რბილში გამჯდარ ბატონობის დავიწყება.

ამით აიხსნება ის პოლიტიკური ორპირობა, რომელიც მაშინდელ თავად-აზნაურობის ასეთ დამახასიათებელ თვისებას შეადგენს. ამით აიხსნება ის გულსწყრომა, რომლითაც სავსეა ბარათაშვილის გრძნობა ქართველი ადამიანის მიმართ. „ქართველი თავისიანს არ გამოადგება-ო“, — სწერს ის გრ. ორბელიანს. სიტყვა ქართველი ახალ მთავრობის თვალში მხოლოდ უნდობლობის და იჭვინობის სინონიმით გადაიქცა. ამ გზით სიარული სცადა ჩვენმა თავად-აზნაურობამ. მას ეხლა სხვა გზა ესაჭიროებოდა, გზა წარჩინების და აღმატების. ეს გზა კი დაღესტნით მიდიოდა, რაც კარგათ მოსჩანს ბარათაშვილის ლექსში „ძრწოდე კავკასო“ და პოეტის წერილში ზაქ. ორბელიანისადმი. აი, რას სწერს ის ორბელიანს:

— „უსაყვარლესო ძმავ ზაქარიავ. მონილოცავს პოლკოვნიკობა. — შენი წიგნი, რომ მიმივიდა, იმის მეორე დღეს ინვალიდებში ეწერა. ეხლა მე ჩქარა ლენერლობის იმედიცა მაქვს. მაგრამ ამისათვის უთუოდ უნდა დაღესტანში იმსახურო, თუნდ მაგ ადგილშიაც არა; და მე რე იცო რა ვიფიქრე შენთვის, კასპიის ობლასტის ნაჩაღნიკობა. ვინ იცავს? მე კი კარგათ მაქვს დაცდილი წინასწარ თქმა. „ეტო ბუდეტ გორაზდო სუშჩესტვენე“. —

ერთ წერილში ბარათაშვილი სწერს გრ. ორბელიანს: „ჩვენი ყმაწვილები და ხახვების ფრანტები სულ შამილის დასაქერად წამოვიდნენო“.

ამრიგათ ისტორიისაგან განწირული ქართველი თავად-აზნაურობა ვერ ამჩნევდა თავის ბატონობის დაღუპის ნამდვილ მიზეზს, მას ძალა არ შესწევდა ძლიერ რუსეთის წინააღმდეგ საბრძოლველად და ჯავრს მათელებზე იყრიდა. იმ მთიელებზე, რომელნიც მასთან ერთად ერთ ტაფაში იწვოდნენ. ქუთაისიდან გამოგზავნილ ერთ თავის წერილში გრ. ორბელიანი სწერს მას ძმას ზაქარიას: „რატომ მეც მანდ (ომში) არა ვარ, რომ ერთი მათგანის (ლეკების) სისხლი დავლიო და შეუბრალებლივ ვტანჯიდე ცოცხლად“-ო¹⁾ ეს კაცი შემდეგ მართლაც მოხვდა მთიელებში და ავარიის მმართველადაც იყო დანიშნული. ადვილი წარმოსადგენია რა დღე დაადგებოდა ასეთი მმართველის ხელში მთიელ ხალხს.

ასე რომ, დაიკარგა საქართველოს აღდგენის იმედი. ეხლა აპელატები და ჩინ-ორდენები შეიქნა საოცნებო საგნად. „ილია კარგად არის, — სწერს ბარათაშვილი ორბელიანს, — პარუჩიკობა გაიკრა, ას თუ მნამდინ თავისი ჯამაგირი გამოუვიდა და წარდგენილია არშიაში. ამისი საქმე თავში ბოსტანია, გულში სიყვარული. დაიჯერე, ხუმრობა არ გეგონოს“. ამ სულის კვეთებამ ფართედ გაიდგა ფეხი ქართველ თავად-აზნაურობაში. ის მასსიურ მოვლენათ გადაიქცა. წარჩინების წყურვილმა გაიტაცა დიდი და პატარა. ბარათაშვილის შემდეგი სიტყვები ხედმიწევნით დამახასიათებელია ამ წოდების მაშინდელ მისწრაფებისათვის:

1) ნ. ბარათაშვილი 1922 წ. გამოცემა, გვ. 163.

„ჯანი გავარდეს აწ შეილსაც, მამულს,
 ოღონდ ვაამოთ ჩვენს საკუთარ გულს; ერქმუნებო
 რის ქართველობა, რა ქართველობა, — ბიზანტიანობა
 მითომ რას გვაგნებს უცხო ტომობა“?.. —



მაგრამ ახალი ძალის წინ მუხლებზე ფორობის დროს, ქართველ თავად-აზნაურობას მაინც ახსოვდა, როცა ის წელში გასწორებული დაიარებოდა, როცა თავის ბედს თვითონვე ქმნიდა. ამიტომ მას კიდევ სძულდა ახალი მამა და კიდევ უყვარდა. ის მას ერთგულობას ეფიცებოდა, გულში კი „მარად ახსოვდა დაკარგვა სწორისა“. საქართველოს სიყვარული მათ მაინც თან დაჰყვებოდა, მაგრამ ეს ისეთი საგანი იყო, რომელზედაც ტკბილი ოცნება შეიძლებოდა და არა მის აღსადგენათ ბრძოლა, რომელზეც ფიჭვი იყო შესაძლებელი და არა ხმა მალლა ლაპარაკი. მოქმედებისა და თავდადების საგნად ეხლა სულ სხვა რამ გახდა: აფიჭვის მუნდირი შეიქმნა იმ კერპად, რომელსაც ეთაყვანებოდა ქართველი ფეოდალი. ერთი სიტყვით, „ხელმწიფე ჰპოვეს მამად კეთილად და დედოფალი დედისა ნაცვლად“.

ამიტომ შემთხვევითი სრულიად არ არის ის გარემოება, რომ პოემა „ბედი ქართლისა“ — ში არ სჩანს პოეტის ნამდვილი სახე, რომ პოეტს აქ კითხვა მხოლოდ დაუსვამს და პასუხი კი არ მიუცია. პოლიტიკურმა ორპირობამ, რაიც ასე ღრმად იყო გამჯდარი მაშინ ქართველ თავად-აზნაურობაში, საუცხოვო გამოხატულობა ჰპოვა ამ პოემაში. თუ სოლომონ ლეონიძის პირით აქ ლაპარაკობს თავად-აზნაურობის იდუმალი გრძნობა, თუ მისი ბაგეებით განოთქმულია იმედ დაკარგულ ქართველ თავადობის გულის ტიკვილი, სამაგიეროთ ერეკლე მეფე ამ თავადობის ოფიციალ აზრის გამომხატველია. და ამ ორ გრძნობის ბრძოლას პოეტი თუმცა კრიტიკით და გაუბედავთ, მაგრამ მაინც ერეკლეს სასარგებლოდ ათაყვებს:

„მაგრამ ვინ იცის. — იგი იქნება
 უკეთ ჰფიქრობდეს, რაც გვეჭირება:
 ბევრჯერ ღვთიურსა ზრუნვასა მეფის
 გონება ყმათა ვერა მიხვდების“.

ასე იმშვიდებს თავის თავს სოლომონი მეფესთან ლაპარაკის შემდეგ. მაგრამ ეს უფრო სინიდიის დასაწყენარებელი სიტყვებია, ვიდრე წრფელი გულის ამოძახილი. ქართველ თავად-აზნაურობის „წარსულთა დროთა მოგონებას“ არ ეხამებოდა რაღაც მათი იმდროინდელი მოღვაწეობა. საჭირო იყო თავის გამართლება სინიდიის წინაშე. საქმის სინდისთან რამდენიმეთ შერიგება. ეს ცდა ბარათაშვილის მეორე ლექსშიაც გამოსჭვივის, სადაც ის ასე მიმართავს ერეკლეს:

„მოვიდრეკ მუხლთა შენს საფლავს წინ, გმირო მცხოვანო
 და ცრემლთ დავანთხევთ შენს სახელზე, მეფეე ხმოვანო. —
 ახ, რად არ ძალუძს განცოცხლება წმიდას აჩრდილსა,
 რომ გადმოხედო ახალს ქართლსა, შენს პირმშო შეილსა. —
 თაყვანს ეცემ შენსა ნაანდერძებს, წინასწრად თქმულს

გახსოვს სიკვდილის ეამს რომ უთხარ ქართლს დაობლებულს
 აჰა, აღსრულდა ხელმწიფური აწ ჰაზრი შენი,
 და ესკამთ ნაყოფსა, მისგან ტკბილსა, აწ შენი ძენი
 მაგრამ ტყუილი იყო ყოველივე ცდა. სიტყვა სხვა იყო, გრძნობა —
 სხვა. მთლიანობისა და შეკავშირების ძალა აღარსად სჩანდა. ყველა ფარისევ-
 ლობის სენმა მოიცვა, „სულს სული თვისად“ აღარ მიაჩნდა „და გულს გულის
 პასუხი“ აღარ ესმოდა. ირგვლივ უნდობლობა და უიმედობა გამეფდა. დაობლდა
 თვითთელის გული და თავის ზრახვებს გამოუთქმელად იკლავდა ყველა. ამ
 გრძნობამ თავისი ადგილი ჰპოვა ბარათაშვილის შემდეგ სიტყვებში:

„ნუ ვინ იტყვის ობლობისა ვაებას,
 ნუ ვინ სჩივის თავის უთვისტობას —
 საბრალოა მხოლოდ სული ობოლი:
 ძნელდა ჰპოვოს, რა დაკარგოს მან ტოლი.—

მეგობართა, ნათესავთ მოკლებული,
 ისევ ჩქარათ ჰპოვებს სანაცვალოს გული:
 მაგრამ ერთხელ დაობლებული სული,
 მარად ითმენს უნუგეშობას კრული.—

არღა რა აქვს მას ნდობა ამა სოფლის;
 ეშინიან, იკრძაღვის, არღა იცის,
 ვის აუწყოს დაფარული მან გრძნობა
 ეფიქრება ხელმეორედ მას ნდობა.“

სულის ობლობა საზოგადო მოვლენად გადაიქცა, და ეს ასეც უნდა მომხ-
 დარიყო, რაკი გაცრუვდა გამარჯვების იმედი, რაკი ბრძოლის ადრინდელი სა-
 განი ეხლა პირად ბედნიერებისაკენ ლტოლვით შეიცვალა. ამ საზოგადო სენს
 ვერც ბარათაშვილი ასცდა. ის ბავშვობიდანვე შესტრფოდა სამხედრო სამსახურს
 და წარჩინების წადილი არც მისთვის ყოფილა უცხო.

„ჩემი სურვილი იყო ჯარის-კაცობა, — სწერდა ბარათაშვილი გრ. ორბე-
 ლიანს, — იგი მზრდიდა მე აქამომდენ და ახლაც ხანდისხან კიდევ შთამომეპა-
 რება ხოლმე გულში“. როდესაც ამის შემდეგ ხედავს პოეტი, რომ იმედის გემი
 დაღუპულია, რომ „განქრა ტაძარი და უდაბნო მდუმარებს“, რომ „მის ლამპრიდან
 დაშთა მხოლოდ ცეცხლი დამქრალი“, ისიც იმავე გზას ადგება, რომლითაც
 სხვა დანარჩენები მიდიოდნენ.

„განა ქართველებში არის მეგობრული და ნათესავობრივი გრძნობა... —
 სწერს ბარათაშვილი მის ახლობელ მეგობარს შაიკო ორბელიანს... — აღარც მე
 მცალიან ვისთვისმე; ახლა მე ჩემი თავი ხელმწიფობას და საზოგადოებას
 შევესძღვენ; სულ ხომ ყმაწვილობა არ იქნება, დრო არის რიგიანის სამსახუ-
 რისა; თქვენც გეყოფათ ბუზების ხოცვა“. პოეტმა დაჰკარგა ყოველივე ნდობა
 ქართველ კაცისადმი. მან თავი „ხელმწიფობას და საზოგადოებას შესძღვნა“.
 უფრო მეტი, ის სხვებსაც „რიგიანი“ სამსახურისკენ მოუწოდებდა.

მაგრამ ვინ იყო ეს იმპერატორი, რომლის დიდებასაც ქართველი თავად-
 აზნაურობა მსხვერპლად ედებოდა. დაიმსახურა თუ არა მან ამის მზგავსი საკუ-

თარ ქვეყნის თუნდაც შეძლებულ კლასების წინაშე. — ეს ნიკოლოზ I-ლი იყო. ის ნიკოლოზი, რომელიც ხუთი დეკაბრისტის გვამით ავიდა ტახტზე. მის დროს მთელს რუსეთში აღვირ ახსნილი რეაქცია მძვინვარებდა. მან დაიწყო პირველად სახელგანთქმული „მესამე განყოფილება მის იმპერატორობითი უდიდებულესობის პირად კანცელარიის“, რომელიც მეფის რუსეთის არსებობის მთელი ხნის განმავლობაში კონტრ-რევოლუციის შტაბად გადაიქცა და, რომელმაც „ახრანკებით“ მოჰფინა მთელი სახელმწიფო. ნიკოლოზ პირველის დროს განათლების სამინისტროს სათავეში ედგა ცნობილი ობსკურანტი უვაროვი, რომელმაც სკოლას „პრაგოსლავიე, ედინოდერჟავიე, ნაროდნოსტი დაუდვა საფუძვლად. 1) ცნობილმა რუს პოეტმა და სლავიანოფილმა აკსაკოვმა ნიკოლოზ I რუსეთი ასე დაახასიათა:

„В пространном царстве нет простора,
В родимой душе стороне...
Слугнули мысль стал празден ум.“

რუსეთში ამ დროს საკმაოდ ძლიერი იყო ეგრედ წოდებული „ზაპადნიკური“ გავლენა, სტანკევიჩის, გერცენ-ოგარიოვის წრეები მაშინ მოღვაწეობდნენ ამ დროსვე იყო გამოჩენილი ანარქისტი ბაკუნინი. მაშინ დასწერა ჩაადაევმა ცნობილი „ფილოსოფიური წერილი“, სადაც ის სასტიკათ აკრიტიკებდა ნიკოლოზ I-ის ტირანიას. თვით იმპერატორი, რომელსაც ბავშობიდანვე ჩანერგილი ჰქონდა ზიზლი ყოველივე განმათავისუფლებელ მოძრაობისადმი და, რომელსაც საფრანგეთის რევოლუციის შიში მოსვენებას არ აძლევდა, უფრო და უფრო აძლიერებდა რეაქციონურ რეჟიმს.

საქართველოში კი ამ დროს დამარცხებული თავად-აზნაურობა ამ ადამიანს ხოტბას უთხზავდა.

მიუხედავად იმისა, რომ ქართველი გლეხობა სულს დაფავდა უსაზღვრო ექსპლოატაციის ქვეშ, მიუხედავად იმისა, რომ თვით ნიკოლოზ პალკინის მთავრობაც კი შეიქნა იძულებული ეფიქრნა ბატონ-ყმობის რეფორმისათვის, მიუხედავად იმისა, რომ რუსეთში მძლავრათ გაისმოდა რევოლუციონურ პროტესტის ხმა, მიუხედავად ყოველივე ამისა, იმ დროინდელ ქართულ სიტყვაკაზმულ მწერლობაში კრინტი არ არის დამრული სოციალურ მომენტზე. კერძოდ ბარათაშვილის ნაწარმოებში ამის ნიშან-წყალიც არ მოიპოვება. და ეს ადვილი ასახსნელიცაა: კლასი, რომელიც თვითონ დგას დალუპვის კარზე, კლასი რომელსაც თავს დასტრიალებს სიკვდილის აჩრდილი, რა თქმა უნდა სხვის ტკივილებისთვის ვერ მოიკლვის და მასზე ზრუნვას ვერ იკისრებს.

ასეთია ქართველ თავად-აზნაურების პოლიტიკურ დეგენერაციის სურათი. ის მოკვდა, როგორც მმართველი წოდება. იფერფლებოდა ძველი დიდების

1) ბარათაშვილის სიტყვები, „ხელმწიფებას და საზოგადოებასო“ ამ სამ ფორმულიან სისტემის გავლენის ნაყოფია. უვაროვი, ეს ის მინისტრი იყო, რომელიც ამბობდა, რომ საფლავში დამშვიდებული მაშინ ჩავალ, თუ რუსეთის პროგრესი 50 წლით მაინც შეგაჩერეთ. თუ შეგუნარჩუნე ამ ქვეყანას მისი ხეობაზე (იგულისხმე ბატონყმობა) და ევროპის იდეების გადმოთესლებას ხელი შეუშალეთ. (სიტყვა „ნაროდნოსტი“-ში უვაროვი ბატონყმობას გულისხმობდა.

ტადარი, „წარსულთა დროთა მოგონებები სულს აფიქრებდა“. მაგრამ საჭირო იყო ამ კლასის ეკონომიურად სიკვდილი, რომ ის სავსებით გამჭრალყო ისტორიის პორიზონტიდან. ამას არც დიდხანს დაუყოვნებია ახალი ძალამ ეს უბედურობა პოლიტიკურ დამარცხებასთან ერთად მოაგლინა ქართველ თავად-აზნაურობას.

II.

რუსეთთან შეერთების დღიდანვე საქართველო ამ ქვეყნის პირდაპირ ეკონომიურ და იდეოლოგიურ გავლენის ქვეშ მოექცა. საქართველოში შემოსვლის დროს რუსეთის სავაჭრო კაპიტალი საკმაოდ მომწიფებული იყო. მან აქ თავის ზნე-ჩვეულებები მოიტანა. მამა-პაპურ დაუდევრობას და კრიალოსანს წინ შემოეგება „სჩოტი“ და არშინი; მამა-პაპურ ლალობას და მფლანგველობას—ანგარიშიანობა და დავთრები; მამა-პაპურ უღვაშით ფიცს—ვექსილი და ხელწერილი. რუსეთში თვითმპყრობელობის არსებობა სრულიადაც არ ნიშნავდა იმას, რომ იქ ბატონობდა თითქო ფეოდალური არისტოკრატია, როგორც ეს საქართველოში იყო. ამ დროს რუსეთის თავადობას უკვე გამოცლილი ჰქონდა ნიადაგი. მისი ბატონობის მზე ჯერ კიდევ იოანე მრისხანეს გამეფებით დაიწურა. ამის შემდეგ რუსეთში წვრილ აზნაურობიდან და ქალაქის მცხოვრებთაგან გამოსული ახალი ძალა გაბატონდა, რომელიც მსხვილ ფეოდალურ არისტოკრატიას ხელიდან აცლიდა მის პოლიტიკურ ბატონობის ბურჯს, მიწას. ამიტომ ქართველ თავად-აზნაურობას აღარ შეეძლო ეპოვნა მოსულ ძალაში თავისი სისხლის და ხორცის კლასი. ის თავიდანვე ცხოვრებისაგან გარიყული დარჩა. ისტორიულად შრომას გადაჩვეული, მხოლოდ ომსა და ბრძოლაში დახელოვნებული ქართველი თავად-აზნაურობა, სრულიად მოუმზადებელი აღმოჩნდა ახალი ცხოვრების შესახვედრად. ის ცხოვრების დუღილის გარეშე მოჰყვა და დრო გამოშვებით მისგან გამოსროლილ წიხლებს უსიტყვოთ ითმენდა.

დაჩლუნგდა ძველი ხოროსნის ხმალი და ლეკური, ფუჭი გამოდგა ახალ ძალასთან ვაჟკაციური გამბედაობა და რაინდობა. „ცა ახალი შეიქნა და ქვეყანა ახალი“,—როგორც ბარათაშვილი სწერდა ორბელიანის ქალს,—„მოდაში ოთხმოცი წლის კაცები შემოვიდა“, რომლის სქელი ჯიბე ხმალზე და ლეკურზე უფრო ბასრი შეიქნა.

სამაგიეროთ ცივილიზაციის სიომ ახალი მოთხოვნილებები დაჰბადა. ქულაჯის და ჩოხა-ახალუხის ნაცვლად მუნდირები და სმოკინგები შეიქნა საჭირო. ბაზარი რუსეთის ფაბრიკატებით აივსო. ამის შესაძენი ფული უსაქმოდ მყოფ ქართველ თავად-აზნაურობას, გარდა მამა-პაპურ ქონებისა და ყმების ექსპლოატაციისა, არსად გააჩნდა, და აი იწყება გლეხების აღვირ-ახსნილი შევიწროება.

მაგრამ თუ ეს ასე იყო რუსეთთან შეერთების პირველ წლებში, უფრო გაცუდდა თავად-აზნაურობის მდგომარეობა ნიკოლოზ 1-ის ტახტზე ყოფნის დროს. ეს ის დრო იყო, როცა უკვე წელგამაგრებული რუსეთის სამრეწველო კაპიტალი სამკვდრო-სასიცოცხლო ბრძოლაში ჩაება აგრარულ ბურჟუაზიასთან; ეს ის დრო იყო, როცა ნიკოლოზ 1-ლი ახალი ძალის გავლენის ქვეშ, რომელიც თავისუფალ მუშა ხელს მოითხოვდა, გულის კანკალით შეუდგა ბატონყმობის საკითხს. ამ ბრძოლის ხმა საქართველომდიც სწვდებოდა. და აქ შესა-

ფერის გამოძახილს ჰპოებდა. ეცლებოდა ხელიდ. ნ. ქართველ თავად-აზნაურობას უკანასკნელი იმედი, დაიწყო რყევა გლეხის ზურგმაც. და ეს რა თქმა უნდა, ყველაფერი რუსეთთან შეერთებამ მოიტანა. ახალმა ძალამ მთარეველობისა და სიმშვიდის ნაცვლად ამ კლასს უბედურება უბედურებაზე მოაქვლინა. უიმედობა და სრული სასოწარკვეთილება დაბინავდა ქართველ თავად-აზნაურობის გულში, ამ გრძნობის შესანიშნავ გამოხატულებას წარმოადგენს ნ. ბარათაშვილის შემდეგი სიტყვები:

„დამქროლა ქარმან სასტიკმან, თან წარმიტანა ყვავილი, მაცხოვლებელი სიცოცხლის, სუნნელებითა აღუსილი. — იგი ნიადაგ ციურთა ცვართაგან იყო ნამილი; დრომ უკამურმან აწ ცრემლით შესვარა მისი აღვილი“.

ანაირად, ისედაც სმა-ქამაში და ქეიფში აღზრდილი კლასი, ეხლა წმინდა პარაზიტად გადაიქცა.

აი რასა სწერს ბარათაშვილი ერთ წერილში ზაქარია ორბელიანს: „კატოს¹⁾ ერთი თვეც არის ჯვარი დავწირეთ. კარგი ქორწილი გადავიხადეთ. მეორე დღესვე წაიყვანეს კატო. ერთი ღამე და მეორე დღეს სადილათ ქაიხოსრო მუხრანსკისას ვიყავით. კარგათ დავვიხვება. იქედან ახალგორს წავედით. ოძისს რომ მივახლოვდით, სადაც ბიძინა ერისთავი სდგას, ლევან ერისთავი თავადებით, აზნაურებით და იმერეთის მგალობლებით მოგვეგება.., რომ დაბინდდა შევედით ახალგორს. — სასახლე ქრაქებით იყო გაჩახჩალებული, მეიდანნი მაშხლებით;

... დაჰკრეს ზურნას, სათარას²⁾ სიმღერა (თანა გვეყვანდა), თოფის სროლა და ხალხის ჭდევა და ყვირილი საუცხოვო სანახავს წარმოადგენდა... ხუთი დღე და ღამე სულ შექცევაში ვიყავით. მამუკაც აქ იყო და ძალიან გამხიარულდა. მერმე მე და მამუკა გორს გადავედით. კნიაზი ძალიან კარგათ დავვიხვება; სულ შუშურები გვასვა, — ერთის ლექსით კარგათ გავატარეთ დროება, მთელი ორი კვირა“.

„მე და მამა ალევობას, რომ ამ თვის თუთხმეტს იყო, ვეწვივენით კატოს. მანანა და ელენეც გარდმოვიდნენ სალოცავად. საუცხოვო ჯვარობა იყო. ახალგორიდან თორმეტი ვერსტია, მაღალს მთაზედ. ქალები ცხენებით, საწვიმრებით, ქოლგებით, დიდის ამალით, ოსურის სიმღერით ავედით სალოცავად... ძალიან მხიარულობა იყო“.

ასე დაწვრილებით აუწერს პოეტი ზაქარია ორბელიანს დროს ტარებას. სჩანს ეს ხელობა განსაკუთრებით გავრცელებული იყო ბარათაშვილის დროინდელ ქართველ თავად-აზნაურობაში, რომ ამდენ ყურადღებას იქცევდა ის. მაგრამ ამაზე უფრო ნათლად ქართველ ფეოდალურ არისტოკრატის პარაზიტული ბუნება გრ. ორბელიანის შემდეგ სიტყვებში გამოსჭვივის:

„ჯეირნის მწვადი შიშინით
ცეცხლზედან დასტრიალებდეს;

1) კატო ნ. ბარათაშვილის და იყო.
2) სათარა — სპარსელი მომღერალი იყო.

ყნოსვა, დამტკბარი მის სუნით,
 მადასა განგვიღვიძებდეს...
 კახურის ღვინით აღვსილი
 აზარფეშა ხელში გვებყრას;
 მოთაღი, თევზი, მწვანილი
 აგვიჭრელებდეს წინ სუფრას.
 ცა მშვენიერი, ცა მშობლიური,
 მარად ბრწყინვალე ზედ დაგვნათიდეს;
 გაცხელებულსა ღვინისგან შუბლთა
 კოჯრის ნიავე დაგვიგრილებდეს“...



ვინ არ იცის, რომ ეს მთელი კვირაობით ქეიფი და დროს ტარება გლეხების ზურგზე გადადიოდა. ვინ არ იცის, რომ „ჯეირნის მწვადი“, მოთაღი, თევზი და მწვანილი“ — ეს გლეხის პირში გამორთმეული ლუკმა იყო. ცხადია ამიტომ, რომ ბატონ-ყმობის უღელი არასოდეს არ ყოფილა ქართველ გლეხობისათვის ისე მძიმე და სულის შემხუთავი, როგორც რუსეთთან შეერთების დღიდან, ვიდრე სამოციან წლების რეფორმამდი. მაგრამ რაც უნდა დიდი ყოფილიყო გლეხებისაგან ამოღებული სარგებელი, ის მაინც ვერ დაჰფარავდა ქართველ თავად-აზნაურობის უსაზღვრო მადაგახსნილობას. აქ ფულისათვის მეორე წყარო დარჩა საჭირო. ისიც მალე აღმოჩნდა.

ეს იყო მამაპაპეული ავლა-დიდება. და ჩვენ ვხედავთ, რომ ამ თავის უკანასკნელ საფუძველსაც ემშვიდობება ქართველი თავად-აზნაურობა. მამული მამულზე გირავდება და იყიდება. სავახშო კაპიტალი მაგრად იკიდებს ფეხს ქართულ სოფელში. მის კლანჭებში არა მარტო თავად-აზნაურობა მოჰყვა, არამედ გლეხობაც, რომლის ღარიბი მეურნეობა ვერ უძლებდა ბატონის ხარკის აკიდებას და ნევახშის დახმარებას მიმართავდა. ამავ დროს, მადა-გახსნილი თავად-აზნაურობა სრულიად არ ზრუნავდა მეურნეობის გაუმჯობესებაზე, მისი ცდა იყო რაც შეიძლება მეტი სარგებელი ამოეღო გლეხის გამჭლევებულ მეურნეობიდან. გლეხობამაც თავი მიანება საქმის წარმატებაზე ზრუნვას, რადგან ხედავდა, რომ ყოველივე ზედმეტი სხვის სასარგებლოდ მიდიოდა.

ამნაირად, პოლიტიკურად გაუბედურებული თავად-აზნაურობა, ეკონომიურადაც იღუპებოდა. ქვეყნის მეურნეობაში ადგილ დაკარგული, ეკონომიურ გალატაკების გზაზე მღვონი თავად-აზნაურობა ერთის მხრივ, და უსაზღვრო ექსპლოატაციით ილაჯ-გაწყვეტილი გლეხობა თავის დაცემულ მეურნეობით მეორეს მხრივ—აი, იმდროინდელ საქართველოს სოციალურ-ეკონომიური სურათი. რასაკვირველია, საქმის ასეთი ვითარება ქვეყანას გადაწენებას უქადდა, რომ მას წინ არ გადადგომოდა ახალი ძალა და ძირში არ მოეკვეთა ის დაჩირქებული იარა, რომელიც ქვეყანას სიკვდილისაკენ მიაქანებდა. ეს ძალა დაუნდობელ დოსტაქრის დანით თავს ადგა ჩვენს ხალხს. ის იყო ბურჟუაზიულ ცავილიზაციის ტალღა, რომელიც თან მოჰყვა ახლად შემოსულ ძალას.

მაგრამ ის გარედან მოგვევლინა ჩვენ, და იმდენათ მოლონიერებული შემოვიდა, რომ ადგილობრივმა შეძლებულ ელემენტებმა ფეოდალურ არისტოკრა-

ტიის სახით ვერ მოასწრეს მის ფერხულში ჩაბმა. სხვა ქვეყნებში კი, სადაც კაპიტალიზმი შინაურ განვითარებაზე აღმოცენდა, ფეოდალური არისტოკრატია, საუკუნოების დაგროვილ სიმდიდრით ხელში რამდენიმეთ, კონტინენტურ ცხოვრების ახალ მაჯისცემას და ნაწილობრივით მაინც ახალ კლასის კარავ ქვეშ გადაბარგდა. საქართველოში ეს შეუძლებელი შეიქნა.

ჩვენში ფეოდალურ არისტოკრატიას დეკლასაცია ვიწრო ტენიკურ ინტელიგენციის და პროლეტარიატისკენ მოხდა. ქართველი თავად-აზნაურობა პერსონალურადაც ვერ გადაურჩა იმ უღმობელ ლახვარს, რომელიც მას მოეწვინა კაპიტალიზმის სახით.¹⁾ აღარც ეგრედ ცნობილი „მესამე წოდება“, რომელიც ბურჟუაზიის მთავარი კონტიგენტი იყო ევროპის სახელმწიფოებში, აღმოჩნდა საქართველოში. ამიტომ არ აღმოჩნდა ჩვენს ქვეყანაში ეროვნულ ბურჟუაზიის ნიადაგი.

ამრიგათ ერთ უბედურობას, პოლიტიკურ ბატონობის დაკარგვას, თან მოსდევდა ქართველ თავად-აზნაურობის ეკონომიურათ დაჩაჩანაკება და გაპარტახება. ქართველი თავად-აზნაურობა ხედავდა საკუთარი თვალით თავის ბედის სიკეთეს. ის დავლადაცემულივით მისჩერებოდა ახალ ცხოვრების დუღილს. დაინგრა საკუთარი ტაძარი, უიმედო გამოდგა ჭერი, სადაც მან თავი შეაფარა იმ განზრახვით, რომ იქ ჰპოებდა სამუდამო მოსვენებას. მართალია მან მოისვენა გარეშე მტრის შემოსევისაგან, მაგრამ ეს მოსვენება ერთობ ძვირი დაჯდა. ამიტომ ადვილი ასახსნელია ის გაურკვეველობა და გზა აზნეულობა, რომელიც ამ წოდებას დასჩემდა. ის ვერსად ხედავდა იმედის ნუგეშს, მან არ იცოდა „სად განესვენებია სული და მიედრიკა თავი“. ამ სულისკვეთების გამოძახილს ჩვენ ვპოულობთ ნ. ბარათაშვილის შემდეგ ლექსში:

„ვპოვე ტაძარი, შესათარი უდაბნოდ მდგარი;
მუნ ენთო მარად უქრობელი, წმიდა ლამპარი;
ანგელოსთაგან იკეროდა, მუნ დავითის ქნარი
და განისმოდა ციურთ დასთა გალობის ზარი.
ველარ აღმიგო სიყვარულმა კვალად ტაძარი.
ვერსად აღვანთე დაშთომილი მიხი ლამპარი.
ესრეთ დამიბშო უკულმართმა ნუგეშის კარი,
და დაგალ ობლად, ისევ მწირი, მიუსათარი.“

ამრიგად, თუ კი იყო ქართველი თავად-აზნაურობა ქვეყნად, როგორც წოდება, ის ცხოვრებას ხედმეტ ბარგათ ეკიდა. „იყო სოფელში და სოფლისთვის არა ზრუნავდა“, იყო ცოცხალი და „ცოცხალი მკვდარსა ემზგავსა“. კაპიტალის სუსხიან პროლვას ველარ გაუძლო მან და ის „მწირი სოფლისა, და მაშვრალი მისითა დელვით“ გარბის სოფლისკენ. მისი დადუმებული, მოქანცული სული ვერ ვგუება ქალაქის მდულარე საქმიანობას. ის იქით მიილტვის, სადაც კიდევ დარჩენილა ძველებური დიდების ნაშთი.

1) აღსანიშნავია, რომ იმ შემთხვევაშიაც კი, როცა გაპროლეტარებული ქართველი თავად-აზნაურობა იძულებული იყო შრომისათვის მიემართა, ის კიდევ გაუბრუნდა ფიზიკურ გარჯას და ნაყოფიერ მიწას, ამით აიხსნება, რომ რუს-სახოციების კარისკაცებათ და ოფიციალურად ბშირათ შეზღუდვებით ჩვენს თავად-აზნაურობას, სოფლად კი მაქანცლობა და გაჩაღობა მათი ხელობა იყო.

მაგრამ ვაი, რომ „სოფლის ღელვამ“ აქაც „დააზრო სიტყვების უვავილი“. განუსაზღვრელმა ქეიფმა და დროს ტარებამ შთანთქა მამა-პაპური ქონება და ის მევახშის საკუთრებათ გადააქცია. ცხადია, ამიტომ ვლადიმერ აქ შეეძლო მის მოქანცულ სულს ეპოვა ტკბილი იდილია. ბიზ-ნიმუხა

„Дай мне маленькое, независимое состояние“ სწერს ოდესღაც მდიდარი მანის პატრონი ბარათაშვილი. ზაქარია ორბელიანს, — я бы сейчас оставил и свет и людей с их ненасытностью, и мирно и спокойно провел бы патриархальную жизнь в лоне простой природы, столь величественной и прекрасной в нашем отечестве.“ ამნაირსავე რჩევას აძლევს ის იმავე ორბელიანსო. დაბრუნდი სოფელში და გააბედნიერე შენი უპატრონოთ დარჩენილი გლეხობაა: „Оставь службу“ займись имением и эта другая слава—сделать счастливыми своих крестьян, оставленных до сих пор без господина—попечителя. 1) მაგრამ გვიანდა იყო გამჭრალ ნაკურცხლებზე სულის ბერვა, სასაცილო იყო „ბერიკაცის უმაწვილობა“. ეკონომიურად და იდეურად დაკნინებულ წოდებას აღარ შესწევდა ისტორიის ჩარხის შეჩერების ძალა. დროთა ვითარებამ გამოუტანა მას განაჩენი და ამ განაჩენისაგან თავის დაღწევა შეუძლებელი შეიქნა.

ამასთანავე მას სხვა უბედურებაც ეწვია. „ქახური ღვინით გახურებული შუბლი“ ერთობ დაჩლუნგდა განუწყვეტელი ქეიფით და უმოქმედობით. გონებრივი პაუპერიზმი განუყრელი თანამგზავრია ყველა პარაზიტულ კლასის. და სწორედ ამას უნდა მიეწეროს ის გარემოება, რომ ისეთ დიდი ნიჭის მგოსანმა, როგორც ბარათაშვილი იყო, ვერ ჰპოვა შესაფერისი ასპარეზი; მისმა პანგმა საკმაოდ ვერ გაშალა ფრთები იმ დახშულ და სიკვდილის სუნით გაქვინტილ ატმოსფეროში, რომელიც გარს ერტყა პოეტს. ბარათაშვილი გრძნობდა თავის ამგვარ უნუგეშო მდგომარეობას, როცა ის სწერდა გრ. ორბელიანს:

„იმას ვამბობ, რომ მე შინაგანი ხმა მიწვევს საუკეთესო ხვედრისაკენ, გული მეუბნება, რომ შენ არა ხარ ახლანდელის მდგომარეობისათვის დაბადებულიო. —ნუ გძინავსო. —მე არა მძინავს, მაგრამ კაცი მინდა, რომ ამ პატარა ღრე-კლდეს გამიყვანოს, და დავდგე გაშლილ ადგილს. ოჰ, რა თავისუფლად ამოვისუნთქამ მაშინ, რა ხელმწიფურად გადავხედავდი ჩემს ასპარეზსა“...

მაგრამ გულუბრყვილო იყო პოეტის ამგვარი წერილი. საქართველოს სინამდვილეში არსად იყო ქართველ—თავად-ახნაურობისათვის ის „გაშლილი ადგილი“, რომელზე შესამაგრებლადაც იღწვოდა ბარათაშვილი. ის სამუდამოთ დარჩა თავის კლასთან ერთად „ღრე-კლდეში“ და ამ კლასმა დაასვა მის პანგს წაუშლელი დალი.

ასეთი იყო ქართველ ფეოდალურ არისტოკრატის ისტორიული ხვედრი. „მოისპო მსწრაფლად მისი ნაშთი და მისი კვალი“, რადგან „დრომან დაჰკრათვისი მას ავი თვალი“.

1) სხვათა შორის, ეს ერთად ერთი ადგილია, სადაც ბარათაშვილი გლეხებს გულშემტკივრობით იგონებს და ისიც მოურავის უსაზღვრო შევიწროების, თვითონ ბატონის ექსპლოატაციის შეცვლით.

III.



ეკონომიურ და პოლიტიკურ ცვლილების შემდეგ ქართული ლიტერატურაც გამოიცვალა და ახალი გზით დაიწყო სვლა. ის თანდათან შორდებოდა აღმოსავლეთის გავლენას და რუსულ ლიტერატურის გავლენის ქვეშ ექცეოდა.

რუსეთ-საქართველოს შეერთების ხანა ცნობილია რუსულ სიტყვა-კაზმულ მწერლობაში, როგორც დასაწყისი ახალ მიმართულების—რომანტიზმის სახით. რომანტიზმმა შესცვალა ფსევდო-კლასიკური მიმართულება, რომელიც ევროპის ქვეყნების სავაჭრო კაპიტალთან ერთად ჩაისახა და ვითარდებოდა ახალმა ძალამ, ვაჭართა კლასმა, როცა აღებ-მიცემობამ მტკიცედ გაიდგა ფეხი, დაარღვია ფეოდალიზმის კარჩაკეტილობა და აბსოლიუტიზმის ნიადაგი მოამზადა. ანტიური ქვეყნების სურათი, როცა განუსახლვრელი იყო იმპერატორების ძალა და დიდება, აბსოლიუტიზმმა იდეალად დაისახა. ძველი ქვეყნები მისი ცხოვრების საუკეთესო ნიმუში შეაქნა და ის ყოველი ღონით ცდილობდა ევროპა ძველი რომის დიდებას დაედარებოდა.

ამან ლიტერატურაშიაც ჰპოვა თავის გამოხატულება. იწყება ძველ კლასიკურ ნაწარმოებების ბრმა მიბაძვა. ცენტრალისტური მიდრეკილება, რომელიც ახალ კლასს ახასიათებდა პოლიტიკურ აღმშენებლობაში, შესაფერისად აღიბეჭდა ხელოვნებაშიაც. ასე მაგალითად, — ფსევდო-კლასიკური სკოლის დრამაში უნდა დაცული ყოფილიყო: მთლიანობა ადგილის, მთლიანობა მოქმედების და მთლიანობა დროის.

მაგრამ ფუჭი იყო ეს ბრმა გატაცება ყოველივე ანტიურით. დადი იყო ძლიერება მონათმფლობელობაზე ავებულ ანტიურ ქვეყნების, მაგრამ იმავე მონათ მფლობელობამ მოუღო მათ ბოლო. ევროპის აბსოლიუტიზმი კი ამქრულ წარმოებასთან აღმოცენდა და გააზარდა. თუ ანტიურ ქვეყნის მონები მხოლოდ instrumenta vocalia (მეტყველი იარაღი) იყვნენ და უსაქმურობაში ჩაფლული გაბატონებული კლასების მოქმედება მხოლოდ სმა-ქამაში და ფლანგვაში გამოიხატებოდა, სულ სხვა იყო ევროპის აბსოლიუტიზმის სოციალური საფუძველი.

აღებ-მიცემობის თან და-თან გაფართოება წინ მიერეკებოდა წარმოების განვითარებასაც და ამქრული მეურნეობა ადგილს უთმობდა ჯერ მანუფაქტურულ და შემდეგ მანქანურ მრეწველობას. აქ მეტად ვიწრო აღმოჩნდა ფსევდო-კლასიციზმის ლიტონი ჩარჩოები. კერძო პიროვნების ახალი გრძნობა და სულისკვეთება აღარ ეხამებოდა ფსევდო-კლასიციზმისაგან შექმნილ ზღუდეებს. ის ვერ თავსდებოდა მის ცივ რიტორიკის და ყალბი პათოსის ფარგლებში. აქედან ჩაეყარა საფუძველი რომანტიულ მიმართულებას თავის მეოცნებე სულით, ამადლებული გრძნობით და გულუბრველო სანტიმენტალიზმით. ფსევდო-კლასიციზმი პოეზიას ცხოვრების უბრალო გასართობად სთვლიდა, მას ის გამაძლარ კუჭის დამახმარებელ საშვალებად მიაჩნდა.

„Поэзия тебе любезна,
приятна, сладостна, полезна
как летом вкусный лимонад.“



ქართული
საქმიანობა

ასე სწერდა დერჟავინი ერთ თავის ოდაში. სამაგრიტოთ რომანტიზმმა ხელოვნება ფეტიშად გამოაცხადა, მისი დევნი იყო ხელოვნება ხელოვნებისათვის:

„И был завет ее — искусство для искусства.“

И был закон ее служение красоте ¹⁾

ასეთია რომანტიზმის წარმოშობის მოკლე ისტორია და რუსეთი, როგორც ევროპასთან ერთი გზით მავალი ქვეყანა, ამ საერთო გზას არ ასცდენია.

კერძოთ რომანტიულ სკოლის შამა-მთავარი აქ ეუკოესკი და კარამზინი იყვნენ. ამ სკოლის გზას უნდა დასდგომოდა ქართული სიტყვა-ქაზმული ლიტერატურა რუსეთთან შეერთების შემდეგ და ეს ასეც მოხდა. მაგრამ რა სახე უნდა მიეღო რომანტიზმს ჩვენს სინამდვილეში? საით უნდა გადახრილიყო მისი განვითარების გეზი? — რომანტიზმის გამამსხვავებელი თვისებაა მისი უსაზღვრო გრძნობიერება. გრძნობა კი სხვა და სხვა გვარია, ის ტკივილებსაც გამოხატავს და სიხარულსაც.

ამხ. ა. ლუნაჩარსკი რომანტიზმის შესახებ სამართლიანად შენიშნავს: „ყოველი კლასი, რომელიც ბრძოლაში იზრდება — რომანტიულია, და მისი რომანტიზმი „ქარიშხალისა და შეტევის“ ტიპიურ სახეს ღებულობს; ყოველი კლასი რომელიც განწირულია რღვევისა და კენობისაკენ — რომანტიულია სხვანაირათ, მისი რომანტიზმი მოწყენილობის და სასოწარკვეთილების რომანტიზმია“. 2) რაღა ოქმა უნდა, რომ ქართული რომანტიზმი ამ უკანასკნელი თვისების რომანტიზმი იქნებოდა. კლასი, რომლის პოლიტიკური იდეალები დაიშლნენ, კლასი, რომელიც მხოლოდ საზოგადოებრივ-პარაზიტულ ელემენტს წარმოადგენდა და დღითიდღე თავის დასასრულის უფსკრულს უახლოვდებოდა, შეიშვისებდა და განვითარდებოდა მხოლოდ სასოწარკვეთილების და უიმედობის რომანტიზმს. ამიტომ მოხდა, რომ რომანტიულ სკოლის ამ სახემ საქართველოში პოზიური ნიადაგი ჰპოვა და მეტად განვითარდა.

მისი პირველი მახარობელი ჩვენს ლიტერატურაში ალ. ჭავჭავაძეა, რომელიც ცალი ფეხით სპარსულ ეროტიკის გავლენის ქვეშ იდგა და ცალით რომანტიზმის. მისი „გოგჩის ტბა“ ქართულ პოეზიაში რომანტიზმის მეღანქოლით მონაბერი პირველი ლექსია. ალ. ჭავჭავაძეს მიჰყვება გრ. ორბელიანი და შემდეგ თვით ნ. ბარათაშვილი, რომლის კალმის ქვეშ ქართულმა რომანტიზმმა განვითარების უმაღლეს საფეხურს მიაღწია.

ამნაირად, რომანტიულმა სკოლამ თავისი ცოცხალი ფანტაზიით ოცნების სამყაროში გადაიტანა ქართული თავადის ჭკუა-გონება. ამით მოესპო მას რეალურ სფეროში მოღვაწეობის ყოველივე უნარი. ის მხოლოდ წარსულის გალი-

1. С. Я. Надсон „Поэзия“.

2. А. Луначарский „Культурные задачи рабочего класса“. Петроград 1919 г.

უცინაციებით ცხობრობდა. სინამდვილემ დაჰკარგა ფასი. მხოლოდ რცნება და შეიქნა იმედის ნოგეწათ; წარსული დროით გატაცება ავანტიურული ლირიზმით გადაიქცა. ამიტომ გასაგებია ის მოთქმა-გოდება, რომელიც ასე აბასიათებს ბარათაშვილის პოეზიას. ამიტომ ა, რომ მისი ჰანგი ურეითაა და სევდითაა გამსჭვალული. როგორც სევდის მგოსანს, ბარათაშვილს ბადალი არ მოეძებნება ჩვენს ლიტერატურაში. მისი პოეზია ყველაზე უფრო ნაღვლიანი და პესიმი-სტურია.

მაგრამ პესიმიზმი მხოლოდ ქართული მწერლობის სტუმარი როდი ყოფილა. ის ყველა ხალხს ხვედრი გამხდარა, სადაც კი ჰქონდა მას ასეთივე ნიადაგი, როგორც ეს საქართველოში იყო მე-19 საუკუნის პირველ ნახევარში. იმის და მიხედვით, რა როლს თამაშობდა ესა თუ ის კლასი ქვეყნის მეურნეობაში, ყოველთვის განისაზღვრებოდა მისი შემოქმედების სულისკვეთება.

პესიმიზმმა ფართე ნიადაგი ჰპოვა ანტიურ ქვეყნების გაბატონებულ კლასებში, როცა ინგრეოდა ამ კლასთა მონათმფლობელობაზე აგებული ტახტი და პარაზიტის ფეხიდან აცლიდა მას დააყრდენ ძალას — ეკონომიურ სიმდიდრეს. პესიმიზმს იცნობს ფეოდალური ქვეყანა, რომელიც დაანგრია აღებ-მიცემობაზე აგებულმა მეურნეობამ. იტალიელი პესიმისტი მგოსანი ჯოკამო ლეოპარდი, რომელიც ფეოდალურ არისტოკრატის ღვიძლი შვილი იყო, ასე მოუწოდებდა თავის თანამედროვეებს: „მოკვდით, რადგან ცხოვრებაში აღარაფერია მეტი საინტერესო და რაინდულს. ნუ მიჰყვებით ჩარჩებს და ქიმიკოსებს, რომლებიც ან დროის მერკანტიულ საქიროებაზე ზრუნავენ, ან ბუნების დამარცხებას ფიქრობენ თავიანთი გამოგონებითო“. ასევე საძულველი იყო ცხოვრება ფრანგ პოეტის შატო ბრიანისათვის, რომელიც სასტიკი წინააღმდეგია საფრანგეთის რევოლიუციის და კატოლიციზმს თავგამოდებით იცავს. „ეძებეთ ხსნა მონასტრებში და გასტეხეთ შუბი პაპის თავისუფლებისთვისო“ — ამბობდა ის.

ანტიურ პროლეტარიატის ორივე ფრთამ, როგორც მონებმა, ისე ლუმპენ-პროლეტარიატმა, პესიმიზმის უდიდესი კვალი დასტოვა კაცობრიობის ისტორიაში. ეს არის ქრისტიანობა. მაგრამ აქ ანტიურ პროლეტარიატის პესიმიზმმა ისეთი გამოხატულება ჰპოვა, როგორც ეს მის სოციალურ ბუნებას შეეშენოდა. არა ბრძოლა იმ ქვეყანასთან, რომელიც მას სულს უხუთავდა და გასაქანს არ აძლევდა, არამედ მორჩილება, ოცნებობა სხვა ქვეყანაზე და ასკეტიზმი. უდაბნოთ გავარდნა, გამოქვაბულებში ცხოვრება, საკუთარ თავის დუთის ზვარაკად მიტანა და მის ლოცვაში სიმშლით სულის განტეხება.

აქედან ცხადია, რომ პესიმიზმი სრულიად ბუნებრივი და პრაქტიკულად აუცილებელი მოვლენაა, რომელიც მეორდება ყოველი კლასის ცხოვრებაში, როგორც კი ის შესაფერის ეკონომიურ პირობებში მოექცევა. თუ მე-19 საუკუნის პირველ ნახევარში პესიმიზმმა ქართულ სიტყვა-კაზმულ ლიტერატურაში პირველად ჰპოვა თავისი უაღრესი განვითარება, ეს ადვილი გასაგებია. საქართველოს ცხოვრებაში პირველად ჰქონდა ადვილი ისეთ შემთხვევას, როცა მისი სოციალურ შემადგენლობის ერთი ნაწილი, ფეოდალურ არისტოკრატის სახით — სრულ გადაჯიშების გზაზე შედგა.

ამ დროსთან შედარებით არაფერი იყო ის აობრება-აწიოკება, რომელიც საქართველოს განეცადა სპარსეთ-ოსმალეთის შემოსევით, ან აზაბების სამასი წლის ბატონობის დროს. სულ სხვა იყო მაშინდელი დამონსტრირება საქართველო, როცა ქართველ თავად-აზნაურობას მხოლოდ ხარკის გადახდა და შაჰმადის ქუდის დაჭურვა შეელოდა, და სულ სხვა აღმოჩნდა რუსეთის ბურჟუაზია, რომლის წინააღმდეგ არც ქუდის გამოცვლა დარჩა საკმარისი, არც ქულაჯის სმოკინგზე შეცვლა, არც ბარათაშვილის ბარათოვით გადაკეთება, არც მთელი პოლიტიკურ უფლებების დათმობა. პაველ I-ლ ფსიქოპატის და ნიკოლოზ პალკინის შემოსევა სრულიად არ გავდა მურვან-ყრუს, თემურლენგის და შაჰ-აბაზის შემოსევას. ქართულ ფეოდალურ არისტოკრატიას პირველად შეუხვდა საქმის დაქვერე უცხო კლასთან, როგორიც იყო რუსეთის აგრარული და სამრეწველო ბურჟუაზია. მათი საქართველოში შემოსვლით ამ წოდებებს არა მხოლოდ პოლიტიკური დამოუკიდებლობა უნდა დაეკარგა, არამედ, რაც უფრო მნიშვნელოვანია, ეკონომიური კუთილდღეობაც-კი. ამით აიხსნება, სხვათა შორის, ის გარემოება, რომ პესიმიზმმა ქართულ ლიტერატურაში რუსეთთან შეერთების პირველ ხანებიდანვე მოიკიდა ფეხი და მით უფრო ძლიერდებოდა ის, რაც უფრო იდგამდა ძირს ჩვენს ქვეყანაში ახალი ძალა.

ბარათაშვილის დროს ნაცადი იყო ძველი მდგომარეობის დაბრუნების ყოველივე სახსარი, ამოწურული—ყველა საშვალეობა. ამას იქით წასვლა აღარ შეიძლებოდა. ამიტომ, სანამ ქათოდა ბედის ლამპარი, სანამ გულში იმედი ღვიოდა, პესიმიზმი მთავარ მოტივით კიდევ არ გადაქცეულიყო. მაგრამ აჯანყებების ცდამ და ეკონომიურმა სიბეჩავემ, რომელიც პოლიტიკურ მარცხთან ერთად თავს დაატყდა თავად-აზნაურობას, იმედი სავსებით გადასწყვიტა. ეხლა „ბოროტი სული“ დაებატრონა ქართულ პოეზიას. პესიმიზმმა ფართეთ გაშალა ფრთები და სავსებით დაჩრდილა სიცოცხლის ის მბუჭტავი შუქი, რომელიც აქამდე კიდევ ანათებდა შავს დღეებს.

სხვა იყო უსასოება ალ. ჭავჭავაძის „გოგჩის ტბა“-ში და სულ სხვა შეიქნა ის ბარათაშვილის „ვპოვე ტაძარ“-ში. მწუხარებით იყო აღსავსე ქართულ თავად-აზნაურების ცხოვრება. აი, რას სწერს ბარათაშვილი ორბელიანის ქალს:

„კიდევ მამნახა ჩემმა ჩვეულებრივმა მოწყინებამ, ვისაც სავანი აქვს, ჯერ იმის სიამოვნება რა არის საძაგელ ქვეყანაში, რომ ჩემი რა იყოს, რომელიც, შენც იცი, დიდი ხანია ობოლი ვარ.“

— „არ დაიჯერებ მაიკო—სიცოცხლე მამძულეებია ამდენის მარტოობით. შენ წარმოიდგინე, მაიკო, სიმწარე იმ კაცის მდგომარეობისა, რომელსაც მამაცა ჰყავს, დედაც, დებიც, მრავალნი მონათესავნი და მაინც კიდევ ვერვის მიტკარებია, მაინც კიდევ ობოლია ამ სავსე და ვრცელ სოფელში“. —

ასეთი იყო არა მარტო ბარათაშვილის სიძულვალი „საძაგელ ქვეყნისადში“, არამედ სხვა მისი ამხანაგებისაც.

აი რას სწერს ლევან მელიქიშვილი გრ. ორბელიანს პოეტის სიკვდილის შესახებ:

„Тяжело мой Григорий, тяжело потерять человека, который теплым сердцем и теплою душою мирял нас с людьми, с этими созданиями ничтожными, слабыми, черными и злыми. Тяжело осиротеть от души и от брата-таშვილის დაობლებული სულით გამსკვალულ ლექსებს ბანს აძლევს ყველა მისი თანამედროვე პოეტები, რომელნიც კი აიღებენ ხელში კალამს. აბა, მოუსმინოთ რას სწერს ბარათაშვილის მეგობარი მიხ. თუმანიშვილი თავის „უდაბნო“-ში:

„ვის არ გიხილავსთ უდაბნო ბნელი,
სად ნთვალნი მზისა შუქსა ვერ სჭვრეტებ,
სად ვერანადა მოსჩანს ყოველი
და ქარიშხალი ხშიანობს ოდენ.

ვის არ გიხილავთ იქა ხე მწარედ
გულზამომწვარი ციური ცეცხლით,
და მალალს კლდეხედ მარტოდ, მწუხარედ
გარდმოკიდული დამკვნარ შტოებით.

ეს არს მოყვასნო, გლახ ჩემი ბედი.—
მეც ვგრედ ვიქმნენ დღეგანამწარი:
ვერლა მესხლოს ტკბილი იმედი,
ვერლა აყვავდეს მით გული მკვნარი“.—

ასეთივე კილოთი და სულისკვეთებითაა დაწერილი თუმანიშვილის „სალამურიც“. მწუხარებით და მოწყენილობით ჰფეთქს ყველა იმდროინდელ მგოსნების დაოსებული გული და შავი აჩრდილი დასტრიალებს მათ თავზე.

მაგრამ რომანტიკოს მგოსნის საყვარელი ჩვეულებაა ბუნებასთან ბაასი და ისიც იქით გარბის ტანჯულ სულის მოსაბრუნებლად. ფოთოლთ შრიალს, წყლის ჩუხჩუხს ის ცოცხალ სულს შთაბერავს და აამეტყველებს. მაშინ სცხრება მისთვის ადამიანის ავი ენა და ისვენებს „მკმუნვარება შემოსეული“ სული. „ბუნების მჭვრეტელს ავიწყდება საწუთროება“; მას უყვარს „წყალთ დუღუნზე უკუღმართისა ამა სოფლისა ჭირთა დათმენა“. ამ გრძნობამ თავისი უმაღლესი გამოხატულება ბარათაშვილის „შემოღამება მთაწმინდაზე“-ში ჰპოვა. აქ პოეტის ფანტაზია ისეთ ნისლში ჰბევეს მთაწმინდას, რომ არა თუ მთაწმინდის არ მნახველი კაცი, არამედ თვით ამ მთის ძირში მცხოვრები ადამიანის ცოცხალ წარმოდგენასაც კი გაუძნელდება, რაიმე მზგავსება გამონახოს პოეტის მიერ შექმნილ სურათსა და აწერილ საგანს შორის. მართალია ეს მთა მას შემდეგ გადასხვაფერდა, გარეთუბანი, სადაც დღეს რუსთაველის პროსპექტი გაქიმულა, მაშინ კიდევ ნაკლებად მოშენებული ადგილი იყო, მაგრამ თვით უდაბური ტყით შემოსილი მთაწმინდაც არ ეხამება იმ სურათს, რომელიც მგოსნის წარმოდგენას დაუხატავს.

ასეთია ტანჯული გულის ბუნება. ის ეძებს მას, რაც შორს არის მწარე სინამდვილიდგნ, ის ისახავს მას, რასაც მხოლოდ ოცნებით მისწვდება. აქ აოის მისი ავი და კარგი, ამით განისაზღვრება მისი „სევდიან გულის სენის განქარავება“. უფრო საინტერესო-კი ნ. ბარათაშვილის ის ლექსია, სადაც, ბუნებასთან

ბაასის დროს, ის ცხოვრების მიზანს ჩაუთქრდება და მას თავისებურად განმარტებას აძლევს. საინტერესოა ეს ლექსი იმიტომ, რომ აქ წამოყენებულია საოცუნოებით „გადაუწყვეტელი“ „ყოფნა-არ ყოფნის“ საკითხი. ასეთი ბარათაშვილის ლექსი „ფიქრი მტკვრის პირად“.

„შაინც რა არის ჩვენი ყოფა-წუთი სოფელი,
თუ არა ოდენ საწყაული აღუვსებელი.
ვინ არის იგი, ვისთვის გული ერთხელ აღევსოს,
და რაც მიეღოს, ერთხელ ნატვრით, ისი ეკმაროს“.—

ასეთი სიტყვებით ასრულებს პოეტი ლექსს. ამნაირათ, „ჩვენი ყოფა-წუთი სოფელი“ არის „საწყაული აღუვსებელი“. ადამიანი ვერ ჰპოვებს ამ ქვეყნად ბედნიერებას. ის მხოლოდ სურვილით სცხოვრობს, სურვილი-კი იშვიათად შეუსრულდება. ასრულების შემდეგაც კვლავ ახალი ლტოლვის საგანი ესახება და ის შაინც უბედურია. ერთი სიტყვით ბედნიერება ხელშეუხლებელი და მიუღწეველია აწყობში, ის არ ყოფილა წარსულში და არ იქნება მომავალში, ის მხოლოდ გარბის ადამიანის წინ, როგორც მისი ლანდი, მისი მოჩვენება.

„Непостижимость цели нашего назначения, безграничность желаний человеческих и суета всего подлунного наполнили душу ужасною пустотой,“ სწერს ბარათაშვილი ზაქ. ორბელიანს. ამიტომ სრული ბედნიერება შეიძლება არსებობდეს მხოლოდ დროსა და სივრცის გარეშე. ის მხოლოდ იქ უნდა იყვეს, სადაც სიცოცხლე არაა, სადაც უმოქმედობა, დუმილი და სიწყნარება. აკი ამიტომ უყვარს პოეტს სიჩუმე და გარინდება. ამიტომაც, რომ ჩუმნი შეგობარნი „მის ტანჯულ გულს ეთანხმებიან“; ამიტომაც, რომ წყნარს საღამოს, ვით შეგობარს შესტრფოდა ის, რადგან მისებრ „ივც იყო მწხარ და სევდიანი;“ ამიტომაც, რომ ის ასე მოკრძალებით ევედრება ღმერთს: „მომეც მე სადგური მყუდროებისათ“; ამიტომ უყვარს პოეტს „ღამე და სასაფლაო“. „Скажу что прекрасное изобретение владыше“— სწერს ბარათაშვილი ერთ თავის წერილში.

სასაფლაო სიკვდილისა და დუმილის, სიცოცხლის დასასრულის განსახიერებაა და პოეტის გულს ერთობ ეახლოვება ის. აქ ის უფრო მაგრად გრძნობს თავს, ვიდრე მის გალაყენის გარეთ. ასეთია პესიმისტ მგოსნების საზოგადო თვისება: ოცნებობა, მოთქმა-გოდება სასაფლაოზე და კუბოებზე ლექსების წერა. ცხოვრებიდან განწირული კლასი, რომელიც უფსკრულის პირზე დგას და, რომელსაც ტანში სიკვდილის ქრუანტელი უვლის, კუბოსა და სასაფლაოში თავის დასასრულის ემბლემას ხედავს და მისდამი ტრფიალებით იმსჯელებს.

უბედურებისაგან გაქცევით, დადუმებით და უმოქმედობით თავის შევლა— ეს ის გზაა, რომელიც შეუძლია გამოხახოს მხოლოდ პარაზიტულ კლასს. უსაქმურობა და განცხრომით ყოფნა, რასაც ადვილი აქვს სინამდვილეში, ჰბადებს ამგვარსავე მიდრეკილებას ფსიქოლოგიაშიაც. ამას უნდა მიეწეროს ის გარემოება, რომ ბარათაშვილი ასე შეტრფის თავის ყმაწვილობის ჟამს: როცა მას სევდა და ჯაერი არ აწუხებდა; როცა ის ვერ გრძნობდა ვერც იესა და ვერც კარგს; როცა ის სოფლის გარეშე იდგა.

„რა ვსცან პირველად წუთი სოფელი,
დავშთე ადგილი, სადაცა წრფელი
რბოდა ნათლად დრო ყმაწვილობის
ჰსწორთა, თავზ-დილთა, მეგობართ შორის,—
მას აქეთ ხმა რამ თანსდევს ყოველთა
ჩემთა ზრახავთა და საწადელთა.“



ამით აიხსნება პოეტის უსაზღვრო სიყვარული „ჩვილი“ ყრმისადმი, რომელმაც არ იცის არც მომავალზე ოცნებობა, არც წარსულზე ფიქრი და არც აწმყოზე ზრუნვა. ის უფრო ენათესავენა ცხოვრებისგან მოღლილ მგოსნის გულს, რადგან „ჩვილი“ ყოველსავეს შეუპოვრად „მჭვრეტლობს“ და „არ განიცდის საწუთროს ვნებას“. ამიტომია, რომ ასე ტკბილად ვალერსება პოეტი მას:

„მიყვარს, მიყვარს მე ტიკტიკი ჩვილის ყრმის,
მიყვარს სმენა უცნაურისა მის ხმის...“

მის სოფელი უზრუნველობით მშენობს;
გარდა დედის აღერსისას, არ ოას ჰგოდნობს;
ნებივრობით და ღიმილით აუღდგშულობს:
ყოველსავე შეუპოვრად მჭვრეტელობს.
არა ფიქრობს იგი თავის ცხოვრებას,
არ განიცდის იგი საწუთროს ვნებას:

და სწორედ ამიტომ შესწყურება პოეტი ბოროტ სულს, რომელმაც მას „ყმაწვილის ბრმა სარწმუნოება მოუკლა“.

მაგრამ ყველაზე უფრო მეტის ძლიერებით, როგორც ეს შეეძლო ბარათაშვილის პოეტურ ნიქს, წუთი სოფლის უარყოფა და მისგან გაქცევა, პოეტმა თავის „მერანში“ გამოხატა, რომელიც ქართულ სიტყვა-კაზმულ მწერლობის მარგალიტათა ცნობილი. არა მარტო ბარათაშვილი, მთელი თავად-აზნაურობა იჯდა მაშინ ამ გიჟ მერანზე და მას „ბედის სამზღვარის“ გადატარებას ევედრებოდა. შავი ყორანი უკან რომ მოსჩხაოდა „დაქანცულობით თავგანწირულ მხედარს“, ეს ისტორიის „მსაზვრალი ხელი“ იყო. —ახალი ძალა, რომელიც მას ცხოვრებია ასპარეზიდან მივრეკებოდა.

ამ ლექსში პოეტის სასოწარკვეთილება იქამდე მიდის, რომ თუ წინად მას მამა-პაპათა დიდების ტკბილი მოგონება გულს მაინც უშვებდა, ეხლა მისი დამაშვრალი სული ამახედაც უარს ამბობს. აღარ უნდა მას არც „წინაპართ საფლავებს შორის“ დამარხვა, არც სატრფოს ცხარე ცრემლები, ის მხოლოდ ერთს ეხვეწება თავის მერანს: „გასწი მერანო, შენს ჭენებას არ აქვს სამზღვარი, და ნიავს მიეც ფიქრი ჩემი შავად მღელვარი“-ო. მას სურს როგორმე თავი დააძროს „შავად მღელვარ ფიქრს“, უნდა ერთხელ და უკანასკნელად გადალახოს ის და ამიტომ ევედრება მერანს სიჩქარეს, რაც შეიძლება მეტ სიჩქარეს, რომ აღარ მისწედეს მის ყურს შავი ყორნის გულშემზარავი ჩხვილი, რომ დააწყნაროს მოუთმენელი გული და თავის ოხვრა, „კენასა გულისა“ ზღვის ლელვას და მერანის „მშვენიერს, აღტაცებულს, ვიფურსა ლტოლვას“ მისცეს. ამიტომ პოეტი ეუბნება მას:

„გაპქვეთე ქარი, გააბე წყალი, გარდაიარე კლდენი და ღორენი,
 გასწი, გაპქურცხლე და შემიმოკლე მოუთმენელსა საყალბე დღენი.
 ნუ შეეფარვი, ჩემო მფრინავო, ნუცა სიცხესა, ნუცა მუცხარსა,
 ნუ შემიბრალე მოქანცულობით თავგანწირულსა შენსა მწვედაოსა.—
 რაა, მოვმორდე ჩემსა მამულსა, მოვაკლდე სწორთა და მეგობარსა;
 ნულა ვიხილავ ჩემთა მშობელთა და ჩემსა სატრფოს ტკბილ-მოუბარსა,—
 საც დანერლამდეს, იქ გამითენდეს, იქ იყოს ჩემი მიწა სამშობლო;
 მხოლოდ ვარსკვლავთა. თანამაველთა, ვაპცნო გულისა მე საიდუმლო.
 კენესა გულისა, ტრუობის ნაშთი, მივსცე ზღვის ღელვას,
 და შენს მშვენიერს, აღტაცებულს, გიჟურსა ლტოლვას.
 გსწი, მერანო, შენს ქენებას არ აქვს საზღვარი,
 და ნიავს მიეც ფიქრი ჩემი, შავად მღელვარი“...

მაგრამ ბარათაშვილი მოკვდა ისე, რომ საფლავში თან წაიღო საკუთარი
 იქვიანობა, შიში და მწუხარება. მის სიცოცხლეში არსად და არასოდეს ნათე-
 ლი შუქი არ გამოჩენილა. ის თვითონაც გრძნობდა თავის ამგვარ ხვედრს. მან
 კარგად იცოდა, რომ ფუჭი იყო „ბედის სამხლვარის“ გადალახვის ცდა. ამი-
 ტომ იყო, რომ ჯანღონით სავსე, ოცი წლის ჭაბუკი ბარათაშვილი სწერდა:...
 „...მე ხვედრსა ჩემსა ვერ ვპოვებ, და მით კაეშანს ვერღა ვიშორებ“-ო... თუ
 ბარათაშვილის თანტოლი და მასთან ერთ დროს მოღვ წე ლერმონტოვი წუთი
 სოფელს უწოდებდა! „Мир печали и слез“, სამაგიეროა იყო მის განცდაში
 ისეთი წუთებიც, როცა ის შეჰხარის ამ ქვეყნიურ ცხოვრებას და კმაყოფილე-
 ბით ამბობს.

„Тогда смирается души моей тревога,
 Тогда расходятся морщины на челе,
 И счастье я могу достижнуть на земле,
 И в небесах я вижу бога“.

ბარათაშვილის პოეზიაში ასეთ განცდას ადგილი თითქმის არა აქვს. წუ-
 ხილით და გოდებით იწყება მისი შემოქმედება—მოთქმით და ურვით თავ-
 დება ის. ბარათაშვილის პოეზია მტლად დაედვა ქართველ თავად-აზნაურობის
 „შავ ბედისწერას“. იმან შესვა და ამოსწურა მგოსნის მდიდარი ნიჭიდან შე-
 მოქმედების მთელი შარბათი. და, რაღა თქმაა, ბარათაშვილის მტირალი ჩან-
 გი, მისი მოთქმა-გოდება ისტორიისაგან განწირულ კლასის გამოტირილია. ის
 გლოვის ხარია გათხრილ საფლავთან მდებარე ძველი საქართველოს გვამზე და
 ამ პოეტთან ერთად დასტირის მიცვალებულს მთელი მისი თანამედროვე მგო-
 სანთა ჩანგი.

მოწყენილობის კილოსთან ერთად რომანტიკოს პოეტებს ხშირად სჩვე-
 ვიათ უფრო თავიანთ თავზე ლაპარაკი, საკუთარი გრძნობის და განცდის გად-
 მოცემა, ვინემ საზოგადოების, ან გარეშე პირის. ამიტომ ჩვეულებათაა მიღე-
 ბული, რომ ასეთ მგოსნებს ინდივიდუალისტი უწოდონ. აქ პოეტი წარმოდგე-
 ნილია მისი განსაკუთრებული გრძნობისა და აზროვნების ქიეყნით, რომელსაც
 რაქმე არა აქვს გარეშე საზოგადოების ყოფა-ცხოვრებასთან. აქ ის თავის თავს
 ებაასება, ის ქვეყნის გარეშე სდგას.

ბარათაშვილსაც აქვს ასეთი ლექსები. მთელი მისი სიმღერის საგანი მცირედით გამოკლებით, საკუთარივე თავია. „მიმაფრენს ჩემი შეგონება“¹⁾ „ვინ მოგიხმომ ჩემად წინამძღვარად“, „რად მრისხანებ ჩემის ბედის ვაოსკვლავო“... „თვალთა ჩემთა ადაერა შებენ“ და ასე ამ გვარად, პოეტს უფრო ხშირად საკუთარ გრძნობებთან აქვს საქმე. ამიტომ მას ჩვენში უკიდურეს ინდივიდუალისტად სთვლიან¹⁾. მაგრამ ავიწყდებათ, რომ პოეტი იმ წრის ენით ლაპარაკობს, რომელშიაც სცხოვრობს, რომ ის ყოველივეს თავისივე საზოგადოების თვალთ უჭვრეტს და ყურით უსმენს.

ზოგიერთების აზრით ინდივიდუალიზმი ინდივიდუალიზმია ყველგან და ყოველთვის. ის მგოსნის განსაკუთრებულ განწყობილებითაა გამოწვეული, რომელსაც საქმე არა აქვს წუთი სოფლის ამოებასთან. ის ამ სოფლისგან დამოუკიდებლად გრძნობს და აზროვნობს. აქ საკმარისი ხდება, როგორც ზევით დავინახეთ, მოიყვანოთ პოეტის ნაწარმოებიდან შესაფერისი ადგილი, რომ აზრი დამტკიცებულად ჩაითვალოს. ამას იქით მიზეზის გამოკვლევა აღარ მოდის.

ბარათაშვილის გრძნობა მთელი მისი წოდების იმდროინდელი გრძნობაა, მისი ტკივილი საზოგადო ტკივილია. რა უყოთ, რომ პოეტს თავის ლექსში ყველგან საკუთარი „მე“ აქვს ნხედველობაში? — ეს მხოლოდ მისი პოეზიის გარეგნული სახეა და არა შინაგანი. ის მარტო გარეგნულად არის ინდივიდუალისტი, აქ მხოლოდ მოჩვენებითი ინდივიდუალიზმთან გვაქვს საქმე და არა მგოსნის დამოუკიდებელ და განყენებულ გრძნობასთან.

პროლეტარიატისათვის ნაკლებ ინტერესს წარმოადგენს ამა თუ იმ პოეტის პირადი და დამოუკიდებელი განცდა, თუ კი ასეთს შეიძლება ადგილი ექნეს. ყოველი მგოსნის შემოქმედება მით უფრო ყურადსაღებია, რამდენადაც მასში თავმოყრილია კოლექტივის სული და გული, რამდენად ის მასის გრძნობას და მიდრეკილებას გამოხატავს. ბარათაშვილის პოეზიაში ასეთი ღირსება არის. მის ჩანგს საკუთარ კოლექტივის დადი აკრავს და ამით იმსახურებს ის სხვათა შორის ჩვენს ყურადღებას.

ზემოთ დავინახეთ, რომ რომანტიკოს პოეტების შემოქმედება „წმიდა პოეზიით“ მონაბეური ქმნილებაა. ბარათაშვილი, როგორც ტიპიური რომანტიკოსი, წმიდა სილამაზეს სხვაზე ნაკლებ არ ეთაყვანება. მისი მელანქოლიური სული უარს ამბობს ხორციელ სილამაზეზე და ზეცისკენ მიეშურება. ის ეძებს მხოლოდ „ზეციით მოსულ“ მშენებლებს. მხოლოდ ასეთი სილამაზით „ნათლდება“ ყოველი გრძნობა, გული და სული“. ამნაირად ბარათაშვილის პოეზია წმიდა სილამაზის პოეზიაა. ის მხოლოდ ამ სილამაზეს „უკმევს სამადლობელ გუნდრუსს“.

ბარათაშვილი პირველ შვილია თავის წოდების. ის მასთან იყო სულით და ხორციით. ეს წოდება კი რომანტიული შეიქნა მთელი არსებით. მისი რომანტიზმი ურეასა და გლოვაში გამოიხატა. ამ წოდებას უყვარდა „უკუღმართთა ამა სოფლისა ქირთა დათმენა“ და ოცნების ქვეყანაში მოგზაურობა. ყო-

1) ვ. ქიქოძე. ნ. ბარათაშვილის ლექსები, ბედი ქართლისა. წერილები ტფილისი. გამოცემა 1922 წ. გვ. 186 და 187.

ველივე ხორციელი და ხელშესახები მას მწარე სინამდვილეს აგონებს, ამიტომ ის გარბის ცრუ სოფლიდან და ზიზღს უცხადებს მას. ამ მიდრეკილებაში თავისი სახე ბარათიშვილის ბოეზიაშიაც გადაიტანა და მისი შემოქმედებას — ნამდვილ — წმიდა სილამაზეს შემოქმედებათ გადააქცია.

ბარათაშვილის შემდეგ ვახტანგ ორბელიანი ნაწილობრივად და შემდეგ ილიამ და აკაკიმ ჩაუყარეს საფუძველი ქართულ მხატვრულ მწერლობაში ფერად წოდებულ სამოქალაქო მოტივს. ბარათაშვილის მთელ შემოქმედებას — კი წმიდა სილამაზის შუქი აცისკროვნებს. განსაკუთრებით ის თავს იჩენს შემდეგ ლექსში:

„რად ჰყვედრი კაცსა, ბანოვანო, პირუმტკიცობას.—
თუ ემღერი შენ ტრფიალისა ცვალებადს გრძნობას:
რომ არ გემსკვალვის საუკუნო ტრფიალებითა,—
ჰგავს არ პასუხს სცემ შენ მას სულით მშვენიერთა.

სილამაზეა ნიჭი მხოლოდ ხორციელების,
და ვით ყვაეილი თავისს დროზედ მსწრაფლად დაქცნების;
აგრეთვე გულიც, მხოლოდ მისდა შენამსკვალები,
ცვალებადია, წარმავალი და უმტკიცები.—

მშვენიერება ნათელია, ზეცით მოხული,
რომლით ნაღდება ყოვლი გრძნობა, გული და სული,
და კაცსა შორის, ვით კერძოსა ღვთაებობისა,
რად გწამს არ იყოს საუკუნო მადლი ტრფობისა.—

თვით უკვდავება მშვენიერსა სულში მდგომარებს,
მას ვერც შემთხვევა და ვერც ხანი ვერ დააბერებს.
მხოლოდ კავშირი ესრეთ სულთა შობს სიყვარულსა,
ზეგარდმო მადლით გაუხსენელად დამტკიცებულსა.—

ასეთი იყო პოეტის დაუსრულებელი ტრფიალი ცისადმი. ის ცაზე ფიქრობს და ოცნებობს, მისი ფერი და შუქი განუყრელად მასთან დაიარება.—

„ჰე, ცაო, ცაო ხატება შენი ჯერ კიდევ გულზე მაქვს დაჩნეული“, — ეუბნება მგოსანი ცას. ამიტომ იყო რომ, მის დროს ფორტობიანზე სამღერაო რუსული ლექსი: „Черный цвет, мрачный цвет, ты мне мил навсегда“. მან თავისებურად გადააქართულა და შავის ფერის ნაცვლად ცის ფერს უმღერის:

ცისა ფერხ, ლურჯსა ფერს,

პირველად ქმნილსა ფერს

და არ ამ ქვეყნიერს

სიყრმიდან ვეტრფოდი.

ამ ლექსში რამდენი ტაეპია, იმდენი ცის ფერის ხოტბა დიდებაა. და განა შარტო აქ? — ბარათაშვილის მთელ შემოქმედებაში ხშირია ცის ფერის თაყვანება: მას უყვარს „ლაგვარდი ცისა კამარა“; მას სწევას „ციური ცეცხლის“ ნაპერწკალი; ის შეჰხარის „ცას მოწმენდილს და ცას მშვენიერს“; ის ბედნიერია, როცა „მცირითა შუქით გადაეყრება დიდ სამქუხარო, საავდრო ცასა ღრუბელი“; ის „შესტრფის“ ცისფერის უხრწნელ მშვენიერებას და ასე დაუს-

რულებლივ. ცის ფერით გაჯაცება მარტო ბარათაშვილის თვისებას როდი შეადგენს? — ასეთია რომანტიკოს მწერლობის დიდი უმრავლესობა — ასეთია ლერმონტოვის სილამაზის საგანიც, რომლის ლექსებშიც უმრავლეს შემთხვევებშია „Струя светлей лазури“, „в тумане неба голубом“, „синие горы“ და სხვა. ლერმონტოვსაც უყვარდა ლაჟვარდოვანი ცა. ნ. ბარათაშვილისათვის კი ყოველივე ციურს არა ჩვეულებრივი მაგიური ძალა ჰქონდა:

„ვით არ ვადიდო სიტურფის ღმერთა. —

ყოვლნი კეთილნი მან შეიერთა,

სულსა მოჰბერა ცის ნიჭნი ქვეყნად

და თავის მკობად ჰქმნა იგი მკოსნად“...

„რადგან სიტურფის ღმერთამ სულსა მოჰბერა ცის ნიჭი ქვეყნად და ჰქმნა იგი მკოსნათ“, ამიტომ ცხადია ცა არის ის სიცოცხლის და უკვდავების წყარო, საითაც უნდა მიიღტვოდეს პოეტის სასომიხდილი სული. მაგრამ ჩვენ ვიცით, რომ ამ გვარი იყო მთელი ქართველი თავად-აზნაურობის ლტოლვა. აქედან ცხადია, რომ თვით ფერის არჩევამაც, სილამაზის ძებნაში, პოეტი არ ღალატობს თავის წრეს. მის სილამაზესაც კლასიური დალი აზის.

ქვეყნიურ ღელვით მოქანცულ ფეოდალის სულს ცის ფერი მოსწონს. მასში ის ორგანიულ კავშირს პოულობს, იქ გადასასახლებლად მზადდება ცრუ სოფლით დაოსებულ მისი სული, — ცა მისი მომავალი და სამარადქამო ნავთსაყუდარია;

ტყუილად კი არ სწამდა ბარათაშვილს ამ ქვეყნის არსებობა, ტყუილა კი არ ინუგეშებდა იმით გულს, რომ იქ გასწორდება ბრალიანი და უბრალო:

„.....ეს ნუგეშს მცემს, საყვარელო,

რომ არის სხვა სოფელი;

ოდეს სცანა, რომ ვარ უბრალო,

მოვედ, მოვედ, მუნ მოგელი.“ —

ასე ამბობს პოეტი ქეთევანის პირით ერთ თავის ლექსში. და ეს „სხვა სოფელი“ მას, რასაკვირველია, წარმოდგენილი ჰქონდა არა დედა-მიწაზე ან მის ქვესკნელში, არამედ მაღლა, ცის ლაჟვარდოვან თაღებში.

დიდი ადგილი აქვს ნ. ბარათაშვილის პოეზიაში სიყვარულის გრძნობასაც მისი ლექსების უმრავლესობა გულის სატრფოსკენ არის მიმართული. მას, როგორც ეს რომანტიკოს მგოსანს შეჰფერის, მთელი გრძნობა აქვს ჩაქსოვილი სიყვარულის ლექსებში. მაგრამ რომანტიკულმა სკოლამ სიყვარულის გაზიხატვაზეც თავის ვლფერი დააჩნია და ისეთ სამოსში გახვია ის, როგორც ეს შეეძლო მხოლოდ მის ფანტასტიურ ბუნებას.

აქ სიყვარულის საგანი მეტად შორსა სდგას იმ სატრფოსგან, რომელსაც პოეტი უგალობს. ის პოეტის კალმის ქვეშ ზეკაციურ თვისებებს ღებულობს, მოკლებულია ყოველივე ამ ქვეყნიურს და ჩკითხველის წინ რაღაც მითიურ არსებად იხატება. ის თითქოს არც სუნთქავს, არცა სჭამს, არც შრომობს და არც იტანჯება. ერთის სიტყვით წუთი სოფლის შვილი არაა, ის ცით მოსულია, კიდევ მეტი: ის „სიტყვის ღმერთაა“. რამ გამოიწვია სიყვარულის საგნის ამგვარი „ციურობა“. —

შეძლებული წრის ქალი, თავის უსაქმურობით, შორდება ცხოვრების ყოველდღიურობას და მამაკაცის თვალში მართლაც დედაებრივ კმნილებას ემზგავსება. ამიტომაც, რომ ის ჰაეროვანს ედარება და არა-ხორციელს, ფიზიკურ არსებას. ასეთი იყო ნეხედულემა ქალზე ფეოდალურ არისტოკრატის წრეებშიც, რომელიც სხვისი შრომით არსებობდა და არ ყოფილა უშუალოთ ჩაბმული წარმოებაში. ასეთი იყო ქართველ თავად აზნაურობის მანდილოსანთა მდგომარეობაც. მაშინ, როცა ამ წოდების მამაკაცებმა სავსებით გასწყვიტეს კავშირი ქვეყნის მეურნეობასთან, ქალები სრულიად მოსწყდნენ ამ ქვეყნიურ საქმიანობას და თავის გარჯათ მხოლოდ სილამაზეზე ხრუნვა გაიხადეს. ამას ეხედავთ ჩვენ, სხვათა შორის, თვით ბარათაშვილის მიწერ-მოწერებიდან. მის მეგობარ ქალს მაიკო ორბელიანს, ერთ თავის წერილში, პოეტი სწერს ნაბიჩევა-ნიდან:

„კრიანოსნები გეთხოვნათ; მე დიდიხანია თავრიზიდან ხუთი კრიანოსანი დავიბარე; აქამდისინ კიდევ უნდა იყოს მოსული კარანტინში, მაგრამ ჯერ კი არ გამოვიგზავნი, სანამ ტასოს ნება არ გექნებათ, ამიტომ, რომ მაგისტანა კრიანოსანი ერთი უნდა იყოს და რაკი გამრავლდება, ლაზათი წაერთმევა, ხომ გაგიგონიათ: რაკი ტურტა გაიფუდეს, აღარა ღირს არცა ჩირად.—და რადგან პირველად ტასოს გამოუგზავნე ამისათვის, რომ არ ეწყინოს, მაგისტანის თანხმობით უნდა იქონიოთ მაგისტანა კრიანოსანი.—თუმცა გაჯავრდებით ამაზედ, მაგრამ, მაინც მე კიდევ ასე მოგახსენებთ“.—ამავე წერილს პოეტი ასე ათავებს: „ტასო მოიკითხე და მადლობა უთხარი მოგონებისათვის. კატო მომიკითხე, მეტად ბევრს თურმე ლაპარაკობს. ა ევ ხომ წიგნს ვერ მომწერს: ქართული იცოდა, ისიც დავიწყებია, რუსულიც ვერ უსწავლია, და არ ვიცი რომელს ენაზედ დასწერს.—მაიკო ეს რისგან არის, რაკი შენ მაგ ქალაქში ჩამოხვალ ქართლიდან, მაშინვე ჭორაობა უნდა გაჩნდეს“.

გარდა ამისა ერთ წერილში ნ. ბარათაშვილი ასეთ ამბავს ატყობინებს გრ. ორბელიანს: „თუ ქალაქის ამბავი გინდა, ჰსწორე გითხრა, ბევრი კორიანობაა და ჭირიანობა; ორივე ერთია; მაგრამ ჭირი ტყუილია ამ ხელად და ჭორი კი მართალი,—დიდი დაძვრებებია ქალებიცა; დიდი აყალ-მაყალი; დიდი ლამის თევები; დიდი წვეულებები ეოთმანეთის ჯავრით. დაწვრილებით მოგწერდი ყოველისფერს, მაგრამ კვლავ იყოს, როცა მოცლით ვიქნები. ამ ამბავს დიდი აწერა უნდა“.—„გალაფინის ცოლი წავითა,—სწერს პოეტი იმავე ორბელიანის ქალს მეორე წერილში.—და დარჩნენ ჩვენი ქალები მოწყენილნი. ხანდისხან ოხვრით მოიგონებენ იმის სახლში გატარებულ დროებას, თუმცა ოხვრის მიზეზი ყველასათვის ერთი არ არის. მხოლოდ გუშინსწინ იყო ვეჩერი შინაური, მაგრამ მხიარული. ტასოს დღეობა იყო და ელენეს სახლში გარდაიხადეს.....“

თუ ნინუცას, ანუ, (რადგანაც ჯავრობენ ზოგიერთი ქალები) ანნა ივანოვნას წიგნი მისწერო ან შენ თვითონ ნახო, ჩემს მაგიერ მოიკითხე და უთხარ დიდათ ვწუხვარ, რომ აღარ გაციებს თქო“.....

ამნაირათ, უსაქმურობაში ჩაფლული ქართველი თავად-აზნაურების ქალე-

ბი „კრიანოსნებს“ თავრიზიდან იწერდენ, კორიკანობაში კვლავდენ დროს და წვეულება-ბალებში მხიარულობდენ. თუ მათ ქმრებს ეთაკილებოდნათ ძველი, მოკლე ქართული სახელი და ჩვეულებრივი ხაქროები „ხახარო“ ფარსადანჩებათ“ გადაიქცენ, აოც ბანოვანთა სქესი რჩებოდა უკან მამაკაცებს და „ნიშუცები“ „ანნა ივანოვანთ“ მოხსენებას მოითხოვდენ. მართალი იყო პოეტი, როცა ამბობდა თავის დროის ქალებზე;

„ქარმან ჩრდილოსმან ყველაზე პირველ
გარდაუცვალა მათ გული ცხოველ“.—

უსაქმურობამ და პარაზიტისმმა უფრო მტკიცედ მოიკიდა ფეხი ქალის არსებაში. ის გადაიქცა უზრუნველყოფლობის ნამდვილ განსახიერებად. ამიტომ ცხადია ბარათაშვილის უსაზღვრო გატაცება „ქეთევან ჰაეროვანით“, ადვილი გასაგებია, რომ პოეტის „დაბინდებულს“ გულს, მხოლოდ ამ გვარი სატრფოს ეშის ნაპერწკალი აფენს დროგამოშვებით შუქს. ის დარწმუნებულია, რომ ეს ისეთი მაღალი გრძნობაა, რომელსაც კაცი სახელს ვერ დასდებს:

„ნუ თუ ამ სულის წადილსაც, პრქვა სიყვარული სხვათაებრ.—

მაშინ მხეც უსხივ, უცეცხლად, შეიძლება ნათვას ვარსკვლავებრ;

მაშინ მხეც სხვათა მოკვდავთა ბანოვანთ მიემსგავსები.—

მაშ რათ ერჩევი მათ შორის და ციურთ დაედარები.....

მაგრამ მშვენიერება გაქვს, ცისიერო, უზრუნელი,

და ჩემთა გრძნობათ შენდაში ვერ დასდვან კაცთა სახელი“.—

მაგრამ ბარათაშვილის პოეზია სინამდვილის და ოცნების შეუთანხმლობის პოეზიაა. ამას ის კიდევაც გრძნობს, როცა ცოდან ძირს დაეშვება და თავის სატრფოს მომაკვდავ ადაშიანის თვალთ მისჩერებია. მაშინ სატრფო ჩვეულებრივ მიწიერ ბანოვანის სახეს ღებულობს; მაშინ ის ისეთივე კორიკანობის და ავ-ენათა გუდაა, როგორც სხვა დანარჩენები; მაშინ პოეტი რწმუნდება, რომ „ცისიერი სატრფო“ მხოლოდ საამური სიზმარია და რომ „სიყვარულს გული მისი ვერ მიიკარებს“. ეს ყველაფერი მკოსანმა საკუთარ თავზე გამოსცადა, მან იგრძნო რა მწარეა ტკბილი ოცნების უნუგეზოდ გაქარწყლება და ამიტომ არის, რომ თავის მეგობართ ასე გულშემტკივობით აფროთხილებს:

„ოდეს მხის სხიენი შეგვიცვლიან ჩვენ დილას მას ნელს

და ცრუ სოფელი სიყვარულსაც შეჰყრის სარგებელს.—

მხოლოდ ერთს გირჩევთ და გახსოვდეთ ესე თათბირი,

მერწმუნეთ, ძმანო, ნაცადი აქვს ჩემს გულს ეს ჭირი:

არ შეემსკვალთ, მოკიხკახეს, კეკელა ქალსა,

ხულის დამტყვევნელს და გრძნობისა ცუდ მომღერალსა.—

აშიკის ენა მას ახარებს, მას ახულღამულებს,

ხოლო სიყვარულს გული მისი ვერ მიიკარებს.

მაგრამ არა მხოლოდ ზესთაბუნებრივი სიყვარული და მისგან გამოწვეული გულგატეხილობა ახასიათებს ნ. ბარათაშვილის გრძნობას. მის პოეზიას სიყვარულის არც სხვა გამოხატულება აკლია. მართალია ამ სხვა სიყვარულს მეორე ხარისხოვანი ადგილი უჭირავს პოეტის გრძნობაში, მაგრამ ის მაინც არ არის

მისთვის უცხო, როგორც განსაზღვრულ წოდების წარმომადგენლისთვის. ესაა ის ხორციელი, ზოოლოგიურ ინსტიქტის მონათესავე სიყვარული სხვა სქესისადმი, რომელიც განცხრომასა და დაუდევრობაში მყოფ კლასის განსაკუთრებულ თვისებას წარმოადგენს და, რომელიც თავის განვიწყობის შემდეგ ხარისხამდე მიიყვანა თანამედროვე ბურჟუაზიულ ხელოვნების დეკადენტურმა სკოლამ.

ბარათაშვილის მეოცნებე, ცისკენ მიმფრენი სულიც ვერ გადაურჩა ამ საზოგადო სენს და იმანაც მიუტანა მას მსხვერპლი. მან ვერც აქ უღალატა თავის წოდებას და აქაც მისი სრული გამომხატველი შეიქნა. ამას მიეწერება ბარათაშვილის ლექსები, რომელსაც ის ქალის სპეტაკ მკერდზე გველად გამოყრილ დაღაღებს უძღვნის. ამიტომაც, რომ პოეტი ყოველთა გონებას და ყოველთა გრძნობას მას მიაპყრობდა რადგან:

„ღვწნი ნაცრემლნი,
ტრდიალთ დამწველნი,
უფროს შვენოდენ,
თმანი ნაშალნი,
მკერდზედ დაყრილნი,
ემუქმებოდენ.

ამიტომ იყო, რომ „ბუდეშური მის ფეფები ლამაზად მოჩნდა“, როცა ქალს „ნიავმან თეთრი კაბა მიმოუქროლა“ და ამ ფეფებმა“ მგოსნის გული და სული „წაიღეს თვისდა“. მაგრამ განსაკუთრებულ განვითარებას აღწევს პოეტის ეს გრძნობა ლექს „საყურეში“:

„ვითა პეპელა
არხვეს ნელ-ნელა
სპეტაკს შროშანას, ლამაზად ახრილს,
ასე საყურე,
უცხო საყურე,
ეთამაშება თავისსა აჩრდილს.
ნეტავი იმას,
ვინც თვისს სუნთქვას
შენსა ჩრდილშია მოიბრუნებდეს.
შენის შერხევით, სიო მობერვით
გულისა სიცხეს განიგრილებდეს.—
ჰოი, საყურეო,
გრძნობით ამრევო,
ვინ ბაგე შენს ქვეშ დაიტკბარუნოს.—
მუნ უკვდავების
შარბათი ვინ სვის.—
ვინ სული თვისი ზედ დაგაკონოს“.—

ამგვარად ბარათაშვილმაც მოუძებნა თავის გრძნობაში ერთი ადგილი ისეთ სიყვარულს და ის თავისებური ნიჭით და სილამაზით წარმოგვიდგინა. მაგრამ

მის პოეზიაში იმდენათ ძლიერია ცისადმი ტრფიალი და მისკენ ~~ლტოლვა~~, რომ ამ მთავარმა გრძნობამ აქაც თავის გავლენა იქონია. ბარათაშვილის, „ხორციელ სიყვარულის“ ლექსები ისე მკრთალად გამოსჩანან მისი ~~ქვეყნის~~ ~~ქვეყნის~~ პორი-
ხონტზე, რომ ბოთლი თხზულების წაკითხვის შემდეგ, ~~აღიზიანება~~ ~~აღიზიანება~~ ~~აღიზიანება~~ გრძნო-
ბის კვალი მკითხველის შთაბეჭდილებაში. ბარათაშვილმა არ უღალატა ამ შემ-
თხვევაში ერთხელვე არჩეულ გზას. მისი ჰანგი არ გადაქცეულა და ვერც გა-
დაიქცეოდა მთლიანად „ფეფები“-ს მათაყვანებლად.

მაგრამ ხორციელი სიყვარულის გარდა ერთი მსხვერპლი კიდევ მიუტანა ბარათაშვილმა ძველ კერპს. ესაა მისი ეროტიული ლექსები. ეროტომანია, სი-
ყვარილისაგან გახელება, ტყედ გავარდნა და გაგიჟება, რაც აღმოსაელეთურ
პოეზიის გავლენის ნაყოფია ქართულ სიტყვა-კაზმულ ლიტერატურაში. ბარათა-
თაშვილმა ის შემკვიდრეობით მიიღო მის წინამორბედ ქართველ პოეტებისაგან
და საკვებით ვერც ამ ჰანგს დააღწია თავი. ამის მაჩვენებელია მისი ლექსი:
„ბულბული ვარდზედ“. აქ მარტო სათაურიც საკმარისია, რომ გაიგოთ რა სა-
ხის ლექსთან გვაქვს საქმე: ბულბული და ვარდი დასაბამიდანვე სპარსულ ლი-
რიკის საგალობელი საგნებია. მაგრამ გარდა ამ ლექსისა პოეტს სხვაგანაც მო-
ეპოება ამგვარი გრძნობის ადგილები, პოეტის ცხოვრებაში არის მომენტი, რო-
ცა სატრფოს გამხელებელი შემოხედვა ყველაფერია მისთვის:

„მისთ თვალთა ხარობს სამოთხე ჩემი,

მისი ღიმილი შეგების მომცემი,

ჩემი წარმწყმედი, მაცხოვნებელი,

განმაბრძნობელი, გამხარებელი.“

ღამაში თვალების ბასრობა გონებას ართმევს პოეტს და ის ეუბნება მათ:
„თვალნო, ღამაზხო, ვინ უძლოს თქვენსა ძლიერს ბასრობას, თუ არა სჭვრეტ-
დეს თქვენგან სიკვდილში თვით უკვდავებას?“

ამოიგად, ბარათაშვილის პლატონიურ სიყვარულის გვერდით, თუმცა უფ-
რო ნაკლები ძლიერებით, უფრო ნაკლები ელფერიით, მაგრამ მაინც ჰპოვა
ადგილი, როგორც ხორციელ სიყვარულმა, აგრეთვე გიჟურმა ლტოლვამ, პატალო-
გიასთან მონათესავე გრძნობამაც.

მაგრამ გარდა ამისა ბარათაშვილის პოეზია ჰყუთქს სხვა თვისებებითაც,
რომელნიც რომანტიზმის მისტიურ სულის განუყრელი თანამგზავრი ყოფილან
ყველგან. ესაა ფატალიზმი.

ცხოვრებისგან განწირულ ქართველ თავად-აზნაურობას ის ერთობ შეე-
თვისა და მის პატრიოტულ გალიუცინაციებით დასნეულებულ გონებაში საუკუ-
თესო ნიადაგი ჰპოვა მან. მორჩილება ბედის, ყოველივეს მისი ძალით ახსნა,
ჩვეულებრივ მოვლენად გადაიქცა. ბედია ყოვლის გადამწყვეტი, მისი ჯადოს-
ნური ძალა გარდაუვალი კანონია ადამიანისათვის. ამით არის გამოწვეული პო-
ეტის ხვეწნა მეოანისადმი, რომ მან გადაატაროს ის როგორმე „ბედის სამ-
ზღვარს“, ამიტომია, რომ პოეტს ნაპოლეონის დიდების გვირგვინიც „ბედისა-
გან შეთხზულად“ წარმოუდგენია და ასე ალაპარაკებს მას:

„მაგრამ ვინ იცის, იქნება, რომ ბედსაც მოვსწყინდე,

და სხვა მან ჩემის სახელითა დაავიჯინოს...—
 არა, არა მწამს, რომ ბედმა მე მიორკულოს;
 მე მან გამზარდა და თვისს გაწვრთნილს რაღა მიხერხოს!—

მაგრამ სინამდვილით განაწამები და ცრუ სოფელის სწავლებლობით, გულ-
 მოკლული მგოსანი ხშირათ მოთმინებას ჰკარგავს და თავის ბედს, რომელიც
 მას ბოროტ სულად გადაქცევია, და რომელმაც მშვიდობა წაართვა და წრფე-
 ლი ზრახვები აურიო, საყვედურით და წყრომით მიმართავს:

„სულო ბოროტო, ვინ მოგიხმო ჩემად წინამძღვრად,
 ჩემის გონების და სიცოცხლის შენ აღმაშფოთრად.—
 მარტვი, რა უყავ, სად წარმიღე სულის მშვიდობა,
 რისთვის ნომიკალ ყმაწვილის ბრმა სარწმუნოება...
 განვედი ჩემგან, კი მო მაცდურო, სულო ბოროტო
 რა ვარ აწ სოფლად დაშთენილი უსაგნოდ, მარტო,
 ჭკუით ურწმუნო, გულით უნდო, სულით მაშვრალი.—
 ვაი მას ვისაც მოხვდეს ხელი შენი მსახვრალი.“

ბედის მონა იყო მაშინ არა მხოლოდ ბარათაშვილი, არამედ მთელი მისი
 წოდება. ქართველი თავად-აზნაურობის ყოველდღიურობა სავსეა ასეთი მაკა-
 ლითებით. ერთ თავის წერილში პოეტი, კმაყოფილი იმით, რომ საუკეთესო
 სიძე იშოვნა და თავისი და, კატო, დიდებულ ოჯახის შვილს გაატანა, სწერს
 გრ. ორბელიანს, რომ ეს ასე უნდა მომხდარიყო, რადგან— „суженного понем
 не об'едешь“. მეორე წერილში ზაქ. ორბელიანთან პოეტი სწერს: „Дух чело-
 веческий, достигнув полного своего развития, совершив дела ему свыше
 определенные, склоняется наконец утомленный к покою в тихой семей-
 ной жизни“.

მაგრამ ფატალიზმის გარდა, ნ. ბარათაშვილის პოეზიას არ აკლია ფეტი-
 შიზმის და დუალიზმის სულიც. პოეტი მოწიწებით ევედრება ღმერთს, როგორც
 მართლმორწმუნე ადამიანი, რომ შეიწყალოს მან განსაცდელში მყოფი შემცო-
 ღე მისი შვილი:

„ღმერთო მამაო, ძომიხილე ძე შეცთომილი
 და განმასვენე ვნებათაგან ბოროტლელვილი.—
 ნუ თუ მამასა არღა ჰქონდეს გულისტკივილი,
 ოდეს იხილოს განსაცდელში შემცოღე შვილი...—
 გულთა-მხილაო, ცხად არს შენდა გულისა სიღრმე:
 შენ უწინარეს ჩემსა უწყი, რაც ვიზრახო მე
 და ჩემდა ბაგეთ რაღა დაჟმთ შენდა სათქმელად.—
 მაშ დუმილიც მიმითვალენ შენდამი ტრფობად.“

ბარათაშვილის თვალში მეფე ხალხის მამაა. იგი ღვთისაგან გამოგზავნი-
 ლი მზრუნველია და ამიტომ მისი სიტყვა მთელი ხალხის სურვილზე და ნებაზე
 მალლა სდგას. ღვთისაგან დაშუქებულ მეფის გონებას უკეთ შეუძლია იფიქროს
 ხალხის საჭიროებასა და მოთხოვნილებაზე, ვიდრე თვითონ ხალხს. ამიტომ არის,
 რომ მეფის გადაწყვეტილებით აღშფოთებული სოლოჰონ ლეონიძე ჯერ საყვე-
 დურს ეუბნება ღმერთს:

„მადლობა, ღმერთო, შენსა განგებას. —
 ერთს კაცს მომადლებ ყოველთა უფლებას
 და მისს ერთს სიტყვას მონებენ ერთი
 განურჩევლად სულელნი, ბრძენნი,
 და იგი მათ ბედს ასე განაგებს,
 ვითა ამლერდეს იგი კამათლებს. —
 მაგრამ, შენ, მეფე, ვინ მოგცა ნება
 სხვას განუბოძო შენთ ყმათ ცხოვრება,
 მისდევდე შენსა გულისკვეთებას
 და უთრგუნვიდე თავისუფლებას...“



აქ თითქოს გაიღვიძა კიდევაც მგოსნის გულში ხალხის უფლებათა უზენაესობის ნაბერწკალმა; აქ თითქოს იჩინა თავი საზურანგეთის რევოლუციის რესპუბლიკანური გავლენამ პოეტზე, — მაგრამ საუკუნოებით გულში შთანერგული ხელისუფლების პროვიდენციულობა თავისას მაინც არ იშლის და მეორე წუთში ის სოლომონს ათქმევინებს:

„მაგრამ ვინ იცის, — იგი იტნება
 უკეთ ჰფიქრობდეს, რაც გვექირება:
 ბევრჯერ ღვთიურსა ზრუნვას მეფისა
 გონება ყმათა ვერა მიხვდების. —“

ამნაირად პოეტს სწამს, რომ მეფის ღვთიური ზრუნვა უბრალოდ მომაკვდავისათვის მიუწვდომელი რამ არის და ამიტომაც, რომ ამბობს:

„ცათა წინაშე დიდია მსხვერპლი
 მამულისათვის მეფისა ცრემლი“. —

ფეტიშიზმი მხოლოდ ხელისუფლების გაღმერთებით არ განისაზღვრებოდა. მისი დალი აკრავს ყოველივეს მგოსნის გარშემო. თვით პოეტი ფეტიშია მომაკვდავთ შორის ის ღმერთთან მოლაპარაკე და მისი გამოგზავნილი არსებაა. ამიტომ მისი ხმა ჭეშმარიტების და უკვდავ სილამაზის ხმაა. ასე მსჯელობს კერპთაყვანმცემლობის ფსიქოლოგიაში აღზრდილი ადამიანის გონება. ხელოვნება და მეცნიერება მას ქრისტეს კვართში გაუხვევია და ზეცაში მიაფრენს.

პოეტი, მხატვარი, კომპოზიტორი და ხელოვნების სხვა დარგის წარმომადგენლები ზეშთავონებით მოქმედებენ. როცა ხელოვანი ჰქმნის, მას მშვენიერი მუხა ანგელოზის ფრთებით და შარავანდედით გაშუქებული თავს დასტრიალებს. ასეთია ფეტიშიზმით დაბრმავებულ ბურჟუაზიის წარმოდგენა ხელოვნებაზე და მის „ქურუმებზე“. პოეტი მისთვის ფეტიშია, ის ღვთის მოციქულია და მის ჩანგს ჰაეროვან ქალწულის ბროლის თითები აწკრიალებენ. ბარათაშვილს, როგორც რომანტიკოსს სწამს, რომ მისი შემოქმედება საკუთარ ნიჭის ნაყოფი კი არ არის, არამედ სიტუაციის ღმერთამ:

„სულსა მოჰბერა ცის ნიქნი ქვეყნად
 და თავის მკობად ჰქმნა იგი მგოსნად. —“

ასეთია საერთოდ შეხედულება ხელოვნებაზე და კერძოდ პოეტზე, არა მარტო რომანტიკოს ბარათაშვილის, არამედ ილია ჭავჭავაძისაც:

„შეცა მნიშნავს და ერი მზრდის,
მიწიერი ზეციერსა,
ღმერთთან მისთვის ვლაპარაკობ,
რომ წარვუძღვე წინა ერსა“...



თვითონ აკაკი წერეთელიც კი, რომლისთვისაც მგოსანი „გარემოების საყვირია“ და მისი პოეზია ცხოვრების სარკე, რომელიც „მხოლოდ იმას გვიჩვენებს, რასაც შიგ ჩაუხედნია“, ვერ გამწვიდობება საბოლოოდ საყოველთაო აზრს პოეტის შესახებ და მისი ზეკაცობა მაინც ქეშმარიტებად მიაჩნია:

„ნუ მკითხავთ მნახოთ უგნური,
ნურც გაიკვირებთ გრძნობასა,
სულ სხვა ჰყავს ხელისუფალი
ამ ჩემ გონება, გრძნობასა“...

ფეტიშიზმის გვერდით ბარათაშვილის პოეზიას დუალისტური ელფერიც გადაჰკრავს. მას არ უნდა დაირწმუნოს თავი, რომ მისი ტანჯვა, რომელიც მიაყენა „ცრუ სოფლის ღელვამ“ თავდაულწიველი და განუსაზღვრელი ტანჯვა იყვეს. პოეტს სჯერა, რომ ბილწ სხეულის გარდა არის კიდევ ადამიანის მეორე მხარეც. ესაა მისი სული, და უკვდავება სწორედ მასში მდგომარეობს, მას ვერც შემთხვევა და ვერც ხანი ვერ დააბერებს, ამიტომ სწამს მგოსანს, რომ არის სხვა ქვეყანა, სადაც მისი მოქანცული სული ჰპოვებს სრულ მოსვენებას და თავს დააღწევს კაეშნის გესლს; ამიტომ უყვარს მას ბუნებასთან სიახლოვე და კაცთაგან განმარტოება. აქ „იდაყვ-დაყრდნობილი ყურს უგდებს ის მტკვრისა ჩხრიალსა“ და მის ბუტბუტს. პოეტს სჯერა, რომ ეს უბრალო ხმაურობა და შრიალი კი არ არის, არამედ ლაპარაკია, ნამდვილი საუბარი, რომელიც სწარმოებს ყოველი საგნის უბილაგ და „საიდუმლო“, როგორც პოეტი იტყვის, ნაწილთა შორის. ამიტომ ის პირდაპირ აცხადებს:

„მრწამს, რომ არს ენა რამ საიდუმლო უსაკოთაც და უსულთ შორის;
და უცხოველეს სხვათა ენათა არს მნიშვნელობა მათის საუბრის“.

ბარათაშვილის პოეზია კიდევ ძველი საქართველოს პოეზიაა. ის კიდევ შორსაა სამოქალაქო პოეზიის ჰანგიდან. ვახტანგ ორბელიანმა შეიტანა ამ მხრივ გარდატეხა ჩვენს მხატვრულ ლიტერატურაში და ილია ჭავჭავაძემ მისცა მას გეზი ახალი გზისაკენ. ბარათაშვილის ლექსთა წყობაც, ენა და ლექსიკონი იმდენათ მძიმეა თანამედროვე მკითხველის ყურისათვის, რომ მას ერთგვარი გონებრივი გარჯა სჭირდება მგოსნის გრძნობების შესათვისებლად. ეს გარემოება დიდათ ვნებს პოეტის მხატვრულ ნიჭს.

თვით ჩვეულებრივი იმ დროინდელი სალაპარაკო ენა, ბარათაშვილის წერილებიც-კი, უფრო მარტივად და მსუბუქადაა დაწერილი, ვიდრე პოეტის ლექსები. აქ, რასაკვირველია, თავი იჩინა კონსერვატიზმმა, რომელიც ყველა ცხოვრებისაგან განწირულ კლასს ახასიათებს, როგორც ეკონომიურ, ისე იდეოლოგიურ სფეროში. ამიტომია, რომ ბარათაშვილს ასე გაგიჟებით უყვარს სპარსული მომღერალი სათარა, ვიდრე ევროპიულ სტუდიებში დამუშავებული პიანინოზე მომღერალი ხმა. „ილაჯი წაიღეს მაგ. ჯაფარას ქებით,—სწერს პოეტი



ორბელიანის ქალს, —ვისიც წიგნი მოგვივიდა, მაგის ქება ეწერა, ¹⁾ შეტა ყვე-
ლასთვის აგრე მალე როგორ გაგიყდებით? — მაგის ამბავი ქვეყნის ცხოვრებით: ეგ
სულეიშან ხანმა გადმოიყვანა სპარსეთიდან, ორი დღე დასაწყისად ქვეყნთან
იდგნენ, რაც ჰუნარები ჰქონდა სულ აქ დაასრულა.

ეგ რომელი ამბობს, რომ სათარააა სჯობსო? — ეტყობა კარგი სმენა ჰქო-
ნია. — მე გეტყვით: ეგ უფრო ნაკითხია სათარაზედ, მაგრამ სათარასთვის
ღმერთს ხმა მიუცია და თანაც დაუტანებია, რომ მაგისთანა ხმა აღარავის ეჭ-
ნებაო. ერთი ორივეს სახე ნახეთ: ერთი კაცია, მეორე ჯოჯობეთის მაშხალაა“.

და ამ მომღერალით გატაცება იმდენათ ძლიერი იყო ბარათაშვილის
მხრივ, რომ როგორც ეს ერთ წერილიდან სჩანს, ის მას თან დაჰყავდა ლბინ-
შიც და ქორწინებაშიც. „ერთი ხმა არის კიდევ ძალიან სასიამოვნო, — განაგრძობს
პოეტი იმავე წერილში ორბელიანის ქმლთან, — ჯაფარამაც იცის და სათარაშიც,
როცა შევხვდეთ, ასე უთხარით: რომ „ეი, მუსულმან ნამარი ხანჯალზანი“,
იმღეროს“.

მაგრამ ენის და სიმღერის ძველ ფორმებისადმი ტრფიალი გამოწვეული
იყო, სხვათა შორის იმითაც, რომ სელოვნება დანიშნული არ იყო ფართო
დაბალ წრეებისათვის, არამედ ვიწრო წოდებრივი კარჩაკეტილობა.

ენის დემოკრატიზაცია, მისი გახალხოსნობა ყოველთვის იმისდა მიხედ-
ვით განისაზღვრება თუ რა კლასის თვალთახედვის ისარზე დგას მწერალი და
ვისთვის სწერს ის. ილია ჭავჭავაძის შედარებით მსუბუქი ენა და მისი ამ მი-
მართულებით გავლენა ჩვენს სიტყვა-კაზმულ ლიტერატურაზე, აიხსნება ამ პოე-
ტის ბურჟუაზიულ ლიბერალიზმით, რომელიც შედეგი იყო სამოციან წლების
მოძრაობის, როცა თავისუფალ გუშა ხელის და შინაურ ბაზრის მაძებარ რუსე-
თის ინდუსტრიულურ ბურჟუაზიამ ჩავრულ გლეხობის მესარჩლეობის ერთგვა-
რი ილტუხია შეჰქმნა.

აკაკი წერეთლის პოეზია, რომელიც წერილ ბურჟუაზიულ ინტელიგენციას
და რამდენადმე გლეხობის ყოფა-ცხოვრებას უახლოვდებოდა, კიდევ შორს წა-
ვიდა ამ მხრივ და მისი შემოქმედება უფრო სხარტ და მოძრავ ენაში ჩამოიხსნა..
მაგრამ გარდა იმისა, რომ ბარათაშვილის ენა მძიმეა და ძველი ლექსიკონითაა
შედგენილი, ამ პოეტს ჩვეულებრივ ურთიერთობაში და მიწერ-მოწერაში სხვა
ნაკლიც ახასიბთებს. ესაა ენის უსუფთაობა. მისი წერილები სავსეა რუსულ-
ქართულით და ეს მართო ბარათაშვილის ნაკლად არ ჩაითვლება. ასეთი იყო
იმ დროინდელ ქართველ თავად-აზნაურობის დიდი უწრავლესობის ენა. ხში-
რად ახალი ენის შეთვისებაში მათ ძველიც ავიწყდებოდათ და ამნაირათ ორ წყალ
შუა რჩებოდნენ. ტყუილა კი არ სწერდა პოეტი ერთ თავის თანამედროვე
ქალზე:

„ქართული იცოდა, ისიც დავიწყებია, რუსულიც ვერ უსწავლია“-ო.
ასეთი იყო იმ წოდების ენა, რომელსაც გული წარსულის დაკირვით ედაგე-

1) ჯაფარა მეორე მომღერალია, რომელიც ბარათაშვილს, როგორც წერილიდან სჩანს,
სათარასთან შედარებით არაფრად ნიანბნია.

ბოდა და, რომელიც „ცრემლთ ანთხევდა“ შეფე ერეკლეს საფლავზე, მაგრამ ეს იმ წყლის მოტანილი სენი იყო, რომელიც კარგა ხნიდანვე შეუდგა ქართველ ფეოდალურ არისტოკრატებს და მას სრულს გადაშენების საფენი ჩაქანებდა. სინამდვილის ამ კაპრიზს ხშირად ჰქონია და ექნება ადგილი ყველა იმ წრეებში, რომელიც ბევრს გაიძახის ეროვნულ ინტერესებზე და რომელიც სინამდვილეში თვით აკნინებს ამ ინტერესებს.

როგორც ვთქვით, ბარათაშვილის პოეზია გრძნობისა და განცდის პოეზიაა, ის მოკლებულია მოქმედებისა და ბრძოლის სულს. „ცრუ სოფლის“ მკაცრ შემოტევას პოეტი კვნესით და ვაებით უპასუხებს. „ბოროტ სულთან“ საბრძოლველ იარაღათ მგოსანს მარტო მოთქმა და ტირილი დარჩენია. „ობერა არის შვება უბედურისაო“, ამბობს ის ერთ თავის ლექსში. ამ სულისკვეთებითაა გამსჭვალული მგოსნის მთელი შემოქმედება. მისი მთავარი ლერძი ოცნებისა და სინამდვილის შეუსაბამობაა.

ნ. ბარათაშვილმა შესძლო იშვიათად ნიჭიერ კალმით ჩასწვდომოდა საკუთარ წოდების გრძნობის სიღრმეს და მიეცა მისთვის მხატვრული სახე. ეს გრძნობაა—გრძნობა ურვის და წუხილის, გრძნობა კრულვისა და წყევლის. აქ მან, ისე, როგორც ჯერ არც ერთმა ქართველ მგოსანმა, შესძლო გადაეშალა ჩვენს წინ პარაზიტად ქცეულ, ცხოვრების კალაპოტიდან ამოვარდნილ კლასის მომაკვდაობა.

აკ. კყონია.



მიმდინარე მოვლენები და ქართული მწერლობის ამოცანები¹⁾

ამხანაგებო, ქართული მწერლების წარმომადგენლებო! უპირველეს ყოვლისა, ნება მიბოძეთ მოგესალმეთ საქართველოს კომუნისტურ პარტიის და საქართველოს მთავრობის სახელით, და გისურვოთ ნაყოფიერი მუშაობა და სასურველად დამთავრება ამ პირველი ყრილობის ნუშაობისა! როგორც უკვე მოგესვენებათ, მე დავალებული მაქვს მოგახსენოთ მიმდინარე მომენტის შესახებ ერთის მხრივ, და ქართული მწერლობის დამისი დღევანდელ ამოცანებზე — მეორეს მხრივ. მაგრამ სანამ ამ მოხსენებას შეუდგებოდეთ, საჭიროდ მიმაჩნია მიგითითოთ რამოდენიმე გარემოებაზე. ეს პირველი ყრილობა საქართველოს მწერლებისა. ყოველ შემთხვევაში, შეიძლება ეს ჩვენ ასე ჩავთვალოთ ე. ი. ეს პირველი ყრილობაა, სადაც საქართველოს მწერლობის ყველა მიმდინარეობის წარმომადგენლები პირველად იკრიბებიან.

ამას, მე მგონია, დიდი მნიშვნელობა აქვს თავის თავად. მაგრამ არის აქ მეორე გარემოება კიდევ. ეს ის არის, რომ ქართველი მწერლები მხოლოდ ამ ხუთი წლის გასულს, საბჭოთა არსებობის მხოლოდ ხუთი წლის თავზე იკრიბებიან. ეს ორი გარემოება ერთმანეთს ხვდება და, რა თქმა უნდა, ამას დიდი მნიშვნელობა აქვს. ხუთმა წელმა განვლო. ქართველი მწერლები, ასე თუ ისე, ვერ იყვნენ იმდენად შეთვისებულნი, თუ შეიძლება ასე ვთქვათ, რომ მაშინ, როდესაც ყველა სხვა დარგის წარმომადგენელი, ასე თუ ისე უკვე რამოდენჯერმე ახდენდენ ყრილობას, ქართველ მწერლებმა მხოლოდ 5 წლის ბოლოს მოახერხეს ეს. ხუთი წელიწადი საბჭოთა ხელისუფლების არსებობისა საქართველოში! ამხანაგებო რაც უნდა იყოს, რაც უნდა მოხდეს, მაგრამ ამ ხუთი წლის ამოშლა ისტორიიდან ყოვლად შეუძლებელია. ეს ხუთი წელიწადი იმდენად საგულისხმა თავის დადებითი მხარეებით, რომ მას ვერავინ გვერდს ვერ აუხვევს. ეს ხუთი წელიწადი შეიჭრა, შევიდა ხალხში; ხალხმა იგრძნო, და მე მგონია, რომ მშრომელი ხალხი ამ ხუთ წელიწადს დააფასებს. ესაა განსაკუთრებით საყურადღებოა ის, თუ როგორ აფასებს ამ ხუთ წელიწადს ქართველი მწერლობა. ამხანაგებო, ამისთვის გვერდის ავლა, როგორც მოგახსენეთ, შეუძ-

¹⁾ სიტყვა, წარმოთქმული ქართველ მწერალთა კავშირის ყრილობაზე.

ლებელია. აქ უნდა იქნას გამოთქმული სავსებით, გულახდითლათ ყველაფერი ის, რასაც ეს განვლილი დრო შეიცავს: დაგუბებული იყო ეს, ვერ ხეობდებოდა გამოთქმა ამისა, თუ არ იყო მაინცა და მაინც ამის სურვილი. მაგონია, დღეს დადგა დრო, მოაღწია ისეთი ეამმა, რომ ეხლა ისეთი მდგომარეობა, რომელიც არსებობდა ამდენი ხნის განმავლობაში, ვერ გაგრძელდება. ეხლა ეს ორი გარემოება—საბჭოთა ხელისუფლების ხუთი წლის შესრულება და იმავე დროს ქართველ მწერლების პირველი ყრილობა მეტად მნიშვნელოვანი არის. მესამე გარემოება—ეს არის ის, რომ მე მგონია, რაც ამდენი ხნის განმავლობაში არ იყო ნათქვამი—ეხლა ამ ყრილობაზე უნდა ითქვას. თქვენს წინაშე ლაპარაკობს მთაწარის და კონუნისტური პარტიის წარმომადგენელი. თქვენ უკვე იცით ჩვენი პოლიტიკა, თუ შეიძლება ასე ითქვას, მწერლების შესახებ. ერთხელ კიდევ ხაზს გაუსვამთ ამ ჩვენს პოლიტიკას, ჩვენს დამოკიდებულებას მწერლებთან განურჩევლად იმ მრავალრიცხოვან მიმდინარეობათა, რომელიც კერძოთ ჩვენს ქართულ მწერლობაში არსებობს დღეს. მე დარწმუნებული ვარ, რომ ყრილობის წევრები გამოვლენ აქ და განაცხადებენ თავიანთი გულის ნადებს, აშკარათ, გულ-ღიასთ, ისე, როგორც მთაწარის წარმომადგენელი აცხადებს იმას, რაც თქვენ გაინტერესებთ.

ეხლა მე შევუდგები თვით მოხსენებას. მე დავიწყებ მიმდინარე მომენტებიდან და შევხები მოკლეთ, რაც შეიძლება მოკლეთ, იმ მდგომარეობას, რომელიც არსებობს საბჭოთა რესპუბლიკის გარეთ, ე. ი. ბურჟუაზიულ ქვეყნებში. შემდეგ შევეხები საქართველოს მდგომარეობას და ბოლოს მწერლობის დღევანდელ ამოცანას.

მიმდინარე მომენტი! ეს სიტყვები მართლაც თავის თავად გამოხატავენ იმას, რომ აქ ჩვენ საქმე გვაქვს დენასთან, მუდმივ ცვალებადობასთან, რომ შეჩერებას, გაქვავებას ადგილი არ აქვს. ამ დენას, ამ მიმდინარეობას ანუ ცვალებადობას აქვს ორგვარი სახე—ერთი არის გარეგანი ცვალებადობა, ცვლილება სახელმწიფოს სათავეში: ერთი პარტიის—მეორე პარტიის მიერ შეცვლა, ერთი მთაწარის, ერთი კაბინეტის—მეორე კაბინეტით შეცვლა. იშვიათია ისეთი მთაწარობა დღევანდელ ბურჟუაზიულ სახელმწიფოებში, რომელმაც გასძლოს ერთი-ორი წელიწადი, ბშირათ თვეობით და შეიძლება კვირაობით განისაზღვრება იმათი არსებობის ვადა. ეს არ შეეხება მიმდინარე მომენტს. ამაში არ იხატება მიმდინარე მომენტის თავი და თავი დამაბასიათებელი თვისება. მიმდინარე მომენტის ნამდვილი დაბასიათება მდგომარეობს იმ არსებით ცვლილებაში, გარდაქმნაში, რომელიც ხდება საერთოდ მთელ კაცობრიობაში.

როგორც ლენინი ამბობს, ის კი არ არის დღეს საინტერესო, რომ ყველა მოვლენები აღვანუსხოთ, არამედ საინტერესოა შამოდრავებელი ძარღვი, მთავარი რგოლი მამოდრავებელი საზოგადოებრივ ცხოვრებისა. ამ რგოლს უნდა ჩასჭიდოთ ხელი, და მაშინ შესაძლებელია დაათვასოთ თუ რა ხდება საზოგადოებაში. აი ამ თვალსაზრისით არის საჭირო ნიდგომა. ბურჟუაზიულ ქვეყნებში დღეს შექმნილია ისეთი მდგომარეობა, რომ იქ ამ უმად ყოველი ბობოქრობს, ცხოვრება არაა ერთგვარ კალაპოტში. მართალია ჩვენ გვეტყვიან, რომ არსე-



ბოძს ერთა ლიგა, რომელიც თითქოს მოწოდებულია, რომ კაცობრიობას მშვიდობიანობა და სათნოება მიანიჭოს: მაგრამ თუ მივაქცევთ ყურადღებას მის ნამდვილ შემადგენლობას და შინაარსს, ჩვენ დავინახავთ, რომ ნაქვე ასე არ არის, ავიღოთ თუ გნებავთ ომის შემდეგი ხანა. ავიღოთ ვერსალის ხელშეკრულება. განა მან მიანიჭა კაცობრიობას ის, რაც საჭირო იყო მიენიჭებია: მშვიდობიანი, დაწყნარებული ცხოვრება, უშიშარი ცხოვრება. რა თქმა უნდა ეს ვერ ქნა მან. ამ ხელშეკრულებაზე ლაპარაკი ჩვენ ძალიან შორს წაგვიყვანს და მე ამაზე ვერ შევჩერდები. მაგრამ დავიწყება ამ ხელშეკრულების შეუძლებელია. ბურჟუაზიულ ქვეყნების ბატონ-პატრონებმა, ბურჟუაზიულ სამართლიანობის გამომთქმელებმა რა მოგვცეს ჩვენ? მათ მოგვცეს ჩვენ ვერსალის ხელშეკრულების სახით, ავაზაკურ გაბატონებაზე დამყარებული, შიშველი ძალდატანება. თქვენ აქ აღბათ ანგარიშს გაუწევთ იმას, თუ როგორ მოეპყრნენ ისინი—გერმანიის, გერმანიის ხალხს. რასაკვირველია, მთავრობა რომელიც ხელმძღვანელობდა ამ ხალხს უნდა დასჯილიყო, მაგრამ იქ საუბედუროთ ხალხი დაისაჯა,—გერმანიის ხალხი, რომელმაც კაცობრიობას ბევრი კარგი შესძინა უმაღლესი ტექნიკისა და მეცნიერების სახით. ამას შემდეგ წარმოდგა გერმანიის საკითხი. ვერსალის ხელშეკრულების შედეგია სწორედ ის, რომ ჩვენ დღემდე ამ რამდენიმე წლის განმავლობაში მუდამ ნერვიულ მდგომარეობაში ვართ და ყოველ წუთში იმის ლოდინში ვართ, რომ აი ახლა იფეთქებს ომი და დაიწყება სისხლის ღვრა. ვერსალის ხელშეკრულებამ ვერ გადაქრა ვერც გერმანიის და ვერც საბჭოთა კავშირის საკითხი. როგორც მოგეხსენებათ ამის ცდა იყო: პირველად გენუის კონფერენცია, მეორე ლოზანის და მესამე ლოკარნოს კონფერენცია. მაგრამ ვერც ერთმა ვერ მოგვცა ნამდვილი მალამო. პირიქით, პირველი, მეორე და მესამეც გათავდა გაკოტრებით და ხელახლა იწყება გართულება სხვა და სხვა სახელმწიფო ურთიერთ დამოკიდებულებაში. მე აქ მხედველობაში არა მაქვს საბჭოთა რესპუბლიკები. მაშასადამე ბურჟუაზიულმა ქვეყნებმა, ომის დათავების შემდეგ, ვერ შესძლეს დაემშვიდებიათ ქვეყანა. მაგრამ ამას გარდაც იმათ ვერ შესძლეს ერთმანეთ შორის ჩამოეგდოთ შეთანხმება და ნორმალური მდგომარეობა. ურთიერთ შორის მათ უნდათ მშვიდობიანობის ჩამოგდება, მაგრამ ლახვარს სცემენ ზურგში ერთმანეთს მაშინ, როდესაც ერთმანეთს ეამბორებიან. აი საერთო დახასიათება ევროპიულ ბურჟუაზიულ სახელმწიფოებისა, და იმათი გამაერთებელი ერთა ლიგა. ერთა ლიგა თავის თავად მშვენიერი ლამაზი სიტყვა არის, მაგრამ ის გამოხატავს მის სურვილებს, ვინც არის შიგ. განა იქ სხვა და სხვა ერი სწყვეტს თავთავიანთ საკითხებს? იქ განა ერების წარმომადგენლები სწყვეტენ წამოჭრილ საკითხებს? არა ეს არის ბურჟუაზიული სიცრუე. ფაქტიურად არავითარი ერთა ლიგა არ არსებობს. არსებობს უდიდესი სახელმწიფოები, რომელნიც ახდენენ სხვადასხვა კომბინაციებს ყველა პატარა ერებსა და სახელმწიფოებზე, და ამას ასაღებენ ერთა ლიგის სახელით. თუ რამდენათ ყალბია და ცრუ ბურჟუაზიული ერთა ლიგა—ამის დანახვა ადვილათ შეუძლია, ვისაც სურვილი აქვს და მე შემოძლია ამ დღეებში გამოქვეყნებულ უბრალო მაგალითზე მივითითოთ: სირიელთა კომისია, რომელიც მივლინებული იყო სხვათაშორის, ერთა ლიგის იმ კომისიაში,

რომელიც ანაწილებს სხვადასხვა წვრილ ერებს დიდ გველზე ^{სახელმწიფოთა} შორის, არ მიიღეს, ამ კომისიამ არც კი მოინდომა სირიელთა დელეგატებთან ლაპარაკი. სირიელები არიან ფრანგების ნორჩილებაში, რომლებსაც ისინი უწოდებენ სამანდატო ქვეყანას; მანდატი აქვს მიცემული ერთა ლიგისაგან საფრანგეთს. სირიელები აცხადებენ, როგორც ალბათ თქვენც იცით, რომ ამ ბოლო დროს, რაც ისინი საფრანგეთის ჩუარველობის ქვეშ იმყოფებიან, თორმეტჯერ მოახდინეს აჯანყება საფრანგეთის წინააღმდეგ და როგორც იცით ეს აჯანყება იქ განუწყვეტელი არის. რა თქმა უნდა, სირიელთა ეს აჯანყება, არ არის ის აჯანყება, რომელიც აქ საქართველოში პარიზიდან მოახდინეს. ეს არის მუდმივი, შეუწყვეტელი ბრძოლა ხალხის უცხოელ ფრანგების წინააღმდეგ. მაგრამ განა ეს ერთი შემთხვევაა ასეთი? აიღეთ მეორე საკითხი—მაროკოსი. რას ჩადის ამ დროს ერთა ლიგა, რომელიც თითქოს მოწოდებულია იმისათვის, რომ დაიცვას დამონებულ, შევიწროებულ ხალხთა ინტერესები. ეს არის დაცვა? ისინი არა თუ არ იცავენ. მათ არც კი უნდათ დაეღაპარაკონ აჯანყებულ ხალხთა წარმომადგენლებს. მოგეხსენებათ, რომ ეროვნული საკითხი, თითქოს, უნდა ყოფილიყო ერთა ლიგისათვის ერთ უდიდეს საკითხად, და აქედან კი თქვენ დაინახავთ თუ როგორ სწყვეტს ის ამ ეროვნულ საკითხს. თქვენ კარგათ იცით ვგვიპტეს მდგომარეობა, ინდოეთის მდგომარეობა, რომელიც თანდათან მწვაავდება. კარგათ იცით უკვე, თუ რა ხდება აზიის უდიდეს ქვეყანაში—ჩინეთში! თუ ის ვაებატონები, რომელნიც თითქოს იცავენ მსოფლიოში სხვადასხვა ხალხთა და ერთა ინტერესებს, თუ როგორ ანაღლებენ ამას სინამდვილეში. მე მგონია, რომ ამაზე აქ გაჩერება საჭირო არ არის. მაგრამ შეიძლება შინაური ცხოვრება ამ სახელმწიფოებში ჩაყენებული ერთნაირ ნორმალურ კალაპოტში. შეიძლება ვთქვათ, რომ, მართალია, ისინი იმონებენ ჩამორჩენილ ხალხს, მაგრამ შინ მაინც ისინი აწარმოებენ ნორმალურ პოლიტიკას კაპიტალიზმის ბატონობისას. რა თქმა უნდა ამის თქმა ჩვენში ღიმილს გამოიწვევს მხოლოდ. კაპიტალიზმის ურთიერთობა მშრომელ ხალხთან. მაგრამ მე ვამბობ, საჭიროა ობიექტიური ვიქნეთ. ჩვენ ცოტა ოდნით მაინც დავიმოწმობთ, რა ხდება ამ სახელმწიფოებში. მართალია, როგორც, იცით, ჯერ-ჯერობით ამ სახელმწიფოებში არ გვაქვს ჩვენ სამოქალაქო ომი, შეიარაღებული აჯანყება მუშათა კლასის, მშრომელი ხალხის, მაგრამ ყოველ შემთხვევაში ის, რაც იქ ხდება დღეს, გვაძლევს საფუძველს ვიფიქროთ და ვსთქვათ, მივიღეთ იმ დასკვნამდე, რომ იქ გდება დღეს გამწვავებული კლასთა ბრძოლა. და ეს ბრძოლა თანდათან მწვაავდება და ღებულობს საშიშარ სახეს. ერთი წლის წინათ, დაახლოვებით, ჩვენ ვამბობდით ფაქტების აღნუსხვით, რომ ხდება ბურჟუაზიულ ქვეყნებში კაპიტალიზმის ერთნაირი გამაგრება, თითქოს მომაგრება, სტაბილიზაცია. ეს ნიშნავს იმას, რომ წარმოება, სახალხო მეურნეობა უახლოვდება თითქოს ომის წინანდელ დონეს. ეს ერთი მხარე იყო... მაგრამ ისიც მართალია, რომ რაც ცოტაოდენ დაწყნარდა ომის შედეგები—გერმანიაში, ავსტრიაში იყო დიდი აღელვებები, იყო, რევოლიუცია—შემდეგ ბურჟუაზიამ დასძლია მუშათა კლასი, ჩაქოლა, ჩაახრჩო სისხლში და ამის



შემდეგ მისი პოზიციების გამაგრება ხდებოდა, მაგრამ ვის ხარჯზე ხდებოდა ეს? რა თქმა უნდა, მუშათა კლასის ხარჯზე. ეს ხდებოდა არაბოლქუ პოლიტიკურად არამედ ეკონომიურადაც. თუ თქვენ დღეს განეთებს ადევნებთ იმეცეს და, რასაკვირველია ადევნებთ, დარწმუნდებით, რომ არ არის არც ერთი ბურჟუაზიული ქვეყანა, რომ ბურჟუაზიას არ მიჰმონდეს იერიშები მუშათა კლასის ხელფასზე. და რომ უკმაყოფილება არ იყოს ამ ნიადაგზე. სწევნ ხელფასს დაბლა და ამ ნიადაგზე ხდება აუარება გაფიცვები. არის გაფიცვები, რომლებიც გრძელდება რანოდენიშე თვე: რვა ცხრა, ათი. მუშები იბრძვიან, რომ შეინარჩუნონ ის ხელფასი მაინც, რომელიც მათ ჰმონდათ ომამდის. გარდა ამისა იქ უმუშევრობა თან და თან მატულობს, თქვენ რა თქმა უნდა შეგიძლიანთ თქვათ, რომ უმუშევრობა შეიძლება მატულობდესო, ჩვენშიაც ხომ არის ეს უმუშევრობაო, მაგრამ აქ დიდი განსხვავებაა. ჩვენში ეს უმუშევრობა აიხსნება იმით, რომ ჩვენ ვართ ღარიბი, ჩვენი ტექნიკა არის დაბალი, ჩვენი კულტურა არის ღარიბი. და ეს უმუშევრობა ჩვენში ბუნებრივია და იქნება კიდევ, სანამ არ განვითარდება ჩვენი ტექნიკა და კულტურა. იქ კი, ბურჟუაზიულ ქვეყნებში შიტომ არის და იზრდება უმუშევრობა, რომ კერძო კაპიტალმა მეტი მოგება ნახოს. თუ მუშათა კლასს ევროპაში უმცირებენ ხელფასს ეს აიხსნება შით, რომ ევროპის ბურჟუაზიას დღეს აღარა აქვს შესაძლებლობა იმდენი მოგება ნახოს თავის კოლონიებიდან, რამდენსაც წინათ ლებულობდა. იმიტომ რომ ხელმეტი მოგება, რომელსაც ლებულობდა ის კოლონიალურ ქვეყნებიდან, რასაკვირველია მცარცველობის სახით რადგანაც დღეს ინდოეთში, შაროკოში და ჩინეთში ის ვეღარ აწარმოებს თავის ძველ პოლიტიკას. იქ ამბოხებები ხდება, და არამც თუ ძველი შემოსავლის აღება, პირიქით, იქ ომი აქვთ და თქვენ იცით თუ რა ხარჯებს იწვევს ომი. და ასე თავის შემოსავლის გასადიდებლად ევროპის ბურჟუაზია ცდილობს მუშის ხელფასი შეამციროს. და ამასვე შოაქვს უმუშევრობის მძლავრი განვითარება. ავილოთ ეხლა მესამე შხარე მათი ცხოვრებისა ე. ი. ბურჟუაზიული წესწყობილება. ერთ დროს შესტროფოდნენ დემოკრატიულ პარლამენტარულ წესწყობილებას, რომელსაც ერთ დროს, შესაძლებელია, ჩვენც შეესტროფოდით. პარლამენტი კარგია, იქ ხალხის წარმომადგენლები სწყვეტენ საკითხებს. მაგრამ მართალია ეს? ეს ტყუილი გამოდგა, განა ვისმეს სწამს დღეს პარლამენტარიზში. დღეს ეს სასაცილოთაც არავის ყოფნის. თქვენ იცით, რომ პარლამენტი არსებობს დღეს იტალიაში, ბულგარიაში, რუმინიაში, ყველა დიდ ევროპიულ სახელმწიფოებში. ყოველივე ეს მართალია მაგრამ მართალია იქ ხალხის წარმომადგენლები ლებულობენ რაიმე მონაწილეობას საკითხების გადაწყვეტაში? მართალია ამ პარლამენტის საშვალეებით ხალხი სახელმწიფო მართვა-გამკეობაში ახდენს რაიმე გავლენას? ასე ნუ მოტყუვდებით ამხანაგებო, შევხედოთ სინამდვილეს პირდაპირ. რა არის დღეს გამეფებული იქ ევროპიულ პარლამენტში?—გაშიშვლებული ფაშიზმი, ე. ი. დიქტატურა პატარა ჯგუფისა, ქვეყნის მძარცველებისა, ბურჟუაზიის გაშიშვლებული დიქტატურა ფაშიზმის სახით. პარლამენტის ძველი სახე, სინამდვილეში მოსპობალია. არავითარი ხალხის მონაწილეობა, არავითარი დემოსის, დემოკრა-

ტიის პარლამენტში, დღეს ევროპულ ქვეყნებში აღარ არის და არც იქნება, და არც შეიძლება მართლა ეს ფორმა გამგებლობისა იქნეს შენახული იქ, მუსოლინის პარლამენტში, ცანკოვის პარლამენტში. გერმანიის პარლამენტი. აქვთ პარლამენტი. მერე რას ვხედავთ ეხლა? წინსვლა იდგომდა ყველა იმათი ვინც მოითხოვს, რომ რაიმე მონაწილეობა მიიღოს სახელმწიფო მართვა-გამგეობაში. და ჩვენ დღეს ასეთი ფაქტებით ვამჩნევთ როგორი არის მოპყრობა სახელმწიფოს გამგეების, მეთაურების, როდესაც ბუნტს უმჯადებენ, რომ მოახდინონ გადატრიალება.

ავიღოთ მაგალითად გერმანიის პარლამენტი. აქ სომ სრულიად-დემოკრატიად დიდ ძალას წარმოადგენს, აქ პროგრესისტები არიან, საბალხო პარტიები არიან. რა ქნეს?—პრეზიდენტად აირჩიეს ვილელმის მარჯვენა ხელი, რომელიც აშკარათ გამოხს ყოველგვარ დემოკრაციას. განა ის ხალხმა აირჩია? შეუძლებელია ამის თქმა. ხალხმა ჩამოაგდო მეფის ტახტი, დაამსხვრია ის და დღეს მას ისევ აპარებენ, ასევე უნდათ,—თითონ მეფე არა, მისი მემკობარი, მისი მარჯვენა ხელი მაინც იყოს. ყველაზე უფრო დამახასიათებელი არის, აი სწორეთ გერმანიის პარლამენტის საქციელი და მოქმედება. აი ეს უკანასკნელი უბრალო ფაქტი რომ ავიღოთ, როგორცაა მაგალითად ანაზღაურება გოგენცოლერების ტახტის დაკარგვისათვის. წარმოიდგინეთ იმის მაგიერ, რომ ეს გოგენცოლერები ამოეწყვიტათ იმისათვის, რომ იმათ რამოდენიმე მილიონი ხალხი გაწყვიტეს და გადლიტეს, რამდენი უბედურობა დაატეხეს თავზე, არა მარტო გერმანიას, არამედ მთელ მსოფლიოს, იმის მაგიერ ისინი მათ ორ-სამ მილიარდ ოქროს მარკას თავაზობენ. აი სადამდე მიდის ეს პარლამენტი. მე მოგახსენებთ თქვენ, რომ ევროპაში ხშირათ იცვლება მთავრობები. განა ხალხი ღებულობს აქ მონაწილეობას? აქ არის ნხოლოდ ინტრიგები ერთმანეთის წინააღმდეგ, არავითარი ხალხის დაკითხვა, არავითარი ხალხის ინტერესების დაკვას აქ ადგილი არა აქვს.

განა შეიძლება ასეთ პირობებში დემოკრატიზმზე ლაპარაკი? მე მგონია, რომ ასეთ პირობებში დემოკრატიზმზე ლაპარაკი—ეს არის, რასაკვირველია, თავის თავის მოტყუილება. დამახასიათებელი არის უკანასკნელათ ის ფაქტები, რომელიც ამ დღეებში იყო გამოქვეყნებული კომინტერნის პლენუმზე. რა იყო იქ? რა ხდება აი ამ ერთი წლის განმავლობაში ბურჟუაზიულ ქვეყნებში, განსაკუთრებით ევროპაში? რას გვეუბნებიან ჩვენ ცნობები, სტატისტიკური ცნობები პოლიტიკურად დასჯილების შესახებ?—ერთი წლის განმავლობაში დაახლოებით დატყვევებულ რევოლიუციონერთა რიცხვი უდრის 40 ათას, დაჭრილების 13,000... მართალია შეიარაღებული აჯანყება არ ყოფილა, მაგრამ შეტაკებების რიცხვი ბევრია.

მოკლულების და დახვრეტილების რიცხვი, ამ ერთი წლის განმავლობაში, უდრის 4 ათასს. ასეთი არის მდგომარეობა იმ ბურჟუაზიულ სახელმწიფოებში, რომელნიც ერთ დროს წარმოადგენდენ, ასე თუ ისე, იდეალს. ეხლა უნდა ვსთქვათ, თუ რა დასკვნა უნდა გამოვიყვანოთ აქედან. რანაირი ცვლილება ხდება? ამ მიზნით გადავაგლოთ თვალი ეხლა მოკლეთ, თუ რა ხდება მუშათა კლას-

ში. აი მაგალითად ინგლისის მუშათა კლასი. ინგლისში მუშათა კლასი იყო ყველაზე უფრო კონსერვატიული. ამ უკანასკნელ დროს იქ რწმუნდებიან, რომ კაპიტალისტები იმათ წინააღმდეგ მიდიან და აუცილებელია, რომ შესცვალონ თავიანთი წინანაული ტაქტიკა და შეიტანონ ამ ტაქტიკაში რევოლუციური სული. ეს შეტად დამახასიათებელია. მართალია, ჯერ-ჯერობით, მუშათა კლასი ევროპაში კიდევ იმყოფება ისეთ ბელადების გავლენის ქვეშ, როგორიც არიან: მაკდონალდი, რენოდელი და სხვები, რომელნიც ბურჟუაზიასთან არიან შეთანხმებული. მაგრამ თვით მუშები თანდათან რევოლუციონერები ხდებიან. ამას მოწმობს, სხვათა შორის ის გარემოებაც, რომ კომუნისტური პარტია ბურჟუაზიულ ქვეყნებში, მიუხედავად შევიწროვებისა, ყოველგვარ რესპრესიებისა მაინც თანდათან იზრდება. მაგრამ შერიგება, რომელსაც ერთხელ იყო ლაპარაკი, ბურჟუაზიისა და მუშათა კლასის შერიგება ეს ტყუილია. არაფითარი შერიგება არ არის შესაძლებელი. და აქედან სწორეთ ჩვენ იმ დასკვნამდე მივდივართ, რომ აუცილებელია იქ კატასტროფა, ისეთი კატასტროფა, როგორიც მოხდა რუსეთში. სხვა გზა არ არის. საერთაშორისო მდგომარეობის მოწესრიგება ვერ შესძლო ერთა ლიგამ. ვერ შესძლებს ამას ევროპის სახელმწიფოები და ყველასათვის ცხადია, თუ რა ცვლილება ხდება დღეს ევროპაში. ამას გვეუბნება ჩვენ, სხვათა შორის, ის ერთი დიდი დამახასიათებელი ფაქტი, რომელსაც ადგილი აქვს დღეს. ეს არის ევროპის მუშების მოსვლა საბჭოთა კავშირის დასათვალისწინებლად. ამას თქვენ ხედავთ დღეს. ყველამ იცით და ყველას მოგეხსენებათ, რომ კომუნისტები, ბოლშევიკები ცნობილი იყვნენ ევროპაში, როგორც კაცის მჭამელები, რომლებიც ანგრევდნენ და ანადგურებდნენ ყოველგვარ კულტურულ და ეკონომიურ ცხოვრებას. ასე ატყუებდნენ მათ.

მაგრამ ამ უკანასკნელ დროს, განსაკუთრებით გასული 1925 წლიდან ხდება დაუსრულებელი დენა ევროპის მუშებისა საბჭოთა კავშირში, განურჩევლად პარტიისა. იქ კომუნისტები ცოტაა, შეიძლება ერთი ორი შეგხვდეს, უმეტესი სოციალ-დემოკრატები, ან უპარტიოები. მოდიან ჩვენი მუშაობის სანახავათ-რას მოწმობს ეს? რასაკვირველია იმას, რომ საბჭოთა ქვეყნებში რალაც ახალი კეთდება. რალაც ხდება მათთვის საინტერესო. აი რას მოწმობს ეს. წინათ ჩვენთვის იყო ოცნება, გვენახა იქაური ცხოვრება, დღეს კი იქაური მუშები და ინტელიგენციაც, მე მხედველობაში მყავს მეცნიერები, მწერლები, მოდიან მუშებთან ერთად, რომ გაიგონ რა ხდება, რა საქმე კეთდება აქ, რომ თავის თვალთ და თავის ყურით დარწმუნდნენ ამაში. ეს დამახასიათებელია დღევანდელი მდგომარეობის. ევროპის მუშები გრძნობენ, რომ აქ რალაც კეთდება, რომ აქ იჭედება ახალი ცხოვრება. ამას ეცნობიან ისინი.. აი ის ცვლილება რის შესახებაც მე მოგახსენებთ. რაში გამოიხატება ეს ცვლილება? რა მოაქვს ამ ცვლილებას? ბურჟუაზიულ წესწ-ყობილების, კაპიტალიზმის რღვევა და განადგურება, და მოახლოვება შეტაკებისა, მოახლოვება კატასტროფისა. აი ეს არის ის, რაც გამოიხატება სწორეთ იმ ფაქტებში, რომელსაც ყოველ დღე აქვს ადგილი.

ეხლა მინდა გადავიდე ნაციონალურ-ეროვნულ საკითხზე. ბურჟუაზიას არც შეეძლო, რომ ეს საკითხი გადაეჭრა და ვერც გადაჭრა. წარმოების საკითხი

როგორ გადაჭრა? წარმოების საკითხი ე. ი. კაპიტალიზმის განვითარება ერთის მხრით, თუ წარმოება არ განვითარდა, არ გადიდდა ესეც ეს საკითხი არ მოგვარდებოდა. მაგრამ ვერც ეს საკითხი იქნა გადაჭრილი, რადგან წინადასაკმაყოფილებლად. აქ მუშასა და ბურჟუაზიის შორის მწვავედება საკითხი და ხდება ლტოლვა კატასტროფისაკენ. როდის მოხდება ეს შეტაკება, ეს კატასტროფა, ამის წინასწარმეტყველი ჩვენ არ ვიქნებით, მაგრამ რომ ტენდენცია არის აქეთკენ ამას ვერავინ უარყოფს.

გადავიდეთ ეხლა საქართველოზე. მე არ მინდა აქ მთელი კავშირის მასშტაბით ვილაპარაკო. მე შევჩერდები მხოლოდ საქართველოზე. უნდა მოვახსენოთ, რომ ხუთი წელიწადი შესრულდა მას აქეთ, რაც აქ დამყარდა საბჭოთა ხელისუფლება. მე არ შევეხები მას, თუ რა პირობებში მოხდა ეს. ამზე აქ ლაპარაკი ხედმეტია. ეს მოხდა იმიტომ, რომ სხვა გზა არ ქონდა საქართველოს ხალხს. საჭირო იყო ხელისუფლება, რომელიც დამყარებული იყო რუსეთში და რომელთანაც, მიუხედავად ყოველგვარი მახინაციებისა, საქართველოს ხალხი მაინც დაკავშირებული იყო. მე არ ვეხები ამ გარემოებას, მე მინდა მხოლოდ მოკლეთ წარმოვიდგინო ამ ხუთი წლის განმავლობაში ვითარება ჩვენი ხალხის ცხოვრებისა. ამხანაგებო, მართალია ხუთი წელიწადი დიდი ხანა არ არის, მაგრამ ჩვენი მუშაობისათვის, ჩვენს დროში ეს ხუთი წელიწადი მთელი ეპოქა შეიქმნა. კარგათ იცით, რომ საბჭოთა ხელისუფლების დაარსება დაიწყო საქართველოში, ყოფილ დემოკრატიულ მთავრობის გადავარდნით საზღვარ გარეთ. მას თან გაყვა საკმაოდ დიდი ხალხი. ეხლაც ამბობენ, რომ იქ დარჩა ათასამდეო და მაშინ რა თქმა უნდა უფრო მეტი იქნებოდა.

გაქცეულებს, რა თქმა უნდა, აქ დარჩათ რამოდენიმე ათასი ნათესავი და მეგობრები, რომელნიც ვერ შეურიგდებოდნენ იმ გარემოებას, რომ საქართველოში ასეთი ცვლილება მოხდა და დემოკრატიული მთავრობა გაიქცა. რა თქმა უნდა ასეთი ცვლილება უმტკივნელოდ არ მოხდებოდა. საქმე იმაშია, რომ ეს ცვლილება ისტორიულად აუცილებელი იყო. ქართველ ხალხს ათამაშებდნენ, ის სათამაშოთ იყო გადაქცეული, ხან გერმანიის ხელში, ხან ინგლისის და ხან საფრანგეთის. მეორე მხრით ჩვენ უნდა ვიცოდეთ, რომ ყოველგვარი ასეთი ცვლილება თხოულობს ერთნაირ ძალდატანებას. ერთი ხელისუფლება რომ მეორემ შესცვალოს—აუცილებელია რომ ეს მოხდეს თავდაპირველად დიდი შეტაკების საშუალებით, ძალით, ფიზიკური ძალის მოხმარებით. ეს, ამხანაგებო, თავის თავად იწვევს გამწვავებას. გარდა ამისა, ახალი ხელისუფლება, რომელიც ევლინება ქვეყანას, შეუძლებელია წარმოვიდგინოთ, რომ ის დაწყებული თავიდან ბოლომდე ყოველად უმწიკვლო, შეუმცდარი იყოს, რომ მას არა ქონდეს ნაკლი. რა ბევრი გავაგრძელო, ამხანაგებო, აქ იყო მოშხამული პაერი. ის პროვოკაცია, რომელსაც ავრცელებდნენ საზოგადოებაში, ხალხში, გლეხობაში ჩვენი პარტიის შესახებ—ენით გამოუთქმელია, დაუჯერებელია; მაგრამ ხალხს ეს რამდენიმედ აღბად სჯეროდა, პირველ ხანებში მაინც. ფიქრობდნენ და ოცნებობდნენ „როდის მოვლენ“, „როდის ჩავვიბარებენ“. ეს მთელი ხანა იყო, „მოვლენ“ აქიდან, ზღვიდან, ყველაფერს მოგვიტანენ: თავისუფლებას, საქონელს და სხვა

ასეთი... ამხანაგებო, აქ არაფერია დასამალავი. არა, რა საჭირო არის პირდაპირ უნდა ვსთქვათ სიმართლე, ჩვენ არ შეგვეძლო გაფრებულად იყავით, ჩვენ არ ვთამაშობთ. თუ საბჭოთა ხელისუფლება საჭირო არის ხალხისთვის, ჩვენ ამისათვის ყოველგვარი ზომები უნდა მივიღოთ, რომ ეს ხელისუფლება შევინარჩუნოთ. მაგრამ ჩვენ გვეუბნებიან: „კი ეს ყველაფერი კარგია, მაგრამ გაიფლიტა აქ საქართველოს დამოუკიდებლობა, ქართველმა ხალხმა დაკარგა დამოუკიდებლობა.“ მართალი უნდა ვსთქვათ ერთხელ და სამუდამოთ რაც სათქმელია, რაც გვითქვამს არა ერთხელ. როგორ გვქონდა წარმოდგენილი საქართველოს დამოუკიდებლობა, რომ ვთქვათ ყველას ჩვენ, სოციალ-დემოკრატებს, მენშევიკებს და ბოლშევიკებს. დავანებოთ თავი წინანდელ ხანას, ავიღოთ 17-18 წ წ. განა მენშევიკები ფიქრობდენ, ან სხვა რომელიმე პარტია ფიქრობდა (შეიძლება იყვენ აქ საქართველოს ავტონომიის მოტრფიალენი, მე ვიცი ეს კარგათ,) მენშევიკებს როგორ ქონდათ წარმოდგენილი, განა ისინი ფიქრობდენ საქართველოს ცალკე სახელმწიფოს დაარსებაზე. დაარსდა ამიერ-კავკასიის სეიმი. ყველამ კარგათ იცით თუ ვინ იყო ამიერ-კავკასიის სეიმის მეთაურები. რასაკვირველია—საქართველოში მენშევიკები და სხვა რესპუბლიკებში კედევ შესაფერი პარტიები, მაგრამ თუ ვერ იხეირა ამ სეიმმა,—რისთვის? რა იყო მიზეზი იმისა, რომ საქართველო ცალკე გამოეყო, სომხეთი და—აზერბაიჯანი კიდევ ცალკე?

ამ სეიმს მაშინ არავითარი საფუძველი არ ქონდა, იმისთვის, რომ ის ელემენტები, რომლებიც შეადგენდა სეიმს—ერთმანეთს სჭამდენ, ორმოს უთხრიდენ. სეიმში ერთად ლაპარაკობდენ და გარეთ კი უმზადდენ ორმოს ერთიმეორეს. განა შეიძლებოდა ასეთ პირობებში ამიერ-კავკასიის სეიმის არსებობა? არ შეიძლებოდა და ამ მიზეზით სეიმი დაინგრა და დაარსდა საქართველოს, ეგრედ წოდებული, დემოკრატიული რესპუბლიკა. ყველამ ვიცით და დასაფარავი არ არის აქ, შეიძლებოდა თუ არა მაშინ და დღევანდელ პირობებში—დაც, რომ საქართველოს, ამ პატარა ერს, პატარა ხალხს შეენარჩუნებია საბჭოთა დამოუკიდებლობა, ჩაეკეტა კარები და არც იქეთ და არც აქეთ—„მე არავის ეცნობ, მე მინდა მარტო ჩემთვის ვიცხოვროო“. ამხანაგებო, რისთვის უნდა მოვიტყუოთ თავი. განა ვინ მისცემდა ნებას, რომ ამ გზაზე, შარა გზაზე მყოფ ხალხს, ასეთი პოლიტიკა დაეცვა, ეს იყო თავის თავის დატყუილება, შეუძლებელი იყო, რომ ასეთი პატარა ხალხი არ მისდგომოდა რომელიმე დიდ სახელმწიფოს, არ ყოფილიყო მის მფარველობის ქვეშ. და მართლაც ეს ასე იყო. სინამდვილეში ასე იყო, მხოლოდ და მხოლოდ დამოკიდებული ხან ანტანტისაგან, ხან გერმანიისა და ხან ინგლისისაგან. წაიკითხეთ ავალიშვილის წიგნი. მე მგონია, რომ იქ მხოლოდ ფაქტები ლაპარაკობენ იმის შესახებ, თუ რა იყო. რისთვის ვლაპარაკობ მე ამას? მე ვამბობ ამას იმისთვის, რომ პირდაპირ ვსთქვა—შეიძლება თუ არა ლაპარაკი ისეთ საქართველოზე, როგორც ეს ოცნებაში აქვს წარმოდგენილი ზოგიერთს, შეიძლება თუ არა ასეთი საქართველოს არსებობა?—არ შეიძლება. გამოსავალი ერთი იყო. ჩვენ ან უნდა მივკედლებოდეთ საბჭოთა რუსეთს ან და ბურჟუაზიულ-იმპერიალისტურ ქვეყნებს. მენ-

შევიკებმა და სხვა პარტიებმა არჩიეს იმპერიალისტები, ჩვენ ვარჩიეთ რუსეთის მშრომელი ხალხი. აი, ამხანაგებო, მთელი ისტორია. ჩვენ არავის არ ვატყუებთ, მაგრამ ამავე დროს ვამბობთ, რომ ნაციონალური საკითხები

ეროვნული საკითხი, რომელიც მართლაც სოციალურ-სამეცნიერო შემდეგ მუშათა საკითხს შემდეგ, პირველი ადგილი უჭირავს, როგორ არის გადაჭრილი? უნდა თვალები დახუჭოს ადამიანმა და არ დაინახოს ის რაც ხდება დღეს ყოფილ რუსეთის იმპერიის ტერიტორიაზე. ვინ იყო ის, რომელმაც ეს საკითხი წამოაყენა მთელი თავისი სიგრძე სიგანით. ეს იყო ჩვენი პარტიის ბელადი ლენინი. ეს იყო ბოლშევიკური პარტია. არც ერთ პარტიას, არც ნანამდე და არც შემდეგ მთელ დედამიწის ხურგზე ჯარ დაუყენებია ეს საკითხი ამ ხაზით, და განა ეს მარტო იტყვიან. აბა შეხედეთ, რა ხდება დღეს ყოფილ რუსეთის იმპერიაში, შეხედეთ იმ გადაგვარებულ ხალხთ, რომლებმაც თითქმის დაკარგეს საუკუნეების განმავლობაში თავისი მეობა. დღეს ყველა ეს ხალხი აღორძინების გზას დაადგა. ხალხი, რომელსაც არასოდეს არ ქონებია თავისი მწერლობა, რომელსაც შეიძლება არც ერთი წიგნი არ ქონიათ თავის ენაზე, დღეს ქმნიან თავის ლიტერატურას, თავის ეროვნულ კულტურას. და ამაში მას ეხმარება კომუნისტური პარტია, ლენინის პარტია, საბჭოთა ხელისუფლება. მე ამასწინათ წავიკითხე ერთი ფურცელი გამოცემული მენშევიკების მიერ. იქ ასეთი საოცარი შედარება იყო. იქ იხსენიებენ იოანე მრისხანეს და მისი მემკვიდრე კი ლენინიო, რასაკვირველია როცა ამას იტყვის ადამიანი და დასწერს კიდევ ქაღალდზე, მისი საქმე წასულია. მისი გამობრუნება აღარ შეიძლება. ლენინს, ვის სახელსაც ლოცულობს დღეს მთელი მსოფლიოს მუშათა კლასი, რომელიც, როგორც მხსნელი მოევლინა დაჩაგრულ კაცობრიობას, უწოდებენ იოანე მრისხანეს. მაგრამ ეს გაბოროტებაა და მას ვერაფრით ვერ გამოასწორებთ. თუ ასე მიუდგებით საქართველოს დამოუკიდებლობის საკითხს, თუ უმაღლეს მისი უშუალოთ ხარისხზე დაყენება, თუ შესაძლებელია მისი შენარჩუნება, ეს მხოლოდ საბჭოთა ხელისუფლების პირობებში. მხოლოდ იმ პირობების მიხედვით შეიძლება ამის შენარჩუნება! ეს საკითხი განსაკუთრებულ მწვავე ხასიათს ღებულობდა საქართველოში. როცა ჩვენ ველაპარაკებით საქართველოს მწერლებს, ჩვენ ვფიქრობთ, რომ საჭიროა, მათ ერთხელ და სამუდამოთ უნდა ამოწურონ ეს საკითხი. თქვენ დაინტერესებული ხართ იმაში, რომ ხალხი გათვითცნობიერდეს, ამაღლდეს ხნობრივად, გონებრივად, ნივთიერად. ეს ყოველდღე უნდა მოხდეს, ქართულ ლიტერატურის დახმარებით. თქვენ მოგეხსენებათ, რომ დღემდე ამ მხრით საქმე ვერ იყო კარგად. იყო მეტად მძიმე პირობები, რომელშიაც ახალ მთავრობას და ახალ ხელისუფლებას მოუხდა მუშაობა. ყოველ ფეხის გადადგმაზე, საშიშლარი პროვოკაცია და ცილის წამება იყო. მაშასადამე, საჭირო იყო ამასთან ბრძოლა და ამავე დროს საჭირო იყო მუშაობა ეკონომიურ და კულტურულ ფრონტზე, ე. ი. დადებითი მუშაობა. ჩვენ არ ვამბობთ რომ აქ ჩვენ არ გვქონდა შეცდომები. ეს შეუძლებელია, ჩვენ ჩვენი ქვეყანა უნდა გარდავქმნათ ახალ ქვეყანად და ერთბაშად ამის ქნა შეუძლებელია. მით უმეტეს ასეთ ჩამორჩენილ ქვეყანაში, როგორც

ჩვენი ქვეყანაა, სადაც ჩამორჩენილია მრეწველობა, ტექნიკა და სა-
დაც მხოლოდ შედარებით სხვა რესპუბლიკებთან შეიძლება წერა-კითხვის
მცოდნე გვყავდეს მეტი. ასეთ ქვეყანაში მუშაობას ბევრი დაბრკობა ქონდა.
და მე თავს არ შეგაწყენთ ამაზედ ლაპარაკით და დიდ დროს არ წაგართმევთ.
მე მგონია ვინც მოისურვებს ამის გაცნობას, მას ამის საშუალება ექნება. მე
მიგითითებთ მხოლოდ იმაზე, თუ კულტურულ დარგში რა მუშაობა სწარმოებდა.
აქ მე მხოლოდ რამოდენიმე ციფრს დაგისახელებთ. მაგალითად ავიღოთ სკო-
ლები. მართალია, ჩვენ აქ ჯერ კიდევ ბევრი გვაქვს გასაკეთებელი, მართალია,
მთელი მოთხოვნილება ხალხისა ამ მხრივ ჯერ ვერ დავაკმაყოფილებთ, მაგრამ
შაინც საინტერესოა ვიცოდეთ, თუ რა გავაკეთეთ ჩვენ აქ. ყოველ გვარი
სკოლა, ჩვენში არის დღეს—2126. სწავლა განათლებას იქ ღებულობს—260.000
მოწათე. მასწავლებელთა რიცხვი—10.051. ეს რომ შევადაროთ იმ დროს,
როცა ჩვენ მივიღეთ ხელისუფლება, გამოვა, რომ ეს დარგი ერთი ორათ
გაიზარდა. უმაღლეს სასწავლებლებში—ამ უკანასკნელ 25 წელში იყო ტფილი-
სის უნივერსიტეტში 5.118 სტუდენტი, ამათში—1606 ქალი, დანარჩენები ვა-
ყები პოლიტექნიკუმზე არ ვლაპარაკობ. აქაც მეტი იყო ვინემ მენშევიკების
დროს, ორჯერ და კიდევ მეტი. ავიღოთ ეხლა მეორე მხარე. როგორც იცით,
ჩვენ გვქონდა დასახული მიზნათ, რომ ათი წლის თავზე, ე. ი. 1927 წლის 25
ოქტომბრისათვის მოგვესპო მთელ საბჭოთა ტერიტორიაზე წერა-კითხვის უცო-
დინარობა. რა თქმა უნდა, რომ ეს ისეთი დიდი, უზარმაზარი ამოცანა არის,
რომლის თქმა ადვილია, მაგრამ შესრულება მისი ძალიან ძნელია, მიუხედავად
იმ დიდ მუშაობისა, რომელიც სწარმოებს მოზრდილთა შორის. მე ამას განსა-
კუთრებით ვაქცევ თქვენ, მწერლების ყურადღებას, ვინაიდან თქვენ სწერთ და
თქვენ დაინტერესებული ხართ, რომ ეს თქვენი დაწერილი წაიკითხოს ხალხმა.
თორემ რა გამოვიდა თუ თქვენ დასწერთ და მართო თქვენ წაიკითხავთ. ამი-
სათვის მე ვაქცევ თქვენს ყურადღებას—თუ რა ხდება ამ დარგში. ჩვენ გამოან-
გარიშებული გვქონდა 18 წლიდან 40 წლამდე მოგვესპო წერა-კითხვის უცო-
დინარობა. ჩვენ დავაარსეთ ამისათვის სკოლები. 1922 წლიდან—23—25 წლის
განმავლობაში, ასეთ სკოლებში წერა-კითხვა ვასწავლეთ 53—ათას მოზრ-
დილს. და ეხლა სწავლობენ კიდევ 60 ათასი. განა ეს ცოტა საქმეა?

ეს, ამხანაგებო დიდი მიღწევა არის ჩვენისთანა ლარიბ-ლატაკ ხალხისათ-
ვის. უნდა წარმოიდგინოთ, თუ რა დიდი შრომის და ენერჯიის ხარჯვა არის
საჭირო.

ახლა გადავიდეთ ქალთა საკითხზე. ამ დღეებში თქვენ აქ წაიკითხავდით
გაზეთებში, ერთ სასაცილო ამბავს: ქ. ნიუიორკში, ამ დღეებში დაიჭირეს ერთი
ინგლისელი ქალი, მაღალი წოდების, ლოდრის ცოლი. რისთვის დაიჭირეს?
იმისთვის, რომ ის თურმე ნიუიორკში, ცხოვრობდა მეორე ლორდთან, ისეთი
ქორწინებით, რომელიც რეგისტრაციაში არ იყო გატარებული. ქალი დაიჭი-
რეს იმისთვის, რომ იტყვიან—ქანონიერი მზით არ იყო შეუღლებული მეორე
კაცთან. აი დამახასიათებელი ფაქტი, ზნე-ჩვეულება, რომელიც უმაღლესად
განვითარებულ და ცივილიზაციურ ქვეყნებში არსებობს. რისთვის მფახსე-

ნეთ ეს მე. იმისთვის, რომ ქალთა საკითხს საბჭოთა რესპუბლიკებში განსაკუთრებული ყურადღება აქვს მიქცეული. იმისათვის, რომ ქალი, სურფოდ, ორნაირად იტანჯება ბურჟუაზიულ ქვეყნებში, როგორც მშრომელი და მწერე როგორც ცოლი, როგორც დედა, როგორც და. ბურჟუაზიულ ქვეყნებში დედაკაცის თანასწორობაზე ლაპარაკი ზედმეტია, ბურჟუაზიულ ქვეყნებში რომ გაიძახიან თანასწორობაზე, — ეს ტყუილია, სიცრუეა. სქესების არაერთარ თანასწორობაზე ლაპარაკი არ შეიძლება ბურჟუაზიულ ქვეყნებში. მხოლოდ საბჭოთა ქვეყანაში შესაძლებელია ეს თანასწორობა. როგორც იცით საბჭოთა კანონებმა უკვე დააკანონეს დედაკაცის და მამაკაცის სწორუფლებიანობა. მაგრამ ამის ცხოვრებაში გატარება ასე ადვილი არ არის. უბედურება იმაშია, რომ არა თუ მარტო სოფელში, არამედ ქალაქშიაც, ვისთან გინდათ ოჯახში შეხვიდეთ, შეიძლება განათლებულ ოჯახშიაც — ვერსად ვერ ნახავთ, რომ ქალი სარგებლობდეს იმ უფლებებით, რომლებიც მას საბჭოთა კანონებმა მიანიჭა. ამის გატარება ცხოვრებაში მხოლოდ ბრძოლით შეიძლება, რასაკვირველია არა იარაღით, არა თოფ-ზარბაზნით, არამედ შრომით, ენერჯით, სწავლით.

ამ ბრძოლას აწარმოებს საბჭოთა ხელისუფლება და კომუნისტური პარტია. როგორ, რა გზით? არის დაარსებული პარტიულ კომიტეტებში ქალთა განყოფილებები, არის ქალთა კომისიები საბჭოთა ხაზითაც. როგორი სისტემით აწარმოებენ ამ მუშაობას? ქალაქებში გამოყოფილია ასეთი ორგანიზაციები და გამოყავთ ქალები იმ უცოდინარობიდან და თავდავიწყებიდან, რომელშიაც ისინი იმყოფებოდნენ და მე მგონია ვერაფერ ვერ იტყვის იმას, რომ სადმე ევროპიულ სახელმწიფოებში ასეთი მუშაობა სწარმოებდეს ამ მხრივ. ჩვენ გვყავს ქალთა დელეგატები. მათ ირჩევენ საზოგადო კრებაზე თვით ქალები. იმათი დანიშნულებაა ქალების საბჭოთა აღმშენებლობის მუშაობაში ჩაბმა. ქალთა დელეგატების რიცხვი იყო 1924 წელს 3210, 1925 წელს კი ასეთ დელეგატთა რიცხვი იყო 7512. ისინი არჩეული იყვენ 50.000 ქალისაგან. რა თქმა უნდა, ეს მუშაობა მხოლოდ ახლა იწყება, ეს არის დიდი მუშაობა. ქალის გამოყვანა მონურ პირობებიდან მეტად ძნელია. პარტია და საბჭოთა ხელისუფლება ცდილობენ, რომ ქალებმა აქტიური მონაწილეობა მიიღონ საბჭოთა არჩევნებში. შარშანწინ საქართველოში 123.000 ქალმა მიიღეს მონაწილეობა ამ არჩევნებში. ეს შედარებით კარგი დაწყებაა. მაგრამ ჩვენ ამით არ ვკმაყოფილდებით. საჭიროა ქალების ჩაბმა პრაქტიკულ მუშაობაშიც. თემის საბჭოებში არიან 1827 ქალი. ქალაქის საბჭოებში კი 274.000, თემის აღმასკომებში, სადაც აღმინისტრაციული მუშაობა სწარმოებს, 22 ქალია. მაზრებში — 25. ამნაირად სწარმოებს მუშა ქალების ჩაბმა მუშაობაში. ჩვენ ვფიქრობთ — ყოველივე ეს უპირველეს ყოვლისა საყურადღებოა მწერლებისათვის. თქვენ ხშირათ უმღერით მათ. (სიცილი) მაგრამ საჭიროა ქალებმა წაიკითხონ მაინც ის თქვენი ნაწერები. ავიღოთ ეხლა მწერლობა, ლიტერატურა, ჟურნალ-გაზეთები. შევჩერდეთ მარტო ჟურნალ-გაზეთებზე. ჩვენში დღეს ქართულ ენაზე თორმეტი გაზეთი გამოდის. მე მხედველობაში მაქვს პროვინციაც. ჟურნალთა რიცხვი 31-ია. 29 მათ შორის ქართულია, რასაკვირველია ყველა ეს გადის ხალხში. ქალებსაც

აქვს თავიანთი საკუთარი გაზეთი. აგრეთვე პროფკავშირებისა და ახალგაზდა კომკავშირსაც. რას უდრის ჩვენი გაზეთების ტირაჟი! „კონსტანტი“ ვრცელდება— 21.000, „მუშა“ ამდენივე. „ახალი სოფელი“ ვრცელდება— 30.000-მდე, ვეხები მხოლოდ ამ სამ გაზეთს, რომელთა ყოველდღიური ტირაჟი ახწევს 70.000-80.000-დე. ახლა აიღეთ კედლის გაზეთები. კედლის გაზეთის ანგარიში არ მაქვს. მაგრამ ესეც ერთგვარი ლიტერატურაა, რომელზედაც იზრდება ახალი თაობა და რომელიც ამ ბოლო დროს სერიოზულ სახეს ღებულობს თუ დაუკვირდებით. თუ გნებავთ, ესაა ლიტერატურის ნამდვილი დემოკრატიზაცია. ყოველგვარ საშუალებას ვღებულობთ ლიტერატურის სფეროს გასაფართოებლად. აქ ყველა ღებულობს მონაწილეობას, ავრცელებს, სწერს. კასტა ძველი მწერლებისა დღეს აღარ არის. იგი გადემოკრატდა. ახლა ავიღოთ მუშკორები, გლეხკორები და სხვა და სხვა... ესეც ახალი დიდი მოძრაობაა ლიტერატურაში.

აქედან ჩვენ შეგვეძინებინან ახალი ნიქიერი ჟურნალისტები, პუბლიცისტები და მწერლები. აი ნამდვილი დემოკრატია ამას ქვიან.

როგორი უნდა იყოს ასეთ პირობებში მწერლების ამოცანები, ეს მეტად რთული საკითხია. მე ვიცი, რომ ჩვენს მწერლობაში დღეს რამოდენიმე მიმდინარეობა არსებობს. უპირველესად ყოვლისა საჭიროა გავიხსენოთ წარსული, როცა მწერლობა მხოლოდ ვაბატონებულ კლასების პრივილეგიას წარმოადგენდა. შორეულ წარსულს რომ თავი დავანებოთ, ასე იყო მეცხრამეტე საუკუნეშიაც, თუმცა მეცხრამეტე საუკუნის მწერლობას რამდენიმედ უკვე ეტყობა გადემოკრატება. ნართალი უნდა ვთქვათ, რომ კარგად სწერდენ, ენაც კარგი ჰქონდათ, ფორმაც. ამას ვერავინ ვერ უარყოფს. სიაშოვნებით წავიკითხაუ ეხლაც იმ ლექსებს, პოემებს, რომელიც იწერებოდა აკაკი წერეთლის, ილია ჭავჭავაძის და სხვების მიერ. მაგრამ ხალხის ინტერესები სინამდვილეში იმათ არ სწამდათ, და თვით მწერლობას ხალხში ნიადაგი არ ქონდა. მეორე მხრივ, როგორც ვთქვით, თითონ მწერლები ეკუთვნოდნენ თავად-აზნაურობას, ისიც— მაღალ თავად-აზნაურობას. შეიძლება სადმე გამოერეოდა ისეთი, როგორც დანიელ ჭონქაძე, ეგნატე ნინოშვილი შემდეგში, დავითაშვილი— პირველი ხალხური პოეტი ჩვენში. რა თქმა უნდა, დღეს მწერლობა ასე აღარ შეიძლება გამოვკვებოთ. მეორე გარემოება, რომელსაც მე აქ უნდა შევეხო არის შემდეგი. რა თქმა უნდა, მე აქ არ ვეხები კრიტიკულად იმ მიმართულებებს, რომლებიც ჩვენ მწერლობაში არსებობენ დღეს, ვინაიდან ეს ყრილობის საგანი არ არის, ეს ლიტერატურის დარგია, კრიტიკა, განხილვა, დაფასება, ეს რასაკვირველია ყრილობის საწმე არ არის და ამას მე არ ვეხები. მაგრამ მე ერთ გარემოებას უნდა შევეხო იმიტომ, რომ ამას დიდი მნიშვნელობა აქვს ჩვენი ყრილობისათვის და შემდეგში ამ დარგში მუშაობისათვის. მე მოვახსენებთ პროლეტარულ კულტურასა და პროლეტარულ ხელოვნებაზე. როგორც თქვენ ჩემზე უკეთ იცით— ეს საკითხი სდგას, იდგა რუსეთში, სდგას ჩვენშიც. წარმოიდგინეთ, რომ აქ დიდ გაუგებრობას უნდა ქონდეს ადგილი. საერთოდ რომ ვთქვათ კულტურა, ხელოვნება თავასთავად ყოველანაშ შეუძლებელია, რომ ეს რომელიმე წოდებას ეკუთვნოდეს,

ბურჟუაზიული კულტურა, ბურჟუაზიული ხელოვნება, გამბობთ ჩვენ — მაგრამ ეს არ გამოხატავს სინანდვილეს. ყოვლად შეუძლებელია კულტურა, ტექნიკა, ხელოვნება რომელიმე წოდებას ეკუთვნოდეს. შეიძლება და სინამდვილეში სწორეთ ეს არის, რომ ამ ხელოვნებას, ტექნიკას, კულტურას იყენებს უნდა ეს კლასი და ამიტომ უწოდებენ ბურჟუაზიულს, თავად-აზნაურულს, პროლეტარულს. განა შეიძლება ლაუაზიეს, მაიგრის, ჰელმოვოდოცის პავლოვის მეცნიერებაში კანონების აღმოჩენა, მივაკუთვნოთ ბურჟუაზიას? ყოვლად შეუძლებელია, ასტრონომია, მათემატიკა ან სხვა დარგი მეცნიერებისა მივაკუთვნოთ რომელიმე წოდებას, არ შეიძლება ეს იყოს პროლეტარული, ან ბურჟუაზიული. ამისათვის მე ვამბობ, რომ აქ კარგათ უნდა იყვეს გარკვეული, თუ როგორ გვესმის ჩვენ ბურჟუაზიული კულტურა და ბურჟუაზიული ხელოვნება. გამოყენება ძველი კულტურის, ძველი ცოდნის, ძველი ტექნიკის, გამოყენება ყველა იმისი, რაც კაცობრიობამ მოგვცა. აი რას ვამბობს ლენინი ამის შესახებ: „Нужно взять всю культуру, которую капитализм оставил и из нее построить социализм. Нужно взять всю науку, технику, все знания, искусство. Без этого мы жизнь коммунистического общества построить не можем.“

მაშასადამე კულტურა, ტექნიკა არც ერთ წოდებას, არც ერთ კლასისთვის დასაყრდენს არ წარმოადგენს. ყოველივე ეს არის კაცობრიობის ჰკუა-გონების ნაყოფი. მისი რამოდენიმე ათასი წლის განმავლობაში ნამუშევარი. ეს კულტურა მუშათა კლასმა უნდა გამოიყენოს, ისე როგორც მას ესმის. ის ინჟინრები, ის ექიმები, რომლებიც ბურჟუაზიას ემსახურებიან, დღეს საბჭოთა ხელისუფლებასთან მუშაობენ, და მუშათა კლასი იყენებს იმათ ცოდნას. რაც შეეხება ხელოვნებას, აქ საკითხი რასაკვირველია უფრო რთულია, მაგრამ აქაც ისე, როგორც კულტურის სხვა დარგში. ჯერ ერთი ჩვენ არ შეგვიძლიან შევქნათ განსაკუთრებული პროლეტარული ხელოვნება, პროლეტარული კულტურა. ჩვენ არ შეგვიძლიან ვთქვათ უარი მაზედ რაც წინეთ იყო, ჩვენ რომ ამაზე უარი განვაცხადოთ, მაშინ საქმეს დავაფერხებთ დავწვეთ უკან. რაც გინდ ბურჟუაზიული, რაც გინდ ფეოდალური იყოს დანტე, ან სერვანტესი, ჩვენ განა შესაძლებელია ისინი ამისათვის უარუყოთ და მუშებს ისინი ვერავითარ საზრდოს მისცემენ? ვის შეუძლია თქვას, რომ ისინი საჭირო არ არიან. აი სწორეთ ამ მხრით, რომ არ მოხდეს გაუგებრობა უნდა ვთქვათ ერთ-ხელ და სამუდამოდ, რომ ჩვენ პროლეტარულ ხელოვნებას, პროლეტარულ კულტურას ვერ დავისახავთ მიზნათ, ვერ შევქმნით მას რასაც ნიშნავს ეს პროლეტარული კულტურა? ეს ნიშნავს, იმას, რომ ბურჟუაზიას ქონდა თავის კულტურა და ჩვენ ეხლა ერთი ხაზის გასნით ვსპობთ მასო. არა. ჩვენ უნდა შევითვისოთ ის კულტურა, რომელიც ბურჟუაზიას ქონდა და გამოვიყენოთ ისე როგორც ეს ჩვენ გვესაჭიროება, განა ის სამხატვრო კულტურა, რომელიც ბურჟუაზიამ შექმნა შესანიშნავი არ არის თავის ტექნიკით? და თუ დღეს ჩვენ პროლეტარული მწერლები ამას არ მიიღებთ მაშინ თქვენ ვერ შესძლებთ თქვენი ნაწარმოებით კვებოთ ხალხი. მაშასადამე, ჩვენ ვამბობთ, რომ აქ საკითხი დგას ასე: დღევანდელ ჩვენს პირობებში ჩვენ არ ვეხებებით ფორმას. ტექ-

ნიკას, რომელი მწერალი როგორ დასწერს და გაავრცელებს ხალხში ამას თვით ხალხი დააფასებს. ჩვენს წინაშე დგას საკითხი ასე. ჩვენში მოხდა უაღრესი ცვლილება. მოხდა უუდიდესი რევოლუცია. ეს რვა-ცხრა წელიწადია არსებობს და შეუძლებელია ვთქვათ რომ მწერლებზე, ამ რევოლუციას, არ მოუხდენია არავითარი გავლენაო. ჩვენ რომ ეს ვთქვათ ეს რყუილი იქნება. ვერც იმას ვიტყვით, რომ მხატვრობა, მხატვრული ნაწარმოები ყოველივე ამის გარეშე იდგეს. ყოვლად შეუძლებელია, რომ ამ დიდ მოვლენას არავითარი გავლენა არ მოეხდინა მწერლობაზე. თუ არის ვინმე, ვინც ამას იტყვის, მაშ ის მწერალიც აღარ ყოფილა, ასე რომ ისმის საკითხი: ქართული მწერლობა სცნობს თუ არა ამ რევოლუციას, რომელიც მოხდა. რომელმაც ძირითადად შესცვალა ყველაფერი, რამაც განოიწვია ყოველივე, ის, რასაც მე აქ გაკვრით შევვებ. მე აქ არ შევეხები ფეოდალურ ეპოქის ნაშთების მოსპობას, მიწის საკითხის მოგვარებას. განა იქ, სოფლებში და ქალაქებში არ მოსჩანს ყველა ეს? მაშასადამე ისმის საკითხი სცნობთ თქვენ ამ რევოლუციას, თუ არა. სცნობთ ამას ხალხის მდგომარეობის გასაუმჯობესებლად. ხალხის საკეთილდღეოდ, თუ არა. რაც შეეხება ფორმას, და სხვა მიმდინარეობას—ფუტურიზმს, სიმბოლიზმს, მოდერნიზმს და სხვას ეს სხვაა: ამას ჩვენ არ შევეხებით. ჩვენ გვაინტერესებს მხოლოდ ის თუ როგორ უდგება ჩვენ დიად რევოლუციას ჩვენი მწერლობა. საკითხი ხშირად გადააქვთ სხვა სფეროში. ამბობენ, რომ დღევანდელ სინამდვილეში თითქო არ იყოს ისეთი რამ მოვლენები, რომელიც მოქმედებდნენ მწერალზე, მხატვრის ფსიქიკაზე და მის შემოქმედებაზე. გვეუბნებიან, რომ დიდი მწერლები ქმნიდნენ დიდ თხზულებებს დიდ მოვლენების გავლენის ქვეშ. აღარ გვაქვს დამოუკიდებლობა, არ შეგვიძლია ვსწეროთ თამარის დროზე და სხვა და სხვ. ეს საქმე არაა. განა ამ უკანასკნელ წლებში ჩვენს ცხოვრებაში არ არის ისეთი მხარეები, რომლებიც ბევრათ უფრო ღრმათ მოქმედებენ ხალხზე და მის გრძნობებზე? თუ ასეთი მოვლენები არ არის რომლებიც უნდა დაედვას საგნათ შემოქმედებას, მაშინ უნდა მოგახსენოთ, რომ იმათ, ვინც ამას ვერ ამჩნევს თვალები დახუჭული უნდა ჰგქონდესთ. ასეთი დიდი გადატრიალება, უდიდესი მოვლენა, რომელიც, ასე თუ ისე, მძლავრათ მოქმედებს ხალხის ტვინზე, ხალხის გრძნობაზე, განა შეიძლებოდა სხვა დროს? არ მგონია, რომ არც ერთ დიდ ეპოქაში ასეთ დიდ ამბებს, ასეთ დიდ მოვლენებს ქონოდა ადგილი. მართალია ყოველივე ამას დღეს კიდევ ვერ ვამჩნევთ, სავსებით ვერ ვხედავთ. კიდევ განმეორებით მოგმართავთ და გეუბნებით—რევოლუციას სცნობთ და იღებთ დადებითად? მაშინ ჩვენ დღევანდელი ხელისუფლების წარმომადგენლები თქვენთან ერთად მივდივართ ხალხთან, თქვენ თავისი მხატვრული ნაწარმოებით, ჩვენ კიდევ სხვა გვარი მუშაობით. ჩვენ დიდათ ვაფასებთ მხატვრულ ნაწარმოებს იმისაოვის, რომ ამის საშუალებით შეიძლება ლაპარაკი ხალხთან, უფრო ფართო მასასთან,—ეს ანბანური ქვეყმარტება არის. ეს ასე არის, როგორც პროლეტარული და ბურჟუაზიული რევოლუციის დროსაც. პროლეტარულ მწერლების საყურადღებოთ უნდა ვთქვათ, რომ იღებთ სიტყვა: პროლეტარული მწერლობა, შემოქმედება დაიწყო მის შემდეგ, რაც რევოლუციონური მოძ-

რაობა დაიწყო აი თითონ რაჟდენ კალაძე, რომელიც თითქო მარტოდ პრო-
ლეტარულ კულტურას, პროლეტარულ მწერლობას სცნობს. თითონ/რაჟდენ
კალაძეს აქვს ისტორია დაწერილი თუ როგორ გაჩნდნენ ჩვენნი მწერლები პრო-
ლეტარული მწერლები. აიღეთ დავითაშვილი. შემდეგ ჩვენნი მწერლები
ჟურნალი, რომელსაც მუშები სწერდენ. არ აკმაყოფილებდა მუშებს არც „ივე-
რია“, არც „დროება“ და თითონ მუშებმა იწყეს საკუთარი პრესის გაჩენა. ეს
არის ჩანასახი ამ პროლეტარული მწერლობის. პროლეტარული მწერლობა და-
იწყო მაშინ, როდესაც ჯერ კიდევ ბატონობდა ბურჟუაზია და ნეფე, შემდეგ
მოხდა მხოლოდ გაფართოება.

მაგრამ რომ აქ არ მოხდეს რაიმე გაუგებრობა, მე ვამბობ, რომ თავის თავად
პროლეტარული მწერლობა მაშინ შეიძლება გამაგრდეს, იქცეს ძალათ, თუ ის
შეითვისებს წარსულს. რომ ვთქვათ—რაც იყო მორჩა, გათავდა, აღარ არსე-
ბობს, არც რუსთაველი, არც ბარათაშვილი, არც დავით გურამიშვილი და ეხლა
იწყება ახალი რამ—ამხანაგებო, ეს შეცდომა იქნება. მეორე—მე ბევრჯერ შე-
მიძინებია პროლეტარულ მწერლებში, როგორც სჩანს ბევრი ნიჭიერი მწერლე-
ბი არიან და ისინი გახდებიან მომავალში კიდევ მეტი, მაგრამ ამისათვის სა-
ჭიროა, რომ ისინი არ იყვნენ უაღბ ნიადაგზე. მეორე მხრივ ჩვენ ვამბობთ,
რომ ყოვლად შეუძლებელია მხატვრული ნაწარმოები იყოს გარეშე ცხოვრები-
სა. ეს ყოვლად შეუძლებელია, რომ მან არ განიცადოს ის, რაც ხდება ცხოვ-
რებაში—ეს წარმოუდგენელი არის. მესამე—ის, რომ ვლებულობთ ჩვენ თუ არა
რევოლიუციას, როგორიც ის არის, რომელმაც ხალხში გაიდგა ტესტები, გაიდგა
ისე მაგრათ, რომ არაერთარ ძალას მისი აღმოფხვრა არ ძალუძს, რაც არ უნდა
მოხდეს. წარმოვიდგინოთ გადატრიალება რომ მოხდეს, ის, რაც დაიწყო,
იმის შეჩერება შეუძლებელია, არ შეიძლება. როგორ უნდა მიუდგეს ამას ჩვე-
ნი მწერლობა? საჭიროა, რომ სრულიად საქართველოს მწერლები ერთ კავ-
შირში შევიდნენ, დაარსონ ერთი დიდი კავშირი. ამას ხელს არ შეუშლის, რომ
აქ სხვადასხვა მიმდინარეობა არის, სხვადასხვა გვარი მიმართულება, ყველას
ამათგანს, თუ საჭირო იქნება შეუძლია ქონდეს თავის სექცია. მაგრამ ერთი
კავშირი უნდა იყოს, რომელიც აერთიანებდეს ყველა მწერლებს. აქვე უნდა
განვაცხადოთ, რომ ჩვენი მთავრობა მხარს უჭერს ყველა მიმდინარეობას მწერ-
ლობაში, ოღონდ კი რევოლიუციის ნიადაგზე იდგნენ, და მასთან არც მიმდი-
ნარეობას არ შეიძლება ქონდეს ეგემონობა. რასაკვირველია, არის ეგემონია
პროლეტარიატის, მუშათა კლასის ბატონობა, მაგრამ ლიტერატურაში რომე-
ლიმე ჯგუფის ხელოვნურათ ეგემონობა შეუძლებელია. აქ არის ყველა მწერ-
ლები, რომელნიც კი ლებულობენ, მიიღებენ მოწმდარ რევოლიუციას. აი მთა-
ვარი საკითხი ამ ორ სიტყვაში განიხილება.

ეხლა დასასრულ ერთ რამეზე გავჩერდები. ყველას მოსწონს და ყველა
ვამაყობთ, რომ ეს ჩვენი ქვეყანა არის ძველი, ტფილისი არის უუძველესი, ქა-
ლარა ქალაქი, მაგრამ დარჩება ეს ასეთი თუ არა? არა ვეღარ დარჩება. აბა
მიმოიხედეთ. ეს დახვესებული უბნები, ვიწრო, დაკლაკნილი, ქუჩებიანი ქუჩები
განა შეიძლება ასე დარჩეს? ამას წინათ ამოვიარე და ვნახე ჩემი თვალით. შეი-

ძლება ჩვენ ვთქვათ, რომ ეს ერთ დროს კარგი იყო, აქ ერთ დროს ჩვენ ვიმა-
 ლებოდით და ვერაინ გვნახულობდა, მაგრამ ხალხი მატულობს, ქალაქი იზრ-
 დება და ანიტომ ეხლა აღარ შეიძლება ამის ასე დატოვება. მინდობს ჰიდრო-
 ელექტრონული სადგური, რომ კეთდება ავჭალაში, ის მოგვცემს ჩვენ ენერჯიას
 ისეთს, რომელიც გამაცოცხლებელ ძალათ დაუვლის ჩვენ ქალარა ტფილისს და
 გამაცოცხლებს, მთლათ გამოსცვლის მას. და მე ვერ წარმომიდგენია მხატვა-
 რი, პოეტი, რომელსაც ეს არ მისცემს მასალას. მე ეს დავწერე ამას წინათ
 და პარიზში მენშევიკებს დაუწერიათ ჩემზე, რომ ტმუტარაკანის პუბლიცისტი
 არიო. აი აქ ამ ყრილობაზე ესწრება ერთი უმცხოვანესი მწერალი და ყველაზე
 უფრო მცოდნე პიროვნება, პატივცემული ნიკო ნიკოლაძე და მას შეუძლიან
 სთქვას, — შეგვიძლია თუ არა ჩვენ ვიამაყოთ ავჭალის ელსადგურით და თუ რა
 მნიშვნელობა აქვს მას. ჩვენ ქალარა ტფილისს ეს აშკარად გამაცოცხლებს.
 საქართველოში ჩვენ გვაქვს დაახლოებით სამ ნახევარი მილიონი ცხენის ძალა —
 ჩვენ ხდინარეებში. შეიძლება ჩვენ ამ მოკლე ხანში გამოვიყენოთ 30 — 50.000
 ცხენის ძალა. ეს სრულიად გარდაქმნის საქართველოს. ჩვენ მივექანებით სო-
 ციალიზმისაკენ. ჩვენ გვაქვს დასახული ეს მიზანი. შეიძლება ვისმე ეს ოცნებათ
 მიაჩნდეს, შეიძლება ვისმეს ეს უტოპია ეგონოს. მაგრამ ამას ჩვენ არ ვეხებით,
 ჩვენ ვამბობთ, რომ მალეა გზაზე არის მწვერვალი, სადაც არავითარი გზა არ
 არის, მაგრამ აუცილებლათ ეს გზა უნდა გავწაილოთ. ეს მწვერვალია სოცია-
 ლიზმი. სხვა გზა არ არის. სოციალიზმის გარდა ხალხის გასაბედნიერებლად,
 მშრომელი ხალხის საკეთილდღეოდ სხვა გზა, გარეშე სოციალიზმისა, არ არის.
 ეს არის ის, რაზედაც ოცნებობდენ საუკეთესო შვილები კაცობრიობისა. ჩვენ
 გვწამს ეს სოციალიზმი, კომუნიზმი, კომუნა. სხვა გზა დღეს კაცობრიობას არა
 აქვს. ჩვენ მივექანებით იქით მთელი ჩვენი აღმშენებლობით. ჩვენ იქით მივა-
 ქანებთ ამ ხალხს და მე დარწმუნებული ვარ, რომ საქართველოს მწერლობა,
 რომელიც ოცნებობს და ფიქრობს, გრძნობს, რომ მოვალეა იმუშაოს ხალხის
 კეთილდღეობისათვის, ხალხის ბედნიერებისათვის იმ ხალხთან ერთად, რომე-
 ლიც სიძნელით მიდის ამ მწვერვალისაკენ ჩვენ დარწმუნებული ვართ, რომ
 ქართველი მწერლები ჩვენ მოგვიდგებიან გვერდში ხალხის საკეთილდღეოდ,
 ხალხის ბედნიერებისაკენ (ტაში).

ამხ. მახარაძის ბოლო სიტყვა.

ამხანაგებო, რასაკვირველია, ჩემთვის ძალიან ძნელია თავი მოუყარო
 ყველა იმას, რაც აქ იყო თქმული. მე ნოხარული ვიქნებოდი, რომ
 კიდევ გაგრძელებულიყო ეს კამათი, ეს დისკუსია, მაგრამ, სამწუხაროდ, ეს
 მოუხერხებელი არის ბევრი მიზეზების გამო, თქვენთვისაც და კერძოთ ჩემთვის-
 საც. მე ძალას ვატან ჩემ თავს, რომ რამე ნაირათ თქვენთან ერთად, ამ მუ-
 შაობაში, მივიღო მონაწილეობა. ძალას ვატან არა იმიტომ, რომ არ ნინდო-
 დეს, არ ვიყო ამის მოსურვე, არამედ იმისთვის, რომ გარემოება ხელს არ
 მიწუობს. არ მქონდა დრო, რომ მომეთქიქრებია, ჯამი გამომეტანა აქ ნალაპა-
 რაკების. მაშ, მე მიფყვები რიგ-რიგობით და შემდეგ საერთო დასკვნას გავა-

კეთებ. რიგ-რიგობით შევეხები ყველა ორატორს, რომელთაც წარმოასტკვეს სა-
ყურადღებო აზრები და შემოიტანეს წინადადებანი. მე მათ შეძლებისადაგვარად
ანგარიშს გაუწევ.

უნდა მოგახსენოთ გულწრფელათ, მე მგონია, დამიჯერებთ, რომ ჩემთვის
პირადად მეტად აღნაფრთოვანებელი იყო მხცოვანი მწერლის, ჩემი ყოფილი
მასწავლებლის ამხ. ვასილ ბარნოვის მოკლე, მაგრამ წარმტაცი სიტყვა. ეს მარ-
თლაც პოეტური სიტყვაა, მშვენიერი ქართული, რომელსაც ეხლა იწვიათად გაი-
გონებთ. ამხ. ბარნოვმა აღნიშნა ერთი საყურადღებო გარემოება, ჩვენ არასო-
დეს ამას გვერდს ვერ აუვლით: ჩვენ—მწერლები—სავსებით ვიღებთ რე-
ვოლიუციას, მაგრამ არის ერთი სიძნელე—ეს ის, რომ ჩვენში, მწერლებში
ჯერჯერობითი დუღილი ხდება, რომ თვითონ მწერლებს ჯერ არა აქვთ გადა-
მუშავებული თავის გრძობაში, თავის არსებობაში, რაც მოხდაო, ამხანაგებო
მე ამაზე ვუპასუხებ ასე: არის ერთი ქართული ანდაზა „თუ გული-გულობს,
ქადა ორივე ხელით იკმებაო“. ეხლა გადავალ სხვა ორატორებზე: პირვე-
ლად მე შევეხები ელენტს. მართალია ამხ. ბახტაძემ მომასწრო და სთქვა ბევრი
რამ, რაც მე მინდოდა მეთქვა; მე კი უნდა მოგახსენოთ, რომ რამდენადაც კი შე-
ძლება მქონდა ფუტურისტების ნაწერებს ვეცნობოდი, მაგრამ პირადად ფუ-
ტურისტების გაცნობის შემთხვევა მე არ მქონია აქამდე; დაწერილი კი
მინახავს რუსულიც და ჩვენი ქართველი ფუტურისტების. უნდა მოგახ-
სენოთ, რომ ერთი შენაძენთაგანი ჩემთვის ამ ყრილობაზე არის ის, რომ
აქ მე პირველად ვიხილე ჩემი თვალებით ეს ხალხი და დავრწმუნდი, რომ ისი-
ნი, არც ისე საშიშარი და გაუგებარი ყოფილან. (ტაში. სიცილი.) გარწმუ-
ნებთ, არავის შეურაცხყოფა მე არ მსურს, მით უმეტეს, რომ ამის უბრალო
საბაბიც კი ჩემთვის არავის მოუცია. როცა ამხ. ელენტი გამოვიდა ტრიბუნაზე
სალაპარაკოდ, მე სმენად გადავიქეცი (სიცილი): მე სასაცილოდ არ მოგახსე-
ნებთ; მართალი უნდა მოგახსენოთ, მე სულ სხვა შთაბეჭდილება მივიღე. (სიცი-
ლი დარბაზში) ნუ იცინით, ნურც საწყენათ მიიღებს ვინმე. ჩვენ სრულებით არ
გედავებით წერის გარეგან ფორმაზე—ეს თქვენი საქმეა. როგორც გსურთ, ისე
სწერეთ, მაგრამ უნდა პირდაპირ შეგეკითხოთ:—ვისთვის სწერთ ამ წი-
გნებს? (სიცილი) ამხანაგი ელენტი ამბობს, რომ აუდიტორია არ ვარგაო.
თქვენ ამბობთ, რომ ეს აუდიტორია მთავრობამ უნდა მოამზადოსო. ამ-
ხანაგო, ჩვენ ბევრი რამ გვაქვს მოსამზადებელი, რაც აუცილებელია. ჩვენ ან-
ბანა უნდა ვასწავლოთ ხალხს, ჩვენ ელემენტარული ცოდნა უნდა მივსცეთ ხალხს,
რომ არ ჩაიფლას უცოდინარობაში და მის მსხვერპლთ არ გახდეს; უნდა მივ-
ცეთ დახმარება საექიმო, უნდა მივცეთ აგრონომიული სწავლა-განათლება. ჩვენ
ამის შეძლებაც არა გვაქვს. და თქვენი გაუგებარი ფორმულები ვის ესაჭიროება
ასეთ დროს? ეს მე ვერ გამიგია. ამნაირი ბრძოლით თქვენ ფონს ვერ გახვალთ.
ამხანაგი ელენტი ამბობს, რომ აქ უნდა იყოს დისკუსია ლიტერატურული და
არა პოლიტიკურიო. მე ვამბობ, რომ ეს ყრილობა არის, სწორედ უაღრესი პო-
ლიტიკური მნიშვნელობის საქმე. ლიტერატურული საკითხები თქვენ შეგიძ-
ლიათ გაარკვიოთ ლიტერატურის საშუალებით. მაგრამ ამისთვის საჭიროა სწე-

როთ ისე, როგორც დღეს აქ ლაპარაკობდით. მე მაქვს თქვენი როლიად გამოცემა „H₂SO₄“, „ლიტერატურა“ და სხვა. (ხმა: ჩვენი გაზეთები არ გინახავთ) მინახავს, მაგრამ... (სიცილი). ბესარიონ ელენტი ამბობს, რომ მე მეთქვას, რომ თქვენ ოღონდ რევოლიუცია იცანით და შერე გინდ კისერი იტეხეთო. მან ვერ გაიგო ჩემი ნათქვამი. რევოლიუციის ცნობა რას ნიშნავს; ეს არ არის განყენებული საკითხი. მე მგონი აქ ყველა გაგებული ხალხია და გაიგებს, თუ რომელ რევოლიუციაზე ვლაპარაკობთ აქ ჩვენ. ჩვენ ვლაპარაკობთ იმ რევოლიუციაზე, რომელიც მოხდა 1917 წლის 25 ოქტომბერს და რომელსაც ჩვენ განვიცდით ხუთი წლის განმავლობაში. ეს არის სოციალისტური რევოლიუცია... ეს ყველასთვის გასაგები უნდა იყოს. რაც შეეხება ფორმის საკითხს, წერის მანერას, რომელსაც აქ აყენებენ, განსაკუთრებით ფუტურისტები, — მე ვამბობ, რომ ამას ცხოვრება გადასჭრის, ეს შეჯიბრების საქმეა. მწერალი, რომელიც დასწერს გასაგებათ, უფრო შესათვისებლად, გაიმარჯვებს. ეს იმას არ ნიშნავს, რომ მართლაც ყველამ ისე წეროს, როგორც ეხლა მე ვლაპარაკობ; არა, ამხანაგებო მხატვრობას თავისი კანონები აქვს, მაგრამ მხატვრულ ნაწარმოებში უნდა გატარდეს იდეა ხალხისთვის სასარგებლო. უიდეო ნაწარმოები არც ერთ თქვენგანს არ სწამს. ახრი უნდა იყოს, რამე იდეა უნდა იყოს, რომელიც მკითხველს უნდა მოქმედებდეს; ამ იდეამ უნდა იმოქმედოს მკითხველზე მის უნებლიეთ, შეიძლება მკითხველი ამას ვერც ამჩნევდეს. აი რა-შია საქმე. მკითხველმა თითონ უნდა გამოიყვანოს დასკვნა. ფორმის შესახებ ჩვენ რასაკვირველია ვერავითარ გადაწყვეტილებას, ვერავითარ დასკვნას ვერ გამოვიტანთ. ეს პირდაპირ სისულელე იქნებოდა. ეს საქმე ყრილობის საქმე არ არის. ჩვენ ვამბობთ, რომ ეს არის პირდაპირ ცხოვრების, შეჯიბრების საქმე და იქ ვნახოთ ვინ გაიმარჯვებს.

ერთი ძალიან ჩემთვის საინტერესო ამბავი შემატყობინა ამხ. ელენტმა და კიდევ ერთმა ამხანაგმა, მგონი ამხ. რაქდენმა: თითქოს მე პარტიული პოლიტიკა მხატვრულ ლიტერატურაში არ შესმოდეს, ან არ ვიცოდე. შეიძლება ასე იყოს, მაგრამ ამას არავითარი ფაქტი არ ამტკიცებს. ამხანაგებო, თქვენ ამბობთ, რომ შარშან ამხვარდინი კითხულობდა ლექციებს, და ეწეოდა დისკუსიას, მაგრამ ნუ თუ თქვენ გგონიათ, რომ ვარდინი გამოხატავდა პარტიის შეხედულებას, პარტიულ ხაზს. თქვენ ძალიან შემცდარი ყოფილხართ (ელენტი: მე ცეკას რევოლიუციებზე მიგითითებთ). მე აქ მაქვს ცეკას რევოლიუცია და თუ გნებავთ წაგიკითხავთ. მე ისეთი არაფერი მიოქვამს, რაც ამ რევოლიუციას ეწინააღმდეგებოდეს. თქვენ კარგათ იცით, ალბათ თუ როგორ მიიღო ვარდინის პოზიცია პარტიამ (ხმა: ვარდინი იბრძოდა). მართალია, იბრძოდა. რა ვუყოთ შერე, თქვენც იბრძვით, ამაში არ არის საქმე. ის, რაც მე აქ ვილაპარაკე, რაც ამხ. ბახტაძემ ილაპარაკა — აი ეს არის ჩვენი პარტიული ხაზი, ჩვენი პარტიის პოლიტიკა მხატვრულ ლიტერატურაში. ნურას უკაცრავათ, თუ ზოგიერთებს ეს არ მოსწონთ. ვარდინს ეს არ მოსწონს. ძალიან ვწუხვართ, რომ თავის დროზე ამას არ მივაქციეთ ყურადღება და პროლეტარულ მწერლობის ასოციაცია ცოტა შეკდომაში იქნა შესული და ფუტურისტებიც. — ჩვენ გვინდა შევქმნათ ახალი ლიტერატურა —

ამბობს ამხ. ელენტი, — ახალი ფსიხიკა, კულტურაში ტრანსფორმაცია უნდა მოახდინოთ. ძალიან კარგი. მაგრამ როგორ, რა გზით. აქ მე შევეხები კიდევ ამ საკითხს; რას ნიშნავს პროლეტარული კულტურა, პროლეტარული მწერლობა! საქმე ის არის, როგორ ესმით ეს პროლეტარული კულტურა. თუ ესმით ეს ისე, რომ ჩვენ ძველი, რაც იყო აქამდე არ ვსცნოთ, სრულებით გადავადგოთ, ახალი კულტურა დავაარსოთ — ამხანაგებო, ეს შემცდარი აზრი არის. ჩვენი პარტია ასეთ შეხედულებას არ იზიარებს. თქვენ ხშირათ ამბობთ: — ლენინი, ლენინო. კიდევ ერთხელ წავიკითხავთ მის სიტყვებს, რათა ყოველივე გაუგებრობას აქ ბოლო მოეღოს. აი რას ამბობს ლენინი: „Задача соединить победу-послеую пролетарскую революцию с буржуазной культурой, с буржуазной наукой и техникой... Нам бы для начала достаточно настоящей буржуазной культуры.. В вопросах культуры торопливость и размажистость вреднее всего. Это мпорим из наших юных литераторов и коммунистов следовало бы намотать хорошенечко на ус.“ აი როგორ დგას საკითხი.

ამხ. ელენტი მისაყვედურებს, თითქოს მე რაღაც აბსოლიუტურ, მარადიულობაზე ვლაპარაკობ ლიტერატურაში. თქვენ ვერ გაიგეთ. თქვენ არ უწევთ ანგარიშს ცხოვრებას, სინამდვილეს. ავიღოთ მაგალითად, სოფოლკე. განა შეიძლება ვსთქვათ: „მორჩა, გათავდა, ის ძველს ეკუთვნის, ჩვენ არ გვინდა“. მარადიულია ეს თუ არა? ჰომეოს ეხლაც სიამოვნებით ვკითხულობ, სამწუხაროდ დრო არა მაქვს, თორემ ეხლაც წავიკითხავდი. (გრიშაშვილი: მარქსიც კითხულობდა). მას შემდეგ ხელოვნება გაიზარდა, მაგრამ აქ არის რაღაც ისეთი, რაც ყველა ეპოქისათვის, ასე თუ ისე, საინტერესოა. ავიღოთ კიდევ დანტე, სერვანტესი, ბაირონი, როგორ გნებავთ, მარადიული არის აქ? არა, მარადიული არ არის, როგორც ეს იდეალისტებს აქვთ წარმოდგენილი, მაგრამ მიუხედავად ამისა, ეს ფაქტია — ისინი დღესაც საინტერესონი არიან. ამ ფაქტების უარყოფა არ შეიძლება. თქვენ ლაპარაკობთ — დავარღვევთ ტრადიციებსო. ვინ გიშლით ხელს, დაარღვიეთ. მაგრამ ეს არ შეიძლება ხარბადებით, ტყვიისმფრქვევლით. არა, ეს ასე არ შეიძლება. თუ თქვენ შეჰქმნით ისეთ რამეს, რომ დაგვაფიწყებთ ყველა ძველს მწერლებს, კარგი და პატიოსანი, მაგრამ სინჯეთ, ჯერ შეჰქმნით და მერე დაიკვიხნეთ.

პროლეტარული კულტურა, პროლეტარული პოეზია, პროლეტარული ხელოვნება, როგორც გუშინ მოგახსენეთ, გუშინ არ დაწყებულა, — ეს დაიწყო მაშინ, როდესაც დაიწყო მუშათა მოძრაობა, როდესაც დაიწერა ინტერნაციონალი, რომელსაც მღერით. აბა როდის არის ბს დაწერილი? (ხმა ადგილიდან: 60 წლის წინეთ).

სამოცი წლის წინეთ. აი რა დიდი წარსული აქვს, პროლეტარულ მწერლობას და ხელოვნებას, და თქვენ კი გგონიათ, რომ ყოველივე ეს მხოლოდ გუშინ დაიწყო, რომ მხოლოდ თქვენ ხართ მისი დასაწყისი.

კიდევ ერთი დებულება ფუტურისტების და აგრეთვე პროლეტარული მწერლობისა, ამხ. ზომლეთელზე არ ვაზიარებ. თქვენ ამბობთ, რომ ჩვენ უკიდურესათ მე-

მარცხენე მწერლები ვართო. თქვენ გგონიათ მემარცხენეობა ყოველთვის კარგია. ყოველთვის კი არ ვარგა ეს მემარცხენეობა, თქვენ არ წავიკითხავთ ლენინის წიგნი „მემარცხენეობის საბავშვო სენი“. რანაირი მემარცხენეობაა? თქვენი მემარცხენეობა? ჩვენ დღეს გვესაჭიროება დადებითი ნუშაობა, და თქვენ თუ ყოველისფერში მემარცხენეობა გამოიჩინეთ, ალბათ კომუნისტური პარტიის წინააღმდეგაც უნდა წახვიდეთ, რადგანაც კომუნისტურ პარტიას უჭირავს ხელში მართვა გამგეობა დღეს. და თუ თქვენ მათზე მემარცხენე ხართ, მაშინ თქვენ იმას უნდა ებრძოდით. არის გარემოება, მართლაც როდესაც მემარცხენეობა კარგია; წაბრძანდით ევროპაში აი იქ შეიძლება გამოდგეს თქვენი მემარცხენეობა. (ხმა. რუსეთში) რუსეთში, ეს გარემოება არ არის სრულიად მისაღები. და ეს მემარცხენეობა საეჭვოა ძალიან. ჩვენ არ გხუთავთ, თქვენ გამოეცით თქვენი ნაწარმოები (რუსეთშიაც ხომ სწერენ). დიახ სწერენ, მაგრამ თქვენ აქ ჰეგემონია გინდათ ჩამოართვათ პროლეტარიატს და თქვენ გსურთ მიითვისოთ. (ხმები: არა, არა, სრულიადაც არა) დიახ ასე არ ამბობთ, მაგრამ ასე გამოდის.

გადავდივარ მეორე ორატორზე—ამხ. კოტეტიშვილზე. რომელიც აქ გამოვიდა ორჯერ სრულიად საქართველოს მწერალთა კავშირის სახელით. როგორც ამხ. ბარნოვიც. უნდა მოგახსენოთ, რომ მე სრულიათ ეჭვი არ მეპარება არც ერთ მოლაპარაკე ამხანაგის სიტყვებში. ასე თუ ისე, მეტ-ნაკლებობით ყველა გულწრფელნი იყვნენ, ზოგი მეტათ და ზოგი ნაკლებათ. მე ამასი ეჭვი არ შემაქვს. მხოლოდ რამოდენიმე დებულებაში მას ვერ ვეთანხმები. მართალია, მეც ვამბობდი გუმინ და ახლაც მოგახსენებთ, რომ მეცხრანეტე საუკუნის მწერლები მომწონს და ვკითხულობ, მაგრამ თქმა იმისა, რომ ჩვენი მწერლები მუდამ რადიკალები იყვნენო არ არის სწორი. აქ ითქვა, რომ მართალია, ისინი თავადები იყვნენ, მაგრამ სწერდენ მუშა ბოქულადზე, სწერდენ ბორკილების დამტვრევაზე, პარიზის კონუნაზე და სხვა, მაგრამ ყველაფერი ეს ასე არ იყო. ეს იყო მართალია, მაგრამ იგივე ავტორები ვერ იცავდენ ბოლომდის ლოლიკას. იმათი ნაწერები თუმცა კარგი იყო, მაგრამ სინამდვილეში ეს არ იყო ასე, მაგ. ილია ჭავჭავაძის პრაქტიკული მოპყრობა გლეხებთან, — სამწუხაროა ანაზე ლაპარაკი, მაგრამ ამას ადგილი ჰქონდა 1905 წელს. როდესაც გლეხკაცობა აზვირთებული იყო, ილია ჭავჭავაძეც ისე იქცეოდა, როგორც უბრალო შემამულე, ასეთივე იყო აკაკიც. ამ ფაქტებს ვერ წაუფალთ. ეს ხალხი იყო განათლებული ხალხი. სწერდენ ზოგ შემთხვევაში საუცხოვოდ, მაგრამ პრაქტიკულ ცხოვრებაში ისინი პირდაპირ წინააღმდეგი გამოდიოდნენ იმისა, რასაც სწერდენ. ამხ. კოტეტიშვილიც და სხვებიც უსვამენ აქ ხაზს იმ გარემოებას, რომ ჩვენ ვიყავით დაჩაგრული ერი. ამას არავინ არ უარყოფს. ამგვარ მოვლენას ჰქონდა ადგილი, ჰქონდა გავლენა ჩვენს პსიხიკაზე. და ამან შეჰქმნა ნაციონალისტური სულიკვეთება ჩვენში. და მას მოჰყავს ლენინის სიტყვები, რომელიც ახასიათებდა, მაგალითად ზოგიერთ კომუნისტებს—ველიკოროსებს. მართალია ეს. მაგრამ შეიძლება, ქართველ კომუნისტებშიაც იყვეს ასეთივე მიმართულება. რა თქმა უნდა, ეს არ არის კარგი. ამის წინააღმდეგ ვიბრძვით, ამის წინააღმდეგ იბრძვიან ჩვენი უმაღლესი დაწესებულებები, როგორც პარტიული, ისე საბჭოების. თქვენ იცით ამხანა-

გებო, რომ ჩვენი პარტია იმ ერებს, ყოფილ დაჩაგრულ ერებსათვის ურველივე ხომას ღებულობს რომ ნამდვილი გათანასწორება მოხდეს. მართალია ეს ადვილი არ არის, ეს ძნელი საქმეა, იმიტომ, რომ ეს ხალხნი კულტურულად სწავლამსწავსა და სოციალურ-ზე მდგომნი არიან, ჩამორჩენილნი არიან, კულტურულად, ეკონომიურად და, რა თქმა უნდა, ადვილი არ არის ამ გათანასწორების განხორციელება. რა თქმა უნდა ჩვენ, ქართველები, არ ვეკუთვნივთ ასეთნაირად ჩამორჩენილ ხალხს. მე ერ-თმა ამხანაგმა ამ ყრილობაზე კიდევ შემნიშნა, როდესაც ვლაპარაკობდი გადა-გვარებულ ხალხთა აღორძინებაზე, — ეს ხომ არ ეკუთვნის ქართველ ერსო. არა, რა თქმა უნდა, არ ეკუთვნის. ჩვენ ძველი კულტურა გვაქვს. მაგრამ მე რას ვამ-ბობ? მე ვამბობ იმას, რომ საერთოდ ჩვენი განვითარება, ჩვენი ეროვნული განვითარება შესაძლებელია მხოლოდ საბჭოთა კავშირში, საბჭოთა რესპუბლი-კების კავშირში. რაც უნდა ნაკლი ქონდეს მას, ჯერ იდეალი ქვეყანაზე არ არსებობს, ყოველ შემთხვევაში საბჭოთა კავშირი უახლოვდება ამ იდეალს. რა თქმა უნდა, აქაც არის ბევრი რამ, რაც საჭიროებს შექველად, რომ თავი-დან იქნას აცილებული. ამ შემთხვევაში რასაკვირველია, ყველა თქვენგანს ბევ-რი რამეს გაკეთება შეუძლია. სხვათა შორის, ამხ. კოტეტიშვილი ამბობდა: „თქვენ გაინტერესებთ მსოფლიო, ჩვენ გვაინტერესებს მარტო საქართველო, საქართველი ხალხი“. ამაში თქვენ ვერაფერ ვერ გისაყვედურებთ. მაგრამ კაცია და ბუ-ნებაო, ნათქვამია. ერთი რამ უნდა მოგახსენოთ ამხ. კოტეტიშვილის ნათქვამი-დან, რომელსაც მე ვუსვამ ხაზს და ამხ. კოტეტიშვილს ვთხოვ და ყველას, ვინც მწერალთა კავშირიდან არის, თუ ისინი ასე უყურებენ საკითხს — ეს არ ივარგებს. ეს ის, რომ სულ ერთია, რომელი მთავრობა არ იყოს, ჩვენ ყველა მთავრობას დავუჭერთ მხარსო (კოტეტიშვილი: არა ბატონო, მე ეს არ მი-თქვამს). (ხმები: ეს გამსახურდიათ სთქვა). (გამსახურდია: ყველა ქართველ მთავ-რობას, ბატონო). ერთი სიტყვით, ასე იყო ნათქვამი. რაც შეეხება უმოქმედო-ბას, ამხ. კოტეტიშვილმა განოატვეყნა აქ დოკუმენ ტები, რომელიც მოწმობს, რომ ამხ. კოტეტიშვილი და მისი ამხანაგები რამდენადაც შეეძლოთ, მუშაობ-დენ საბჭოთა ხელისუფლებასთან, თუმცა არ უარჰყოფს, რომ ყოფილა ხანა, როდესაც აქ ყველაფერი კარგად არ ყოფილა. მაგრამ რაც იყო. თქვენც სთქვით და ჩვენც ვამბობთ, რომ იყო ერთგვარი ანორმალური მდგომარეობა. ეს ყრი-ლობა იმისთვის არის მოწვეული, რომ ამას ბოლო მოეღოს.

ებლა ამხ. კალაძის შესახებ. საერთოდ მან სთქვა იგივე, რაც ვთქვი მე, მხოლოდ ერთ რამეს გაუსვა ხაზი, თითქო მე პარტიულ პოლიტიკას ვერ გა-მოეხატავდე, მაგრამ როგორც მოგეხსენებათ, ეს არ შეეფერება სინამდვილეს. შემდეგ, ამხ. პეტრე ქავთარაძეზე. ამხ. ქავთარაძემ წაიკითხა აქ ამონა-წერი ერთი ქართველი მწერლის ნაწერიდან, სადაც ნათქვამია თუ რანი ვი-ყავით ჩვენ და რანი ვართ ეხლა. მე ბევრი მინახავს, ამხანაგებო, ძველი ნაშ-თები. გაოცებას ვეძლეოდი. ასეთი ნაშთებია არა მარტო საქართველოში, სხვაგანაც მინახავს, თუ გინდ ჩვენს მეზობელ სომხეთშიაც. ამას წინათ იქ ვი-ყავი და ვნახე ძველი ქალაქის ნანგრევი, უკაცრავათ სახელი არ მახსოვს, სად-ლაც მიწერია. ძველი ქალაქის ნანგრევი, რომელიც ამ რამდენიმე წლის წინათ

აღმოაჩინეს, მიწა გათხარეს (ხმა ადვილიდან: ანისი). არა, მე მოგახსენებთ შემდეგ მაგ სიტყვას. იქიდან სჩანს, რომ მართლა დიდი კულტურა ყოფილა, დიდი ძველი კულტურის ნაშთია, ლურსმური წარწერები, (მეტრეველი: ვართანოზი გახლავთ). დიახ ეგ არის. ძველათ რა ერქვა, არ ვიცი, ვხლა კი ვართანოზს ვძახიან. ამხანაგებო, ყველაფერი ეს კარგია, ჩვენშიც არის უდიდესი ნაშთები. მე მგონია ამის ჩამოთვლა საჭირო არ არის. მართალია, ყველაფერი ეს ყოფილა, მაგრამ განა შეიძლება ეს ძველი კულტურა შევადაროთ ახალ კულტურას? რაც უნდა იყოს, ეს კულტურა იყო მონობის კულტურა, ყველაფერი, რაც კეთდებოდა, კეთდებოდა მონების საშუალებით. თვით ეს კულტურა საკუთრება იყო რამოდენიმე პირის, რომლებიც კისერზე ასხდენ ხალხს. განა შეგვიძლია ჩვენ ეს კულტურა იდეალად დავისახოთ? კარგი კულტურა იყო ძველ დროში, მაგრამ ისიც ვიცით რა იყო, რას ნიშნავდა ეს კულტურა. საერთოთ ამხ. პეტრე ქავთარაძე უერთდება ჩვენს პოლიტიკას, ლებულობს მომხდარ რევოლუციას, და ჩვენთვის ესეც საკმარისია. (მიხ. ჯავახიშვილი: ქავთარაძეს სიტყვა არ დაამთავრებინეს).

გამსახურდია ისე გრძნობს თავის თავს, როგორც შევიწროვებული. ის გრძნობს, რომ მას ნაკლები გასაქანი აქვს, და თხოულობს ქართული მწერლობის ჰეგემონიას. პირდაპირ მისი პროგრამა მაქსიმუმი ნიშნავს ქართველი მწერლობის ჰეგემონიას საქართველოში. იგი ასახელებს ფაქტებს. მე უარს არ ვყოფ, შეიძლება ვიტრინებში არ არის ქართული წიგნი, „თუ არის — ისიც გადამალულია-ო“. თუ ეს ასეა, ეს დაუშვებელია, და ვინც ამაში დამნაშავეა, პასუხს მოვთხოვთ. მაგრამ რაც შეეხება იმას, რომ რუსული წიგნი ქართულს ჩრდილავსო, უნდა მოგახსენოთ, რომ რუსული წიგნი ბევრი იბეჭდება და მას ჩვენ კარებს ვერ ჩაუკეტავთ (გამსახურდია: მართალია) და ქართველ მწერლებს რომ მიეცეს მეტი ასპარეზი მოქმედებისა, ამას ჩვენ ვცდილობთ და დღევანდელი ყრილობაც, მე მგონია, ამისი დამამტკიცებელია. რომ ჩვენ სერიოზულად უყურებთ ამ საკითხს ამაში, მე მგონია, თქვენ ეჭვი არ შეგაქვთ. ნაკლი, რასაკვირველია, ბევრია, მაგრამ ნაკლს განოსწორება უნდა, და ეს თქვენზედაც არის დამოკიდებული, თქვენს საქმიანობაზე, თქვენს კავშირზე. გეტყვით გულახდილად, რომ საერთოდ კარგი აზრის არ არიან საქართველოს მწერლებზე, საქართველოს ინტელიგენციაზე, გელაპარაკებით ამას გულახდილად. ამაში წილი თქვენც გიდევთ, ეს თქვენზედაც არის დამოკიდებული.

ახლა გადავდივარ ამხ. პაოლო იაშვილზე. მისმა სიტყვამ, მე მართალი გითხრათ, სირცხვილში ჩამაგდო. აქ რამოდენიმე უყურადღებობა მართლაც არის ჩვენის მხრით. თითქმის არც ერთ პასუხისმგებელ მუშაკს დღემდის არ შემოუდგამს ფეხი ხელოვნების ამ ტაძარში. მე, მართალი მოგახსენოთ, სხვა რესპუბლიკებში მიხდებოდა ასეთ დაწესებულებებში მისვლა, როგორ ხდება ეს, თქვენც იცით. როცა დასვენების დრო გვაქვს, ჩვენ გვატარებენ და გვაჩვენებენ. უნდა მოგახსენოთ, რომ პირადად მე რამდენიმეჯერაც გავიფიქრე მოსვლა, მაგრამ სხვადასხვა მიზეზების გამო, ვერ მოვედი, და თანაც ვფიქრობდი: შეიძლება არც ესია მოგნოთ მეთქი ჩემი მისვლა. მართალია, ეს არა ნორმალური მდგომარეო-

ბაა, მაგრამ აწი მაინც დაუახლოვდებით ერთმანეთს. მეტს ანხ. პაროლს შესახებ არაფერს ვიტყვი.

ახლა ანხ. სიმონ ჩიქოვანზე. უნდა მოგახსენოთ, რომ მეტს ანხ. პაროლს შესახებ არაფერს ვიტყვი. მან სთქვა აქ, რომ რაღაც არეგ-დარევა არის ჩვენში, და მას სწადიან კავშირი და კავშირში ყოფნა. მაგრამ ეს წახალისება ჩვენს უშლის ჩვენს საერთო მუშაობას. იგი აქ მართალია. ის შეეხება მიდგომის საკითხსაც და ამბობს, რომ ახლა ლექსი სააგიტაციოდ საჭირო აღარ არის, და სხვა. მაგრამ ეს ისეთი საკითხია, რომელიც თქვენზე დამოკიდებული. ლექსის დაწერა დაკვეთით არ გამოდგება. დაკვეთა შეიძლება პუბლიცისტური წერილისა, კრიტიკისა, და ლექსის დაკვეთა კი შეუძლებელია. დაკვეთილი ლექსი, ან მოთხრობა ჯამოვა კახიონური; კახიონური კი არაფერი ვარგა, არც კომუნისტური ვარგა კახიონური.

ახლა გადავალ ანხ. ესაკიაზე. ეს არის ასოციაცია პროლეტარული მწერლებისა. (ხმა: არა, ეს „რამია“. მეორე ხმა: რანი კი არა, ხრამია). უნდა მოგახსენოთ, რომ მე თანაუგრძნობ მათ, მე სავსებით ვიწონებ იმათ ენერჯიას, რომელსაც ისინი გრძნობენ თავის ახალგაზრდა არსებაში, და რომელთაც სწამთ, სჯერათ, რომ ისინი დიდ საქმეს ჰკიდებენ ხელს და შეასრულებენ. ეს, რასაკვირველია, ახალგაზრდული აღტაცებაა, რომელსაც ყველა ჩვენგანი სიამოვნებით მიეგებება. სურვილი დიდი აქვთ. კარგია, მოსაწონია, ამას ლაპარაკი არ უნდა. მაგრამ უნდა მოგახსენოთ, რომ ჩვენ მაინც უნდა უთხრათ ახალგაზრდობას, რომელსაც სურვილი აქვს ბევრი საქმე გააკეთოს. ეს უნდა მოუწონოთ, მაგრამ ამავე დროს უნდა შევნიშნოთ: არ ვარგა, ამხანაგებო, ნამეტანი დიდი წარმოდგენა თავის თავზე, რომ ვიხომ თქვენგან იწყება ახალი რამ, და აქამდის კი თითქმის არაფერი არ ყოფილა. ისინი თავის დეკლარაციაში აცხადებენ: საბჭოთა საქართველოში ყველა მემარცხენე და რევოლუციონური ძალები მომავალში ჩვენთან იქნებიანო. ძალიან კარგი, ეს დამოკიდებულია მათი შემოქმედების კოეფიციენტზე. ჩვენ ასეთი განცხადების საწინააღმდეგო არაფერი გვაქვს, ჩვენ ხელსაც კი შეუწყობთ მათ, თუ კი მართლა ამას განახორციელებენ, მაგრამ მხოლოდ ვაფრთხილებ, რომ ნამეტანი გატაცება საშიშარია, მის ხშირად მოჰყვება დაბლა დაწევა. თავის ძალების შეტის მეტად გაზვიადება არ ვარგა. მე ახალგაზრდობას ვაფრთხილებ. თქვენ უნდა დრო გაქვთ, საუკეთესო დრო გაქვთ, რომ ისწავლოთ, ბევრი რამ შეიძინოთ (ჯავახიშვილი: „რამ“-ს სჭირია კიდევ ბევრი რამ შეიძინოს). თქვენ ბევრი გაქვთ შეთვისებული, მაგრამ ბევრი რამ კიდევ გაკლიათ. ისწავლეთ, ისარგებლეთ ბედნიერი დროით, თქვენ ცხოვრობთ ისეთ ბედნიერ დროში, რომელიც არაფის არ მოსწრებია, თქვენისთანა ახალგაზრდებს აქამდის. თქვენ ბევრი შესაძლებლობა გაქვთ. თქვენ გაქვთ ლიტერატურა. მაგრამ თქვენ ვესაჭიროებათ სწავლა, განვითარება, ცოდნის შეძენა, ტექნიკის შეძენა. თუ გინდ ავიდოთ თქვენი ლექსები, არ ვარგა ჯერ თქვენი ტექნიკა (სიცილი). გარდა ამისა, უნდა მოგახსენოთ, რომ აქ რამდენადმე ფუტურისმის გავლენაც არის. იმათ, რასაკვირველია, თქვენ არ უნდა მიბაძოთ.

ამხანაგებო, მე მგონია, რომ თითუმის შევებე ყველა ~~ამხანაგებს~~, რომელ-
თა გამოსვლას განმარტება ესაჭიროებოდა.

ეხლა მე შევეხები უკანასკნელ ორატორს, ამხ. ინგოროყვა კვის მიერ წამოყენებულ პრაქტიკულ წინადადებებს. რომ ბევრი არ გავაგრძელო, უნდა მოგახსენოთ, რომ მართლაც ჩვენი ლიტერატურა დღევანდელ დღეს დიდ განსაცდელშია იმ მხრივ, რომ უძნელდება მოზღვავებული მოთხოვნების დაკმაყოფილება. ჩვენს ლიტერატურას დღეს მთარველობს ხელისუფლება, მაგრამ ჩვენი ლიტერატურა არის სხვისი გავლენის ქვეშ, რუსული ლიტერატურის გავლენის ქვეშ. ეს, რსასკვირველია, თავისთავად, არსებითად კარგი მოვლენაა. ამის წინააღმდეგი არ ვართ, მაგრამ ხშირად ეს გავლენა ამხინჯებს ქართულ ენას, ეს რუსიციზმი ხშირად გაუგებარია და ამხინჯებს ქართულ ენას. გარდა ამისა, შემოაქვთ გაუგებარი ტერმინალოგია. არ ვიცი თქვენ როგორ ფიქრობთ, მაგრამ ასეთი ტერმინი, როგორც ბეთალმანი, მე მგონია არ არის მისაღები. (მაშენდ აბაშიძე: ეს არაბული გახლავთ). თუ გნებავთ, ოსმალურიც იყოს, მხოლოდ გაუგებარი კი არის. (ხმა აღვილიდან: მთელი კახეთი ასე ლაპარაკობს). შეიძლება, მაგრამ არის ტერმინები, რომელიც ძალიან უხერხულია და ამხინჯებს ქართულ ენას, იმ მშვენიერ ენას, რომელზედაც აქ ჩვენი მსოფიანი მწერალი ბარნოვი გელაპარაკებოდათ. რაიმე ხომები უნდა მივიღოთ ამის წინააღმდეგ. ამხ. ინგოროყვა აყენებს საკითხს ქართული სიტყვიერების ინსიტუტის შექმნის შესახებ. მე ორივე ხელით ნივეგებები ამას. ნივეგებები აგრეთვე აცადემიური ლექსიკონის გამოცემას. ესეც დიდი საქმეა, რასაკვირველია. ეს ქართული სიტყვიერების ჩამოყალიბება, ხეპირსიტყვაობის შეკრება. ეს ყველა უკამათოდ მისაღებია. ამხ. ინგოროყვას შენიშვნა იმაზე, რომ პატარა ერების ნაციონალიზმი დასაძრახი არ არისო, შეიძლება მართალი იყოს, მაგრამ როგორი ნაციონალიზმი? საქმე ტაქტიკაშია. რა თქმა უნდა, ქართველს ქართველი ხალხი უყვარს, მაგრამ რანაირად გაატარებ ამის ცხოვრებაში, აი საქმე რაშია. საუბედუროდ, ჩვენ საქართველო მივიღეთ აკრელებული. მაგრამ რას იზამ? ჩვენი ისტორიის შედეგია ეს. ეს ართულებს ჩვენს საქმიანობას, მაგრამ რა გაეწყობა? მე დანაშაულად არ ვთვლი, რომ საქართველოში ინტელიგენტს ეს თვისება ჰქონდეს. მაგრამ ამ სულის კვეთებამ არ უნდა მიიღოს ისეთი ფორმა რომ ჩვენ შევკარცხვინოს ყველა ხალხების წინაშე, ჩვენხედ ისედაც ცუდი წარმოდგენის არიან, ამხ იპენ, ვითომ ჩვენ შაკინის ტები ვიყოთ. ორიოდე სიტყვას მოგახსენებთ საზოგადოთ მწერლობის შესახებ. აშკარად უნდა გითხრათ: აო შეგვიძლიან, რომ ჩვენი მწერლობა ხელისუფლების გარეშე იდკეს. კარგად იცით, რომ მწერლობა ყოველთვის, ამა თუ იმ მთავრობის იარაღს წარმოადგენდა ხალხის წინააღმდეგ. ცდილობდნენ ხალხს არ გაეგო სიძართლე, ქეშმარიტება. მას ჰკვებამდენ იმიო, რაც ერთ მუქა გაბატონებულს აინტერესებდა. უკარნახებდნენ თავის სურვილებს. აქ ვეტყვით ერთ კურიოზულ ამბავს: გაზეთებში წაიკითხავდით, რომ მისისიპის შტატში, ე. ი. ამერიკის შეერთებულ შტატებში, გამოუციათ კანონი, რომ შკოლებში დარჯინის თეორიის სწავლა აკრძალონ, ე. ი. აკრძალულია ის, რაზედაც ემყარება მთელი მუცნიერება. მაგრამ თქვენ გგონიათ, რომ ამ მი-

სისიპის შტატს დიდად აინტერესებს დარვინის თეორია? სულაც არა! მას აინტერესებს ე. ი. აშინებს მხოლოდ მარქსიზმი. თუ დარვინს აკრძალავენ, მარქსს ხომ სულ არ გააჭაჭანებენ. საბჭოთა ხელისუფლებამ დაინტერესებულია იმაში, რომ ხალხმა გაიგოს მთელი ჭეშმარიტება, — როგორც დარვინის, ისე მარქსის თეორია. ამიტომ ვაქცევთ ჩვენ ყურადღებას ლიტერატურას და დაინტერესებულნი ვართ იმაში, რომ ხალხს მივაწოდოთ საღი ცოდნა, რომ მას გონება განუვითაროთ და გავანთავისუფლოთ ცრუმორწმუნეობიდან. რა თქმა უნდა, ყველა ამაში ლიტერატურა უდიდესი იარაღია სახელმწიფოს ხელში, და ეს იარაღი მან უნდა გამოიყენოს. აი ამხანახებო, ყოველივე რაც მე აქ მინდოდა მეთქვა. მე კმაყოფილი ვარ, რომ ამ ყრილობაზე თავი მოიყარა ყველა ქართველმა მწერლებმა, ყველა მისმა მიმდინარეობამ. შეიძლება, ჭეშმარიტება საგსებით, არც ერთ მის მიმდინარეობაში არ იყოს, მაგრამ ამ ჭეშმარიტების ნაპერწკლები ალბად გაფანტულია ყველა მიმდინარეობაში. ამიტომ ნუ იქნება ქართველ მწერალთა კავშირი კარჩაკეტილი. დაუშვათ კავშირის ფარგლებში, თავის წრეებში ყველა მიმდინარეობანი.

შესაძლოა, რომ ამ ყრილობას ორნაირი შედეგი მოჰყვეს: ერთი ის, რომ მართლაც ამ ერთ ფარგალში შევსძლებთ ერთი-მეორის გატანას, და ამავე დროს ვისარგებლოთ იმით, რაც მეორეს აქვს და პირველს აკლია. და საერთო ძალით ვემსახუროთ საქმის წინსვლას. შეიძლება მეორე შედეგიც, — რომ ყრილობამ ვერ მოახდინოს ეს შეკავშირება და კიდევ უფრო მეტად დააშოროს სხვადასხვა ლიტერატურული მიმდინარეობანი, უფრო მეტად იქნეს კონკლაობა და ერთი-მეორის უთანხმოება კიდევ გაძლიერდეს. მე მსურს ოპტიმისტი ვიყო, ყრილობაც საერთოდ ისეთ შთაბეჭდილებას ახდენს, რომ მას პირველი შედეგი მოჰყვება, — ე. ი. ერთ დიდ კავშირში მოიყრის თავს ყველა ქართველი მწერალი, ყველა მიმდინარეობის წარმომადგენელი. რა თქმა უნდა, ეს იმას არ ნიშნავს, ვითომ აქ ისინი გაითქვეფებიან ან და მათ არ ექნებათ სექციები, — რაც გნებავთ, ის დაარქვით. ამის მოწყობა შეიძლება, მაგრამ საერთო საქმე, ქართული მწერლობის საქმე, რომელიც ყველა აქ მყოფს სწამს, აუცილებლად მოითხოვს, რომ ყრილობამ გამოიტანოს ისეთი დადგენილება, რომ ყველა მიმდინარეობანი შედიოდნენ ერთს სრულიად საქართველოს მწერალთა კავშირში, და აქ პოულობდნენ საზრდოს, აქ აშუქებდნენ ყველა იმ საკითხებს, რომელიც ექნება ქართულ მწერლობას, და საერთო ძალით ხელს შეუწყობენ ლიტერატურის განვითარებას, წინ წაწევას მშრომელ ხალხის საკეთილდღეოდ. მე დარწმუნებული ვარ, რომ ჩვენი ყრილობა მართლაც იქნება ისტორიული მნიშვნელობის, და გაუსვამ ხაზს, რომ ძველ მდგომარეობას, ე. ი. იმ დაქსაქსვას იმ მდგომარეობას, რომელიც იყო აქამდე, — გაუგებრობას, რომელიც იყო მთავრობის, ე. ი. საბჭოთა ხელისუფლების და ქართველ მწერლობის შორის, იმ უნდობლობას, რომელიც იყო ერთი და მეორე მხრითაც, ადგილი აღარ ექნება. და ქართველი მწერლობა ხელი-ხელ ჩაკიდებული საბჭოთა ხელისუფლებასთან, და პარტიასთან, შეასრულებს იმ დიდ ისტორიულ საქმეს, რომელიც ყველას დაკისრებული გვაქვს. (ხანგრძლივი ტაში).



ქართული
წიგნიწიგნი

ლიტერატურის ქრონიკა.

■ დია ჩიანელის ახალი რომანი. ქუთაისში იბეჭდება და მოკლე ხანში გამოვა ცალკე წიგნათ დია ჩიანელის ახალი რომანი: „გიონ დარანა“.

■ ქუთაისში დაარსდა უახლეს მწერლების კორპორაცია. კორპორაციას აქვს თავისი საკუთარი ორგანო „უშბა“, რომლის ორი ნომერი უკვე გამოვიდა.

■ ბათომში გამოვიდა ყოველთვიური სანხატვრო სალიტერატურო ჟურნალი „აჭარისტანი“ № 2. ჟურნალში მოთავსებულია ლექსები და წერილები: ს. ესენინის, გრ. გორგაძის, ს. წყველის და სხვ.

■ დაიბეჭდა და გამოვიდა გასასყიდ-ღათ, საქართველოს სახელგამის მიერ გამოცემული, მიხ. ჯავახიშვილის „ნოთ-

ხრობების კრებული, რომელშიაც მოთავსებულია: „პატარა დედაკაცი“, „ყბაჩამ დაიგვიანა“, „მართალი აბდულაჰ“, და „ოქროს კბილი“. იბეჭდება და მალე გამოვა ამავე ავტორის მეორე წიგნიც, სადაც მოთავსებული იქნება სამი ნოთხრობა: „ორი განაჩენი“ „ლამბალო და ყაშა“ და „მუსუსი“.

■ სახელმწიფო გამომცემლობა ბეჭდავს და ახლო ხანში გამოვა შემდეგი ავტორების წიგნები: გრ. რობაქიძე: „მალშტრემ“, „ლიონდა“, „ლამარა“—ერთ ტომად. ბაქუა კუპრაშვილი: „ამბაკო სამანიშვილი“ (მოთხრობა) და უიტნანის „რჩეული პოემები“—თარგმ. კონსტ. გამსახურდიასი.; ბ. ბიბინე-შვილი: „ბე-ოთხედი საუკუნის მანძილზე“ (მოგონებანი).

სარედაქციო კალეგია:

3. ბახტაძე.

8. ქახიანი.



შინაარსი



მხატვრული ლიტერატურა.

საქართველო.

	გვერ.
1. კარლო კალაძე—ნახტომი გულიდან.	7
2. რაჭდენ გვეტაძე—წვიშიან დღეს	9
3. ალიო მაშაშვილი—ნტკვარისტანი	11
4. კონ. ლორთქიფანიძე—შეხვედრა.	13
5. ალ. ქუთათელი—ქუთაისი.	15
6. ნიკოლოზ მიწიშვილი—გარდაცვალება	17
7. გრიგოლ რობაქიძე—გველის პერანგი (გაგრძელება)	31
8. ვ. შალაქიაშვილი—სამნი (გაგრძელება)	73

დასავლეთი

9. უპტონ სინკლერი—მეფე ნახშირი (გაგრძელება) თარ. ვ. ჭი- კინაძისა	99
---	----

კრიტიკა, მხატვრობა და მემუარები.

10. ფ. მახარაძე—საქართველო მეცხრამეტე საუკუნეში	149
11. ა. ქელიძე—წერილები სპარსეთიდან	177
12. ა. ჭყონია—კრიტიკული შენიშვნები ნ. ბარათაშვილის პოეზიაზე	197
13. ფ. მახარაძე—მიმდინარე მომენტი და ქართული მწერლობის ამო- ცანები (სიტ. წარმოთ. ქართ. მწერალთა კავშირის ყრილობაზე)	229

ბიბლიოგრაფია და ძრონიკა

14. ლიტერატურის ქრონიკა	25
-----------------------------------	----

ფასი ორი მანეთი

ჩ.ფ 6/12

